

თინა  
ლონგუვილი

---

# გონჯურა



რომანი



თბილისი  
„მედი“ 1988



## ნ ა წ ო ლ ო   პ ო რ ვ ე ლ ო

კარი მორიდებული ჭრივით გაიღო. ალიოზის სუსხი მოლილი-სფრო ტალღებად მიეძალა ოთახიდან ფეხაკრეფით გამოსულ კაცს. კაცმა ღრმად ჩაისუნთქა ვრილი ჰაერი და შავი სატინის ხალათი სალტესავით შემოეკრა მის განიერ გულ-მკერდს. თავი თალიანი აივნის სვეტს მიანდო და ვიწრო, ღრმადჩამჯდარი თვალები დასა-ლიერეს მიაპყრო. იქ ჯერ ისევ ღამე იყო, მაგრამ ის ხედავდა ერთმა-ნეთზე მიჯრით მილაგებული მთების ქარვას, უფრო ბნელშიც დაი-ნახავდა, ძალიან ნაცნობი იყო ეს ქარვა.

მთების გამოღმა ხელისგულივით გაშლილ, თვალუწვდენელ ვე-ლზე ალავერდი ილანდებოდა, და მისი სითეთრით შემკრთალი ბინ-დი უღიმვამოდ ეურჩებოდა გათენებას, ფერწასული ედებოდა ვე-ლისპირა ღობე-ყორეს, სახლებს, ხეებს, ბურჩქებს.

სადღაც მჭახედ იყვილა მამალმა. ხმადაუმდგარი მამლაყინწები ძილ-ღვიძილში გაეხმიანენ გათენების სულწასულ მაცნეს და ისევ წასთვლიმეს.

სადღაც ძალღმა წამოიყეფა, მაგრამ ბურანს თავი ვერ გაართვა და უწყინარი, ღრნით ჩაყუნდა.

ალვის ხეზე ყვავმა წამოიჩსავლა, მასაც ეადრევა და ისევ ჩაძ-ვრა თავის გაწეწილ ბუდეში.

საკვამურები უსაქმურად ისხდნენ სახურავებზე — ადამიანებსაც ეძინათ ჯერ.

ჰო, ყველაფერი ისე იყო, როგორც უნდა ყოფილიყო: თვალმისა-წედომი სამყარო მშეიდობის ღამეს ითევდა და კაცმა აუჩქარებლად ჩაიარა კიბე, ტანშიშველა ვაზებშუა შავად მბზინავ ბილიკს დაადგა. ბილიკზე დავარდნილ უსიცოცხლო ფოთოლს შეასწრო თვალი, და-სწვდა და აიღო, ის ხომ ჭადრის ტოტზე უდარდელად მომრიალე უნახავს... მაგრამ ამ ფიქრს ვეღარ გააყვა, ჩურჩული მოესმა. ჩურ-ჩულს წკრიალი და კისკისიც შეერია. კაცმა ნაბიჯი ააჩქარა. არ შე-მცდარა — წყაროს გაღვიძებოდა. გასიფრიფანებულ ყინულის ნაბზა-რებში ამოხეთქილი წვრილი ნაკადები, ბროლის ციგებზე შემდგარი

ეშმაკუნებივით მისრიალებდნენ ქვევით, ქვიდან—ქვაზე, ქვიდან-ქვაზე და მოსახვევეში უჩინარდებოდნენ. წყაროს უბებში შერჩენილი თოვლის ჩამუქებულ ქუფთებზე ენძელები ციალებდნენ და კაცმა ხელში შერჩენილ ფოთოლს დახედა. ესეც ძალიან ნაცნობი იყო — სიცოცხლისა და სიკვდილის განუყრელი თანდევნა...

კაცმა ქვიშით მოიხეხა დიდრონი ძარღვიანი ხელები, პეშვით შეისხა სახეზე წყალი, სველი ხელი გადაისვა საფეთქლებთან შეთეთრებულ თმაზე, კისერზე, საკინძეშეხსნილ მკერდზე და წელში გასწორდა. შეიცადა, სანამ სიო შეუშრობდა აწითლებულ-ახორკლილ კანს და მერე ისევ განაგრძო გზა.

მალე გვერდი უქცია თემშარას, ფერდობს აპყვა — დრო დაზოგა და მანძილი დაიმოკლა. იცოდა: სხვა არავინ და არაფერი, მხოლოდ დრო იყო სიკვდილ-სიცოცხლის მომრიგებელი, და სიკვდილისთვის ენანებოდა სიცოცხლის ყოველი წამი. ფერდობის ქიმზე წამომდგარ ნამეხარ მუხას რომ მიაღწია, მაშინ შედგა და პირი იბრუნა.

გარიჟრაჟი ოქროს ხაზებით დატიხრული ფერადი მინანქრის ხატივით ეკიდა სივრცეში და თეთრი კელაპტარივით იწვოდა ალავერდი. ის უძირო და უკიდევანო, ის ხელთუქმნელი ხატი აღიარებდას მოითხოვდა, და ეს კაცი, ალბათ, წარმართი იყო, ალბათ, შორად-შორეულ წინაპრებმა დაანათლეს თავისი რელიგია, — აღქმის უნარის საწყისიდანვე ბავშვი — ბავშვურად, ჭაბუკი — ჭაბუკურად, კაცი — კაცურად, უჩინრად და უთქმელად აღიარებდა ამ რელიგიას.

და ახლა, მუხასთან უძრავად მდგომს, გულგონებით გაშუქებული თვალები სათაყვანებელ ხატისათვის მიეპყრო, და ყოფიერებას მოწყვეტილი მთელი მისი არსება მოისწრაფოდა იქით, სადაც დიად იდუმალებში იბადებოდა ახალი დღე...

## თავი პირველი

ეს დიდი ხნის წინათ იყო. სოფლის ნებამოდუნებულ, თითქოს ერთიანად დაყრუებულ-დამუნჯებულ კრებაზე ალექსანდრე რჩეულიშვილიც შავ სიაში შეიტანეს და ირმისიდან აყრა დაუდგინეს.

ოჯახი ქალაქს იხიზნებოდა.

— მე არ წამოვალ, მამი, — თქვა ცამეტიოდე წლის ბიჭმა.

ხმადაბლა თქვა, მაგრამ მისი ნათქვამი მეხივით დაატყდა მამას

და სოფელთან გაყრის ტკივილი დააეციწყა. ის არასდროს გამოტეხი-  
ლა, რომ ვერ იქნა, გულს ვერ მოერიო, ვერ აპატია ბიჭს, თავისი  
დაბადებით დედა რომ შეიწირა. ჩასახვიდანვე კი ეტრფოდა ამ პირ-  
ველას. ჯერ დაუბადებელს გულში ყოველდღე დაბადებას ულოცავ-  
და. მის სადღეგრძელოდ ყოველ დღე პირსავე ჯამს სცლიდა. მის  
სახელობაზე ხეხილს რგავდა, და როგორც თითოს, უაღერსებდა  
მათ. იმ საათს კი, ბავშვი რომ იბადებოდა, მელოვინის სასთუმალ-  
თან ატუხულმა სიკვდილმა უდიერად წამოსდო ცელი მის სიზა-  
რულს და ნანატრი შვილის შეყვარება გაუძნელა.

გლესკაცის ოჯახი უდედაკაცოდ რას ივარგებდა, და მამამ მალე  
მეორე ცოლი შეირთო. მეორე ცოლთანაც კარგი ურთიერთობა პქონ-  
და, მისთან შექმნილი ქალ-ვაჟიც თანაბრად უყვარდა, ეს პირველა  
კი მუწუკით შერჩა გულს, უკურნებელი სენივით დაურჩა.

ბიჭმა არ იცოდა, „დედა“ რა იყო, და მამის ცოლი „დედინაცუ-  
ლად“ არ მიუღია. კეთილი ქალი იყო ნინო, ქმრის პირველა შვილის  
შეყვარებას ისე ცდილობდა, რომ ბიჭს ის ძალზე ეცოდებოდა. თით-  
ქოს მის გასამხნეველად უმცროსი და-ძმის მოვლაში, საოჯახო სა-  
ქმიანობაში დაუზარებლად ახმარებდა ხელს, მაგრამ ნინოც და მისი  
შვილებიც სადღაცა შორს, მამის ნარჩევნობიდან ამოზრდილი კედ-  
ლის მიღმა რჩებოდნენ. და იზრდებოდა ბიჭი ოჯახში — არც მთლად  
უცხო, არც მთლად თავისიანი.

ახლა, როცა ოჯახი სოფელს ეყრებოდა, როცა ირმისში რჩებოდა  
ბაღ-ვენახი, კარ-მიდამო, ხარ-კამერი, როცა უხეშად იგლიჯებოდა  
ნალოლიავებ მამულში გადგმული ფესვები, და ამ უკანასკნელ წუთს  
მამამ გაიგო, რომ აქ რჩებოდა მისი პირველაც, — მუწუკის მოულო-  
დნელად აწიწკნამ არარად მოაჩვენა ყველა სხვა ტკივილი.

— რას მიპქარავ? — შეაკვნესა წარბშეკვრით, სორხთან გაჩხირუ-  
ლი სამსალასავით მწარე ნერწყვი რომ გადაყლაპა.

— არ წავალ აქედან, — ჩუმაღ გაიმეორა ბიჭმა. თავდახრილი იდ-  
ღვა. წინ წამოწეული კოპებიანი შუბლი სახეს უჩრდილავდა. წლო-  
ვანებასთან შეუსაბამოდ ბეჭვანიერი უშნოდ მოჭრილ მორგვს ჰგავ-  
და.

სიმწრისაგან თვალდაბინდული მამა ვერ ამჩნევდა, რომ ბიჭს,  
მამის მიაღერსების მწველი სურვილის დასამორჩილებლად, თითე-  
ბით მაგრად შეებოჭა ძირს დაშვებული მკლავები.

— ვერ წამოვალ... — თქვა ისევე და ნელა ასწია თავი.

მის ვიწრო წინგოსფერ თვალეში მამა გაუტესავ ურჩობას შეს-  
ვდა. სოფლის სასტიკი განაჩენით გაყინული კაცი ამ ანაზღეულმა  
ტკივილმა გააღბო, ხმელ ლოყაზე ნამი გადმოადინა.

ბიჭს მოეჩვენა, რომ სიბრალული გულს უგლექდა, და ისევე და-  
ხარა თავი.

მამამ გამეტებით აპკრა თითი ლოყაზე დაგორებულ ცხელ კურ-  
ცხალს, თითქოს ხიდი აპყარა თავისსა და თავისგარე სამყაროსშუა,  
უცნაურად გამოცარიელებულ ცისქვეშეთს შეავლო თვალი და ბიჭს  
გულგრილად ჰკითხა:

— აქ რა ჭირმა უნდა გარჩინოს?

ბიჭმა ევ არ იცოდა და თავდახრილი უხმოდ იდგა.

— ეგდე, მე რა, კოლექტივს მოჯამაგირედ დაუდგები, — გამოს-  
ცრა მამამ კბილებში. არაფრის თქმას აღარ აპირებდა, მაგრამ ენის  
წვერს თავისთავად მოწყვეტილი სიტყვა სილასავით გაეწნა ბიჭს სა-  
ხეში:

— გონჯაურავ!

ღმერთმა უწყის, მამა-შვილის ამ მოკლე შესიტყვებას ვინ მოჰ-  
კრა ყური, ვინ გაიმეორა „გონჯაურა“. ბიჭს ეს სახელი ისე სწრა-  
ფად მიეწება, თითქოს ნათლობის ქაღალდი და შიგ ჩაწერილი „ალე-  
ქსი“ სულაც არ ყოფილაო. ბიჭმა იმ დღესვე გაიგონა, კოლექტივის  
თავმჯდომარემ დიტო ხირსელმა თქვა:

— იმ კულაკმა ალექსანდრე რჩეულიშვილმა თავისი გონჯაურა  
განზრახ დაარჩინა აქ, რა არი, ჩამორთმეულ კარ-მიღამოს უთვალ-  
თვალოსო!

ეს გაიგონა ბიჭმა და მამისეულ სახლს ხელუკულმა ქვა მიაგდო,  
მოხუც მეზვარეს, სანდრა-პაპას შეეკედლა.

სანდრა-პაპასთან ადრეც ხშირად უვლია. სხვის გულში ჩამხედი  
ვინ არი, ისიც, ჯერ პატარა ადამიანის დაუდუღებელ გულში; ვინ  
გაიგებდა, იმ ბიჭს რა იზიდავდა მეზვრის ქოხისკენ?! სანდრა-პაპა  
მართოდ ყოფნამ ლაპარაკსაც კი გადააჩვია. სტუმრად მოსულ ბიჭს  
ისე ხვდებოდა, თითქოს მას ქოხიდან ფეხიც არ მოუცვლიაო. თუ სა-  
ქმე იყო, საქმესაც ერთად მოაბამდნენ თავს და მერე ბუხართან  
უხმოდ მსხდომნი ამოკლებდნენ ზამთრის გაჭიანურებულ ღამეს.  
ზაფხულობით კი გარეთ, ქოხის კედელთან მიდგმულ მერხზე ჩამო-  
მჯდარნი, უხმოდვე უთვალთვალეზდნენ შორეული მთების ტეხილ  
ხაზზე დაბადებულ გათენებას.

არც თვითონ ბიჭმა იცოდა, სანდრა-პაპას ქოხში რა უზღავდა ნაკლულ ალერსს და სითბოს, ცხრაუცხო მეზვრე რად ერჩინა სისხლით ახლობლებს, გულს რად უჩქროლებდა ბუნარში მოგიზგიზე ცეცხლით დახატული სურათები, ან იმ შორეულ მთებში დღის დაბადების სილვა. პატარა იყო, საიდან ეცოდინებოდა, რომ დედის ხორციელი მშვენიერება მისმა სულმა დაიმკვიდრა და სილამაზის სამუდამო მონად აქცია...

იმ დღეს სანდრა-პაპა ქალაქისაკენ მიმავალ, ბოხჩააკიდებულ ხალხს რომ წააწყდა, სირცხვილმა ალი დაუნთო ჩამიჩვიით მიმჭკნარ ლოყებზე. თანასოფლელებს თვალი აარიდა, გულდახურული წამოვიდა შინისკენ. „რა ჰქნეს, ეს რა ჰქნეს... რაც კაი გლეხი იყო, ისინი აპყარეს სოფლიდან.. ეს რა ჩაიღინეს, კაცოლ...“ — მიბუტბუტებდა დაბოლმილი. ბიჭი ქოხთან რომ დახვდა, არ გაუკვირდა, არც არაფერი ჰკითხა. მზებზე ნაფიცნი სურნელოვანი ნამჯა სუფთა ჭილობში ამოუკერა და ლეიბად დაუგო ტახტზე, ზედ ფერადი ნაკუწებისაგან შეკერილი საბანი დააფარა. მერე ბიჭიც აიყოლია, ჩეულებრივი საქმე ერთად ჩაათავეს და მერხზე ჩამოსხდნენ. ისხდნენ, ვიდრე რძისფერი ორთქლი შეიწოვდა გრძნებით შეკრულ თანავარსკვლაევებს, ვიდრე მიბნედილ ტატნობზე ცისკარი აკრიალდებოდა, ვიდრე ხელისგულივით გამლილ ველზე კელაპტარივით დაინთებოდა თეთრი ალავერდი, ვიდრე მზე ნაცნობი ტაატით წამოვიდოდა მეზვრის ქოხისკენ...

მალე პირველი სექტემბერი ჩამოდგა.

ბიჭმა მზის ამოსვლამდე გაიხეხა ტანი ირმისხევეში, აფშეკილ ქოჩორს თუშური ქუდი დაატკეპნა, გაპრიალებულ მესტებს ნაბდის ნაგლეჯი გადაუსვა და წიგნებით გატენილი ჩანთით ვაკურცხლა სკოლისაკენ, მერვე კლასს მიაშურა.

ქოხის ზღურბლზე გამოსულმა სანდრა-პაპამ ბიჭის გზას ჯვარი გადასახა და სიამით გააქნია თავი: „ეჰ, შე ოხერო, რა ხარ, სწავლის წყურვილო?! ე ბაღლმა მთელი ღამე ვერ მოისვენა, სიცხიანივით ბორგავდა, სკოლის კედლებს, კარ-ფანჯრებს, ტოლ-ამსანაგებს, მასწავლებლებს ემასლაათებოდა. ზოგს კეტითაც ვერ ააგდებ ლაგინიდან, ეს კი გულმა აღარ დააყენა, ამ დილაბნელზე სკოლის კარს ვინ გაუღებს, პეი-ი, როგორ გარბის!“

ნეტა ასე არ აჩქარებულყოფოდა ის ბიჭი, ეგებ იმ არგასაშეებ, იმ ეშმაკის ფეხს, იმ ენატარტარა გოგოს არ შეჰყროდა. სასხენებელიც

არ იყო ის ერთი ციდა, სულ ერთი ციდა ვოგო ხატულა, შარშან ამ ბიჭმა ხელჩაკიდებული რომ მიიყვანა პირველად სკოლაში. ან ის რაღამ აახტუნა ასე ადრე? ეგებ დიდი ხნის უნახავი მეზობლის ნახვა ენატრებოდა? ეგებ თავის რაინდთან და ქომავთან შეხვედრა ენატრებოდა? მაშ მის დანახვაზე შუბლი რაღად შეიკრა? ეგებ იფიქრა, ბიჭი მიუხედა ნატვრას და იმიტომ იღიმიეო? ვინ იცის, რა მოეჩვენა, ან რა იფიქრა სატულამ, შუბლი კი შეიკრა და ქვეყნის მშრპანებელივით ამპარტაცნად ჰკითხა:

— შენ აქ რა ვინდა? ესლაც გაიპრანტები შენი ხუთიანებით?

ბიჭს გაეცინა. ენძელას ჰგავდა ის პატარა და თეთრი, ფაქიზი გოგონა.

— რას იცინი?

ბიჭი ისევ იცინოდა. ხომ არ ეტყოდა, რომ სკოლის კართან ენძელეუბავით გაბნეულიყვნენ პატარა თეთრი კაბები, თეთრი ბაფთები, ქურციკის ტყავის პატარა თეთრი მესტები...

— რა გაცინებს-მეთქი? — გაეკაპასა ვოგო. — შენ ხო კულაკი ხარ! არ იცი, კულაკებს სკოლაში აღარ შეუშვებენო?

გოგომ პაწია ცხვირი აბზიკა, თითებით კაბის კალთა შემოიკრიფა და ბაფთების ცანცართ, კალიასავით გადაახტა ჭიშკარს. მერე ეზოში დადგა და პასუსს დაუცადა, მაგრამ პასუსი იკვიანებდა. პატარა ვოგომ გადაწყვიტა, ბიჭის უყურადღებობა საწყენიაო, და იწყინა. გაჯავრებული შემოტრიალდა.

ბიჭი აღარ იცინოდა. არც პასუსის თქმას აპირებდა.

— ჰი, ხო ჩავივარდა ენა! — გაუხარდა გოგოს და ვერ მიხვდა, უცებ რაღამ შეაშინა. ეგონა, მისმა ნათქვამმა ბიჭს მართლა ჩაუგდო ენა. ხატულა სულაც ვერ ერკვეოდა სოფელში მომხდარ ამბებში. გაგონილი ჰქონდა, ალექსის მამაც კულაკებში ჩარიცხესო. ჰო გაგონილი გაიმეორა, მერე რა? დიდებმა სადაც უნდა იქ ჩარიცხონ ერთმანეთი, ალექსიმ კი, როგორც ყოველთვის, ესლაც უნდა დაამშვიდოს ხატულა, ხელი მოკიდოს, მიეყეროს, უნდა ნახოს როგორ შეასრულა სატულამ საზაფხულო დავალება...

მაგრამ ბიჭი გაუნძრევლად იდგა და ტურები მაგრად ჰქონდა მოკუმული. გოგოს უცებ ისიც მოეჩვენა, რომ ვიღაცამ ანთებული სანთელივით ჩააქრო ბიჭი. უარესად შეშინებულმა ცრემლები ველარ შეიკავა, და რადგან ბიჭი ისევ განუმებებული, თვალეზამქარალი, გაუნძრევლად იდგა, ანჩხლად მიაძახა:



— უუ, მუნჯო! გონჯა! გონჯაურა!..  
მიაძახა და გაიქცა.

კარგად შებინდებული იყო, ბიჭი შინ რომ დაბრუნდა.

„დაილოცოს სწავლა-განათლების მაღლი და ძალი! ბიჭი ერთ დღეში ჭაბუკად აქცია. კიდევ ისწავლის და ერთ დღესაც ჭაბუკი ეგრე ერთბაშად დავაყვაცდება!“ — ისევ სიამით გაივლო გულში სანდრა-პაპამ და უწვეულოდ აფუსფუსდა. მერსზე ჩამომჯდარ ბიჭს ჯაშით ცივ-ცივი ლელვი მიუდგა და შინ შევიდა, გაკვეთილების მოსამზადებლად მავიდა მოუცალა, ლამაზ ნავთით აავსო, მესტები დაუკრიალა, დილაზე სკოლაში წასაღებად პური და ყველი შეუხვია და ლამენათევი, სიხარულით დაღლილი, ადრიაანად მიწვა დასაძინებლად.

დილით კი, საუზმეც სელუხლებელი ნახა, მესტებიც თაროზე ელაგა, წიგნების ჩანთაც კედელზე ეკიდა. კული ვადაუქანდა მოხუცს. აქეთ ეცა, იქით ეცა, ეძახა და ეძება. ბოლოს შორეულ ზვარში მიაგნო, სადაც კვირა-დღისთვის კქონდათ დაპარვა ნავარაუდევით.

ბიჭი საქმეს ისე შებოძა, როგორც ადამებულ ირმისსქვებში გადავარდნილი კაცი შეებმის ზვირთებს. შუბლიდან წურწურით ოფლი სდიოდა, ნარმის პერანგი ბეჭებზე დაჰკვროდა. ბარის თითო დარტყმაზე სამი პელტისოდენა მიწას აწვენდა გულალმა. მისი ყურადღება ისე დაეყრო იმ ამობრუნებულ მსუყე შავმიწას, რომ მეზვრის მოსვლა არ გაუვია, ვიდრე მისი ჩრდილი ბარის ტარს არ დაეცა. მაშინ კი წელში გასწორდა; სელით მოიწურა შუბლიდან ოფლი და თვალებით შესცინა, გააჩნევა დაძმარებული მოხუცი, პირი კი თითქოს ამოუქოლესო, და სანდრა-პაპასაც კითხვა ენაზე შეაცივდა. მიხვდა, ბიჭს კვლავ უსამართლო სიტყვა წამოეწია...

იმ დროს სოფელში ვინ დაეძებდა, რამდენი გოგო და ბიჭი დადის სკოლაში, ან რამდენი მოწაფე გამოაკლდა კლასს. მუშასელის ქესატობა იყო და თუმცა გონჯაურა მეკომურთა სათვალავში არც ირიცხებოდა, მისი ნაადრევად მომძლავრებული მარჯვენა ღვთისწყალობა გახდა სოფლისთვის. სანდრა-პაპას წელმრავალი შრომით გაცვეთილ ძვალ-რბილსაც ეამებოდა მისი მსარი. ხანმა სხეული დაუძაბუნა, გონებას კი ჩინი და გულისყურიც გაუმასვილა, ამიტომ სანდრა-პაპამ ყველაზე ადრე დაინახა, რომ უსამართლობა ვერ ჟან-

გავდა ალექსის გულს, რომ თავისი განცდების თავშესაფარს ის შრომაში პოულობდა, ალღოს მიჰყავდა იმ თავშესაფართან, და მოხუც მეზვრეს თავად ჰქონდა გამოცდილი ამ თავშესაფარის უბადლო სანდლობა.

ის ყველაზე ახლო იყო ალექსისთან, ამიტომ ყველაზე ადრე იგრძნო კიდევ ერთი რამ, რაც თავისი დაკვირვებით მიგნებულ საიდუმლოდ მიაჩნდა: იგრძნო, რომ შრომა ალექსისათვის ჩვეულებრივი შრომა კი არა, სიმღერაა — ქართველი მევენახის სისხლში ოდითვე აჟღერებული სიმღერა, რომელსაც სიტყვაპვირი ჭაბუკი უხმოდ გამოხატავდა თავისი ძალოვანი მარჯვენით.

ზაფხულს ზამთარი სცვლიდა, ზამთარს — ზაფხული. ცხოვრება შეუპოვრად მიიკვლევდა გზას ეკლიან ბარდებში.

ალაზნისპირა სოფლები წელს იმაგრებდნენ. ტრაქტორების ხმაური გაუტკბა უნდობლად განზე გამდგარ გლეხსაც. სადღაც ჩაიძირა გუშინდელი წყენაც, უკმაყოფილებაც. თვალდათვალ იცვლიდა სახეს მინდორ-მთა-ველი, იცვლებოდნენ ადამიანები, იცვლებოდა მათი ხასიათი.

მეტი ცვლილება რა იქნებოდა, ტრიბუნაზე სანდრა-პაპა ავიდა! მისი ხმა ვილას ახსოვდა, ბუერს ეგონა, სიკვდილს მივიწყებულ მოხუცს აღარც ყურთ ესმის, აღარც ამ ქვეყნისა გაეგება რაო. სანდრა-პაპამ კი მათ თვალწინ, თავიდან მოხდილ ნაბდის ქუდთან ერთად თითქოს ორმოციოდე წელიც გასწია განზე და მიმხმარი გულმკერდიდან წამოსული მოულოდნელად ომახიანი ხმით დაიწყო:

— უწინა, სიყმედაბნელებული ბატონი მეზვრეს რომ დაიყენებდა, ის მეზვრე ყმებს იქირავებდის ხოლმე, ისინი იდგამდნენ წელებზე ფეხს, იმათა სძვრებოდათ სული ბატონისეული ზვრების მოვლაში. უწინ იყო-მეთქი ეგრე! მერე ბატონობამაც ჭირი მოგვჭამა, ბურჟუობაც გათავდა, კოლექტიობამ მოგვისწრო...

ხალსი გაინაბა. დიტო ხირსელმა ბეჭებშუა სიცივე იგრძნო: ამ გადაყრუებულს პოლიტიკას ვინ აკითხებს, ემანდ არა შეეშალოს რა, თავში ქვისსახლეელი საქმე არ გაგვიხადოსო.

სანდრა-პაპა კი თავისას განაგრძობდა:

— ბნელსა და კაცთაგან საძრახისს საყოველთაოდ ბოლო დაადგა, მარტოკა ჩვენ მივდევთ ძველ გზასა...

— აბა, რას ამბობ? — გააწყვეტინა სიტყვა ხირსელმა, — რომელ „ძველ გზას“ ახსენებ? ყველას ერთი გზა გვაქვს ნაჩვენები და ჩვენც იმ გზით მივდივართ, არც არსაით გადაგვიხვევია, არც არავის ჩამოვრჩენილვართ!

სანდრა-პაპამ დაცინვით მოჭუტა თვალები და ისევ განაგრძო:

— საით უნდა გადაუხვიოთ, ძლივ სწორ გზაზე გამოვედით?! არცა ჩამორჩენასთანა მატყვს ესლა საქმე, მოთმენა და გაგება უნდა იქონიოთ! ძალიანაც უარზე დასდგე, ჩვენო თავმჯდომარე, მაინც ვიტყვი, რო ზოგ რალაცეებს ძველ ყაიდაზე ვნარხავთ! თავდაპირველად არტელი რო შევკარით და ზვრები გავაერთიანეთ, დაგავიწყდა რა იყო? გულგრილობამ, მოუვლელობამ და ერთმანეთის წამხედვარობამ ვაზი ლამის მთლად გაგვიჩანა, ეგრე არ იყო? ესლა კარგა დაფიქრდით და მოიგონევით, როდიდან ითვლით ამ ჩვენი საკოლექტიო ვენახების სიკეთეს? თქვენ თუ ვერ გაგონდებთ, მე გეტყვი: სწორეთ იმ წლიდან, რა წლიდანაც ალექსი თავისი ნება-სურვილით დაგიდგათ მეზვრეთ. სახელათ „გონჯაურა“ რო მიაკარით, იმას აქეთია პირზე გაკერიათ, გონჯაურას მარჯვენა დალოცა ღმერთმაო, ღმერთმა დიდი დღე მისცესო, ღმერთმა მისცეს სიკეთე და ღმერთმა, ეგრე მიაჩვიეთ ყური და დღემდე ღმერთის ხარჯზე გასდისართ ფონსა! იქნება იმედი გაქვთ, შრომადღეების ანგარიშსაც ღმერთი გაუსწორებსო?

ხალსში მითქმა-მოთქმა ატყდა. თავმჯდომარეს შიშმა ვალაუარა და ახლა უხერხულობისაგან დასცხა. თავისი წინდაუხედავი სიტყვა ახსოვდა, ცუდ-უბრალოდ აწყენინა ბიჭს. იმ ძველს ახლა ეს ახალი დანაშაულიც მიემატა! თავის თავზე გაჯავრებული ხირსელი სანდრა-პაპას წამოუდგა შუბლშეკრული:

— შენ იმის ადვკატად ვინ დაგაყენა?

— სვინდის-ნამუსმა! — მოუჭრა მოჩუცი, — რაო, ეს ხილი ხო არ დავძვირებთ? მაშა, თუ გლებსკაცი თავისი ოფლით უშურველად აპოხიერებდა მიწას და სანდროს მოჯამაგირესაც მოიშველიებდის ხოლმე, იმას კულაკი დავარქვით და სოფლიდან ავყარეთ, და თუ კოლექტივისა ჰყავს მუქთი მოჯამაგირე, ეგ არაფერიო? აბა, რომელ ახალ კანონში სწერია ეგრე, მანვენე!

— რას ურევ, სანდრა-პაპავ, ხალსს ნუ გააცინებ! აბა ვინ არი მოჯამაგირე? — გულში უყოყმანოდ იღებდა მოხუცის საშართლიან საყვედურს და თან ჯავრობდა თავმჯდომარე.

— ვითომ არ იცი, ვინც არი! ეს რამდენი წელიწადია მე თითიც არ გამინძრევია, ისა მუშაობს. ის ერთი ბიჭი ათა მოჯამაგირის საქმეს ასდის. არ იცი? შენც კარგად იცი და მთელმა სოფელმაც, მაგრამ ძალათ იყრუებთ თავსა. ჩვენი გამგეობა კიდე ძალიან რო წუწურაქობს, განა დიდი ჭკუით მოსდით, რო ალექსი რჩეულიშვილი დღევანდლამდე კოლექტივში არ ჩაურიცხიათ!

— თითონ სად არი? რას გავვირბის, არ გვეკარება? — ჰკითხა ნირწამსდარმა ხირსელმა.

სანდრა-პაპა ერთხანს დადუმებული ჩასჩერებოდა რაღაც წერტილს და მერე ჩუმად დაილაპარაკა:

— დაბადებითვე ბევრი ცუდი შეხვდა, მაგრამ ძალიან უყვარხარი და ალბათ იმიტომ გერიდებათ, არ უნდა სიყვარული დაიზარალოს. იგრეც მოკვდება, ხალხის სიყვარულს და რწმენას არ გაიცულებს...

ხალხი ახმაურდა. ზოგმა რა თქვა, ზოგმა რა, ზოგი ბოლომდე ვერც მიუხვდა სანდრა-პაპას სიტყვას, მაგრამ ერთხმად კი დაადგინეს: ალექსი კოლმეურნეობის წევრად ჩაირიცხოს და რაც ერგება, პირწმინდად აუნაზღაურდესო.

ბულალტერმა სანდრა-პაპას თანდასწრებით საანგარიშო კაკლები აახმაურა, გაჩოთქა და გამოჩოთქა. ალექსის იმოდენა სარწო-საბადებელი ერგო, მთელი ქარავანი დასჭირდებოდა იმის შინ მიტანას.

— სვავებად სომ არ იქცევით შენა და შენი გონჯაურა, — უთხრა ბულალტერმა სანდრა-პაპას, — ამოდენა ნატურას რა მუცელში ჩაიყუდებთ, სჯობია ყველაფერი ფულად გაინადლოთო.

მოსუცს რჩევა ჭკუაში დაუჯდა. ბულალტერი არ დაზარდა, ახლად გაჩოთქა და გამოჩოთქა, პაპას ქვითრებზე ხელი მოაწერინა და უთხრა, დღეისწორს მოდით ფულის მისაღებათო.

გასარებულმა სანდრა-პაპამ ღვთისნიერ ბულალტერს მადლობა და მალარიჩიც გადაუხადა. ნამუსიანი, სამართლიანი და კეთილი ადამიანების სადიდებლად თითო ბოთლი ღვინო გამოსცალეს.

შექავფიანებული მოხუცი ურემს შინისკენ ისე მიარახრახებდა, რომ ცხენის ნალებიდან გამომკრთალი ნაპერწკლები ციციანათელე-ბივია მისდევდნენ მის გამხიარულებულ ფიქრებს.

„მა რა გეგონა, ბიჭო, შენ ამოდენა ხალხის სამსახურს შეეჭიდე და მე ერთ პატარა საქმეს ვერ მოვერეოდი? ან რა ძნელი საქმეა ხალხთან გულკანდობილი ლაპარაკი? მეც გული ვიოხე, იმათაც ვა-

ლი მოიგდებიანეს თავიდან. ეხლა ერთი პატარძალია გვაკლია. შენ პატრონსა და გულშემატკივარს რო დავიგულებ, მეც არხეინად დავადებები ჩემ შორ გზას. ბარეიაც არ მეჭაწნიკება ის გზა, მაგრამ იმ ტილ სიკვდილს განა მართლა დავავეიწყდი?.. შენ გიშველა ღმერთმა, ჩემო ლექსო, პირნათლად წავალ ამ ქვეყნიდან — სოფლის თავიდათავი საქმე შენისთანა კაცს ჩავაბარე. სხვისა რა მოგახსენოთ, მე რა ვიცი ეს ცხოვრება რას წაპლეკავს, რას დაარჩენს, ვის ატირებს, ვის გაახარებს, მე ერთი ეს ვიცი, რა ვიდრე ეს ორპირად ნაკერი კაცი ივლის ქვეყანაზე, ირმისის ვენახებს მუდამ სიხარული ექნებათ. ეიო, ბიჭო ლექსო, ეს თხოვნა კი შემისრულე, ისე ნუ დამმარხავ, შენმა პატარძალმა არ მიტიროს! შენი სადარი თუ იქნება, ის ჩემთვის ცრემლს არ დაიშურებს..."

ეს სიკეთე კი არ დასცალდა სანდრა-პაპას. ამბავი წამოეწია: ბულალტერმა სოფლის ქონება გაიტაცა და უგზო-უკვლოდ გაქრაო.

კინალამ გადარია მოხუცი იმ არაკაცად სათქმელი კაცის მუხანათობამ. ერთბაშად დადნა და დაილია. საიქიომღე დარჩენილი გზა ძალზე დაუმოკლდა. ორი დღე უსმელ-უჭმელი, თვალეზდახუჭული იწვა და მესამე დღეს, ალექსის მკლავებზე მისვენებულმა დალია სულღი...

ისევ კრება იყო და დიტო ხირსელმა თქვა:

— ხალსო, ადამიანის ყადრი არ ვიცით, კაცის დაფასება ვერა და ვერ ვისწავლეთ! აი, ავიღოთ რჩეულიშვილი ალექსი. იმისთანა მშრომელი, საერთო საქმის ერთგული და ვაზის მოსიყვარული, მეორე არ მეგულება. ცხოვრებული სანდრა-პაპას თქმისა არ იყოს, ეს ერთი — ათი კაცის საქმეს უსწორდება. მოდიოთ და მევენახე-ბრიგადირად დავნიშნოთ. ისიც ხალხთან უფრო ანლო იქნება და ჩვენც სოგებული დავრჩებით, ჰა, რას იტყვიო?

ისევ ახმაურდა კრება. ისევ ზოგმა რა თქვა, ზოგმა რა, ერთად კი ერთსულოვნად დაიძახეს:

— სწორე ხარ, ჩვენო თავმჯდომარეო!

დაიძახეს და ახალ ბრიგადირს მიემალნენ. ხნიერ ბრიგადირებს ჯავრიც კი მოერიათ: „ამ ასალს რას ეტმასნებიან, რა ხეირს დააყრის, ჯერ პირზე რძე არ შემორობაო!“

მაგრამ ეს ისე, გულცხელზე თქვეს, თორემ განსჯით სამართლია-

ნად სჯიდნენ: „ვენახები მართლაც ისეა მოვლილი, ავ თვალს არ ენახებო, რა გასაკვირია ყველას უნდოდეს კაი საქმის მოწილეობა? კაი საქმე, შემოსავლის გარდა, თვალსა და გულს ახარებსო!“

მერე როცა გამოჩნდა, რომ გონჯაურას ბრიგადა მარტო ვაზის მოვლაში კი არა პირველობს, რასაც მოეჭიდა, ყველგან იმარჯვა, ხნიერ ბრიგადირებს ისევ მოერიათ ჯავრი: „ეგა, ქაჯან, ჯეელია, ღონე ერჩის, დღელამ მუხლს არ ჩახრის, იმას არა ფიქრობს, რომ ჩვენთვის მაცთენი მუშაობა საძნელოაო!“

მაგრამ ესეც გულცხელზე თქვეს, განსჯით კი ისევ სწორად განსაჯეს: „ღვთის წინაშე, ივარგა ბრიგადირმა, ნამდვილად ივარგა, ყველა საქმეში წინ არი. მართალია, ჩვენთვის საძნელოა, მაგრამ ჩვენც უნდა მივყეთ, მაშ ემაგ ჯეელს ხო არ უნდა ჩამოვრჩეთო?!“

ისევ დაედევნა ზამთარ-ზაფხული ერთმანეთს.

ალაზნის ველი თვალდათვალ ფართოედებოდა, თითქოს საზღვარს ეცილებოდა კავკასიონის კალთებს. ალაზნისპირა სოფლები თამამად ქარგავდნენ ველზე ყანების, ბაღების, ვენახების თარგს. უნრდილო სიხარული ღაღად მოლიველივე ალაზანივით უნდა მოსდებოდა კახეთს... აი, როგორი სიხარულით შეხვდა დიტო ხირსელი მეზობელი კოლმეურნეობის თავმჯდომარეს ნიკო ჭელაშვილს:

— მილიონერებში ჩამდგარხართ, მომილოცნია, ძმაო!

და ვერ მიხვდა, მუხიანელების თავმჯდომარემ უგულოდ რად გადაუხადა მადლობა, რად შეეკრა მაღალი, გადატყეცილი შუბლი. ჭელაშვილმა კი ალაზნის ველის საამო თარგში თალხად ჩაგვირისტიებულ სოფლებს გახედა და მოგვიანებით დაილაპარაკა:

— ყველასთვის უნდა იყოს ეს სიკეთე, გასახარი და მისალცი მაშინ იქნებოდა. აი, იმათ ყოველწლიურად უმცირდებათ შრომადღის საფასური, ძალღუმადურად შავშავებენ...

„პოო, ეგ მართალია, ჩვენ რაიონში ზოგმა ჯერაც ვერ მითითება სული, მაგრამ ჩვენ რა გაგვეწყობა? ნათქვამია, ყველამ თავისი მიცვალებული იტიროსო“, — გაიფიქრა ხირსელმა და ნუგეშით უთხრა ნიკოს:

— მაგათზე რაიონის ხელმძღვანელებმა იტეხონ თავი, ჩვენ ჩვენი საზრუნავიც არ გვაკლია!

ნიკომ ბეჯითად შეათვალეირა მეზობელი და გულდაწყვეტით თქვა:

— მე სხვა სიტყვა მინდოდა გამეგონა შენგან. ვიცი, წრფელი გულით მილოცავ, მაგრამ გაიგე, მეც მინდა ირმისელებს მოგილოცოთ გამარჯვება.

— ოჰ, რას ამბობ, ნიკო, შენ ვინ გაგიტოლდება?!

— ხო არ გიცდია, თავს რად იჯაბნი? — უნებურად ჩაეცინა ნიკოს. მოსწონდა დიტოს სიწრფელე, ხშირად მიამიტობას რომ ესაზღვრებოდა, მაგრამ ირმისელები ენანებოდა. ხირსელის მიამიტობა საქმეშიც, ჭარბი ნდობა მეურნეობაში შემთხვევითი ადამიანებისადმი, მისი გულარხეინობა საგრძნობლად აზარალებდა გამრჯე ირმისელებს. მათ მეურნეობას შეეძლო მოწინავე გამსდარიყო, მაგრამ დიდი ხანია ერთ ადვილს სტკეპნიდა.

მეზობლებმა ცოტაც ილაპარაკეს და დაშორდნენ ერთმანეთს.

ხირსელს ირმისელების საერთო კრებაზე ენქარებოდა. იმ დღეს გადასაწყვეტ საკითხებზე უნდა ეფიქრა, მაგრამ ნიკოს ნათქვამმა ააფორიაქა. ეგებ მართლაც ღირს ამაზე დაფიქრება? ეგებ კრებაზე გაიმეოროს ნიკოს ნათქვამი? ნეტა რას იტყვიან ირმისელები? იქნება ძალიანაც გაუხარდეთ? ღირს, ნამდვილად ღირს. ვეტყვი, დაე იმათაც იფიქრონ...

მაგრამ ხირსელმა ვერაფრის თქმა ვერ მოასწრო. კრებიდან გაიხშეს. ის იყო და ის, დიტო ხირსელი სოფელში ალარავის უნახავს ვერც ვერავინ გაიგო, ის კაცი ალს მისცეს თუ ქაჯს.

ორი დღის მერე შეკრიბეს ხალხი და ის დაუმთავრებელი კრება განაგრძეს. ტრიბუნაზე ვიღაცა უცხო კაცი გამოვიდა და თქვა:

— თქვენ ყველას თვალები ჯიბეში გქონიათ, ვერა ხედავდით, რომ თქვენი თავმჯდომარე ხალხის მტერი და ქვეყნის ამომგდები ყოფილა!

გლეხებმა შეიცხადეს: ჩვენ თუ ვერა ვხედავდით, ამ უცხო კაცმა შორიდან რა ჯანაბა დაინახაო. გულში შეიცხადეს, თქმით კი ვერაფერი თქვეს და ერთმანეთსაც ვეღარ შეხედეს.

ჩამოსული კი ჰაერში გამეტებით ატრიალებდა მუშტებს და ისეთი გაალმასებით ლაპარაკობდა, რომ სულ ნაქაშურები გადმოსდიოდა. მერე თითო-ორიოლა კაცი ხელდადებით წამოაყენა და ათქმევინა:

— ქო, ჩვენ მართლაც ბრუციანები ვყოფილვართ, მაგრამ ეს ერ-

თი გვეპატიოს და სხვა ღროს აღარ დავბრუნციანდებით, ძილშიც კი ფხიზლად ვიქნებით და მტრებსაც ყველანაირ ნილაბში კარგად და-  
ვინახავთ.

ჩამოსულმა თავისი დაეალება შესრულებულად ჩასთვალა, კმა-  
ყოფილი ჩაჯდა მანქანაში და წავიდა. რაიონის ხელმძღვანელებიც  
მას გააყვენენ, კრებას კი დაუბარეს, ახალი თავმჯდომარე აირჩიეთო.

ხალხს ლაპარაკი ესიკვდილებოდა. სიჩუმე გახანგრძლივდა. თან-  
დათან უღელივით დამძიმდა. მერე ისე დამძიმდა, რომ ვილცამ ვე-  
ლარ გაუძლო, ქეროზე ხელი დაირტყა და მჭახელ იკითხა:

— ესლა ვილა გავიმეტოთ თავმჯდომარედ, ჰაა?

შესაფერისი კაცის ამოსარჩევად ხალხმა დარბაზი შეათვალიერა,  
მაგრამ მეზობელმა მეზობელს, მეგობარმა მეგობარს, წათესაჟმა ნა-  
თესავს თვალი აარიდა. ღმერთმა უშველოს, ვილცამ გონჯაურა  
ახსენა. ის დარბაზში არ აღმოჩნდა. ვილცამ თქვა, ჩამოსული კაცი  
სიტყვას რომ ამბობდა, მაშინ ადგა და წავიდაო. ჰოდა, კარგია, აქ  
რომ არ არისო — თქვეს და ბევრიც აღარ უკამათიათ, უცებვე დაად-  
გინეს: ალექსისთანა შესაფერისი მეორე არ იქნებაო. უცოლ-  
შვილო, მარტოხელა კაციაო. აფსუსია ბრიგადირობაზე რომ სცდე-  
ბათ. კოლექტივს რომ გაუძღვება, მარტო ბრიგადაში კი არა, მთელ  
მეურნეობაში მოისპობიან უქნარები და მცონარებიო. რა დასამა-  
ლია, ჯერ არ მოლუეულან ისეთები, უშრომლად რომ მკიან საამურ  
ცხოვრებასო, გონჯაურა იმათ არ აბოგინებს, ყალთაბანდებს არ გა-  
ახარებს, ჩვენ ნაოფლარს არავის დაატაცინებსო...

დაადგინეს და ოქმიც დაწერეს.

ალექსი კი ამ ღროს მხარზე თოხგადებული ირმისხვეისკენ მი-  
დიოდა.

ღამეში უხმოდ იკარგებოდა გამშრალი ხევის გაღმა ნაპირი. მხო-  
ლოდ სოფლის მომიჯნე ნაპირთან ჩაღრმავებულ კალაპოტში ყრუდ  
მოჩანჩქარებდა მდინარე და ფერდობის ძირზე მიკრული წისქვილის  
სარკეელას დაუდეგარი რაკარუკი გაჰქონდა.

იქ წამოეწივნენ ირმისელი თავკაცები. უთხრეს:

— ერთობლივ დავადგინეთ, დღეიდან ჩვენი თავმჯდომარე უნდა  
იყო!

ხალხის ნება-სურვილს ალექსი ყოველთვის აღიქვამდა, როგორც  
რადაც მოვლენას, ძლიერსა და გარდუვალს, თითქმის ისევე, რო-  
გორც სტიქიას. მაგრამ სტიქია გასაგები იყო მისთვის. მეტწილად



ღია ცისქვეშ გაზრდილი, ის სშირად შეხვედრია ბუნების დაუმორ-  
ჩილებელ ძალთა ბოპოქრობას, კარვად იცნობდა მის ღამანგრეველ  
უნისა და ბოროტებას. იცნობდა, იცოდა, მავრამ პირისპირ შეყრილი  
სტიქიონის სილამაზე ატყვევებდა, აჯადოებდა, ავიწყებდა უბედურე-  
ბას, რომელსაც ის თავს ატეხდა ყველაფერს ცოცხალს. იქნებ  
მთლად ვერ ავიწყდება, მავრამ ალექსი სისარულით ემონებოდა მის  
სილამაზეს.

ღა აედრით ტებონისათვის, მერე, გამოდარებისას ისჯებოდა.  
კრიჭაშეკრული დასტრიალებდა დასეტყვილ ვაზს და ხეხილებს,  
უსიტყვოდ ახმარებდა ხელს წყალდიდობით დაზარალებულ ხალხს.  
ნაპარევად უაღერსებდა ატირებულ ბალებს და სიბრაღული ქო-  
რივით უწიწნიდა გულს...

ახლა იდგა ხევისპირს, თითქოს აღარ ახსოვდა მასთან მოსული  
თავკაცები, არც მათი მოტანილი ამბავი. გამახვილებული თვალით  
სწედებოდა ცისა და მიწის შეერთების ზოლს. მის ფერხთით თვი-  
ნიერად მიგორავდა ირმისხვევი, ვითომ ის არ იყო, ცოფიან ღვარად  
მოვარდნილი ჭერს რომ სტაცებდა ადამიანს. მსუბუქი ღრუბლის  
თეთრი ქუფთები გაფრენილი მტრედებივით დაცურავდნენ ცაში, თი-  
თქოს მათ არაფერი ჰქონდათ საერთო შავლევა ღრუბლებთან, ტყვი-  
ასავით გამანადგურებელ სეტყვას რომ აყრიდნენ ადამიანის ნაჯა-  
ფარს.

იმ წუთებში, იმ მყუდრო ვარსკვლავიან ღამეში სტიქიონის ჯა-  
დოსგან დასსნილმა ალექსიმ თითქოს პირველად შეიგრძნო მისი  
მრისხანების დამღუპველი ძალა. და ბოროტებას შეურიგებელმა მი-  
სმა გულ-გონებამ მძაფრად აგრძნობინა, რომ სოფლის გადაწყვეტი-  
ლება საშუალებას აძლევდა მთელი არსებით ჩაბმულიყო ადამიანთა  
დარდის და ცრემლის მომგვრელ ძალასთან ბრძოლაში. მოწინააღ-  
მდეგესთან გადაუდებლად შერკინების სურვილმა აუფორიაქა სული.  
გარეგნულად კი მშვიდი, უმოძრაოდ მდგომი გაჰყურებდა ცისა და  
მიწის შეერთების ზოლს. და იქნებ იმიტომ, რომ ხშირად უფიქრია  
ამაზე — ხედავდა მთის მდინარეთა შემბორკავ ჯებირებს, ხედავდა  
ხიდებს, აედრის სათვალთვალო კომპურებს, სეტყვის ღრუბლის გამ-  
ფანტავი ზარბაზნების ლულებს, და ელექტროსადგურის ხმაურიც  
კი ესმოდა...

როდის-როდის გამოეგო ფიქრებს, თვალი მოსწყვიტა საოცარი  
სიცხადით დანახულ სურათებს და ნელა წამოვიდა მისი პასუხის

მოლოდინში მეწისქვილესთან მოსაუბრე კაცებთან. ახლო მივიდა და მოკლედ მოსჭრა:

— თანახმა ვარ.

იმათაც ველარა თქვეს რა. ალექსის სიტყვაპვირობა ცნობილი იყო, მაგრამ ამ მნიშვნელოვან საათს საჭირო სათქმელის უთქმელობამ, მისმა ტუნწმა პასუსრია და მეტისმეტმა სიმშვიდემ მათ ეჭვი დაუბადა: „ხომ არ აჩქარდნენ? ძალზე ახალგაზრდა კაცი აირჩიეს, ვაითუ შესცდნენ ამ გულცხელზე?!"

თავისი ეჭვი ერთმანეთსაც არ გაუმხილეს, ესმოდათ, რომ ახლა მსჯელობა უკვე დაგვიანებულიც იყო და ჯერ ნაადრევიც იქნებოდა. რჩევა-დარიგებაც უადვილოდ მიიჩნიეს: სხვისი კარნახით არ იმკვიდრებდა გონჯაურა თავის ადგილს ცხოვრებაში!

მათი წასვლის შემდეგ ალექსიმ ტანთ გაიძრო და მდინარეში შევიდა. დილით ჩახერგილი გზა გაუსხსნა წყალს ზვრებისაკენ. უცნაური იყო ამ დროს მისი სასე. რა კარგად იცნობდა მიუვალ მთებში დაბადებულ ირმისხევს, იცნობდა მის თვისებებს და ადვილად ეუფლებოდა, თავის ნებაზე ჰყოფდა, ანაწილებდა, აიძულებდა ადამიანისათვის სამსახური გაეწია და გულში მადლობას უხდიდა კეთილი სამსახურისათვის. ადამიანების ზრახვათა გაგება კი ხშირად უჭირდა, მათი მოქმედება ხშირად აკვირვებდა. ისე როგორც ახლა...

— ამოდი, ამო, ადამიანო, ემაგ ყინულივით წყალში როდემდე უნდა იდგე? — გამოსძახა მეწისქვილე ტიტტიკომ.

კარებში ჩამდგარი მეწისქვილის დანახვაზე ალექსის გაეცინა, სანდრა-პაპას ნათქვამი მოაგონდა:

— ის ღმერთძალლი ტიტტიკო ჩემზე დიდი თუ არა, არც პატარაა, სიჯეილითვე ფქვილში სტყუცა თავი, სიბერეში ჭლარა არ შემემჩნევო. ეგრე დარჩა და დარჩა! მართლაც ვერ გაუგებ, ფქვილშია ამოგანგლული თუ სიბერემ დაათოვა, ღმერთმა დასწყევლოს ეშმაკი ადამიანი!

წისქვილის შინასვეტზე დამაგრებული ჭრაქი ტიტტიკოს ზურგიდან ანათებდა, და ფქვილში იყო ამოგანგლული თუ სიბერემ უწია, სულერთია, თავით ფეხამდე თეთრად მოქათქათე — კეთილ სულსა ჰგავდა.

— ბარემ აქვე გამათენებინე, — სთხოვა ალექსიმ.

— ეგე ლოგინი, დაისვენე.

— შენა?

— მეწისქვილე — ღამის ყვაავიო, არ იცი? დაძინებამდე კი ეს ხავიწი მიირთვი. წელან გავაკეთე, ჯერ თავმჯდომარე არ იყავი, თორემ ესლა არ გაკადრებდი.

— ხავიწი ერეკლე მეფესაც ჰყვარებია თურმე.

— ეეჰ, ჩემო ლექსავ, ესლა სხვა დროა, სხვა ხალხია. ესლა კაცმა უფროსებს შემწვარ-მოსხრაკულით თუ არ ააშა, არ იცი, რა ნაწილს გამოუგდებენ, — სევდიანი დაცინვით თქვა მუდამ მხიარულმა მეწისქვილემ. დიტო ხირსელის მეგობარი იყო და ვერ შერიგებოდა მის უეცარ დაკარგვას.

ალექსი ხავიწით სავსე პირმოტესილ თეფშს ჩააშტერდა, მოგვიანებით თქვა:

— ჩტერ-მოყვარის მაგისტანა გროშებით გაზომვა დიდი შეცდომა იქნებოდა.

— გროშები განა მართო ზარაფხანაში იჭრება? გული თუ დახურდავდა, იმაზე წვრილ გროშებს ვერა ზარაფხანა ვერ მოსჭრის.

— ეგრე დაუნდობლად ვის გულს აწვრილმანებ, ძია ტიტკო?

— ნეტა ეგ ვიცოდე...

— მე მეგონა, ხირსელზე ხარ ნაწყენი.

— თუ ის მართლაც რამე ბრალშია, ჰარამი იყოს იმაზე ჩემი ძმობა და მეგობრობა, თუ არა და, ცეცხლად ედინოს ჩვენი ნდობა და სიყვარული იმას, ვინც ალაღმართალ კაცს დასაღუპად გაიმეტებს! — თქვა ტიტკომ და გარეთ გავიდა.

მან იათქოს განზრახ დააბრუნა ალექსი იმ ფიქრებთან, წელანდელი დამახებით რომ შეუწყვიტა. მაგრამ ფიქრები ადამიანთა გაუგებარ ზრახვებზე, განსჯაზე და მოქმედებაზე ყოველთვის უპასუხოდ დარჩენილ კითხვებს უბადებდნენ, და იგრძნო, ახლაც ის კითხვები გაიტაცებდნენ, მას კი თავის სვალინდელ დღეზე უნდოდა ფიქრი. თავისთვისაც შეუმჩნევლად მოცარიელებული თეფში გადადგა და მიწვა, შეეცადა მოესაზრებინა, რით დაეწყო ის სვალინდელი დღე, მაგრამ სარეკელას რაკარუკმა უმაღვე ჩააძინა.

სიჩუმემ გამოაღვიძა. მაშინვე წამოდგა და გარეთ გამოვიდა. პირველი სხივი ახასხასებდა ნამიან ბალახს. თვალებს იფშენეტდნენ ყვავილები. გამხარებელი ჭიკჭიკით დასრიალებდნენ მერცხლები.

მეწისქვილეს შარვლის ტოტები აეკეცა და სარწყავს ხერგავდა. ალექსი აღარ შეეხმიანა, ფერდობზე შეღმართებულ ბილიკს აჰყვა.

ბილიკი მეზობელი ნატაძრელების გაკვალული იყო. საფეკავით

აღმა-დაღმა სიარული ძნელი იყო და თითქოს იმ სიძნელის შუაგამ-ყოფად ფერდობის ქიმზე მუხა დამდგარიყო, მუხის ძირთან კი ვეე-ბა ლოდი იდო, ვინ იცის, როდის და როგორ ამოტანილი, ზედ ყდო-მისაგან გასიპულ-გარანდული.

ფერდობის ქიმიდან ირგვლივ შორიდანვე ისინჯებოდა არემარე.

რაიონულ ქალაქ დარიანიდან წამოსული შარაგზა ირმისხევეზე გადმოდოდა და მოსახვევში იკარგებოდა. გზის პირზე გაწოლილ სოფელ ირმისს თავი ხევის რიყეზე მიედო, ბოლოს კი ნარ-ეკლით შეჭმულ მინდვრისკენ, „ნაბაღისკენ“ იზრდიდა. ნაბაღზე განმარტო-ებით იდგა მეზვრის ქოხი და მის წინ კენტად აწოწილი, ტოტებგა-ფარჩხული ნაძვი გუშავივით გაპყურებდა ირმისელების ზერებს.

დაჩქლეთილი შარაგზიდან განტოტებული ვიწრო, თღრო-ჩოღრო შუკები ერთმანეთზე გადაბმულ სოფლებისაკენ უხვევდნენ. სოფლე-ბი მოაჯირივით მისდევდნენ თვალუწვდენელ ველს, და ველის გა-ღმა ნაწიბური იკარგებოდა შორს, ჩამოთოვლილი მთების კალ-თებში.

„უყურე, ლექსავ, უყურე შენს მშობლიურ მხარეს, — ჩაესმა ახალბედა თავმჯდომარეს სანდრა-პაპას ალერსიანი ხმა: „ხედავ, როგორია? ეყო რაც ტანჯვა გადახდენია, რაც შავი დღე დასთენე-ბია. ეხლა შენისთანებმა უნდა მოუარონ და გაახარონ, ორსავ თვა-ლის წინივით გაუფრთხილდნენ, კარგად უყურე, საზრიანად უყურე და დაიმახსოვრე ფერიც, სურნელიც, ხმაც. კარგად თუ გეხსომება, ცხრა მთისა და ცხრა ზღვის იქითაც რო გადაგაგდონ, იქაც დაინახავ, რაც უნდა გასაჭირი დაგადგეს, ეს შენი მშობელი მხარე მოგავონ-დება, დაინახავ და გული გაგინათდება, ძალაც შეგემატება...“

## თ ა ვ ი მ ე ო ნ ე

თავლი ათეთრებდა უმთვარო ღამეს. მსხვილი ფიფქები ფარფა-ტით ედებოდნენ გაუჟვალავი ბილიკით მიმავალი ქალის ვიწრო ნა-ფეხურებს.

ნაკვალევის მკვეთრი ნახაზი თანდათან აირია. ქალს მუხლი ეკვეთებოდა. რაღაცა აზრი, ან შეიძლება სრული უაზრობა მისუ-ლიყო იქ, სადაც მიდიოდა. უკან შეჯავრებული სოფელი დარჩა და წინაც მტერი ეგულებოდა. დროდადრო ბილიკს აცდენილს კარგა

მანძილზე უხდებოდა უკან დაბრუნება. დაღლილს და გათოშილს გაბოროტება მატყუბდა ღონეს, მარტო და მიუსაფარი — უმწეობის სიჯიუტით მიიწევდა წინ.

ეგონა, მის გზას დასასრული დაეკარგაო, და მოსასხვევში, კენტად ნაზარდი ნაძვის ტოტებშუა გამომკრთალი შუქი რომ დაინასა, მიზნის მოულოდნელმა სიახლოვემ შეაკრთო, შეშფოთებულმა მიიხედ-მოიხედა.

მსსვილად ბარდნიდა.

სანდრა-ჰაპისიეული ქოხის სარკმელიდან მშვიდად იღვრებოდა შუქის ზოლი და განათებულ ზოლში ფერად-ფერადად ელვარებდნენ შარიშურით მოფარფატე მხიარული ფანტელები. ქალს თვალები აუჭრელდა. მოენგენა, რომ მთელი სამყარო ირხეოდა მოცისფრო ნისლიში, და გამთანგავი გულზიდილი მოადვა ყელთან. მან ხარბად ჩაისუნთქა სუსხიანი ჰაერი, ხორკლიან ნაძვს მიეყრდნო და უცებ ვერ მისვდა რა სდებოდა: გაქრა შუქის ზოლიც, მოცისფრო ნისლიც, სამყაროც, ყველაფერი გაქრა და დარჩა მხოლოდ მის შიგნით, სადღაც გულისფიცარს ქვევით ნაგრძობი რაღაც უცნობი, უცნაური მოძრაობა...

გაოგნებული ქალი მუხლებმა ველარ შეიკავეს. მიძიმედ ჩაიკეცა ხის ძირში მიყრილ წიწვზე და თვალები დახუჭა. იმავ წამს სინამდვილემ აიწყვიტა სადავე და ახლო წარსულის სურათები დაედევნენ ერთმანეთს.

საზამთრო საძოვრებიდან საზაფხულო იალაღებზე წამოსულ ცხვარს მოჰყვა ტანსარო, პირიშზე მწყემსი. თუში იყო, ვაჟკაცობისა და ნამუხის სარკვესავით იყო. ცოდნასაც უხვად იყო ზიარებული, მაგრამ ცხვარს დასდევდა — გრძელი გზა ჭკუა-გონების სალესავიანო. ერთ დღეს სოფელში ფეხი აიტკია. გოგომ კი შეუცდომლად იგრძნო მისი დარჩენის მიზეზი.

მიწის ზურმუხტით, თეთრ-ვარდისფრად მიბნედილი ხეხილის სურნელებით, ტოროლების სალხინობელით გაგიჟებული გაზაფხული დაუკითხავად თარეშობდა სისხლში. მიაშიტ და გულწმინდა გოგოს ვერ გაეგო, თუში რად ირჩევდა მასთან შეხვედრის მაღულ გზებს, როცა მთლად ცისქვეშეთი ხარობდა მათი სიყვარულით. ჰკითხავდა ხოლმე, მაგრამ ოჰ, რას არ უპასუხებდა ენამზიანი თუში! სულელ გოგოს ყველაფერი სჯეროდა, ისიც კი სჯეროდა, რომ სატრფოს ნატერფალზე ია და ვარდი ჰყვაროდა...

ერთ ღაუფიწყარ, ზღაპარივით ლამაზ, ეშხით დაბანგულ ღაპეს მწყემსმა უთხრა:

— მთაში მიბარებენ, ცხვარს უნდა ავხედო, ერთ კვირაზე ჩამოვბრუნდები და პირდაპირ თქვენებს ვეახლები.

უთხრა და წავიდა. გაქრა...

და მერე კი ირმისში ერთი ახმასი, ტარულანა დედაკაცი გამოცხადდა: კასპიისპირეთიდან მოვდივარო. ქმრის გზა-კვალი გამოიპია და თუშს მთაში გაედევნა...

მაგრამ ეს არ იყო ამბის დასასრული. ეს იმ უეცარი, მალული სიხარულის დასასრული იყო. აქედან იწყებოდა გოგოს წამების გზა. სოფელში მითქმა-მითქმა ატყდა. წინათ იმედგაცრუებული საქორწილო ბიჭები ჯავრს იყრიდნენ, ქარაგმულად და აშკარად იკვებნიდნენ თავის „გამარჯვებას“. სხვისი აუგის მოყვარულთ თავგამოდებით გააქონდათ და გამოაქონდათ ურცხვად წამოსროლილი ტყუილი. ენიდან ენამდე ნაქსოვ ქსელში გაბმული გოგო აღარც უცხომ დაინდო, არც თავისიანმა. შინ საყვედურებით ასრჩობდნენ და მკვდარივით დასტიროდნენ. ეჩვენებოდა თუ მართლაც ასე იყო — ტოლ-ამხანაგები მოერიდნენ. ეჩვენებოდა თუ მართლაც ასე იყო — ყველა ცდილობდა მარჯვით ესროლა მისთვის ქვა. და იმ ქვებმა ჩაუქროლეს ყველა სხვა გრძნობა. სიმარტოვისა და გაბოროტების მეტი აღარაფერი დაუტოვეს გულში.

რამაზ მეღითაურს კი, „ვაჟკაცობისა და ნამუსის სარკეს“, არავინ ერწოდა. იალაღებზე ლაღობდა. მას სულაც არ ესებოდა ბარში დარჩენილი გოგოს ხვედრი. იმ გოგოს კი ყოველი დღე სიკვდილის ნატვრაში უთენდებოდა, მაგრამ მწარე დღეები შავად ღამდებოდნენ, ის კი ცოცხალი რჩებოდა. მერე კომკავშირის კრება იყო. იქიდან გამოქცეულმა თავის მოკვლა დააპირა, მაგრამ ძალა არ ეყო. მერე? მერე დღეს იყო, ამ საღამოს, ახლახან. დედის მითქმა-ტირილს ვედარ გაუძლო და გარეთ გამოვარდა. არც ახსოვს კლუბის ეზოსთან როგორ გაჩნდა. სიცილ-ხარხარით მოგუნდავე თანატოლებს წააწყდა. ვერც დამალვა მოახერხა, ვერც გულგრილად აუარა მათ გვერდი. დადგა და გაასპიტებით დაიძახა:

— ჰეი, კაჭკაჭებო და მაიმუნებო, ჭირსაც წაუღისხართ! მძაგხართ ყველანი, მძულხართ! ხომ არ გგონიათ, თქვენ დაგეჭლექინოთ? წავალ, რაც შეიძლება შორს წავალ თქვენგან! საცა წავალ, მე ყველგან თქვენზე უკეთ ვიქნები, თქვენ კი ერთმანეთზე ჭორაობის მეტი სა-

ქმე ნურც გამოგნენიათ თქვენი დღე და მოსწრება! ჭირსაც წაუღი-  
ხართ, მეჯავრებით, მძულხართ ყველანი!

ასე მიაძახა და გამოიქცა. აღარც ნათქვამის წაშლა შეიძლებო-  
და, აღარც უკან დაბრუნება. შინიდან შილიფად გამოვარდნილი პი-  
რდაიორ აქეთ წამოვიდა, თავმჯდომარესთან. შრომადღეები ბლომად  
გამოიბეშა და ანგარიშის გასწორება უნდა მოითხოვოს. ახლავე  
გაუსწორონ ანგარიში. მიიღებს კუთვნილს და მოშორდება, ჯაყცლე-  
ბა აქაურობას. არც ერთი წუთიც არ უნდა ირმისში ყოფნა, წავა.  
წავა?.. სად?.. იმ მოცისფრო ნისლში გაუჩინარდება...

ქალმა თავს ძალა დაატანა, თვალი გაახილა.

ისევ ბარდნიდა. ისევ მშვიდად ირხეოდა სამყარო. სარკმლიდან  
ისევ იღვრებოდა შუქი და შუქის ზოლში ისევ ელვარებდნენ  
მხიარული ფანტელები. თოვლზე დაგებული ქოხის სილუეტიც, სა-  
კვამურიდან ამოსული მტრედისფერი ბოლიც, სარკმელიც და შუქის  
სვეტიც სალამივით იყვნენ. ისინი ალბათ ალერსივით ხვდებოდნენ  
ყველას. და მას? მას კი აქაც დაცინვა და აუგი დახვდება, ან რაც  
უფრო საზარელია — უმნო გაღლაბუცება დახვდება.

წამით შერბილებული გული ახალი ძალით გაუბოროტდა. დახვ-  
დეს! რაც უნდა დახვდეს, მერე რა? თვითონ დაასწრებს და მწარე  
სათქმელს ეტყვის. დიას, ეტყვის: „ეი, გონჯაურავ, მე სიმახინჯის  
საყურებლად კი არ მოვსულვარ! ანგარიში გამისწორე, მეჩქარება,  
მივდივარ ირმისიდან, მძულხართ ყველანი, მძულხართ!..“

გარეთ თოვლი ათეთრებდა უმთვარო ღამეს და ქოხში ბუნარი  
გიზგიზებდა. დათვის ტყავზე ჩამუხლული ალექსი რაღაც მანქანის  
შაკეტს უკირკიტებდა.

გარეთ ვიღაცამ კალთა შემოიბერტყა, კარს მოუთათუნა და შინ  
შემოსულმა ქალმა თავშალი გადაიგდო, თამამად დაიძახა:

— სადამო მშვიდობისა!

ალექსი გაშრა. საკინძის შესაკრავად აწეული ხელი ყელთან შე-  
რჩა, დამძიმებული თავი ზედ დააყრდნო.

უპასუხოდ დარჩენილმა სალამმა ქალს ერთბაშად აჰყარა იარაღი-  
ვით მომარჯვებული სითამამე.

— ველარ მიცანი? — ჰკითხა ჩუმად.

„სატულა!“ — ცხრა შთას გადასძახა მდუმარედ და გაუნძრევლად მღვრებმა ალექსიმ.

— სანქარო საქმე ექონდა, მაშ, სად მენახე? — უფრო ჩუმად იმართლა თავი სატულამ.

ალექსი ისევ სდუმდა. შინ შემოსული მზე თვალებს სტკენდა, უწვავდა სახეს, მსრებს, ხელებს, გულმკერდს.

ქალი ვერ ჩასწვდა მის დუმილს, მაგრამ მწვავედ იგრძნო, რომ ის არ იყო უბრალო განუება, და უცებ საოცარი სიცხადით მთაგონდა სკოლის ჭიშკართან მღვრები ტუნებმოკუმული ბიჭი, ანთებული სანთილივით რომ ჩააქრო ვიღაცამ.

სატულა შეპართალი იდგა, არ იცოდა, რა ეთქვა, როგორ მოქცეულიყო. იდგა და უხერხულობისაგან ცრემლს ძლივს იმაურებდა. ცდილობდა დამშვიდებულიყო, რომ შესძლებოდა იმ მწარე სათქმელის თქმა და ოთახი შეათვალეირა. ამბობენ, გონჯაურას წაუკითხავი არა რჩება რაო, მართალი ყოფილა — თაროები სავსეა წიგნებით, ჟურნალ-გაზეთებით. ამბობენ, იმ მანქანებსაც კი იცნობს, ჯერ სოფელშიც რომ არ გამოჩენილაო, ეგეც მართალი ყოფილა — განჯინა გაჭედილია მანქანების მანქანებით და ნახაზებით. ამბობენ, იმ ქოშში შემისვლელს დარდი უნასვერდებაო... ალბათ, იმიტომ, რომ თერთრად ქათქათებენ კედლები, თაროები, ჭერი, ნარნარებს აქაურობა, და ამ პატარა სარკმელიდან საღმიანი შუქი იღვრება ღამეში...

დამშვიდების ნაცვლად, მწვავე დარღმა წელში მოღუნა, სახე გაუქცავა სატულას. მხოლოდ ტუნებმა თქვეს:

— ბავშვობის წყენა არ დაგვიწყებია, აქამდე მიჯავრდები...

წყვეტილი სიტყვები ზიდივით ეგებოდნენ ოდესღაც მათ უნებურად გაღმა-გამოღმა ნაპირზე დარჩენილ ქალ-ვაჟს.

ალექსიმ ღრმად ამოისუნთქა და დაბალი სამფეხა ბუხართან მისწია.

— დაბრძანდი, — უთხრა და ხელი შეაშველა.

ალექსის გაკონილი ჰქონდა, რომ სოფელში ხმა დადის: სატულამ თავი ვერ დაიჭირა, ღვითით მიმადლებული სიღამაზე დაუზოგველად დაანიაუაო. ახლა კი იცოდა: მართალი მხოლოდ ის იყო, რაც სატულამ უამბო.

ბუხართან ისხდნენ. ცეცხლის გიზვიზი ალექსისთვის ძველთაძ-



ველი მეგობრის ხმა იყო, იმ ხმას სანდრა-პაპას ბუბუნიც ერთვოდა და ენძელასავით თეთრი, ფაქიზი გოგოს ტიკტიკიც.

ის გოგო კი გლოვით დაღლილი ჭირისუფალივით იჯდა. შავი თავშალიდან, თაღხი სამოსიდან სევდა ეღვრებოდა მუხლებზე უმწოდ დაყრილ პატარა თეთრ ხელებზე. იჯდა და ფიქრობდა, რომ წასვლის დროა, რომ ახლა, როცა სისულელე ჩაიდინა და ამ კაცს გული გადაუშალა, ანგარიშზე ველარაფერს ეტყვის. რისთვის მოვიდა აქ? აღსარებისათვის? მოწყალებისათვის? ცოდვის მოსანანიებლად მოსული მათხოვარი ეგონება. იმათაც ასე ეგონათ, იმ კომკავშირის კრებაზე. ეგონათ, მონანიებას და პატიებას ითხოვდა. სწორედაც მოიქცა დღეს რომ ისე მიამახა, მეტიც ვკუთვნით. წასვლის დროა. ჭირსაც წაუღია ის შრომადღეები, იჩუქინ. ხატულა ისეც მონახავს თავის გზას. მონახავს სადმე. იქ სადმე, იმ მოცისფრო ნისლში...

და უცებ წამოდვა.

— სად მიხვალ? დარჩი, — ხმადაბლა თქვა ალექსიმ.

და ხატულას ისეთი სახე გაუხდა, თითქოს მტრადქცეული ქვეყანა დაუდგა პირისპირ. განრისხებულმა დაიხია კარისკენ.

— დარჩი, — ისევე ხმადაბლა თქვა ალექსიმ. — ერთად ვიფიქროთ. თვითონ გადაწყვიტე. როგორც შენ იტყვი, ისე იქნება...

ხატულა შეჩერდა. რაღაცა დაბრკოლება იგრძნო და შეჩერდა. ფიზიკურ დაბრკოლებასავით წააწყდა ალექსის ღიმილს — სკოლის ჭიშკართან მდგომი ბიჭის ნათელ ღიმილს. იმ ღიმილის გრძნეული სითბო სასწაულივით მოხვდა მის გაბოროტებულ სულს. სასწაულად მოეჩვენა, რომ ბედმა მწირსა და უნიათო წუთისოფლიდან უცებ ზღაპრულად მდიდარ ქვეყანაში მოიყვანა, და ბედი ეს იყო — მის წინ მოწიწებით თავდახრილი ვაჟკაცი. მის სმავში არც თხოვნა იყო, არც ბრძანება. თანასწორს ეუბნებოდა, „დარჩიო“.

ხატულას გაფითრებულ სახეს ჯერ ნელა მოადგა ფერი, მერე უცებ დაჰკრა მწველმა მეწამელმა. ტანჯვით გამასვილებული ალლოთი იგრძნო: ადამიანის პირადი ღირსება იმდენი იყო ამ კაცში, რომ მასაც ეყო, ხატულასაც... და პირადი ღირსების უცვარმა შეგრძნებამ უცებვე უკარნახა, რომ ენამზიანი თუშის ვერაგობამ კი არ დააბეჩავა, თავისმა სისუსტემ მიიყვანა საკუთარი პიროვნების უარყოფამდე. პირველსავე აუგ სიტყვას გაათელინა ღირსება, თვითონვე დაისვა გარიყულის დამლა, და მართალი იყო სოფელი, ასეთს რომ არ უთანაგრძნობდა, აღარც პატივსა სცემდა.

„რა იქნებოდა, გაბორტებული და ჩინდაკარგული რომ ავცდენოდი ამ კერას“, — შეაშინა გაელვებულმა ფიქრმა, და ხატულამ კრთომით შეხვდა მასპინძელს. სიხარულით გასხივებულ მის თვალებს შეხვდა, და ისევ იმ ღიმილს — ახლა უკვე იცოდა ხატულამ, — ადამიანის დაუმრეტელი სიყვარულის, უსაზომო სიკეთის გამოხატველ ღიმილს. ცისა და მიწის სილამაზე მოჭფენოდა კაცს, რომელსაც „გონჯაურას“ ეძახდნენ.

განცვიფრებული შეჰყურებდა ხატულა მის თვალებს, მის ღიმილს, საიდუმლოსავით რომ ხსნიდნენ სულის ზემს. უნდოდა იმავ წამს; მაშინვე გაენდო ირმისელებისათვის ის, რაც ახლახან გაიგო თვითონ, მაგრამ მიხვდა, რომ ირმისელებმა დიდი ხანია იცოდნენ ეს საიდუმლო. ალბათ იმიტომ უხდიდნენ სიყვარულით, იმიტომ ვერ ბოგინობდნენ ირმისში უღირსნი, იმიტომ მომძლავრდა ირმისი ასე სწრაფად, იმიტომ ამბობდნენ: „ვინც ამ კაცს გაეცნო, ყველას მოუნდა რაც იყო, იმაზე უკეთესი გამხდარიყო“. განა ხატულაც არ გახდა იმაზე უკეთესი, ვიდრე აქ მოსვლამდე იყო?

ქალს ცრემლი დაეკიდა წამწამზე. შუბლიდან ბეჭებზე დაცურებული თავშალი შეისწორა და თავი დახარა.

ბუხარში ცეცხლი ჩაიფერფლა. ლამაში ნავთი დაილია. სარკმელიდან შემოსული სითეთრე აშუქებდა მათ სახეებს. ხმადაბლა ლაპარაკობდა ხატულა, და მდუმარედ უსმენდა ალექსი. ეგებ არც უსმენდა. უხმოდ შესტრფოდა შინ შემოსულ მზეს, პატარას და თეთრს, ენპელასავით ფაქიზ ვოგოს. და მისი ტრფობის ძალასთან არარა იყო ხატულას სახეზე ჩამუქებული ლაქები, როგორც არარა იყვნენ ლაქები ცაშიგალადებულ მზეზე...

სოფელმა თავმჯდომარეს სახლი აუშენა — სართულნახევრიანი, მხიარული კარ-ფანჯრიანი, ფართო აივნიანი, ლაღანა კრამიტით დახურული.

— კანტორაში ჯდომა შენ არ გიყვარს, ბინა შორსა გაქვს და სანქაროდ რომ დაგვჭირდე, სად გეპებოთო, — უთხრეს.

— სადაც საჩქარო საქმეა, ჩემი ადგილი იქ არი, მე რა საქმენელი ვარ? — გაიცინა თავმჯდომარემ.

— ევეც არ იყოს, ცოლ-შვილი იმ ქოხში როდემდე უნდა ამყოფო?

— ჩემი შვილი თქვენ შვილებთან ერთად მთელი დღე ამ სახლში იქნება, ცოლი კი თქვენთან ერთად მთელი დღე ღია ცის ქვეშაა, — თქვა ალექსიმ და ხელადას პირი გადაუწმინდა, მშენებლები დალოცა. მერე შინიდან წამოღებული ფუთა ჩამოართვა ხატულას და სახტად დარჩენილი ხალხის თვალწინ ჭიშკარს ლამაზი აბრა მიაჭედა, წარწერით: „საბავშვო ბაღი“.

თავისთვის ისევ სანდრა-პაპას ქოხი უნდოდა. ეგონა, პატარა სანდრას სხვა ბუხართან ისე მშვიდად არ დაეძინებოდა. ეგონა, სახლიდან ბიჭი ისე კარგად ვერ დაინახავდა გათენების სილამაზეს. ეგონა, მერე, როცა ბიჭი გაიზრდებოდა, მისთვისაც აუცილებელი იქნებოდა გათეხებისას იმ ქოხიდან გამოსვლა ვენახების შემოვლაზე, როგორც ეს აუცილებელი იყო ახლა მისთვის, ალექსისათვის.

ზამთარსა და ზაფხულს, გათენების აღრიან საათს, ქვეყანა რომ ჯერ დილისძილში იყო, ალექსი ვენახების შემოვლაზე გამოდიოდა. ეს მისთვის ლოცვასავით იყო, ახალი დღის შესწრების, სიხარულის, ბედნიერების სამადლობელო ლოცვასავით. ამ საათს ლოცვის საგალობელივით უღერდა მის სულში, სისხლში, სხეულში „შენ ხარ ვენახი...“ და თვითეული ვაზი უღიმოდა ხატულას ღიმილით, თვითეული ვაზი შეჰყურებდა სანდრას კვამლისფერი თვალებით. ბედნიერებით აღვსილი უვლიდა ვენახს და ნატრობდა, რომ მშობლიური მიწის წიაღს მარად ეტარებინა ვაზის ფესვი, რომ სამადლობელო ლოცვა მარად სმენოდა მის მიწას.

და ალექსის არ შეეძლო თავისი ლოცვის საათში არავის შეზიარება...

დგას ლადანასახურავიანი, ფართოაივნიანი საბავშვო ბაღი და მხიარული ფანჯრებით გაჰყურებს ქვეყანას. ოთახები და ეზო-ყურე სავსეა ბავშვებით, აივანზე მერცხლები ბინადრობენ, ეზოში მრავლდება ხეხილი. ფინინსპექტორი ვასილა გარაყანიძე კი ჯიუტად გაიძახის „თავმჯდომარის სახლიაო“. დადის და დადის ირმისში, მთელი დღე კანტორაში ზის, საბუთებს ნერწყვავს, ქექავს, ეტებს და ვერ უპოვნია ამ სახლის აგების დანაშაულებრივი კვალი. არა სჯეწა, რომ თავმჯდომარისთვის აგებული სახლი თავმჯდომარეს არ

ეკუთვნის. ვერ დაუჯერებია, რომ ვისაც არ უნდა ეკუთვნოდეს, სულ ერთია, ის კოლმეურნეთა საკუთარი დანაზოგით არის აშენებული.

მონაგარიშე გოგონა, ჯაფარაანთ ლიზიკო სალამოლობით ირმისელებს უყვება ფინინსპექტორის გაჭირებებს და ხალხს გულიანად აცინებს.

ბოლოს ალექსის შეეცოდა ვასილა გარაყანიძე — კაცი წვალობს და ხალხს კი სასაცილოდ არა ჰყოფნია! კანტორაში მივიდა, დაღვრებილ ფინინსპექტორს უთხრა:

— სხვა შენ ადგილზე აქამდე კამენს მონაგარებდა.

— კამენი რად მინდა, — იუარა დაიმედებულმა ვასილამ.

— მართალი ხარ, კამენი რად გინდა, გოჭს მოგართმევდით...

— ნუ შესწუხდები, პატივცემულო ალექსი! — შეაწყვეტინა გახარებულმა ვასილამ.

— ეგ ჩვენ არ შეგვაწუხებდა, მაგრამ გვეწოთირება. ამდენი დრო და ენერჯია დავგახარჯე და ვაითუ მადლობის მაგიერ, ჩრდილი მივაყენოთ შენს ავტორიტეტს. იტყვიან, გარაყანიძემ ერთი ქეცია-ნი გოჭის ფასად ირმისელების ცოდვები დაფარაო...

უთხრა ალექსიმ და კანტორიდან გავიდა.

ენის მოტრიალება რომ შესძლო, გარაყანიძემ ლიზიკოს უყვირა და უწივლა, მერე დაემუქრა, ჩემი ფეხი აღარ იქნება ირმისშიო, კარი გაირახუნა და გავარდა. დარიანში მისულმა ასევე შეიჯახუნა „კაბინეტის“ კარი.

— მე თქვენ გაყურებინებთ სეირს! მე თქვენ გიჩვენებთ, როგორ უნდა კაცის გაბიარება! თვალებს მიხვევთ? გინდათ დამარწმუნოთ, რომ გონჯაურას იმ ქოხში ურჩევნია ცხოვრება? თუ ურჩევნია და, მეტი სიკეთე არ აღირსოს გამჩენმა! მაინც საჩაოდ იბადებიან ყველასთვის ურგები ადამიანები, არც თავისთვის ემეტებათ სიკეთე, არც სხვისთვის! — ზაფრამორეული ბუტბუტებდა გარაყანიძე და უჯრაში ჰყრიდა ჯიბეებიდან ამოლაგებულ ცარიელ პარკებს.

გულგანდობილ საუბარში ირმისელები მათთვის წვეული იუმორით ჰყეუბოდნენ, რა მალე და რა იოლად გადააჩვია მათმა ახალგაზრდა თავმჯდომარემ გარაყანიძის მსგავსი „ბეჯითი“ ჩინოვნიკები, არამკითხე „მეურვეები“ და სხვა დაუპატიჟებელი სტუმრები ირმისში „საბალახოდ“ წვევას. ისინი ხშირად ასსენებდნენ ჯიბო ჭიმიამვილსაც. ჯიბო რაიკომის ინსტრუქტორია. თავის უპირველეს მოვალეობად ყველას ჭკუის სწავლება მიაჩნია. ნაცნობ, არც თუ ისე ნა-

ცნობ, და სრულიად უცნობ თემაზეც ლექციების კითხვას — თავის ფასდაუდებელ ღვაწლად სივლის. აი ეს ჯიბო, სურვილმა შეიპყრო პირადი კავშირით და რწევა-ღარიგებით გაემდიღრებიან ირმისის ახალი თავმჯდომარე.

ალექსი იცნობდა ჭიმიასვილს და ერიდებოდა მასთან შესვედრას, მაგრამ ერთხელ ჯიბომ კანტორაში მიუსწრო, მისალმებისთანავე რაღაცა საბაბს წამოედო და მსოფლიო რევოლუციაში პროლეტარიატის როლის შესახებ ლექცია წამოიწყო.

— პატივცემულო ჯიბო, — რბილად შეაწყვეტინა ალექსიმ, — ჩვენ ყოველ ორშაბათს პოლიტმეცადინეობა გვაქვს.

ჯიბომ ხელად შეცვალა თემა, ახლა სოფლის მეურნეობის მკვნიებლბთან ბრძოლის აუცილებლობაზე დაიწყო ლაპარაკი.

— მკვნიებლები ჩვენთან ვერ მრავლდებიან, პატივცემულო ჯიბო, პროფილაქტიკას დროზე ვატარებთ, — ისევ რბილად შეაწყვეტინა ალექსიმ.

ვირეშმაკა ჯიბომ არ გაიკარა ნართაული და მთელი საათი ილაპარაკა ამ თემაზე.

შებზრებულმა და თავატკიებულმა ალექსიმ ვერ დაფარა ვაცდენილი ღროის დანანება, მაგრამ არც ჯიბომ გაიტეხა იხტიბარი და ორიოდე დღის შემდეგ კვლავ ეწვია ირმისს.

ალექსიმ საფუტკრეში შეიტყო მისი ჩამოსვლა და ციცერო დაიბარა. „ციცერო“ — სიკო ადამაშვილს შეარქვეს ახალგაზრდებმა. სიკოს ლაპარაკის უინი რომ მოუვლიდა, მტრისასი დაოსებული მსმენელი თუ გაექცეოდა, სიკო ბარს, ნიჩაბს, ხეს, ტრაქტორს ელაპარაკებოდა.

— სტუმარია ჩამოსული, — უთხრა ალექსიმ, ციცერო რომ დაინახა, — მე არა მცალია და შენ მიდი კანტორაში, თუ ძმა ხარ, გაართე ის კაცი.

ციცერომ ხათრი არ გაუტეხა თავმჯდომარეს. ისე იმარჯვა, რომ მისი ლაპარაკისგან თავდასიებულმა ჯიბომ ლაჩრულად დაიხია, გაიქცა, თავმჯდომარის მტვრიან მაგიდაზე თითით მოხაზული თავისი ინიციალებიღა დატოვა. გულში დაიფიცა, რომ ყველაფერს, ძველსაც და ამ ახალ წყენასაც მწარედ გადაუხდიდა გონჯაურას, იმ ყბედ სიკო ადამაშვილსაც და საერთოდ, მთელ ირმისს.

ღარიანში მან რანისაბჭოს თავმჯდომარის როსტომ ბიბიღურის კაბინეტის კარი შეაღო და აღმფოთებულმა დაიძახა:

— რა თავმჯდომარეა ის კონჯაურა, თავის დღეში ადგილზე ვერ ნახავ, საქმისთვის ვერ იცლის!

— რჩეულიშვილს საქმე არ უყვარსო, მაგას ვინ დაგიჯერებს, ჩემო კარგო? — გააქნია თავი ბიბილურმა და კმაყოფილებით გაივლო გულში: „გეტყობა, გამოგაპანჩურეს ირმისელებმა, მამა ვაცხონე იმათი!“

— როგორ თუ ვინ დაიჯერებს?! კანტორაში მაგიდებზე და სკამებზე ერთი ადლი მტვერი დევს! მე ვადასტურებ, რომ ის საქმით თავს არ იწუხებს!

— მტვერი დაგიდასტურებს? — ჩაიცინა ბიბილურმა.

— შენ იცინე, დიას! საქმისთვის ვერ იცლიან-მეთქი, ვერა! დილიდან სალამომდე ქაქანსა და ყბედობას უნდებიანი!

— უყურე შენ! მაშ, რჩეულიშვილი იმიტომ გვედავება ჩაბარების განაწილებაზე? — ჩაუკრა სიტყვა ბიბილურმა ირმისელების პროტესტზე, რომელსაც ისინი აცხადებდნენ გადიდებული გეგმების გამო.

— ეხლა მიხვდი?! ძალიან მხარს კი უჭერდი იმ „კლიაუზნიკებს“! მორჩა, მე იქ ფენის მიმდგმელი აღარა ვარ!

„დაგიჩოქებენ, შეგეხვეწებიან, მოპატიუეს გაახლებენ“, — გაივლო გუნებაში როსტომმა და ჯიბოს მშვიდად უთხრა:

— გულს ნუ იბრუნებ, ჩემო კარგო, თავს გაუფრთხილდი, შენ მთელ რაიონს სჭირდები.

— მე რომელ ერთს გავწედე, ამდენ უსაქმურებს როგორ მოვუარო? — ბობოქრობდა ჯიბო ჭიმიანშვილი.

მილიციის უფროსი კი, სარდიონ მაღალაშვილი სულ სხვა აზრისაა ირმისელებზე. სარდიონი მაღალი, ჩაფსკვნილი და ეშხიანი კაცია, ქალების მუსუსი და საღვინე ყურძნის ჯიშების ზედმიწევნით მცოდნე. მას საკმაოდ სწორი წარმოდგენა აქვს რაიონის კოლმეურნეობების ქონებრივ მდგომარეობაზე და პურმარილიან თავმჯდომარეებთან მეგობრობას ეტანება.

— იტყვი რაღა! — ეკამათება ჯიბოს, — შენ თვითონ არა გჯერა შენი ნათქვამისა. გონჯაურა თითონაც წელს იწყვეტავს მუშაობით და სხვებსაც სიქას აცლის! შენ სხვა თქვი: ის რჩეულიშვილი ისეთი ბუნწი და წუნურაქია, ცალი არა ჰყავს! წყურვილით რომ იხრჩობოდე, წყალი რა არა, ჭიქა წყალს ვერ გამოსდნები!

— ჩემო კარგო, ასე შორს წყალზე რა გატარებს?—უწყინარი ღიმილით ეუბნება ბიბილური, — ასე რად იწუხებ თავს?

— ოჰ, შენ არ შეწუხდე, თითონ არ მოიტანონ, ეგ რა გამოვა, ჰა? — წრფელად უკვირს სარდიონს.—ყველანი გონჯაურასავით რომ იცეოდნენ, მაშ მე რა ექნა, წმინდა მამების არტელი გავხსნა? შენც ერთი, როსტომ, ვაჟაკი ხარ და ქრისტესა ჰბაძავ!

— ჰო, ჰო, ყოვლისმიტვებელ ქრისტეს! — წაუსისინა ჯიბომ.

— ე, ე, მაიცათ, ხუმრობა იქით იყოს, ყური მიგდეთ, რა გაიბოთ! ამწინაზე ირმისში მოვხვდი. აქეთ ვიარე, იქით ვიარე, თავმჯდომარე ვერა ვნახე...

— აკი ვამბობ, საქმეს ემალება-მეთქი! — ისევ წაუსისინა ჯიბომ.

— დამაცა, კაცო, ნუ მიშლი! პოდა, დავადე თავი და შინ მივაკითხე. ცოლი მეუბნება, შინ არ არი, გვიან მოვაო. მე კიდევ ვდგევარ, ადგილიდან ფეხს ვერ ვიცივლი, რეტდასხმულივით გავხდი, მე და ჩემმა ღმერთმა, თვალს ვერ ვაშორებ. კაცო, რა მზეთუნასავი ყოფილა ის ქალი! ბოლოს ვეუბნები, დავუცდი, ძაან საჭირო საქმეა-მეთქი. თქვენი ნებააო, მითხრა და შინ კი არ შემოპატიჟა, სკამი გამომიტანა, დაბრძანდით და დაუცადეთო. როგორ მოგწონთ, ჰა?

— ბარაქალა! — შვებით ამოისუნთქა ბიბილურმა.

— შენა, როსტომ, ნამდვილი იესო-ქრისტე ხარ, ქრისტეს მადლმა! თუმცადა, უცოდველი არც ის იყო, მარტო ერთი მარია-მაგდალინელი რო ავიღოთ... — გადაიხარხარა სარდიონმა.

— აბა, გეყოთ ლაყობა, მიშლით, საქმე მაქვს! — ვითომ ხუმრობით დაუტატანა მათ ბიბილურმა და ორივე გარეკა კაბინეტიდან. „ო, როგორა მძულხართ, მაგრამ რა გამეწყობა? — დაღონებული ფიქრობდა როსტომი. — რომ ავჯახირდე, გულვარდიშვილი აღარ დამაყენებს, ოჯახს ულუკმაპუროდ დამირჩენს... აგერა, ანდრო დეკანოსიძე სიმართლის თქმისთვის ლამის გიჟად გამოაცხადოს, ცა უწითლდება, ვიდრე თავიდან მოიშორებს იმ პატიოსან კაცს...“

თუმცა ირმისელები სიცილით ჰყვებოდნენ „უიღბლო სტუმრების“ ამბებს, მაგრამ მათ გაცილებით ესიამოვნებოდათ ლაპარაკი იმათზე, ვინც მათთან დამეგობრება შესძლო. ისინი ხომ ნამდვილი ადამიანები იყვნენ. ავ-კარგის გამგები, საქმის გულშემატკივარი,

აი, როგორც ანდრო დეკანოსიძეა — რაიკომის მეორე მდივანი. სალამს ვერავენ დაასწრებს, თავმჯდომარეს ვენახში, ფერმაში, სანერგეში ან მშენებლობაზე მიაგნებს, მასთან ერთად დაივლის მეურსეობას, კეთილი თვალით დაინახავს, რაც ვაკეთდა სოფელში, რაც კეთდება, და რისი ვაკეთებაც თავის ჯერს უცდის.

დაღლილი და შთაბეჭდილებით სავსე დეკანოსიძე „სანდრა-პაპისეულ ქოხში“ ისვენებდა. ზოგჯერ ღამესაც იქ ათევდა. მასპინძელთან გულგანდობილ საუბარში იადვილებდა სოფელში დანახული ჩრდილ-ნათელის გარკვევას. უხაროდა, რომ ახალგაზრდა თავმჯდომარე აღწევდა მიზნების ერთიანობით შრომისმოყვარე ირმისელების გატაცებას, რომ მათ ჭეშმარიტ კოლექტიურობას დულაბივით პკრავდა სითბო სიკეთისა. დროდადრო ის ბეჯითად აკვირდებოდა ალექსის, თითქოს ცდილობდა ამოეცნო, წინაპართა რამდენმა თაობამ აკინძა მის სულში გულქართლი მარცვლები, და რამ ამძლავრა ეს მადლიანი მემკვიდრეობა ისეთნაირად, რომ ქვენაზრახეებით შეპყრობილთ ვზას და გასაქანს უხშობდა.

„პო, ასეთები ქმნიან ერის ისტორიას...“ — ყოველთვის ასე ასკვნიდა ხოლმე თავის ფიქრს ანდრო დეკანოსიძე.

ეს ორი ადამიანი ერთმანეთთან გულგანდობილ საუბარშიც დათქმულებივით ერიდებოდნენ გულვარდიშვილის ხსენებას. რაიკომის პირველი მდივნის საზღვარდაუდებელი თავნებობა, უჯიათობა, სხვისი სიტყვის, აზრის თუ რჩევის სრული იგნორირება საგრძნობ ზიანს აყენებდა დარიანის რაიონს. მეორე მდივნის საქმიანი და სასარგებლო წინადადება მეტოქეობად, მის წინააღმდეგ გამოხდომად მიაჩნდა. დეკანოსიძეს ვერაფერი გაეწყო მასთან და თავის გულს ასკდებოდა. განუწყვეტელმა ნერვიულობამ დაასნეულა კაცი. ალექსისთან რისთვისღა ესხენებინა პროკოფი გულვარდიშვილი — კარგს ვერაფერს იტყოდა მასზე, ზურგსუკან ძრახვას კი არ იყო ჩვეული...

ალექსიმ კი იცოდა, რომ დარიანში, გულვარდიშვილთან უთანხმოება უწამლავდა სიცოცხლეს დეკანოსიძეს, და ამიტომ ერიდებოდა იმ კაცის ხსენებას. უნდოდა, რომ ანდროს აქ, ირმისში ყოფნისას მაინც დავიწყებოდა პირველი მდივნის სახეც და სახელიც...

— ალექსი, — მცირე დუმილის მერე მიმართა ანდრომ მასპინძელს, — მართალია, პრაქტიკული ცოდნა შენ არ ვაკლია, მაგრამ... შეწყვეტილი სწავლის გაგრძელებაზე არ გიფიქრია?

ალექსი სდუმდა. ანდრომ იცოდა, რომ რჩეულიშვილის მტკივან



ადგილს შეეხო, მაგრამ არ დაიხია, უფრო დაბეჯითებით განაგრძო:  
— შენ გამოცდილებას იძენ, თვალდათვალ იზრდები, მაგრამ განათლება თუ არ გექნება, ზრდა ცალმხრივი გამოივა, არა? დაკარგული დრო უნდა აანაზღაურო. მომავალში შენ ამ პატარა მეურნეობას არ გაკმარებენ...

— ხვალ აღარც პატარა მეურნეობა იკმარებს უსწავლელ ხელმძღვანელს! — თქვა ალექსიმ იმ ხვალინდელი დღის წრფელი მოწონებით.

— ჰოდა, ისწავლე. შენ ძაღვიძის მიზნის მიღწევა. ავისმქნელთა შარის მოსადებ საბაბსაც გამოაცლი ხელიდან...

დილაუთენია წასულმა დეკანოსიძემ ალექსის განცხადება წაიღო თან და საშუალო სკოლის კურსის ექსტერნად ჩაბარების ნებართვაც არ დაუგვიანა.

იმ ზამთრის ღამეები ალექსიმ სკოლის სახელმძღვანელოებს შეაღია. მთელი დღის მუხლჩაუსრელი კაცისთვის იქნებ საძნელი ყოფილიყო გათენებამდე წიგნის კირკიტო, მაგრამ... კაციც არის და კაციც! ეს ახალგაზრდა კაცი სოფლის სიამ-სიმწრით გაჭედვილ ყოველდღიურობას ზურგზე მოკიდებული ტვირთივით სტოვებდა სახლის ზღურბლთან და შინ, როგორც დღესასწაულზე, ისე შედიოდა. რას არ შესძლებდა, რა სიმძნელეს არ დასძლევდა ხატულას და სანდრას გასახარებლად?!

გაზაფხულზე ალექსი თბილისში წავიდა გამოცდების ჩასაბარებლად. ატესტატი რომ მიიღო, თავისი და ხატულას საბუთები ერთად შეიტანა სასოფლო-სამეურნეო ინსტიტუტის დაუსწრებელ სექტორზე.

## თ ა ვ ი მ ე ს ა მ ე

დრო შეუფერხებლად განაგრძობს სვლას.

დღეები შორეული მიზნებისაკენ მიიჩქარიან.

ძნელია გზა ამ მიზნებამდე.

ახალ-ახალი საზრუნავი, დაბრკოლება, თავსატეხი ამოცანები ჯაჭვის რგოლებივით ებმიან ერთმანეთს, მაგრამ ყოველი დღე ახლოებს იმ მიზნებს და მომავლის რწმენა აადვილებს წინსვლას.

თუმცა დარიანის რაიონის ყველა სოფელი ვერ ხედებოდა ახალ

დღეს სიხარულით. გათენება რას მოუტანდა იმ სოფლებს, თუკი ისინი თაღსად ჩაგვირისტებული რჩებოდნენ ალაზნის ველის წარმტაც ქარვამი. სასიხარულო რა ჰქონდათ, თუ მათი ბელღები გამოცარიელებული იყო, თუ შრომადღებზე მიღებული კაპიკებით ოჯახი ახალწლამდე ძლივს შავშავებდა, მერე კი მარნენალი დღიური სამუშაოს საძებნელად უნდა წასულიყო შინიდან.

მათ სიდუხჭირეს თითქოს სხვადასხვა მიზეზი ჰქონდა.

აი მაგალითად, კირიანის კოლმეურნეობის თავმჯდომარე დათა ძღებრიშვილი განთქმულია დარდიმანდობით და ხელგამლილობით, მაგრამ მის შორსგავარდნილ სახელს გლეხის შრომა ასაზრდოებს.

თაფლაურას კოლმეურნეობის თავმჯდომარე მოსე ლაბაძე უძილობით იტანჯება. დღეღამ იმის ფიქრშია, უფროსებს როგორ აამოს, რიყ ამაგროს ანაბრებული მეურნეობის კეთილდღეობაზე ყალბი წარმოდგენა.

ნატაძრის კოლმეურნეობის თავმჯდომარე გაბო ნაცვლიშვილი სულაც არ უქნია ღმერთს. თვითონ რაიონის ხელმძღვანელების მორჩლი მსახურია და ნატაძრელების მეურნეობას ჯიბის ფულად აწყალებინებს გამვლელ-გამომვლელს.

ჰოდა, სინამდვილეში გამოდის, რომ იმ სოფლების სიდუხჭირის მიზეზებს ერთი სათავე აქვს, და რა თქმა უნდა, ვისაც სხვისი გაჭირვება საკუთარ სიხარულს უწამლავს, ის გულგრილად ვერ უყურებს მეზობლის დაღონებას.

— დიტო ხირსელი იტყოდა ხოლმე „იმათზე ხელმძღვანელებმა აიტკიონ თავით“, — გადმოულაპარაკა ალექსის ნიკო ხელაშვილმა.

ხე-ტყის სახერხი ქარხნიდან ბრუნდებოდნენ. შარაგზის გასწვრივ დაკლაკნილ ბილიკზე მისდევდნენ ერთმანეთს.

ალექსიმ არ უპასუხა. გზადაგზა ეკლიანი ღობის გადაღმა ისე დებოდა, დაუდევრად შეწამლულ ვენახებს ათვალიერებდა.

— ჩვენი რაიონის ხელმძღვანელებს კი, — განაგრძო ნიკომ, — თავის ტკივილი არა სჩვევიათ.

— მაგისტვის თავი უნდა ჰქონდეს კაცს, — ბოლმიანად ჩაიბუბუნა ალექსიმ.

— რაც მართალია მართალია, თავი საჭირო ნივთია — გაიცინა ნიკომ. მისვდა, რომ ალექსის გულს უწუხებდა ნატაძრელების ხელმიშვებული ვენახების ხილვა, ისევე როგორც თვითონ ნიკოს. მაგრამ ნიკო ბევრად უფროსი იყო ალექსიზე და ცხოვრებაში გაცილე-

ზით მიძიმე საწუხარს შესწრებია, ისწავლა ამო გულისტკივილის და-  
ნელება, მოელენების მშვიდი ვონებით განსჯა.

კამონდა მტერის კორიანტელში გახვეული, ყურწამლები გრი-  
ხინით მომავალი მანქანა, თაფლაურას კოლმეურნეობის თავმჯდო-  
მარის, უძილობით დატანჯული მოსე ლაბაძის მინვრეულ-მონგ-  
რეული „მ-ს“ წამოეწიათ და გაჩერდა. შოფერმა უმეტყველო თვალე-  
ბით გადმოხედა ქვეით მგზავრებს და ისევ საჭეს ჩააშტერდა. გვერ-  
დით თვითონ ლაბაძე ეჯდა. შუახსნის კაცი იყო, გრძელცხვირა და  
გაცრეცილი გრძელსახიანი. ტილოს მაღალი ქუდი სასაცილოდ უგ-  
რძელებდა ცხვირსაც და სახესაც.

ლაბაძე მანქანის კარს დაეჭიდა, მაგრამ ვერ გააღო, ხელი ჩაიქ-  
ნია და მინაჩატეხილ საარკმელში გამოყო თავი.

— სასლიკაცებს ვახლავარ! საით? დაბრძანდით, მიციყვანთ!

— ნუ სწუხდები, მოსე, ჩვენ სხვა გზა გვაქვს, — უთხრა ნიკომ.

— სხვა გზა რას მიქვიან? გულსაამო ადამიანებთან ჩვენ ყველა  
გზა გვაწყობს!

— ნუ იტყვი. შენ გარკვეული გეზი გაქვს აღებული, რა აზრია  
იმის გამოცვლა, — მოჭუტა ჭკვიანი თვალები და ვითომ ხუმრობით  
უთხრა ნიკომ.

— ეეჰ, ძვირფასებო, მიწა მრგვალია, რა გეზითაც არ უნდა იარო,  
სულერთია, მაინც ცენტრში მიხვალ! — ჩაიხითხითა მოსემ თავის ქა-  
რაგმულზე.

აქამდე განზე უხმოდ მდგომ ალექსის მოსეს ხითხითმა სახე და-  
უმანჭა.

— შენი ხალხი ვნახეთ ხე-ტყის ქარხანაში, ქირით სამუშაოს  
იხვეწებოდნენ, — უთხრა საყვედურით.

— სამუშაოს! იმათთანა მუნიან ნაცარქექიებს იქიდანაც მალე  
გამოაპანღურებენ, მამიჩემის ცხონებაში! თითის განძრევა ემკვლე-  
ლებათ იმ სახედაღლებს!

ალექსი მანქანას მიუახლოვდა, თითქოს უნდოდა ხელი წაეკრა,  
რომ წასულიყო, აღარ დაენახა ლაბაძის საძულველი სახე.

— შენ აიძულებ გარე-გარე სიარულს, ცილს მაინც აღარა სწა-  
მებდე! — უთხრა აღშოთებით.

მოსემ სწრაფად გადახედა შოფერს და მერე ნაძალადევად გაი-  
ლიმა.

— ეშმაკმა იცის, რა ილაშლაშეს, და შენც დაიჯერე?! ვისაც სი-

რბილი ესალისება, ირბინოს, გზა მშვიდობისა, ჩვენ კი მადლობა  
ღმერთს, სიღარიბეს არ ვუჩივით!

— პირიქით, არ იცი, იმდენ სარჩო-საბადებელს როგორ მოუა-  
რო, ისლაა გასაკვირი, თქვენ დავალიანებას სხვა რად უხდის სახელ-  
მწიფოს.

— მაგას, ჩემო ალექსი, მე და შენ არ გვეკითხებიან, უფროსებს  
არაფერი შეეშლებათ!

— სხვისი სიბეცით სარგებლობა — უსვინდისობაა!

— შენა გგონია, ჩვენს უფროსებს სიბეცე სჭირთ? — ტუნის კუ-  
თხეებში ქაფი მოადგა მოსეს, თავი მანქანაში შემალა და შოფერს  
წასვლა უბრძანა.

შოფერი ისეთივე უმეტყველო თვალებით გადმოვიდა მანქანის  
დასაქოქად.

ნიკომ და ალექსიმ გზა განაგრძეს. კარგა ხანს იარეს ხმაამოუღე-  
ბლად, გზის გასაყართან კი ნიკო ერთბაშად მოუტრიალდა ალექსის.

— სიტყვას ვერ ამოგაძრობს კაცი და იმ ნაძირალას რას გაუბი  
ლაპარაკი?

— ეგ ნაძირალები ქვებსაც ააყვირებენ.

— არ იცი, როგორ მოაჩუქურთმებს, რას ჩაუკაკლავს პროკოფი  
გულვარდიშვილს?

— ჰოდა, კარგია, ეგებ შევეშველოთ ამხანაგს, თავის ტკივილი  
დაეწყოს, — გაუღიმა ალექსიმ და მაგრად ჩამოართვა ნიკოს ხელი.

სოფელი ჭირნახულს აბინავებდა და მომავალი წლის ბარაქაზე  
ზრუნავდა. ირმისელები საქმეს ვერ აუდიოდნენ, თავმჯდომარე კი  
მაინც ახერხებდა, ყოველ გამთენიისას ხევგალმა ნაპირს ზეერავდა.  
უყვარდა მთებიდან წვრილზვირთიან მდინარესავით მოღვნილი ფა-  
რების დახვედრა და საზამთრო საძოვრებისკენ მათი გაცილება.

მაგრამ არ ჩანდა ცხვარი და ველარ ისვენებდა ალექსი. ძალზე  
ადრე ჩამოთოვა მთაში და ო, რა კარგად იცნობდა ის ზამთრის ად-  
რეულა იერიშს მთაში! იცოდა, რომ კუთვნილ დროზე ადრე, არც  
მზე დასთმობდა ტახტს უბრძოლველად. ასეთ თავგუნება შემოდ-  
გომას ცხვარი ადრე უნდა აშლილიყო მთიდან, უნდა გამოესწრო  
ბუნების მზაკვრულ იღეთისათვის, გამოესწრო, ვიდრე ზამთარ-ზა-

ფხულის ორთაბრძოლაში უცებ ჩამდნარი ლბილი თოვლი მოულოდ-  
ნელ დიდროად ჩამოასკდებოდა ბარს, წალეკავდა ვზას, საფარს,  
ცალ-ღირე ბონდს, ხიდებს...

ალექსის ელდასავით სცემს მაღლიდან გამოქროლილი სიოს სუ-  
სხი და თეთრად ამოქარგული მთების ტუხილი ხაზი. იგვიანებს  
ცხვარი და ღელავს ადამიანი. ამბის გასაგებად კაცები გაგზავნა მთი-  
სკენ და თვითონ რაიონის ხელმძღვანელებს მიაკითხა: ეგებ დაავიწ-  
ყდათ, რამოდენა ზარალი მოჰყვება ხოლმე სექტემბრის თავნებობის  
არად ჩაგდებას?!

ღელავს ალექსი და ბრაზობენ უფროსები: რას აგვიკლო იმ გონ-  
ჯაურამ, ცხვარს ვინ აკითხებს, თავის საქმეს მოუაროსო.

ამასობაში დრო წაგებული აღმოჩნდა. დაგვიანებული ნებარ-  
თვით წამოსულ მეცხვარეებს გზაში ქარაშოტმა, სეტყვამ, თოვლმა,  
წვიმამ, წყალდიდობამ უწია. ნესტგამჯღადარი, შეცივებული ცხვარი  
საბრალისი ბღავილით მოადგა ადიდებულ ირმისხევს. რის ვაი-ვაგ-  
ლახით გადმორეკეს ფარები მოფამფალეზულ, უშნოდ გაწეწილ ხიდ-  
ზე პირუტყვს ფეხზე დგომის ღონე აღარ ქქონდა, რა სული და ხორ-  
ცი შერჩებოდა წინმდებარე შორ სავალზე?!

— ხალხო!.. — მიუბრუნდა ალექსი თანასოფლელებს და სათქმე-  
ლი ველარა თქვა: ვის გაუგონია? ათასობით ცხვარს სოფელში ვინ  
შეუშვებს? მოუღეველ საშემოდგომო საქმეს ზედმეტ თავსახლელს  
რალად მიამატებენ? ეს საცოდავი ნატაძრელები ზოტტექნიკოსს და-  
სევიან, ლამის გაგლიჯონ ვაჟა კვერენჯაძე:

— მაშ, ეს საქმეა? — უყვირიან ისინი ვაჟას, — ჩვენ შვილებს უკა-  
ნასკნელ ლუკმას ვუყოფდით, შენ გეხმარებოდით, გვინდოდა გეს-  
წავლა და გამოგვდგომოდი, შენ კი იმის ცოდნა და მარიფათიც ვერ  
გამოიჩინე, რომ დროზე წამოსულიყავით! ორიოდ ცხვარი გაგვან-  
ნდა და ისიც დაღუპვამდე მიიყვანე! ბრძანებას რას უცდიდი, არ იცი,  
დარიანში ჩვენთვის თავს არავინ გაიცხელებდა?!

— ხალხო!.. — ველარ მოითმინა, ისევ დაიძახა ალექსიმ და ისევ  
გაუწყდა სათქმელი.

მაგრამ მისი დაძახება ყრუ კედელს კი არ შეკხეთქებია, მიუხ-  
ვდნენ ირმისელები თავმჯდომარეს, დაიძრნენ, კედლად დადგნენ  
შარაზე, ცხვარს სოფლისკენ უბრუნეს პირი.

ქუჩებს, შუკებს, ორღობებს, ეზოებს მოედო პირუტყვი. სოფლის  
სუნი რომ იკრეს, უარესად აბღავლდნენ, მათი საცოდაობით ქვა გას-

კლებოდა. ადგნენ ირმისელები და სადაც ბოსელი, ფარდული, ჯი-  
სურა, ბაკი, გომური იყო — ყველაფერი დაუთმეს, მაგრამ ვერ დაე-  
ტია ცხვარი. „თუ მადლია, მარილიც მოვაყაროთო“ — თქვეს ირმი-  
სელებმა და მარნებში, აივნებზე, მერე კანტორაშიც და კლუბშიც შე-  
რეკეს, ბატკნები კი საბავშვო ბაღის სახელდახელოდ დაცლილ ოთა-  
ხებში დააბინავეს. ცას მისწვდა სასწრაფოდ დანთებული ბუნხრების  
და ღუმელების ბოლი...

თბილად დაიღამა და გაითენა პირუტყვმა, სული მოითქვა, გაშ-  
რა და გალალდა. მეორე დღეს გვიან გათენდა. თითქოს მთაში ნაომარ  
მზეს ისრები დაუჩლუნვდაო, როდის-როდის გაარღვია მოქრუშული  
ცა და ვინ იცის, სასიხარულოს რას შეასწრო თვალი, ღრუბლები  
უცებ მიყარ-მოყარა, აელვარებული დაეკიდა კაბადონს და მცირე  
ათინათებით მოფინა დედამიწა.

მოსულიერებული ცხვარი მარაზე გაიყვანეს. ისეც ჩვეული შე-  
დიდურობით მიაბიჯებდნენ ვაცები და რქებდაგრებილი ყოჩები.  
ისეც მარჯვედ მისდევდნენ მათ ერკემლები, მიიქნევდნენ ღუმას  
შიშაკები, ქვეკვევით მიდიოდნენ კოსტაპრუწა თოხლები, მიაბაკუ-  
ნებდნენ თეთრხუჭუჭა ბატკნები.

ფარა ფარას მიჰყვა. წავიდა ცხვარი. გაუჩინარდნენ ბოლომცვე-  
ლი ნაგაზებიც, მხარზე გირგილვადებული მწყემსებიც, მოჩარდახე-  
ბული ცხენურმებიც.

— ისეც ირმისელების წყალობით ვარსებობთ და ეხლაც მაგათ  
გადაგვირჩინეს ცხვარი დაღუპვას, ღმერთმა დიდი დღე მისცეს იმათ  
ღვთისნიერ თავმჯდომარეს! — ეუბნებიან ნატაძრელები კვერენჯაძეს.

— ჩემო ნატაძრელებო, ჩემო ძვირფასებო, — იცინის ვაჟა, — დი-  
პლომი ინსტიტუტმა მომცა, ჭკუას თქვენგან ვსწავლობ, გამოცდი-  
ლებას შეცდომებიდან მივიღებ! ერთი-ორი წელიც მაცალეთ და მე-  
ცხვარეობაში პირველ ადგილზე თუ არ გამოგიყვანეთ, ბიჭი არ ვი-  
ყო! — იცინის ვაჟა და ისეთი გადამდები სიცილი აქვს, რომ გულწა-  
თხრობილი ნატაძრელები ვერ უძალიანდებიან. ერთი-ორი წელი მა-  
ცალეთო! ნატაძრელებს მოთმენის უკეთ სხვა რა სჩვევიათ? დაცი-  
დიან. ვაჟას სიტყვას განა არ დაიჯერებენ? ვაჟა მაინც ვაჟაა, მათი  
გაზრდილი, გულთბილი და პატიოსანი ბიჭი!

ვაჟა სირბილით გაეკიდა წასულებს. გამცილებლები ირმისს მი-  
უბრუნდნენ და სოფლის დასუფთავება-მოწესრიგებას შეუდგნენ.

რაიონის ხელმძღვანელებმა თავის მცნევალებისაგან ყველაფერი

იცოდნენ. ირმისში მისვლა არ ინდომეს, დანაშაულის აღიარებად არავინ ჩავვითვალთ, და ფარებს სოფლებიდან მოშორებით, მინდორში დაეწივნენ. ცხვარს დაზარალებისა არა ეტყობოდა რა, და გული რომ დაიარსებინეს, აქეთ გამოედევნენ მეცხვარეებს, ვინ მოგცათ ნება პირუტყვი სოფელში შეგეყვანათო. თქ, ისევ გონჯაურა?! საზღვარი აღარ უნდა დაედოს იმ კაცის თავნებობას? ცხვარს სოფელი აკლებინა, საბავშვო ბავშვი ააოხრებინა, გაგონილა?.. ნამდვილად პასუხისგებაშია მისაცემი!

ბოტოქრობით გამოგრილდნენ ირმისში და პირკატა ეცათ — სოფელში „აკლება-აოხრების“ კვალი ვერსად დაინახეს. ხალხს საბავშვო ბავშვის ეზოში მოეყარა თავი დასასვენებლად. აბა ასე საჯაროდ რა ეთქმოდათ, წინა კბილებით მადლობა გადაიხადეს, ბავშვების სიმღერა-ლექსებსაც მოუსმინეს და თათხებიც დაიარეს. ერთგან კედელზე მირჩენილი ბოლომოკორტინილი სურათის გამო ერთმანეთს აზრი გაუზიარეს, ჯიბომ კი სურათი ჩამოხსნა, ბეჯითად დაახვია და „ყოველ შემთხვევისათვის“ ხელს გააყოლა.

ბოლოს სტუმრები აივანზე გამოდგნენ, რაიონის მიღწევებზე, მეცხოველეობის აღმავლობაზე, თავდადებულ შრომაზე და მომჭირნეობაზე ლაპარაკით გული იჯერეს და წავიდნენ.

ყველამ იცოდა, რომ რჩეულიშვილს თვალის დასანახავად ექავრებოდა და დაუნდობლად ჰგმობდა მათ, ვინც ხალხს ცხოვრებას უჭირვებდა. ამიტომ უკვირდათ, რომ ალექსი არ იზიარებდა საერთო აზრს გაბო ნაცვლიშვილზე.

„უხეირო, წყალწაღებული კაციაო“, — ამბობდნენ ნატაძრის კოლმეურნეობის თავმჯდომარეზე ისინიც, ვინც ურცხვად სარგებლობდნენ მისი უტყვი მომსახურებით და ისინიც, ვინც იჩაგრებოდნენ მისი სიბენავით. ასე ამბობდნენ ირმისელებიც, და ნატაძრელების ბავშვებს სამადლოდ ზრდიდნენ თავის ბავშიც და საბავშვო ბავშიც.

ალექსის კი რატომღაც ეცოდებოდა ის კაცი, თითქოს ვერ იმეტებდა აუვისათვის. ეგებ იმიტომ, რომ თვითონ ნატაძრელები თავისი ხელმოკლეობისა და სიდუხჭირის გამო ნაცვლიშვილს კი არა, ბედს ემდუროდნენ, გაბოს ძვირს რომ გაიგონებდნენ, ამოიოხრებდნენ ხოლმე, ეჰ, თვალი დაუდგა ზოგი კაცის ყისმათსო!“

ერთხელ, გამთენიისას, ვენახების შემოვლის დროს, ალექსიმ ნატაძრელების ნაკვეთიდან განგაშის მსგავსი ყროყინი ვაიგონა. სწრაფად გასწია იქით და დაინახა: ხის ყუთებით დატვირთულ ორ-თვალაში შებმულ ვირს გაბო ხან ემუდარება, ხან გამეტებით ურ-ტყაბს, მაგრამ სახედარი ადგილიდან ფეხს არ იცვლის და უსაშვე-ლოდ ყვირის.

მახვდა ალექსი: გაბოს საკოლმეურნეო ბაღი გაუძარცვავს და ვი-ლაცასთან მიაქვს ნატაძრელების ერთადერთი სიკეთე და სიამაყე — სანაქებო ჯიშის ადრეულა ვაშლი.

აღშფოთებული ალექსი მივარდა ორთვალასთან.

— ახლავ, პირუტყვი შენზე პატიოსანი ყოფილა! — დასჭექა გა-ბოს მოულოდნელად.

ნაცვლიშვილი აწრიალდა, ღობეს მიაწყდა, თავის აწევა ვერ გა-ბედა, ნაწყვეტ-ნაწყვეტად დაილაპარაკა:

— მაშ რა მექნა? რა ვქნა, რა? მითხრეს. ეხლა ნებავთ. ვიდრე იშვიათიაო. მერე რაღათ გვინდაო...

ალექსი დროზე მოვიდა გონს, უნებლიეთ აწეული ხელი დაუშვა და ზედ ისე დახვდა, თითქოს სხვისიაო, სული შეუგუბდა.

— გასწი, დამეკარგე თვალიდან, მასხარავ! — ამოისუნთქა მოგვიან-ნებით.

გაბო ჯერ მორჩილად გატრიალდა, ფეხათრევიტ წავიდა, მაგრამ უცებ ისევ შემოტრიალდა, სწრაფი ნაბიჯით დაბრუნდა, ალექსის წინ დადგა და თვალი გაუსწორა:

— მოგეკალი, შე მადლიანო, მოერჩებოდი, მოვისვენებდი.

„რა მოსდის, რა ემართება ამ კაცს?“ — მწვავედ გაჰკრა ფიქრმა ალექსის. მარწუხივით ჩაავლო ხელი გაბოს მაჯას.

— მოსვენება თუ გინდა, მოეშვი ნატაძრელებს, შენც მოისვენებ და აღარც ისინი დაიტანჯებიან.

— ჩემზე არ არის ეგ დამოკიდებული.

— გგონია, ნატაძრელები ვერ შეგელევიან?

— არა, იმათ არა ჰკითხავენ, ყურსაც არ უგდებენ.

— რას ამბობ, ვერ გამიგია.

— დიდი ხანია ნათხოვნი მაქვს. ასჯერ ვითხოვე და არაო, არ მიშვებენ...

ალექსიმ ხელი შეუშვა გაბოს მაჯას.

— არ მიშვებენო, და ნაპარავი ვაშლებით კი მხარდაჭერას



პყიდულაობ?! სხვები რომ ეგეთ რალაცეებს აკეთებენ, გასაგებია, გამორჩენა აქვთ, და შენა? ბალღები სამოწყალაოღ გეზრღებია, სასლი თაუზე გენგრევა, თითონ კაცი იყავი და ტალახადა ხარ ნაქცევი. რისთვის აკეთებ ამას, რისთვის?

გაბომ წამით ჩამოაფარა თვალებს გათხეღებული ქუთუთოები და მერე ისევ პირდაპირ შეხეღა აღექსის.

— დამიჯერებ? ნურაფერს კი ნუ შემეკითხები, ისე დაიჯერე, რასაც გეტყვი. მე შენზე უკეთესი თავმჯღომარე ვიქნებოღი, მაგრამ არ მინღა, არ არი საჭირო, არ შეიღლება, გესმის? არ მინღა, გჯერა?

აღექსის უნღოღა ეთქვა, მჯერაო, მაგრამ ხმას ვერ იღებღა. ის, რაც უცებვე დაიჯერა, საოცარი რალაც იყო, და გაოცებული, აუხსნეღი თანაგრძნობით შეპყურებღა გაბოს. ის აღარ იყო წეღანღელი აწრიაღებული „უხეირო“. სულ სხვა იყო, სხვანაირი და თითქოს უცნობი.

— ეთსოვ და არ მიშვებენ, — განაგრძობღა ის, — ჩემ ნებაზე მოქცევა კი არ შემიღლია. იყო ისეთი რალაც ჩემს ცხოვრებაში, რის გამოც, შენ მართალი სთქვი, ტალახადა ვარ ნაქცევი. დამნაშავე კი არაფერში არა ვარ. დამიჯერე, არაფერში არა ვარ დამნაშავე. ნურაფერს მკითხავ, მეტს ვერაფერს გეტყვი. შენთვისაც არ არის საჭირო, სჯობია არ იცოღე. ბუზი რომ გაებმება თობობას ქსელში, ისე ვარ. მოსვენება კი მენატრება, სამუღამო მოსვენება ისე მენატრება... მაგრამ ცოლ-შეიღი მეცოღება. ან იქნებ მართლაც ტალახი ვარ, სიბრალულს იმიტომ ვებღაუჭები...

აღექსი გარუმებული უყურებღა. გაბოს უყურებღა და უსასრულო შორეთიღან მომავალ, უზომოღ დაღლიღ-ღამაშვრალ მგზავრს ხეღაღა. თვალები ეტკინა და სთხოვა:

— წამოღი, გაბო, წამო, ძმაო, აქვე ფარღულში დაეწერთ განცნაღება. პასუხი ითხოვე, ოფიციაღური პასუხი მოითხოვე, გესმის? ვიპასუხებენ თუ არ გიპასუხებენ, მერე მოვიფიქროთ, ვნახოთ...

და მზე შუბის ტარზე იყო, აღექსი გაბოს რომ აციღებღა.

— ამას, ამ ტიაღ ყუთებს რა ვუყო? — ჰკითხა გაბომ აღექსის და თითქოს მაღღობით მოუთათუნა ისევ ისე ჯიუტად მღგომ სახეღარს.

— საბავშვო ბაღში წაიღებენ. შენ წაღი, გზა მშვიღობისა!

გავიდა ერთი დღე, მეორე, მესამე, და გაბო არ გამოჩენილა, არც არავინ იცოდა მისი გზა-კვალი. ალექსი განზრახ ახანგრძლივებდა ზვრების შემოვლას, ეგებ გაბო აქ მოვიდესო, მაგრამ ის კაცი არ ჩანდა და ალექსის მის ბედზე წუხილი უძლიერდებოდა.

მეთხე დღეს ირმისს პროტოფი გულვარდიშვილი ეწვია. ის ყოველ მოსვლაზე ამბობდა, „გზად შემოვიარე და ძალიან მეჩქარებაო“. თავმჯდომარე კაბინეტში თუ არ იყო, რაიკომის მდივანი არც მის დაძახებას ბრძანებდა, არც სათქმელს იტყოდა, ისე გაბრუნდებოდა, და თუ შეხვდებოდა რჩეულიშვილს, მაშინვე ჩივილს იწყებდა: „ისე ვარ გადატვირთული, წუთით მოცლა არა მაქვს, თორემ ირმისში ყოფნას და დასვენებას რა სჯობია?! ზოგიერთი ჩვენი ამხანაგით, მე ვერ ავეყები პირად სიამოვნებასო“.

ათასში ერთხელ გულვარდიშვილი ალექსისთან ერთად, მანქანიდან გადმოუსვლელად დაუვლიდა მეურნეობას, სიტყვასაც არ იტყოდა, რა მოეწონა, რა არ მოეწონა, ისევ გაქცევაზე ეჭვირა თვალი.

ამჯერადაც მდივნის მანქანაზე სქლად დადებული მტვერი ადასტურებდა ამხანაგ გულვარდიშვილის უზომო გადატვირთულობას.

ჯაფარაანთ ლიზამ შორიდანვე დაინახა მისი მანქანა, ბიჭები აფრინა თავმჯდომარესთან, თვითონ კი მის კაბინეტში შეეარდა, ქოთნით ყვავილები შეიტანა, მაგიდიდან და სკამებიდან მტვერი გადაწმინდა.

— რას აუტყხიათ, მტვერიაო? — ბუტბუტებდა თან, — მაგათი მტვერი საქმიანობის მაჩვენებელია და აქაური მტვერი — უსაქმურობისა? ზამთრობით დამლაგებელი გვყავს და მტვერიც არ არის, ზაფხულში, გარეთ როცა თითო მარჯვენა ოქროს ფასია, კანტორაში ასი წლის დედაბერსაც ვერ დააბამ, ესეც თუ არ ესმით და...

„სტუმრის საამებლად“ ლიზიკომ გარუჯულ ცხვირზე პუდრიც კი მიიყარა, მაგრამ თავდადება არ დაუფასდა, უფროსი აშკარად ცუდ გუნებაზე იყო. თავმჯდომარის მაგიდაზე ყვავილების ქოთანს რომ დაინახა, ირონიით მოკუმა თხელი ტუჩები და ბოლთისცემა დაიწყო, თან მწითური ბუსუსებით დაფარული თხელი მაჯა წარამარა მიჰქონდა თვალებთან, საათს დაჰყურებდა და იღუშებოდა.

ის რომ იღუშებოდა, ლიზიკო სიცილს ძლივს იკავებდა. სტუმარი ხმელ-ხმელი კაცი იყო და საშუალოზე ოდნავ დაბალი ჩანდა. წვრი-

ლი და მოხდენილი ხელ-ფეხი პქონდა. სახეც ლამაზი ექნებოდა, მაგრამ კანი პქონდა ისეთი ფერმკრთალი და მოღუნებული, რომ როცა იღუშებოდა, ლიზას ეჩვენებოდა, შუბლი გახუნებული ნარმასავით ეკეცებოდა.

მაგრამ აი, გულვარდიშვილმა კვლავ მიიტანა მაჯა თვალებთან და ლიზიკოს სახეზე ღიმილი გაქრა. მოეჩვენა, რომ სტუმარს რისხვამ ჩაუთალხა კანიც, ცისფერი თვალებიც, ხასხასა პალსტუხსაც კი დაუკარგა პეწი და ლაზათი.

„ასე რა აბრაზებს ამ დალოცვილს, — შემფოთებით გაივლო გულში მოანგარიშემ და ფანჯრიდან გასედა გზას. — სულ ათი წუთია, რაც იცდის. ამ გაგანია მუშაობის დროს თავმჯდომარე აქ სომ არ იჯდებოდა? თპ, მოდის ალექსი, მადლობა ღმერთს, მოდის!“

— შენ მართლაც არასდროს არა ხარ კანტორაში, — უთხრა გულვარდიშვილმა ალექსის, ხელი რომ ჩამოართვა.

— დიახ, იშვიათადა ვარ.

— მაშ, მიმდინარე საკითხებს როდის არჩევ?

— საკითხები ყოველ ნაბიჯზე ჩნდებიან და იქვე გვიხდება მათი გადაწყვეტა. თუ სასწრაფო არ არის, საღამოთი ვიხილავთ გამგეობაზე.

— მაგრამ კანტორაშიც ხომ უნდა იყოს ვინმე?

— დიახ, პატივცემულ ამხანაგო პროკოფი, გამგეობის წევრები მორიგეობენ, მაგრამ ყოველთვის ვერ სერხდება...

— არა, არა, არ შეიძლება, ეგ დაუშვებელია! აქ ყოველთვის უნდა იყოს ვინმე. ვინმე კი არა, უფლებამოსილი, პასუხისმგებელი პირი. რა იცით, ეგებ ჩამოდის ვინმე, ან მოხდეს რამე. ეგეც არ იყოს, კოლმეურნეებზე უნდა ზრუნავდეთ, თქვენ უნდა ემსახურებოდეთ, იმათ ხომ არ უნდა გდიონ? შემოსასვლელთან დაფა მიაკარით, მიღების საათები დააწესეთ და მიიღეთ სალხი, მოუსმინეთ, გამოიჩინეთ ყურადღება, ეს დიდი სანია უნდა გაკეთებულიყო!

— გაუაკეთებთ, ამხანაგო პროკოფი, კალოზე ხომ არ წამობრძანდებოდით?

— სამწუხაროთ, არა მცალია, ვერ წამოვალ. აქეთ ვიყავი და ერთი წუთით შემოვიარე. პო, მართლა! ამხანაგო ალექსი, კირიანელებს მანქანა რატომ არ ათხოვე? ჩემი ბარათი მიიღე?

— მივიღე.

— მერე?

— მანქანა სახერხის ქარხნიდან მასალას ეზიდება, ბელელის გა-  
ფართოება გვეჩქარება.

— შენ ხო იცოდი, რა სამწუხარო ამბის გამო დასჭირდათ კირი-  
ანელებს მანქანა?

— ამბავი სამწუხაროა, მაგრამ ვიფიქრე, კირიანს სასაფლაო ზე-  
დვე აქვს, მიცვალებულს ხელით წაასვენებენ-მეთქი.

— კიდევ რა იფიქრე? — სერიოზულად ჰკითხა მიღვანმა.

— თავმჯდომარის სიდედრის დამარხვა და ქელესი კირიანელებს  
გაუხდათ თავშისახლეელი და ირმისელები რაღად უნდა დაზარალ-  
დნენ-მეთქი.

— შენ ყოველთვის განსაკუთრებული მოსაზრება გაქვს, — ისევ  
სერიოზულად თქვა გულვარდიშვილმა.

— დარწმუნებული ვარ, თქვენც გექნებოდათ ეს მოსაზრება, მაგ-  
რამ მღებრიშვილის დახმარება და გამხნევება გასურდათ. რაკი ყვე-  
ლაფერმა მშვიდობით ჩაიარა, ამაზე თქვენი ყურადღების შერჩება  
აღარა ღირს.

ვერც მის სიტყვებს, ვერც დინჯ კილოს კაცი ვერ შეედავებოდა,  
მაგრამ რაღაცა იყო ალექსის სიტყვებშიც და კილოშიც ისეთი, რაც  
გულვარდიშვილს გაუგებარი დარჩა, ისეთი, რამაც მან თავისი თავი  
უცებ პატარად, ფიზიკურად ძალზე დაპატარავებულად მოაჩვენა და  
ისეთი საბაგელი გრძნობა განაცდევინა, რომ ვერაფრის თქმა ვერ  
მოახერხა. მერე შეეშინდა, რჩეულიშვილი არ მიმიხვდეს უცნაურ  
განწყობასო, ყალბი გულითადობა მიატოვა და ზემდგომის ძალაუფ-  
ლებიანობით ისარგებლა:

— ამხანაგო ალექსი, მე ბევრჯერ გავურუმდი შენს თავნებობას  
და ეტყობა, ამან ზიანი მოგიტანა. ჩვენი ტრადიციების უპატივცემუ-  
ლობა, ან მეზობლის მწუხარებას გაიზიარებ თუ არა — ეგ პირადი  
ამბავია, შენი ნებაა, მაგრამ ლაპარაკი გეგმებზე, გადასახადების  
კითხვებზე არასწორ განაწილებაზე და სხვა ამისთანებზე კი — უკაცრა-  
ვად! იქნებ იმასაც ფიქრობ, რომ სახელმწიფო გეგმებიც, დამზადე-  
ბაც, განაწილებაც და ყველა სხვა საკითხებიც შენი ნება-სურვილით  
უნდა წყდებოდეს?!

— არა, უბრალოდ, მე არ მინდა, რომ შრომისუნარიანი ხალხი  
აიძულონ სხვის ხელში შემყურე იყოს, სხვის კმაყოფაზე ცხოვრებას  
მიეჩვიონ.

— მე ვხედავ, ჩემო კარგო, ამგვარი ლაპარაკი ჩისში მოგვამ-  
წყვდევს და მე მომიხდება შენთვის გამოსავალის ძებნა.

— ეგ ადვილი საქმეა, ძნელი — ჩამორჩენილი მეურნეობისათვის  
გამოსავალის მოძებნაა.

— გავიგე, შენ ნატაძრელებისათვის გიპოვნია გამოსავალი!

ალექსის არ დაუნახია გულვარდიშვილის დამცინავი ღიმილი. ნა-  
ტაძრის ხსენებაზე მის თვალწინ უსასრულო შორეთიდან მომავალი,  
დაღლილი მგზავრის სახემ გაიკრთომა. წარბებშუა ნაოჭი დააჩნდა,  
ღრმად ჩამეჯდარი თვალები აენტო და თითქოს მისმა გულმა ამოიო-  
ხრაო:

— რა დაემართა იმ ადამიანს, რა?

გულვარდიშვილი სწორად მიხვდა, ვისზე წუხდა ალექსი და ამ  
უმისამართო, უნებურად აღმომხდარმა კითხვამ ისე გააკვირვა, თვი-  
თონაც უნებურად შეეცვალა კილო:

— ეგ შენ უნდა იცოდე, შენა ჰყოფილხარ იმისი გულშემატკივა-  
რი.

ალექსიმ იგრძნო, რომ მდივანმა ნამდვილად არაფერი იცოდა  
გაბოს შესახებ. დაიჯერა, რომ ნაცვლიშვილის ბედის უკუღმართო-  
ბაში მთავარი ბრალი მას არ მიუძღვის და ამისათვის იმ წამს ბევ-  
რი რამ აპატია. რაც შეეძლო მშვიდად თქვა:

— არა ჩანს, მეგონა თქვენ გეცოდინებოდათ, სად არი.

— მე უსაქმურებისათვის არა მცალია, არც მათი გზა-კვალი მა-  
ინტერესებს, შენ კი არ გირჩევ სხვის საზრუნავში წილის ჩადებას,  
სჯობია საკუთარი პოზიციები გადასინჯო. ახალგაზრდა კაცი ხარ,  
მოასწრებ შეცდომების გამოსწორებას. ჩვენც ანგარიშს გავიწევთ,  
ვეცდებით დაგივიწყოთ, რომ ზედმეტი ლაპარაკით ჩრდილს აყენებ-  
დი პარტიის რაიონული კომიტეტის ავტორიტეტს. ჩანს, შენ არა  
ზრუნავ შენი იდეურ-პოლიტიკური დონის ამაღლებაზე, სწორეთ  
აქედან მოდის შენი კერძო მესაკუთრული ტენდენციები, „მანქანა  
ჩემია და არავის ვათხოვებ“, „სალეწი მე მჭირდება“, და სხვა ამის-  
თანები. მალე საკუთარი ტრაქტორიც მოგინდება!

— სწორედ მაგის თაობაზე ვაპირებდი თქვენთან მოსვლას!

— რის თაობაზე?

— ჩვენმა საერთო კრებამ დაადგინა, ტრაქტორი შევიძინოთო, —  
ისე მშვიდად მიუგო ალექსიმ, თითქოს მანამდე არავითარი უსია-  
მოვნო სიტყვა არ თქმულა მათ შორისო.

გულვარდიშვილმა უცებ დაბუყებული თითების ბოლოები დაი-  
ზილა და გაოცებით აიჩჩია მხრები. მერე უსიტყვოდ დაუქნია თავი  
ალექსის, მანქანაში ჩაჯდა და წავიდა.

იმავე ღამეს მდივანს ჩვეულებრივად გაგრძელებული, მრავალ-  
სიტყვიანი თათბირი ჰქონდა დარბაზში. სხვადასხვა საკითხებზე და-  
პარებული სალხი რომ ვაისტუმრა, სავარძლის საზურგეს მიესვენა,  
კაბინეტში დარჩენილნი შეათვალიერა, შემთხვევით თუ განზრახ  
მზერა მეორე მდივანზე შეაჩერა, თითი საფეთქელთან მიიტანა და  
დაიწყო:

— გულახდილად უნდა ვითხრათ, ამხანაგებო, უკმაყოფილო ვარ  
თქვენით. არ იჭრებით ცხოვრების სიღრმეში, ადამიანების ფსიქიკა-  
ში. მე ერთი — ყველაფერს ვერ გაეწვდები, ეს ფიზიკურად შეუძლე-  
ბელია! და რა გამოდის? უკვე შორამდე ფესვებგამდგარი მოვლენე-  
ბი, უცებ მოულოდნელ ამზად გვევლინებიან...

ჯიბო ჭიმიაშვილმა ყურები ცქვიტა: ვის დაატყდება პროკოფი  
ილარიონიჩის რისხვა? ალბათ, ისევ დეკანოსიძეს, იმას უყურებს...

— აი, ავიღოთ თუნდაც ირმისი და ირმისელები, — პათეტიკურად  
განაგრძობდა გულვარდიშვილი. — თავის დროზე ჩვენ მივეცი ირ-  
მისელებს საშუალება თვითონ აერჩაათ თავმჯდომარე. იმიტომ, რომ  
მაშინ სხვა პერიოდი იყო, ჩვენ სხვა, გაცილებით მნიშვნელოვანი  
საქმეებით ვიყავით გადატვირთული, მაგრამ, მიუხედავად ამისა,  
ჩვენ მხედველობიდან მაინც არ უნდა გამოგვრჩენოდა, რომ იმათი  
წინანდელი თავმჯდომარე დიტო ხირსელი ამორალური ტიპი, ხალ-  
სის მტერი და სამშობლოს მოღალატე გამოდგა და ირმისელები  
დიდხანს იყვნენ მისი მავნე გავლენის ქვეშ. არც ახალი თავმჯდომა-  
რის არჩევაში ჩავერიეთ, არც მერე წარვმართეთ იმათი მუშაობა  
სწორი გზით. მართალია, ისიც კი უნდა ითქვას, რომ რჩეულიშვი-  
ლმა ჩვენ ძაან ოსტატურად შეგვიყვანა შეცდომაში, თავდაპირვე-  
ლად თვალეზი აგვიხვია კარგი მუშაობით, და რას ვხედავთ დღეს?

— ვხედავთ, რომ დღესაც შევყავართ მაგ სასიამოვნო „შეცდომა-  
ში“, — კეთილი ღიმილით თქვა ანდრო დეკანოსიძემ.

— ოჰ, ისეც ვიცოდი, რჩეულიშვილის დასაცავად სიტყვას გამაწ-  
ყვეტინებდი! — იწყინა გულვარდიშვილმა.

— რჩეულიშვილებისთანებს ჩემი დაცვა არ სჭირდებათ, მაჩვე-

წებლები და მუშაობის შედეგები მეტყველებენ მათ ავ-კარგიანობაზე.

— მე ცალკე, კონკრეტულ მაგალითს მოგახსენებთ და შენ კი რატომღაც სცდილობ განაზოგადო ჩემი ნათქვამი. კარგ თავმჯდომარეებს ჩემგან დასაცავად აქვთ ვითომ საქმე? — აჭიმა წარბები გულვარდიშვილმა და შუბლი საოცრად დაუნაოჭდა.

დეკანოსიძე არ დაპყვა გამოწვევას და მისმა გაჩუმებამ უარესად გააღიზიანა მდივანი.

— სოფელ-სოფელ ვიზიტად სიარული საქმეს არას არგებს, თუ, ვიმეორებ, ცხოვრებაში ღრმად არ შეიჭვრიტ, ადამიანების ფსიქიკას არ ნასწვდებით! შენ, ჩემო ანდრო, ირმისში ხშირად ჩაივლი ხოლმე, სწორედ შენა გმართებდა დაგენახა, რომ ის რჩეულიშვილი მთლიანად გაჟღენთილი უცხო იდეებით და კერძომესაკუთრული ტენდენციებით!

— კვიცი გვარზე ხტის! — წამოისროლა ჭიმიასვილმა.

— ამხანაგო ჯიბო, შენ დიდ-პატარაობა უნდა იცოდე, მეტი თავდაჭერილობა გმართებს, — შენიშნა მას დეკანოსიძემ. ის აშკარად ვერ იტანდა, გულვარდიშვილის მფარველობით გათავსებულ, უმეცარსა და უქნარა წინამასწარას.

— ბოდიში, — წაიდუღუნა ჯიბომ.

— საბოდიშო არაფერია, — გამოესარჩლა გულვარდიშვილი, — ნვენ აქ შინაპარტიულ დემოკრატიას ვიცავთ და თავისი აზრის გამოთქმის უფლება ყველასა აქვს, მით უმეტეს, როცა ამხანაგი, ბევრ სსვისაგან განსხვავებით, საღად მსჯელობს.

— რალა დროს მაგაზე მსჯელობაა, ამხანაგო პროკოფი, — შეესიტყვა ანდრო. — თავის დროზე პარტიამ გაგვისწორა დაშვებული შეცდომები, ალექსანდრე რჩეულიშვილის შავ სიაში შეტანა უხეში შეცდომა იყო და დაგვიანებით მაინც გამოვასწორეთ...

— რჩეულიშვილი თავისი ბუნებით, მთელი თავისი არსით რომ არ ყოფილიყო კულაკი, — შეაწყვეტინა უფრო მეტად გაღიზიანებულმა გულვარდიშვილმა, — ჩვენთვის სავსებით უცხო ელემენტი რომ არ ყოფილიყო, კუდს ყავარზე არ გასდებდა, თავპატიჟს არ დაიდებდა და ნება რომ დართეს, დაბრუნდებოდა!

— დაბრუნება-არდაბრუნება უკვე მისი საქმე და სურვილი იყო! საერთოდ, მე მიმაჩნია, რომ უსაფუძვლო მტკიცება არა ღირს, უხერხულია.

„სწორედ კაი მომენტია უფროსს მხარი გავუმაგრო, იმ გონჯაუ-

რას ვაყურებიან სერს!" — გადაწყვიტა გულში ქიმიკილიმა და დისტანციის საზღვასშუალო დაეცო, წამოდგა.

— თუ შეიძლება, ცნობისათვის ორიოდ წუთი! პროკოფი ილარიონიჩ, პირადად მე ათასჯერ ვყოფილვარ ირმისის კოლმეურნეობაში. ბევრი ვეცადე იმ რჩეულიშვილთან საქმიანი კონტაქტის დამყარება, მაგრამ, აბა, რას გახდები, თუ კაცი თავს გარიდებს, გემალება, პირდაპირ რომ ვთქვათ, გაგირბის?

— აქამდე ვერ ვაიგე, რომ შენ ყველა გაგირბის? — შუბლი შეეკრა დეკანოსიძეს, — ამხანაგო პროკოფი, ამას წინაშეც გაგახსენებ მძრომელთა საჩივრების შესახებ. ზოგიერთი ჩვენი მუშაკის მოუზადებელი, არაკვალიფიციური ჩარევა სპეციალისტებისა და თავისი საქმის ოსტატების ფუნქციებში, უკმაყოფილებას იწვევს და ჩრდილს აყენებს რაიკომის ავტორიტეტს.

— მე დიდი ხანია შევამჩნიე, რომ შენ ათვალისწინებული გყავს პრინციპული და მზარდი ახალგაზრდობა.

— მაგ დემაგოგიურ განცხადებას მე არ ვღებულობ, — ძალიან სერიოზულად თქვა დეკანოსიძემ, — ხოლო თქვენი აუხსნელი სიმპათია-ანტიპათიები მშრომელებისადმი და თანამშრომელებისადმი ხალხში მითქმა-მოთქმას იწვევს. საერთოდ, მე აუცილებელ საჭიროებად მიმანჩნია, რომ ხელმძღვანელმა ორგანოებმა შეისწავლონ ჩვენი რაიკომის საქმიანობა.

— შენი აზრით, რა ან ვინ უნდა შეისწავლონ? — ქედმაღლური ღიმილით ჰკითხა გულვარდიშვილმა.

— ჩვენი მუშაობა შეისწავლონ და სწორად შეაფასონ. უკონტროლობამ თვითნებობის განვითარება იცის და საქმისათვის ღიდად საზიანოა. ჩვენ ძალიან ბევრი რამ გვაქვს გამოსასწორებელი.

— მაინც რა გვაქვს მხედველობაში?

— ჩვენ არაერთსელ და ორჯერ გვექონია ამაზე ლაპარაკი.

— მე შენთან სასაიდუმლო არასდროს არაფერი მქონია, რაცა გვაქვს გულში, ამათანაც შეგიძლიან გადმოშალო! — აგდებულად უთხრა გულვარდიშვილმა და გულლია მასპინძელივით გადახედა თავის მიყურებულ შინაკაცებს.

დეკანოსიძეს ყვრიმალეზე მეწამული ლაქები დააჩნდა. ატეხილი ხველა როგორღაც დაიმორჩილა და თავდაჭერით თქვა:

— კაი, ბატონო, თუკი ამას რაიმე აზრი აქვს... აი, რა ახსნა, რა გამართლება უნდა ჰქონდეს თქვენს არათანაბარ, არანორმალურ



დამოკიდებულებას რაიონში საუკეთესო მშრომელებისადმი? საქმესაც რომ თავი დავანებოთ, თქვენთვის, პირადად თქვენთვის რა აზრი აქვს ამას? თქვენ კარგად მოგეხსენებათ, რომ დღეს ჩვენი რაიონი თუ კარგ შეფასებას იმსახურებს, ეს სწორედ იმ კოლმეურნეობების დასმასურებაა, რომლებსაც თქვენ არა სწყალობთ და არა კირიანისა და თაფლაურას მსგავსია, რომლებსაც თქვენ ჰფარველობთ და მსარს უჭერთ...

— სუსტსა და ჩამორჩენილ მეურნეობებს დახმარება სჭირდება და არა თავში ჩარტყმა და დაბრიყვება! — გააწყვეტინა გულვარდიშვილმა.

— მეურნეობა, მოგეხსენებათ, ხალხია! ხალხის, მშრომელთა კოლექტივების დაბრიყვება გახლავთ მათ ხელმძღვანელებად მღებრიშვილებისა და ლაბაძეების თავს მოხვევა!

— ამხანაგო ანდრო, თქმის უფლება სულაც არ ნიშნავს მაგ უფლების ბოროტად გამოყენებას! — სმა აიმაღლა პროკოფი ილარიონიშმა.

— არა, აშკარაა, ჩვენ საერთო ენას ვერ გამოვნახავთ, — წამოდგა დეკანოსიძე. — თქვენ თითქოს საკუთარ საფეოდალოს განაგებთ და არა პარტიის რაიონულ კომიტეტს. გონივრულ სიტყვას, თქმას — ართქმას თქვენთვის არა აქვს ფასი. ამ მდგომარეობას მხოლოდ უფროსი ამხანაგების ჩარევა გამოასწორებს.

— შენდა სამწუხაროდ, შენ უფროსი ამხანაგები არ გიბარებენ და არავინ გეკითხება, თქვენ რომ ბრძანდებოდეთ გულვარდიშვილის ადგილზე, როგორ დაალაგებდით საქმესო, აი შენ ეს განერვიულებს, სხვა კი არაფერი, ამიტომ აბამ ინტრიგების ქსელს!

— ოო, თქვენ შეგიძლიათ სიგიჟემდე მიიყვანოთ ადამიანი!

— ზოგს მიყვანა არა სჭირდება, თითონ არის მისული! — ბოროტად დააკვესა თვალები გულვარდიშვილმა.

დეკანოსიძე უსიტყვოდ შეტრიალდა კარისკენ.

— ისე, ამხანაგო ანდრო, ვიდრე პირველი მდივანი არა ხარ, თბილისში წასვლას არ გირჩევ, — დაწია გულვარდიშვილმა.

დეკანოსიძემ კარი გაიხურა.

ბიბილურმა კარს გადახედა და სკამიდან წამოიწია, მაგრამ მდივანმა, ვითომ ვერ მიუხვდა განზრახვას, ღიმილით შეაჩერა:

— რა იყო, როსტომ, გული ზომ არ აგიჩუყდა? თათბირი ჯერ არ დაგვიმთავრებია.

— ცუდად არ გახდეს-მეთქი, — შეკავებულმა აღშფოთებამ აუკან-კალა სმა ბიბილურს.

— დაჯექი, დაჯე, ფიქრი ნუ გაქვს. მაგ დალოცვილს რა ძალა ადგია, კამათის შნო თუ არა აქვს, რას გამოიდებს სოლმე თავს?! — ჩაიცინა გულვარდიშვილმა, თუმცა შინაკაცებმა იგრძნეს — ვაი იმ ჩაიცინებას...

— ჰო, შენ რას ამბობდი? — ჰკითხა მდივანმა ჯიბოს, მთელი ბო-თლი ბორჯომი რომ გამოცალა.

— რჩეულიშვილზე მოგახსენებდით, — თითქოს დაუყვავაო ვი-რემშაკა ჭიმიაშვილმა.

— ვამიჭირეთ საქმე იმ თქვენი რჩეულიშვილით, სხვა აღარაფე-რი გაქვთ სათქმელი?

— სათქმელი როგორ არა გვაქვს, მაგრამ მე მაინც ის მინდოდა მეთქვა, რომ დიდი ხანია დავინახე იმისი იდეურ-პოლიტიკურ-მო-რალური სახე, ჯერ კიდევ მაშინ, როცა არც საზოგადოებრივ აზრს, არც ჩემს შეგონებას, არაფერს და არავის ანგარიში არ გაუწია და კოლექტივის ხელმძღვანელმა კაცმა საქვეყნოდ სახელგატეხილი ქა-ლი დაისვა შინ!..

— ეგ რა საკადრისია! — ახლა კი ვეღარ მითმინა, ვეღარ მოე-რია ჯავრსა და ნალევლს ბიბილური, — მართლაც სადა გგონია შენი თავი? აქ რა, საჭორაოდა ვართ შეკრებილი?

— უკაცრავად, უკაცრავად! — წამოხტა ნაწყენი ჯიბო, — ჭორი მოგონილ ამბავსა ჰქვია, მე კი საყოველთაოდ ცნობილ ფაქტს მოგა-ხსენებთ, ამას საქმისთვისა აქვს მნიშვნელობა! თქვენ გგონიათ მე შეადვილება ამის თქმა, მაგრამ...

გაცხარებული ჯიბო სიტყვის გაგრძელებას აპირებდა, მაგრამ სარდიონ მალაღვიღლია აღარ აცალა. მას არც ახლახან მომხდარი ამბავი აღელვებდა, არც ამ ამბის გამომწვევი მიზეზები. დეკანოსი-ძეს ის თავისებურად პატივსა სცემდა, მაგრამ როცა მის, პარტიის წევრის და მილიციის უფროსის სიტყვას შესაძლოა რაიმე მნიშვნე-ლობა ჰქონოდა, მაშინ ძალაუფლებიან გულვარდიშვილს უჭერდა მხარს. მას მობეზრდა გაჭიანურებულ თათბირზე გასუსული ჯდომა და, უსმინა ღმერთმა, სალაყბო მიეცა. ჯიბოს ტუჩებზე ხელისგული ააფარა და აროხროხდა, ახარხარდა.

— ნეტა რაზე ჰკამათობთ ან რასა ჰკინკლაობთ? ეგრე თქვი, იგრე თქვი, ის ქალი ძაან ყოჩაღი ყოფილა, მე და ჩემმა ღმერთმა! ვერ 50

უყურებთ, რა მარჯვეთ წამოუგია ანკესზე თავმჯდომარე? საწყალ გონჯაურას ის ბალლი თურმე თავისი მარიფათი ჰგონებია, აზრზე ხარი, ხალსო? ხა-ხა-ხა-ხა!..

თათბირი მხიარულად დამთავრდა.

ანდრო დეკანოსიძე ნებისყოფის დაძაბვამ აწყობილი ნაბიჯით კი გამოიყვანა გულვარდიშვილის კაბინეტიდან, მაგრამ ჰაერზე გამოსულს სველა აუტყდა და ნაბიჯიც აერია...

თათბირის მონაწილენი რომ დაიშალნენ და წავიდ-წამოვიდნენ, როსტომ ბიბილურმა დეკანოსიძის სახლს ჩაუარა. მის ოთახში შუქი და თეთრხალათიანები შენიშნა და შემფოთებულმა შეაღო კარი.

გულვარდიშვილი ირმისიდან რომ წავიდა, ალექსი ფერდობიდან, მოკლე ვზით დაეშვა ნატამარში.

ნაცვლიშვილების დაფაცხავებული სახლი უკაცრიელი ჩანდა. ეზოში დაბმული ქოფაკის ყეფაზე მარანიდან გაბოს ცოლმა, ციალამ გამოიხედა. ალექსი რომ დაინახა, მკლავზე გადაწვენილი თოთო იქვე შიშველ ფიცრებზე დააგორა, რაღაც ფლასი მიახურა და აცანცახებული მივარდა მოსულს.

— გაბოსი შეიტყვეთ რამე?

— მე შენთან მოვედი ამბის გასაგებათ...

ციალამ თავი დახარა და ნელ-ნელა დაიხია უკან.

„ეს ახალგაზრდა ქალი ასე უცებ რამ დააბერა? რა ემართება ამ ოჯახს, რა?“ — აუწრიალდა ალექსის ფიქრი, იმ დღეებში რომ არ ასვენებდა: განუმებული იდგა. არ იცოდა, როგორ, რა სიტყვით დაემშვიდებინა ქალი, აკანკალებული ხელებით რომ ცდილობდა ძველმანში გახვეული ბავშვი მოხერხებულად მოეთავსებინა ფიცრებზე.

— ბაგამი რატომ არა გყავს? — ჰკითხა.

— უფროსს თქვენ ინახავთ საბავშვო ბაღში, არა კმარა? — ცრემლებს ძლივსლა იკავებდა ციალა, — სამოწყალოდ გამიხნა საქმე, სირცხვილით ხალსს პირს ვარიდებ, არ ვიცი, საით დავიკარგო, რა წყალში ჩავეარდე... ჰგონიათ, გაბო ეჭიდება თავმჯდომარეობასო...

— დამშვიდდი, ციალა, სამოწყალო რა გჭირს, ეგ რამ გაფიქრებინა? დაბრუნდება გაბო და მოაგვარებს თავის საქმეს, გულს რად იბრუნებ?

— სად არი აქამდე? ვინ იცის, რა დღეშია? — ატირდა ციალა.

— ვთხოვ, გეხვეწები, ეგრე ნუ სწუხარ, თბილისში ჩასუკლ კაცს ბევრი საქმე გამოუჩნდებოდა, არ იცი?

— არა, ის სხვა ვერაფერ საქმეს გულს ველარ უდებს, ეხლაც თუ ვერ მივაღწიეო მიზანს, თუ არ გამანთავისუფლეს, ჩემი საშველი აღარა ყოფილაო... უნდა მიაღწიოს! ველარ ვუყურებ, თვალწინ მიდნება, ჩემი მიზეზით დნება კაცი... — ჩქარ-ჩქარა ამბობდა, თითქოს ისროდა სიტყვებს ციალა და არ ესმოდა თავისი ნათქვამი, მაგრამ წამით სული რომ მოითქვა, იგრძნო, რაღაცა წამოსცდა, ზედმეტი თქვა, ცრემლები უცებ შეაშრა, სახეც უცებ დაუმკვეთრდა, სხეული აიკრიფა და ერთი-ორი წუთი უმოძრაოდ იდგა, მერე ბავშვი აიტაცა და სწრაფად შევილა მარანში.

ალექსი დაბნეული შეჰყურებდა მარნის მოღრეცილ კარს და ადგილზე უხერხულად ინაცვლებდა ფეხს.

ციალა მალე გამოვიდა. თითქოს სრულიად დამშვიდებული, დამცხრალი იყო, მხოლოდ გამშრალი თვალები უელვარებდნენ, და როცა დაილაპარაკა, ხმაც მშრალი ჰქონდა, უსიამოვნოდ მჩხვლეტავი.

— ვინ იცის, ჩემი სიგიჟით რა არ გაფიქრებინეთ, ისეთი კი არა-ფერია. ცოტა წავლაპარაკდით, მე ვაწყენინე და იმაზე ვწუხნდი. ეს ყველა ოჯახში ხდება ხოლმე, მე კი უშნოდ გავაზვიადე. სხვაფერი ჩვენ ძალიან კარგად ვცხოვრობთ, მშვიდად და კარგად. ვაბო დღეს-ხვალ დაბრუნდება, მე ბოდიშს მოვუხნდი და ყველაფერი დაავიწყდება. ყველაფერი კარგად იქნება.

— ჰო, რა თქმა უნდა, ყველაფერი კარგად იქნება. დაბრუნდება და მაშინ გამოვივლი, მაბატიე, უდროოდ შეგაწუხე... — არეულად უთხრა ალექსიმ და მორღვეულ ჭიშკარს მიაშურა.

«ეგებ მართლაც ოჯახური ამბავია. ჩემი მოსვლაც ალბათ იმიტომ არ უსიამოვნა, ცნობისმოყვარეობას მიაწერა. ოჯახური ამბავი თუა, მაშინ გასაგებია მისი მდგომარეობაც, საქციელიც...» — თავს იმშვიდებდა ალექსი, მაგრამ ვერ მშვიდდებოდა, ნაცვლიშვილზე და მის ოჯახზე წუხილი არ უნელდებოდა.

საძაგელ გუნებაზე დაბრუნდა ირმისში და ამას ჭიმიანვილის ჩამოსვლაც დაერთო. ირმისელებს გაუკვირდათ დიდი ხნის უნახავი ჯიბოს დანახვა. უფრო მეტად ის გაუკვირდათ, რომ ჯიბომ იკადრა

თავმჯდომარის ძებნა, კითხვა-კითხვით მიაგნო სანერგეში.

ალექსის აღარაფრის თავი არა ჰქონდა, ჯიბოში კი ნაღველა დაუსია მიკიბულ-მოკიბული ლაპარაკით, და ბოლოს, როგორც იქნა, გამოთქვა:

— დოლი წინებულად ჩავიტარებიათ, ძალიან გიშარჯვნიათ, სამაღარიჩოთა გქონიათ საქმე!

რჩეულიშვილის ცივმა გამოხედვამ უცებ გაუყინა აღფრთოვანება, მაგრამ ჯიბო საქმეზე იყო ჩამოსული და საქმე ბოლომდე უნდა მიეყვანა. ქერო მოიფხანა და თქვა:

— ქალაქიდან უფროსები მობრძანდებიან, თათბირი გვექნება.

— ჰო-ო? კარგია.

— მეცხოველეობის შემდგომ განვითარებაზე და საერთოდ, რაიონის აღმავლობის პერსპექტივებზე გვექნება თათბირი.

— ჰო-ო? ძალიან კარგია.

— ეჰ, ჩამოსულების მასპინძლობა კი ყოველთვის ჩემი თავსახე-თქი ხდება ხოლმე.

— მა ქრისტიანი კაცი სტუმრებს ხომ არ ამიმშვილებს?!

ალექსის ნერგების გადარჩევა არ შეუწყვეტია, კვალს მისდევდა, ჯიბო იძულებული იყო ფეხდაფეხ მიჰყოლოდა მას. უყურადღებობით დაბოლმელმა ჯიბოში თავდაპირველად ნაკარაუდევ სამ ცხვარს ერთიც მიუმატა და თქვა:

— შენც უნდა დაგვეხმარო. თათბირისათვის ოთხი ცხვარი უნდა გამოგზავნო.

— ადრევე ვერ მოიფიქრეთ? აბა ესლა რაღა იქნება, ცხვარი მთაშია, თათბირს ველარ ჩამოუსწრებენ...

„მაგას ჰგონია დავიჯერე, რომ სოფელში ოთხი ცხვარი არ მოიძებნება! — გულზე ერღვეოდა დარიანისკენ მიმავალი, პირშიჩალაგამოვლებული ჭიმიასვილი. — მიჰქარავს, ვინც იძახის, გონჯაურა ჭკვიანიაო. აბა ჭკუაა? კაცმა იცოდეს, ისეც ბეწვზე ჰკიდია და ქეციანი ოთხი ცხვარის გულისათვის გასწიროს თავისი მდგომარეობა? შე მართლა გონჯაურავ, ბედნიერი შემთხვევა მოგეცა უფროსების გული მოგეგო, არ ინდომე და შენ დიდ ჭკუას დაემდურე, ძალიანაც ინანებ, მაგრამ რაღა ღროს...“

დარიანში უარესად დაიბოლმა ჯიბო. ჩამომსვლელნი უკვე ჩამოსულიყვნენ და საზეიმო შეხვედრის შემდეგ გულვარდიშვილს თავის კაბინეტში წამოეყვანა ისინი. დაუბარებლად შესვლა ჯიბოში ვერ

გაბედა, არადა, როგორ მოენელებინა, რომ ირმისში უშედეგო წასვლა-წამოსვლაში ასეთ ზეიმურ აქტს გამოაკლდა. თავის „კაბინეტში“ შეკეტილი, გაგულისებული იკვნეტდა ფრჩხილებს, როცა მდივანმა ვოვონამ მიაკითხა, პროკოფი ილარიონიჩი ვისმობთო.

— ვინ არის მასთან კაბინეტში? — ვითომ ძალზე ეზარებოდა ადგომა ჯიბოს.

— ჩამოსულებში ყველაზე უფროსი და ჩვენები. დანარჩენები ბიბლურმა ვაატარა პლანტაციებისაკენ.

— კეთილი, მოვდივარ!

სისარულისაგან ნერწყვვამშრალმა ჯიბომ ბორჯომით გაისველა პირი, სწრაფად გაიარა დერეფანში, კაბინეტთან ქონორი გადაივარცხნა და კარი შეაღო. მოკრძალებული, თავაზიანი მისალმების შემდეგ ღრმად შეფიქრიანებულმა, დაგვიანება მოიბოდიშა:

— ლამის გადავყვეთ იმ მეურნეობას, აუარებელ დროს და ენერგიას ვახმართ, მაგრამ...

გულვარდიშვილი ვერ მისვდა, რომელი მეურნეობა ჰქონდა ჭიმიამშვილს მხედველობაში. ეწყინა, ნუთუ ჯიბო მასთან შეუთანხმებლად წამოიწყებს ვიზედმე ლაპარაკსო. მაინც თავის შეკავება ირჩია, მხოლოდ თითი მიიტანა საფეთქელთან.

— რომელ მეურნეობაში იყავით? — დაინტერესდა ხარაიონო თათბირის ჩასატარებლად ჩამოსული, ცენტრალური კომიტეტის წარმომადგენელი, ლადო ნემსაძე.

— ირმისში, — ამოიოხრა ჭიმიამშვილმა.

— როგორ? ჩვენ არაერთსეულ გვსმენია მაგ კოლმეურნეობის ქება?! —

— დიას, ვაქებდით. ჩვენ გამიზნულად დავარსიეთ ქების ხმა. ირმისი მთელ რაიონში გამოირჩევა თავისი ბუნებრივი მონაცემებით, შესაძლებლობით, პერსპექტივებით. ის დიდი ხანია რესპუბლიკის საამაყო უნდა გამხდარიყო. ჩვენ ამისი იმედი გვქონდა, დარწმუნებული ვიყავით, რომ ასე იქნებოდა, მზრუნველობას, დანმარებას, თბილ სიტყვას არ ვაკლებდით, ქებაც სტიმულირების ერთ-ერთ საშუალებათ მივიჩნიეთ, მაგრამ... ამაოდ დაშვრა ჩვენი იმედიც და ზრუნვაც!..

— რა უშლით ხელს? — უფრო მეტად დაინტერესდა ნემსაძე.

მრავლისმთქმელი სიჩუმე ჩამოდგა. ადვილი იყო მიზეზების ჩამოთვლა?

— იქნებ, თავმჯდომარე ვერ დგას მოწოდების სიმაღლეზე? — იკითხა ისევ ნემსაძემ.

— მოწოდების სიმაღლეზე... — ისე სევდიანად გაიმეორა ჯიბომ, კაცი იფიქრებდა, კეთილშობილ ახალგაზრდას ესიკვდილება მკაცრი განაჩენის გამოტანაო. მან გულვარდიშვილს შეხედა, თითქოს უსიტყვოდ შეევედრა, მე ნუ გამხვევთ მაგ ცოდვაში, ეს მძიმე მოვალეობა ხელმძღვანელის ხვედრიაო.

და ხელმძღვანელმა იკისრა მძიმე ხვედრი:

— მე ბოლშევიკური პირდაპირობით უნდა ვაღიარო ჩვენი შეცდომა. ეგ კაცი ირრისელებმა თვითონ აირჩიეს. ჩვენ არც მთლად მოვიწონეთ მათი არჩევანი, მაგრამ ვუხათრეთ, რა ვუყოთ, რომ საეჭვო წარსული აქვს, ახალგაზრდაა, ენერგიული, შეიგნებს დღევანდელ ვითარებას, გადახალისდება...

პროკოფის გაჭირვებამ ტანისამოსიანად დასწვა ჯიბო. საყვარელი ხელმძღვანელის ესოდენ გამწარებისათვის, რჩეულიშვილზე ჯავრისყრის სურვილმა აადულა და ამიტომ მისი ხმა მეტად მგრძნობიარედ აულერდა, როცა მდივანს სიტყვა ჩამოართვა და პირდაპირ ნემსაძეს მიმართა:

— არა! ეს შეცდომა კი არ არის, საქმე იმაში გახლავთ, რომ პატივცემული ამხანაგი პროკოფი, თავისი უსაზღვრო პუმანურობის გამო, ყოველთვის ირჩევს კეთილგანწყობით, მეგობრული შეგონებით მოასდინოს ადამიანზე გავლენა. ამხანაგი პროკოფი ესლაც ვერ იმეტებს იმ კაცს, ალექსი რჩეულიშვილს, მიუხედავად იმისა, რომ ის მრავალმხრივ მსილებულია მანვენებლების გაბერვაში, დოკუმენტების სიყალბეში...

— ოჰ! — შეწუხდა უფროსი.

— მაპატიეთ, — განაგრძო ჭიმიანული, — მაგრამ მე მგონია, რაც არ უნდა საძნელო იყოს, დროა საკითხი პირდაპირ დაისვას, თუნდაც მსოლოდ იმ მატერიალური ზარალისათვის, რომელიც მან საზოგადოებრივ დოვლათს მიაცენა!

— ამხანაგო პროკოფი, თქვენ ამ შემთხვევაშიც მეგობრული შეგონებით განისაზღვრეთ? — გაუკვირვა ნემსაძემ.

ამგვარმა მკრეხელობამ მძიმედ დაასრევინა თავი მდივანს. მდგომარეობა აშკარად გართულდა. ჯიბომ გვიან იგრძნო, რომ ღრმად შეტოპა, მაგრამ უკანდახევა გვიან-ლა იყო და უფროსის უკანასკნელ შეკითხვაზე პასუხიც თვითონ ითავა:

— არა, მოელი რიგი ღონისძიება იქნა ჩატარებული. თათბირის შემდეგ დრო თუ გეწინებათ, დარღვევების შესახებ ჩვენი ფინგანის უფროსი მოგასხენებთ დაწვრლებით და ირმისიდან წამოღებულ ნივთიერ საბუთებსაც წარმოვიდგენთ...

ფინგანის უფროსს — ყოფილ ფინინსპექტორს ვასილა გარაყანიძეს ფერი ეცვალა. „გიჟია ეს შობელპაღლი? თვითონ ლაქლაქის საღერღელი აეშალა და მე რა შუაში ვარ, რის მომხსენებელი ვარ? მაგ მუტრუკსა ჰგონია, ირმისიდან მოპარვით წამოღებული ბოლომოკორტნილი სურათი „ნივთიერ საბუთად“ გამოდგება. საქმე საქმეზე რო მიდგეს, რჩეულიშვილს ვინ რა ფეხებს მოსჭამს? საბუთები რო ამოსწიონ, აქეთ შემოვფედავებიან და იქნება ჩაგვაყუდონ კიდეც. საქმისა არა ვაეცება რა, და მეცამეტე ვოჭივით გამოტყვერება ხოლმე...“

ჭიმიანშვილი სედავდა, რომ გარაყანიძე ჭირის ოფლში ცურავდა და მდივანსაც თითი ისევ საფეთქელთან ჰქონდა მიტანილი. ასლაც თვითონ თუ არ იმარჯვებდა, ასე კარგად დაწყებული საქმე თავმოუბმელი დარჩებოდა, და ამიტომ საკუთარი შემოქმედებით ფანტაზიას ფართო გასაქანი მისცა. ისევ ნემსაძეს მიმართა:

— უნდა მოგასხენოთ, ეგ არ გასლავთ მთავარი. ის მატერიალური ზარალი სახსენებელი არც იქნებოდა, მით უმეტეს, რომ ჩვენ შევძელით მისი სწრაფი და სრული ლიკვიდაცია. მთავარი სხვა რამ გასლავთ. ეგებ ეცდები, მაგრამ მე ღრმად მწამს, რომ ყოველ მოვლენაში მთავარია იდეურ-პოლიტიკური მხარე, და თუ ჩვენ ამ საზომით ვასკლმძღვანელებთ, დავინასავთ რჩეულიშვილის პოლიტიკურ-მორალურ დაკნინებას, მისი იდეური მრწამსის მანკიერებას. მაგალითისათვის რაღა შორს წავიდეთ? აი დღეს მე თითქმის ნახევარი დღე ირმისს მოვანდომე, დაყინებით ვთხოვდი რჩეულიშვილს წამოსულიყო თათბირზე და მან კი ჩვენს საქმიან შეკრებას „ცხვრების ოათბირი“ უწოდა!..

ჭიმიანშვილი უცებ შეცბა და განუმდა. ნავარაუდევი სასურველი მთაბეჭდილების საწინააღმდეგოდ — უფროსმა გულიანად გაიცინა.

— „ცხვრების თათბირით?“ ენამახვილი კაცი ყოფილა, — თქვა და ფანჯრიდან მოედანს მიანერდა. „ცხვრების თათბირით... უმიზეზოდ არ იტყოდა ასეთ რამეს. ეს ყმაწვილიც, ენათ რომ გაიკრიფა... აქ სხვა რაღაცა უნდა იყოს...“ — იცით რა? — შემოტრიალდა უცებ, — რაკი იმ ადამიანმა არ ისურვა აქ მოსვლა, მოღით და ჩვენ ვეწვიოთ!



გულგახეთქილმა ჯიბომ ვერ აიტანა გულვარდიშვილის დამბუ-  
გავი გამოსხედვა და თავი ჩაქინდრა.

— გავიართ ირმისში, კარგი იქნება, არა? — ალუშფოთველად  
განაგრძო ნემსაძემ. — თლონდ, იქ წასვლამდე ცოტაოდენი მასალა  
მომაშველეთ, გადავხედავდი.

ახლა კინალამ გარაყანიძეს დაეცა დამბლა. თვალწინ აუფარფატ-  
ლა თავისი სურვილით ვადაკეთებულ-გადმოკეთებული მანვენებლე-  
ბი.

სარდიონ მაღალაშვილი ძმაკაცების საცოდაობას რომ უყურებდა,  
გუნებაში სიცილითა კვდებოდა.

მდივანმა ბორჯომის დასმარებით გულისფრიალი დაიცხრო,  
ჭიმიაშვილს და გარაყანიძეს სათანადო მითითებანი ჩამოუწერა და  
დავალების შესასრულებლად დაითხოვა კაბინეტიდან. დანარჩენე-  
ბიც რაღაც-რაღაცა საქმეებზე გაისტუმრა, თვითონ კი ქანცვათლუ-  
ელი მიესვენა სავარძელს და ნემსაძეს მიაჩერდა.

დივანზე შინაურულად, მყუდრიდ მოკალათდა და ღიმილითა  
თქვა:

— შენ, ჩემო პროკოფი, ეტყობა. კადრების შერჩევა გემარჯვება.  
გულვარდიშვილი გასუსული მისჩერებოდა, ნეტა რა მოჰყვება ამ  
საამო შესავალსო.

— მავალითად, შენი ალტრეიზმი მე მხოლოდ მაკვირვებს, იმ  
ახალგაზრდა ჭიმიაშვილის ცხარე, კმეღითი პროტესტი კი ძალიან  
მომწონს. და საერთოდ, ის ფრიალ ენერჯიული ყმაწვილი ჩანს...

უფროსის განწყობილების სასიკეთო ცვლილებით გამსწვევებულ-  
მა პროკოფიმ ჩაასველა. მან ვერ იგრძნო ნემსაძის ნათქვამის ნიუ-  
ანსი, სიტყვები კი საამოდ სწვდებოდნენ ყურს.

— ეგეც ჩემი სისუსტეა, — თქვა მან, — მიყვარს ნიჭიერი, საქმიან-  
ნი ახალგაზრდები. ბევრს ეს არ მოსწონს, მისაყვედურებენ...

— უმართებულო საყვედურს რა მნიშვნელობა აქვს.

— სამწუხაროდ, აქვს სოლმე. ხშირად მე იძულებული ვხდები  
გაუეწიო მათ ანგარიში. აი, თქვენ უცებვე შენიშნეთ ჭიმიაშვილის  
ღირსებები, ის ხომ სავსებით იმსახურებს დაწინაურებას?!  
— გარკვეული რაიმე გაქეთ მხედველობაში?

— როგორ გითხრათ? — შეყოყმანდა გულვარდიშვილი, — თქმად  
კი მიძნელება... გეხსომებათ, მე ამას წინაზეც ვაგვიზიარეთ ჩემი გუ-

ლისწუხილი ანდრო დეკანოსიძის მძიმე მღვთმარებობის გამო...

— საბოლოოდ რა დაასკვნეს ექიმებმა, როგორ არასო საქმე?

— ისე ვერ არის, მე და თქვენ რომ გავეახარებდა, — თითქოს გული ამთაყოლა ოხვრას მდივანმა, — ჩვენ შორის დარჩეს, ხანგრძლივმა ავადმყოფობამ მის ფსიქიკაზეც იმოქმედა თურმე...

— ოჰ, ეგ რა მითხარით? — შეწუხდა ნემსაძე, წამოდგა, აღელვებულმა გაიარ-გამოიარა: — ნუთუ ასე დაჯაბნა ავადმყოფობამ? არ შეიძლება ვინახული?

ესლა აკლდა ილარიონისს? შიშისაგან გული ჩაელია, მაგრამ მისი აღელვებაც ბუნებრივს ჰგავდა, ოხვრით როცა თქვა:

— ჩვენ კატეგორიულად გვიკრძალავენ, მაგრამ თქვენ...

— არა, არც მე შევაწუხებ!.. ოჰ, როგორ შენანება. ანდრო შესანიშნავი პიროვნებაა, სამაგალითო კომუნისტი, პრინციპული...

— მეც სწორედ მაგ თვისებების გამო ვერ შევლევია, თუმცა რა ხანია ის მხოლოდ ნომინალურადღა ირიცხება თანამდებობაზე...

— არა, იმედს ნუ დაკვარგავთ, ანდრო იყოჩაღებს, ისევ ჩადგება მწყობრში!

— ღმერთმა ქნას, ღმერთმა ქნას!

— თქვენი მდგომარეობა კი ძნელია, ასე ვთქვათ, მხარი გაკლიათ...

გულვარდიშვილმა მიზანი თითქმის მიღწეულად მიიჩნია და უკვე უშიშრად გამოიღო თავი:

— არ გეგონოთ, ამხანაგო ლადო, რომ მე მიმძიმს ანდროს გასაკეთებელი საქმის კეთებაც, ოღონდ ის გამოჯანსაღდეს და მე... ცხადია, გულვარდიშვილი ვერ მიხედებოდა, რა გაეფიქრა ლადო ნემსაძეს მანამდე, ვიდრე მას სიტყვას შეაწყვეტინებდა.

— თუ მაინც საჭირო გახდა, — თქვა ნემსაძემ, — ჩვენ დაგეხმარებით შესაფერისი ამხანაგის შერჩევაში... მგონია არა ვცდები, თქვენ ახალგაზრდის დაწინაურება ვსურთ. ეგ კარგი სურვილია, მაგრამ გულანდით უნდა გითხრათ, ჭიმიაშვილი ვერ შესცვლის ანდრო დეკანოსიძეს.

...დარიანში თათბირი გრძელდებოდა.

გულვარდიშვილი ძლივს ფარავდა თავის უგუნებობას.

ნემსაძე მოთმინებით უსმენდა ერთფეროვან, გაშალაშინებულ, რაიკომის პირველი მდივნის მიმართ საქები ეპითეტებით დაგვირისტებულ მოხსენებებს. მას მტკიცედ ჰქონდა გადაწყვეტილი ირმისში წასვლა. რჩეულიშვილი უნდა გაეცნო, უნდა ელაპარაკა მას-

თან. მის შესახებ თბილისში ბევრი სიკეთე სმენია, აქ კი... ხვალ ხომ კვირაა, ხვალ მოვახერხებ, გამოვნახავ საამისო ღროს..." — საბოლოოდ, დაადასტურა თავისი გადაწყვეტილება.

ირმისში კი ამ ღროს ხალისიანი შრომით და უკეთესობის იმედით სავსე ცხოვრება ჩვეული კალაპოტით მიედინებოდა. ირმისელებს განზრახული ჰქონდათ თავისი დიდხნის წადილის შესრულება — თავმჯდომარისთვის სახლის აგება. ხვალ, კვირადღეს აპირებდნენ საძირკვლის გათხრას სანდრა-პაპისეული ქიხის გვერდით.

მაგრამ იმ „ხვალინდელ“ კვირადღეს — 1941 წლის 22 ივნისი იყო. ყველა კეთილი და უკეთური განზრახვის შესრულება განუსაზღვრელი ვადით გადადო სამშობლოს საზღვრებზე დატეხილმა ომმა. და იმ კვირისსწორს ალექსი რჩეულიშვილი ფრონტზე წავიდა.

### თ ა ვ ი მ ე ო თ ხ ე

მშვიდობიან სამყაროსთან განუყოფლად შემდნარმა კაცმა ჯარისკაცის მაზარა ჩაიცვა და თითქოს მეომრად იყო განენილი. განსაცდელში ჩაჯარდნილი მიწის ხმობა მამა-პაპათა ძახილათ სისხლში ისე გაუხშიანდა, რომ მძიმე ლაშქრობაში ამტანობის ზღვარი წაუშალა და ახალ-ახალი ჭრილობაც შეჩვეული ჭირივით გაუხანდა.

საბრძოლო წრთობის პირველივე დღეებში ნახა, რომ ამტანობა და გამძლეობა იყო უთვალავ რუხმაზარიანთა საერთო თვისება, მას ბრძოლისუნარიანობა ერქვა, უფრო ქართულად კი — ვაჟკაცობა. და ალაზნისპირა სოფლიდან მისულმა სიტყვაძვირმა, მოკრძალებულმა ჯარისკაცმა, ძმასავით ჩამდგარმა სამშობლოს სიყვარულით შეკრულ ძმათა შორის, იმ პირველივე დღეებში ირწმუნა, რომ ცოცხალთა ღირებულებაც და დაღუპულთა ხსოვნაც სწორედ ამ საზომით იზომებოდა.

ომის პირველივე წელს კაპიტან ნეჩაევს შეეყარა. პერეკოპთან ერთდროულად დაჭრილნი, მედსანბატში შეხვდნენ ერთმანეთს. ჯარისკაცს ჭურვის ნატეხით ბარძაყის კუნთები ჰქონდა დაგლეჯილი, კაპიტანისათვის კი სასკდომ ტყვიას ჩაელეწა იდაყვის ძვალი. ჭრილობათა სიმძიმე თითქმის ერთნაირი იყო, და სახელდახელოდ შეკრულ ნარებზე გვერდიგვერდ მოხვდნენ.

ოლეგ ნეჩაევი პროფესიით პედაგოგი იყო, პროფესია მოწოდე-

ბით ჰქონდა არჩეული. მისი ნიჭიერება ხანდახან გულთამხილობას ჰგავდა. მოსაუბრეს ისე უსმენდა, თითქოს მის ყოველ სიტყვას, აზროვნებაში წარმოშობიდან ენის წვერამდე მოჰყვებოდა და დუმილშიც განაგრძობდა ართქმულ სიტყვათა თანდევნას. სულ ოცდაათი წლისა კი იყო, ლამაზი და ისეთი გულმარბიანი, თითქოს ცხოვრებასთან ერთხელ და სამუდამოდ დასიამტკბილებულიყო.

ერთმანეთისადმი განწყობა მარტივად გამოსატყს. ჯარისკაცმა წეკოს ნახვევი გაუკეთა მკლავზე თაბაშირდადებულ კაპიტანს, კაპიტანს კი ცალი ხელიც ეყო მწოლიარე ჯარისკაცთან ფაფით გავსებული ქვაბურის მოსატანად. ქვაბურა ერთი იყო, მოხერხებულად ჩაიდგა მათ ლოგინებს შუა. მერე ნეჩაევმა საველე ჩანთიდან ალუმიინის კოვზ-ჩანგალი ამოიღო.

— შენ არა გაქვს ამისთანა? — ჰკითხა მეზობელს.

— ალბათ ჩეჭმას ვაპყვა.

— აფსუსი ნეტა ვიცოდე, ეს ჩანგალი რის მაქნისია, არა სჯობდა, სათადარიგო კოვზი მიემაგრებინათ?

— პირიქით, მე სწორედ უჩანგლობა მაწუხებდა, — ჩაიცინა ჯარისკაცმა, ჯაყვა მონიშველია და უმაღვე მოხსნა კოვზის ტარზე ჩანგლის დასამაგრებელი რურუპი.

ფაფა ორივეს ეგემრიელა. კაპიტანმა არყის ულუფის ნასეკარი გადაჰკრა და ტოლმა ჯარისკაცს გაუწოდა:

— დალიე, ღმერთმა შეგარგოს, მაგრამ გახსოვდეს, თითო ამ წვეთს თითო ლიტრა ჭაჭით გაზღვევინებ.

— მაშ, იმ სანატრელ დღეს გაუმარჯოს! — გადაჰკრა არაყი ჯარისკაცმაც.

კაპიტანმა წეკო გააბოლა და ასანთის კოლოფზე დადებულ, მძივივით წერილ შურუპს დააცქერდა.

— შესასედავად კი ხელები ტოპონა გაქვს, მოუქნელი, — ისე ჩაილაპარაკა, თითქოს სინაზე და სინატიფე შეუქოთ მეზობელს.

— საწნეხელს ვწევდი. ათიოდე ილლია თივით კარგა მოზრდილ შვინს ვღვამდი... — ხმადაბლა თქვა ჯარისკაცმა. ხმა და სახე ისეთი გაუხდა, რომ ნეჩაევმა იგრძნო, ის ახლა აყვავილებულ ვაზს, მოშრიალე ყანას, აფრენილ ხოხობს ხედავდა.

მათი შეხვედრა შემთხვევა იყო, მაგრამ რაკი შეხვდნენ, აუცილებლად დამეგობრდებოდნენ. ორივეს უკვე საკმაროდ მძიმე ლაშქრობა ჰქონდა გამოვლილი, და ორივეს ისევ მძიმე გზა ჰქონდა გა-

სავლელი. სათქმელი ძალიანაც ბევრი ჰქონდათ, მაგრამ თმმა ალექსი ლაპარაკს ვერ დაანვია, ნენაევს კი ართქმული სიტყვების მიგნება გაუადვილა. ამიტომ მეტწილს სდუმდნენ, მაგრამ მათ დუმილს განუმემა არ ეთქმოდა. ერთმანეთის უხმოდ გაგებას ეწვეოდნენ, ჭეშმარიტი მეგობრობის მომჭირნე ენას ახალასებდნენ.

კაპიტანის მოკლე ნამშობმა ალექსი სრულიად აზიარა იმ „სიამსიტიტოს“, რაც ცხოვრებას ერგუნებინა მოსოვის. ალექსიმ იცოდა, რომ სამოქალაქო ომის დროს უპატრონოდ დარჩენილი ოლეგი საჩავევი, სახლებში იზრდებოდა, რომ ქალი, რომელიც ოლეგმა სიყვარულით შეიერთო, ცრუ და ცბიერი აღმოჩნდა, რომ შორეულ ტაიგაში შრატმა დაიგვიანა და ხუნაგმა დაახრჩო მისი შვილი...

ჯარისკაცის თითო-ორთა სიტყვით ნენაევმა იგრძნო, როგორ ენატრებოდა მას ცოლ-შვილი, როგორ უყვარდა ვაზი. იცოდა, რომ ირმისის კოლმეურნეობას ახლა ისეთი კაცი განაგებდა, რომელსაც ვაზისა არა გაეგება რა, რომ დარიანის რაიონს ჭიამჭამელა ღრღნიდა, რომ ალექსის უთანსმოება ჰქონდა რაიონის ხელმძღვანელებთან...

ფრონტი კი წინ მიიწევდა.

და ერთხელ ღამით, უძილობით შებეზრებული ალექსი თავის დაზიანებულ ფეხს რომ ავარჯიშებდა, ნეჩაევი ლოგინიდან წამოხტა:

— ყოჩაღ, ალექსი, წუხანდელზე უკეთ ამობრავებ ფეხს!

— ნორმალური ფენია, მე ზოგიერთივით ძვალი ხომ არა მაქვს დაზიანებული?!

— იტყვი რალაცას! იდაყვის ძვალი ძვლებში ჩასათვლელია?

— მაშ, დამბლადაცემულებივით რას დავეკარით საწოლს?

— არ ვიცი, ღმერთმანი! ხელი სიარულს არ უშლის.

— ფეხმა კი თუ არ იარა, შეშად იქცევა.

და დილით, ექიმებთან დავიდარაბის შემდეგ, შენიღბული ნახვევებით დასტოვეს მედსანბატი. მის მერე აღარც გაყრილან. ჭრილობას ან კონტუზიას დროდადრო მწყობრიდან გამოჰყავდა ხან ერთი, ხან მეორე, მაგრამ მათ მეგობრობას ბედი სწყყლობდა, თუმცა ბედს არ ენდობოდნენ, თვითონ ჩალიჩობდნენ თავის ნაწილში დაბრუნებაზე.

ასე იარეს ომის გზებზე, როგორც იარეს მილიონებმა იმ მძიმე განსაცდელის ჟამს. ქვეყნის ყოფნა-არყოფნას საკუთარი სისხლით

სწყვეტდნენ, და როცა წინახაზმა მკვეთრად იბრუნა პირი დასავლეთისაკენ, იცოდნენ, — ამაში მათი წვლილიც სრულად იყო შეტანილი.

თანდათან გამძვინვარებულ ცეცხლში იწვოდა მესამე წელიც. პოლტავასთან ცხარე ბრძოლის დროს ნეჩაევმა თვალი შეასწრო: ზემდეგი ალექსი რჩეულიშვილი საკაცით გაატარეს. წუთი იხელთა და საკაცეს დაეწია. — უგონოდაა, — მოახსენეს სანიტრებმა. „ნუთუ დავკარგე?“ — შესცივდა კაპიტანს, მაგრამ დაჭრილის თავ-პირზე დადებული ნახვევი თვალდათვალ იჟლინებოდა სისხლით და ნეჩაევმა იგრძნო — ალექსის გული ფეთქავს, მაშ, ცოცხალია!

— იჩქარეთ! — სთხოვა სანიტრებს და გამოტრიალდა. „რომ დაბრუნდება, ცოტა ხანს დავასვენებ. ცოლ-შვილს კი ვერ ინახულებს, შორს არიან. უნდა დავასვენო. აუცილებლად დავასვენებ. უფროსებს შევეუთანხმებ და დავასვენებ...“ — უტრიალებდა ეს ფიქრი და თვითონვე უკვირდა: რა იმედინად არის, რატომ არის დარწმუნებული, რომ თავში დაჭრილი, უგონოდ მყოფი კაცი განიკურნება, ნაწილში დაბრუნდება...

დაბრუნდა რჩეულიშვილი. მარცხენა საფეთქელთან ღრმა ნაჭდევზე დადებული მსუბუქი ნახვევით. მიაგნო ნეჩაევს—უკვე მაიორს და ქვეითი პოლკის ცალკე ბატალიონის მეთაურს, ოლეგ ნეჩაევს.

ბატალიონი ბელორუსიის სამხრეთ ნაწილში, გაუვალი ჭანჭრობებით და ჭაობიანი ტყით დაფარულ რაიონში იდგა. დროზე მიუსწრო ზემდეგმა. ბატალიონი მეორე დღეს იერიშზე მიდიოდა. საბრძოლო მზადების ცხელებაში ველარ მოასწრო, ნეჩაევს ველარ გაესაუბრა.

წინანდელთან ძალზე განსხვავებულ ვარემოში და პირობებში უხდებოდათ ბრძოლა, ალბათ ალექსის იმიტომ ეჩვენებოდა, რომ მანამდე ომი და ბრძოლა არ უნახავს, არც რა სიძნელეს შესვედრია. სიკვდილისათვის მოუხელთებელი ეგონა თავისი თავიც და მხარში მდგომნიც. ქაჯებად ეჩვენებოდნენ ბიჭები, უკვლოდ მშთანთქავ ჭანჭრობების შხამიან ანათრთქლში, დანადმულ სილახვავებში, ცეცხლოვან წარღვნაში რომ მიიგლიჯებოდნენ წინ.

ოცდაერთი დღელამე განუწყვეტელი ბრძოლებით მიიწევდნენ წინ, და რა დაავიწყებდა ნეჩაევს ბატალიონიდან ცოცხლად დარჩენილთ იმ დღელამეებს?! სიტყვიერად კი ვერაფრის თქმას ვერ ახერხებდნენ.

— ვიბრძოდით ჩვეულებრივად, ოღონდ თვალი ფხიზლად უნდა გჭეროდა, თორემ ის მურტალი წუნწუხი უმალ გადაგსანსლავდა. აი ზემდეგს ჰკითხეთ, ყველაზე უკეთ იცის, მაგან იწვინია ჭანჭრობი!

— ვეკითხები და მუნჯივით ზის! — უილაჯოდ ასავსავებს ხელებს არმიის გაზეთის კორესპონდენტი.

— მაშ ტროშკამ თქვას, ეგ ოსტატია, ამბავს ისე მოჰყვება, გეგონება, დაწერილს აბულბულებსო!

— ამხანაგო ველიჩკო, გესვუწები, მიაბე, რა მოხდა იმ დღეს?

— აზრზე არა ვარ! — ამბობს ტროშკა, ომში ნაწრთობ-გამობრძმედილი, ოცდასამი წლის ჯარისკაცი ტროფიმი ველიჩკო. თავპატივი არ უყვარდა, ყასიდად იუარა და დაიწყო: — იმ დღესაც ჩვეულებრივად ვიბრძოდით, ვერ შევნიშნეთ, მზე როდის და სად ჩაიყლაპა, ელვაქუხილი და თავსხმა წვიმა ერთბაშად დაასკდა ამ გაუბედურებულ მიწას. ჩვენ კი აბა მზესთან, ჭექა-ქუხილთან, წარღვნასთან რა გვესაქმება, ან ვინ გაარჩევს, ციდან მოდის ის ღრიანციელი, ქვესკენიდან თუ ფრიცების განლაგებიდან?! ისე კი, ააშენა ღმერთმა ის თავსხმა წვიმა, ციდან ფარდასავით დაეშვა და ჩვენც იმ ფარდის იქიდან, როგორც კულისებიდან გამოვცვივდით. ლხენა მოგეცათ, ჩვენ დღე ვაყარეთ პიტლერის შვილობილებს! არა, კანფეტებით არც ისინი გვიმასპინძლებდოდნენ, მაგრამ ბოლოს მაინც გზას ბოლი აადინეს. გაგვექცნენ, მაგრამ იმ ქოქქალებმა ერთი შენიღბული საცეცხლე წერტი დატოვეს. ერთი იყო, მაგრამ ის ძუკნა ისე ოსტატურად იყო ჩასაფრებული, გეგონება მარიამ-ქალწულის კალთას არი ამოფარებულიო, არხეინად სცელავს, და სცელავს ჩვენ ბიჭებს. ასლოა — არტილერია ვერა რესვავს, ხელმისაწვდომზეა, მაგრამ მისწვდი თუ ბიჭი ხარ, ჩვენ შუა მყარალი, გაუვალი ჭანჭრობია. შამბნარს ცეცხლი მოვუკიდეთ და ისიც იმისთვის უფრო სასარგებლო აღმოჩნდა. გესმით სიტუაცია?.. ოჰ, ამხანაგო კორესპონდენტო! — უცებ მკერდში მჯილა იკრა ტროშკამ. — ტვინს მიდულებს იმ ტბორების მოგონება. ომის მერე დავბრუნდები და სსვა თუ ვერაფერი მოვუხერხე, ძირამდე დავგვრებავ იმ საზიზღროებას, ფუი, რა ვუთხარი იმათ გამჩენს!

— რას დაიქოქე, გეყო ტრაბახი — დაუცაცხანეს ამხანაგებმა აქეთ-იქიდან, — იმ ჭაობებს თავისი მომველელი გამოუნდებდა, შენ რასაც ჰყვებოდი, ის განავრძე, თქვი, რაც მოხდა!

— რა ვიცი მე, რა მოხდა! — იყვირა ტროშკამ, — ის ძუკნა ცე-

ცხლს გვაყრის-მეთქი და ჩვენ კი უმოძრაოდ ვყრივართ მიწაზე. ვყრივართ და ვიღრინებით. ვისაც მოთმინება ელევა და თავს წამოპყოფს, ადგილზევე რჩება მიკერებული... მერე ჩვენმა ზემდეგმა იმარჯვა... ამხანავთ კორესპონდენტო, ძალიან ბოდიში, მარტოკა მე რას მაყბელებთ, ესენიც სო უყურებდნენ, თქვან, მე მეტი არაფერი არ ვიცი!..

ტროშკა მართლაც გაჩუმდა. დანარჩენებიც გაჩუმებული სხედან, ყველა თავისთვის იგონებს თავისებურად დამახსოვრებულ იმ დღის ამბავს. კორესპონდენტი კი ღელავს, ეჩქარება იმ გახმაურებული ამბის აღწერა.

...იმ დღეს ზემდეგიც დანარჩენებივით გართსმული იყო მიწაზე. ხელყუმბარების ასხმა ჰქონდა ჩაბლუჯული და თვალმოუნაცვლებლად გაპყურებდა ჭანჭრობის ვაღმა ნაპირიდან ცეცხლითმღველფავ წერტს.

„ნუთუ ვერსაიდან მოევლება იმ რჯულბაღლს“ — მეასედ იმეორებდა გულში და გრძნობდა, მოთმინება ეკარგებოდა, ველარ იტანდა ისეც დაცოტავებული ბიჭების კლებას სათვალავში. ისეთი დაძაბული იყურებოდა გაღმა, რომ ველარ გაარკვია, მონვენება იყო თუ სინამდვილე: იმ წერტის მიღმა, აღმოდებული პორიზონტი თალივით აიწია და კაბადონზე არეკლილ შუქში ღვთიმობელივით პირნათელი ხატულა გამოიკვეთა, ხელში აყვანილი ბავშვით... და გაქრა ომიც, ცეცხლიც, დაიკარგა გონიც და განსჯაც, ხელყუმბარების ასხმა მალლა ასწია, მიწას მოსწყდა და უფიქრელად შეტოპა ჭანჭრობში...

ირგვლივეთს თითქოს სუნთქვა შეეკრა. ნეჩაევმა თვალები დახუჭა. ასეა ყოველთვის, ვინც უყვარს, იმას კარგავს. ალექსის დაკარგვასაც შეურიგდება, სიცოცხლესთან ისევ „დასიამტკბილებული“ იქნება, მაგრამ ამ წუთს, შხამიანი მწვანე ჭანჭრობი რომ ჩაითრევს, გადასანსლავს ზემდეგს — ამის დანახვა არ შეუძლია.

ხელმიშვებული ჭოგრიტი თასმით ჩამოეკიდა კომბატის კისერს...

ხავსურაში ამოვლებული ზემდეგი კი, მხრჩოლავად აბოლებული შამბნარის საფარქვეშ რის ვაივავლახით აბობღდა ლორწომოდებულ გაღმა ნაპირზე და იმ ცეცხლის წერტის პირისპირ აღმოჩნდა.

— იიზუს-მარია, მიშველე, მაჯლაჯუნა! — დაიბღავლა თავზარდაცემულმა სნაიპერმა და ვიდრე ის, გონსმოსული, მიზანში ამოიღებდა „მაჯლაჯუნას“, ზემდეგმა ხელყუმბარების ასხმა დაახალა.

წვიმის ლეგა ფარდა ჩამოეფარა სნაიპერის ამობრუნებულ ბუ-



დეს, აღმოკიდებულ პორიზონტს, კაბადონზე გამოკვეთილ სახეებს. პაერის ცხელმა ტალღამ წააქცია, დაფარა ზემდეგი, ცოცხალ-მკვდა-რი მიაგდო სილახავეს და თითქოხ გასრესა დაუპირა...

სანიტარმა ვესელოვსკიმ დაამთავრა ზემდეგის დაზელვა წყალგარეული სპირტით, აყრილი ბლინდაჟის ძელზე პირადმა მწოლიარეს მტკაველით გაუზომა აჭარსლებული ბეჭები და უიპედოდ ჩაუსტვინა.

ბიჭებმა ზედნაცვამი ხალათების, შარვლების, ჩექმების ზინი დააყენეს, მაგრამ რისთვის? ამ კაცს ვისი რა მოერგება? ან ამისთანა ზემდეგს ეს დაგლეჯილი, მიწაში და ხავსში ამოგანგლული ტანსაცმელი ეკადრება?

ვესელოვსკი გაჯავრებული დაჰყურებდა ტანსაცმლის გროვას. ბრაზობდა, რომ იმ ტურტლიანი ნაფლეთების არც დაწვა შეიძლებოდა, არც მუზეუმში გაგზავნა.

ზემდეგმა თავი წამოსწია და სანიტარი დაინახა. მაღალი, გამხდარი და თავწოპწოპა ვესელოვსკი ტანმოფლამული იდგა. გაბრაზებულ სახეზე ცხვირი მეხვივით დასტეხოდა. თხელი ტურჩები ნაწიბურივით უყოფდნენ წაწვეტებულ ცხვირს და ცხვირისკენ აზნიქილ, წვეტიან ნიკაას.

— დიდება შენდა, ღმერთო, გონჯზე გონჯი არ დაილევა ქვეყანაზე, — წაიბუტბუტა ალექსიმ თანაგრძნობით, და რადგან თვითონ ცუდად ესმოდა, დაუყვირა: — ვესელოვსკი, მოიტა, ჩავიცვა რამე!

— ჩაიცვა რამე ეგ სათქმელადაა ადვილი... — ჩაიბურღლუნა ვესელოვსკიმ.

ზემდეგმა სანიტარის ხალათი შემოიხვია შიშველ ტანზე და აკოკოლავებულ ტანსაცმელთან მივიდა.

— ეს რა გიქნია შე ღმერთგამწყრალო, ბიჭები დაატიტვლე?

— დავატიტვლე თორემ წითელ მოედანზე სააღლუმოდ იყვნენ გამოწყობილი თითონ გაიხადეს. მამ დივიზიის მეთაურს ეგრე ადამივით ხომ არ გამოეტყაადები?

— დივიზიის მეთაურს ჩემთვის თვალები დაჰსიებია! ჩემი ტანისამოსი გაგველო წყალში, რა იქნებოდა?

— აბა წყალი? წინ ერთი ქეციანი მდინარეა, ისიც ჯერ ფრიცების ხელშია.

- წვიმა მაინც ვერ გამოიყენე?
- მე რო წვიმა დამჭირდა, მაშინ მზემ დააჭირა.
- უპ, რა უიღბლო ჰყოფილხარ, შე ოჯახასმენებულო! მოიტა, როგორიც არის, ისეთს ჩავიცვამ.
- ისეა გაფშეკილი, გეგონება კამერის ტყავიაო.
- კამერი გინახავს?
- ერთი კაცი ყველაფრის ნახვას ვერ მოასწრებს, ამისთვის ფანტაზიის უნარი მოუცია ღმერთს!
- დაუნაგრისარ ღმერთს, ჩემო ძმაო, ცოტა გაუმეტებია შენთვის. რაც შენ ტყავს აუტანია, კამერი იმის მეთადსაც ვერ გაუძლებდა! — გაეცინა ზემდეგს. რიაზანელი ფერშალიც ომის პირველსავე დღიდან ან წინახაზზე იყო, ან პოსპიტალში იწვა დაჭრილი.
- აღექსი თავის გაფშეკილ შარვალს დასწვდა. სანიტარმაც მაშინვე წაატანა ხელი იმ შარვალს.
- არ იქნება! ამით ვერ ეჩვენები-მეთქი დივიზიის მეთაურს!
- კაცო, რას აიტყხე, დივიზიის მეთაურიო? სულაც არ ვეჩვენები, თვალში დავაკლდები, თუ რა?
- დააკლდები, დიას! ჩემ სანახავად კი არ მოდის. ჰო, რას მიკუსავ თვალებს? მთვარეზე ჯერ არავინ აფრენილა, სხვებსაც მაგისტანებზე აჯილდოებენ. ყოჩაღ, ზემდეგო, ჩვენს ბატალიონს კიდევ ერთი საბრძოლო ორდენის კავალერი მოემატა!
- შენ სიცხე გაქვს, იცი? ჩვენები სად არიან?
- შენი წყალობით ჩვენები ათიოდე კილომეტრზე გაშპნენ. შენი ოცეული კი ფეხს ითრევედა, გეგონება, კუკლა ხარო, ისე უნდოდათ შენი ცქერა. ნეჩაევმა ძლივს გალალა ისინი აქედან.
- ეხლა სად იქნება ნეჩაევი?
- შენ რო არხენინად ხვრინავდი, ნეჩაევი ოფლში იწურებოდა შენზე რაპორტის შედგენაში. ისე დაგხატა, იქნება ორდენიც აღარ გაკმარონ!
- ზემდეგი უჩვეულოდ აწრიალდა, აღარ დაეძებდა, რაც ხელში ხვდებოდა, იმას იცვამდა.
- ეხლა გეცოდინება განსხვავება ორდენის კავალერსა და უბრალო მომაკვდავს შორის: უბრალო მომაკვდავს დღესასწაულზე თითო ყლუპს ზიარებასავით უბოძებენ ხოლმე, შენ კი — ანატომიური პრეპარატივით ჩაგაბუფბუფე სპირტში.
- ვესელოვსკი ყბედობას განაგრძობდა, ზემდეგს კი აღარ ესმოდა.

ის თავისიანებისაკენ გარბოდა და მოულოდნელად ნეჩაევს წააწყდა.

— შენ მართლაც მაჯლაჯუნა ეგონები კაცს! — გადაიხარხარა ნეჩაევმა. ზემდეგის აკაზმულობამ კი არა, მისმა უვნებლად დანახვის სიხარულმა გააცინა.

— ამხანაგო კომბატო, თქვენ მართლა ფიქრობთ, მე რაღაცა განსაკუთრებული გავაკეთე?

ნეჩაევი კიდევ უფრო გაახარა უზომო საყვედურმა ზემდეგის ზმაში და გამოხედვაში. დიას ასეთი იყო მისი მეგობარი!

— ამიხსენი, ალექსი, ის რა იყო, რა მოხდა? კორპის მორები კი ვნახეთ ჭყანტობში, მაგრამ შენ ზომ არ იცოდი, რამ გავაბედვინა შიგ შესვლა?

— რაამ?.. — გაიმეორა ზემდეგმა და ჩაჩუმდა. აქამდე თვითონაც არ იცოდა, რა იყო ის, რაც მოხდა. ახსოვს, მიწას გართხმული, გულალრენილი გაპყურებდა მტრისეული ცეცხლის წერტს. მისი დახშობის სურვილი თანდათან ისე გაუძლიერდა, რომ ვეღარ იმორჩილებდა. ბოლოს, სულ ბოლო წუთს, როცა შინაგანად უკვე ამოქმედებული იყო, და ქვეცნობიერად ემშვიდობებოდა სიცოცხლეს, გულისძახილმა სანდრა და ხატულა მოაჩვენა. და მოეჩვენა, რომ სნაიპერი მათ უმიზნებდა... მერე აღარაფერი იყო. დანარჩენი — შემოსვევა იყო, რომლის მსგავსი ომში ბევრია, მშვიდობიან ცხოვრებაში კი — დაუჯერებელი: ჭყანტობში რომ შესტოპა, ფეხით მორს წააწყდა, მორს, რომელიც არ იძირებოდა...

ჩუმად იდგა ალექსი.

ჩუმად იდგა ნეჩაევიც. „რად ვეკითხები, რა იყო? — ფიქრობდა ის. — ვერ იტყვის, არ იცის, რა იყო. უბრალოდ, ხალასი კაცი აკეთებს იმას, რის არგაკეთებაც არ შეუძლია“.

იერიშიანი დღეების სათვალავი არ გამწყდარა. ოცდამეერთე დღეს მოითქვეს სული. განთავისუფლებულ ქალაქ პინსკთან იყვნენ. ზემდეგს კი სულის მოთქმაც არ დასცალდა. ჯერ შევსება ჩაიბარა, მერე თავისი ოცეულით აბანო, სურსათ-ტანსაცმლის საწყობები დაიარა და ჭამის თავიც აღარა ჰქონდა, თვალები ეხუჭუბოდა. ის იყო მიწვა, ნეჩაევთან რომ იხმეს, სრული აკაზმულობით გამოცხადდით..

— აფსუს, — დანანა ბატალიონის მეთაურმა, თავით ფეხამდე ახალ ტანსაცმელში გამოწყობილი ზემდევი რომ შეათვალიერა. — ფრიცებს რომ შეეყარო, არც მაჯლაჯუნა ეგონები, არც საფრთხობელა ეგეც კარგია, სამხრეებზე ნიშნების დამაგრება რომ ვერ მოგიწრია.

„მივიღვარ სადღაცა“, — გაიფიქრა ზემდეგმა.

— ჩვენი დივიზია ბრესტზე მიდის, — თქვა ნეჩაევმა.

„გამარჯვებით ატაროს ღმერთმა. ცოტა წამებიინა და უფრო გავიხარებდი,“ — გაიფიქრა ზემდეგმა.

— ჩვენმა ბატალიონმა კი მანამდე ერთ პატარა საქმეს უნდა გამოუყვანოს წირვა, — თქვა ნეჩაევმა.

„იმ წირვის დაწყებამდე მძინებოდა, რას მერჩოდინ?“ — უსაყვედურა გულში ზემდეგმა.

— ამ მიდამოებში ესესელების მოტომექანიზებული პოლკი ჩარჩენილა, გესმის? — თქვა ნეჩაევმა.

„არაფერიც არ მესმის, მძინავს, ვერა ხედავ?“ — უხმოდ მიუგო ზეზეურად ბურანში წასულმა ზემდეგმა.

— ადგილობრივი პარტიზანები დაგვეხმარებიან, იმათ აქაურობათავისი ხუთი თითივით იციან, — განაგრძო ნეჩაევმა.

„მაგას მერე ვერ მეტყვოდინ?“ — გაუკვირდა ძილღვიძილში მყოფ ზემდეგს.

— მაგრამ საქმე ის არის, რომ თპერაციის დაწყების დრო ახლახან დაგვიზუსტეს, გესმის? ჰოდა, ჩვენ უნდა ვაცნობოთ პარტიზანებს, ალექსი, გესმის?

— ესლავე უნდა წავიდე? — ზედმეტად ხმამაღალი გამოუჟიოთკითხვა ზემდეგს.

— მადლობა ღმერთს! მეგონა, საღათას ძილმა შეგიპყრო. და თქმა უნდა, ესლავე, დაჯექი! — უთხრა ნეჩაევმა და მაგიდაზე რუკა გადაუშალა. — ამ ფერად ზოლებს ხედავ? პარტიზანების მეკავშირებთან მისასვლელი გზებია. აი ეს ლურჯი ზოლი შენთვის კარგად ნაცნობ ჭყანტობებს ჰკვეთს. უმოკლესი გზაა, მაგრამ ამბობენ, გაუვალიაო. ეს წითელი და ეს ყვითელი ზოლები...

— წითელ-ყვითელი არ არი საინტერესო, მე მოკლევზე მიყვარს სიარული.

— ვიცი. მაშ, ეს ლურჯად აღნიშნული ორიენტირები დაისწავ-

ლევ. კარგად უნდა დაიხსნა. ეს პაროლიც და ეს რიცხვებიც დაი-  
შეპირე, მე ხელს არ შეგიშლი.

ნენაევმა მაგიდას ზურგი შეაქცია და ზემდეგის ჩანთას პირი შე-  
ხსნა, თავისი ხელუხლები მშრალი ულუფა ჩატენა შიგ. მერე მისი  
გაკრიალებული ავტომატი გასინჯა და გულში პატრონს გამოელაპა-  
რაკა: „ალექსი, ძმაო, კარგად დაიხსომე ეგ ორიენტირები. თუ  
ერთს მაინც ასცდა, დაიღუპებაო. რომ დაიღუპო, შენ მე ძალიან და-  
მაკლდები. არ იცი, როგორ დამაკლდები. უშენოდ მე ვერ წავალ  
იღმისში და ვერ ვენახავ შენს სანდრას, შენს ხატულას, შენს მეზობ-  
ლებს, შენს ვენახებს. შენ თუ იქ არ იქნები, მე იქ ვერ მივალ და  
ვერასდროს ვერ დავისვენებ შენს ბუხართან, შენი სახლიდან ვერ  
დავინახავ გათენებას. ხედავ, როგორ დავზარალდები? ამიტომ,  
გთხოვ, კარგად დაიხსომო ეგ ორიენტირები. გთხოვ, გესმის?"

ზემდეგი წამოღდა. ნენაევი მაგიდასთან მივიდა, ისევ რუკაზე  
აჩვენა:

— უკან წამოსვლა არ გაგიჭირდება. აი ასე ივლი, ამ გზით. აქ  
სულ სოფლებია, ხედავ, ჩვენი განთავისუფლებული სოფლებია. ამ  
გზით მოხვალ აი აქ, შტაბში.

— შტაბში რა მინდა?

— ბატალიონი სად იქნება, ვინ იცის.

— მე მოგნახავთ.

— შენ შტაბში მიხვალ!.. ამხანაგო ზემდეგო, ერთხელ მაინც გა-  
იხსენე წესდება, დისციპლინა, სუბორდინაცია! შტაბში ათიოდე დღე  
დარჩები, ჩვენ მოგაკითხავთ.

„დასვენება შემომაჩეჩა. მე ერთი დღე მეყოფოდა გამოსაძინებ-  
ლად, დანარჩენი დღეები რა უნდა ვაკეთო?" — უკმაყოფილო სახით  
იდგა ზემდეგი.

— მერე ერთად განვაგრძობთ გზას და მალე პოლონელი ქალი-  
შვილები ყვავილებით დაგვხვდებიან, თაიგულებს მოგვართმევენ!  
რა კუსტად იყურები, შენც ხომ გიყვარს ყვავილები?!

ზემდეგმა გაურკვეველად აჩეჩა მხრები.

— ძალზე ჯიუტი ხარ, არ დამიჯერე. კურსებზე რომ წასულიყა-  
ვი, ახლა ოფიცერი იქნებოდი. ფათერაკი თუ შეგემთხვა, ოჯახს კა-  
რგი პენსია ექნებოდა.

— ხატულა ჯანმრთელობას არ უზივის, ქმრის პენსიას იუკად-  
რისებს.

— ცხადია, შენი აუტანელი სიჯიუტე გადაედებოდა! მერე რა, ცოლს თუ არა, შვილს მაინც გამოადგებოდა შენი ოფიცრობა.

— ჩემგან რა ოფიცერი გამოვიდოდა, მიწას ვაზივით ვებლაუჭები... — წაიდუღუნა ზემდეგმა და წასვლა დააპირა. ჩანთა ემძიმა, მაგრამ ამისთვის ახლა არ ეცალა. „ნახვამდისო“, უნდოდა ეთქვა და ჩუმად ადგა.

„ოლეგ სტეპანოვიჩ, რა პენსიაზე მელაპარაკები, გგონია არ დავბრუნდები? უკვდავების წყალზეც რომ გამგზავნონ, მაინც დავბრუნდები. შენ იცი, სანდრას და ხატულას უნახვად მე ვერ მოკვცდები. ჩემი სახლიდან ამისიშორეზე მიწაც არ მიმიღებს. შტაბიდან გავგზავნი შინ წერილს. თუ ვერ გავგზავნე, შენ მისწერ, ამხანაგო მათორო, მე ვეცდები აგაცდინო ეგ არასასიამოვნო მოვალეობა. თუ ვერ აგაცდინე, მაპატიებ, მკვდარს რა მოეკითხება?..“ — უხმოდ იდგა ზემდეგი და თითქოს იმ სამწუხარო წერილის წერისას ხედავდა ოლეგ ნეჩაევს, ეული თანაგრძნობით ევსებოდა.

„რა ვქნათ, ალექსი, — ფიქრობდა ამ დროს ნეჩაევი, — შენ ხომ იცი, რა ძვირი ჯდება ომში მეგობრობა... თვლა არა აქვს სასწაულმა რამდენჯერ გადაგვარჩინა მე და შენ, მაგრამ ბოლოს და ბოლოს, ადამიანები მოკვდავნი არიან. შესაძლოა ამ ოპერაციაში მე დავიღუპო, შესაძლოა შენ ასცდე ორიენტირს ან ფაშისტებს გადაეყარო, რა ვუყოთ, თუკი ეს საჭიროა? ხშირად ჯარისკაცის სახელიც არა რჩება, ხან კვალიც არა რჩება მისი, დაიღუპა და აღარ არის. შენ კი უკვე დაზღვეული ხარ დავიწყებისაგან. შენი სახე ფრონტის გაზეთმა აღბეჭდა, „უშიშარი ზემდეგი ალექსი რჩეულიშვილიო!“ აი, ხომ ხედავ, შენ შესული ხარ დიდი სამამულო ომის ისტორიაში...“

ნეჩაევი გულიანმა სიცილმა გამოარკვია ფიქრებიდან. თვალებს არ დაუჯერა: ჩანთააკიდებული ზემდეგი იდგა და სიცილით კვლავ ბოდა.

— რა დაგემართა, ალექსი? ეგებ... ეგებ სხვა გამეგზავნა?!

— არა, მე სრულ ჭკუაზე ვარ, ოლეგ სტეპანოვიჩ, თქვენ სახე გქონდათ ისეთი სასაცელო, მეგონა, ჩემს დაკრძალვაზე წარმოთქმულ სიტყვას ვუსმენდი.

— ააა... მოგეწონა?

— ოჰ, ძალიან!

— ჰოდა, გეცოდინება, როგორ შეგამკობ.

— მაღლობელი ვიქნები.

ნებაეცმა ასანთი მოუკიდა ქალაღდს, რომელზეც პაროლი და თპერაციის დაწყების დრო ეწერა, მერე ზემდეგს საველე წიგნაკი გამოართვა.

— ჩემთან იყოს, სამაგიეროდ, ჯიბეში ეს გქონდეს, ერზაცია, მაგრამ მაინც შოკოლადი პქვია, გამოგადგება... გზა მშვიდობისა!..

მიდის ზემდეგი. უკვირს, ამდენი ხანი ფრონტზეა და აქამდე თურმე არც საფრთხე არც ნამდვილი სიძნელე შეხვედრია და არც შიში განუცდია. როგორ იარა და როგორ მივიდა დავალებულ „პაემანზე“, ეგებ ოდესმე გაახსენდეს, ახლა კი, იმ ბოროტ და გაუვალ გზაზე მხოლოდ ორიენტირები ახსოვს. ერთხელ უკვე განცდილი ჭანჭრობის ფიზიკური შეგრძნება ზარავს და შიში ეუფლება, გზის აცდენას მტრის ასეულთან შეხვედრა ურჩევნია. მერე ისევ სძლევეს შიშს. ზომ გაუვლია აქ ადამიანს და რუკაზე აღუნიშნია ეს ორიენტირები, მამ გავლა შესაძლებელი ყოფილა!

და მიდის ზემდეგი. თვალთ, ხელით, სმენით, ყნოსვით, ალღოთი ეძებს ადამიანის ნაკვალევს, ეძებს ორიენტირს. ისინი შუქურასავით გაუნათებენ ხოლმე ბნელეთს. გასცდება იმ კეთილ შუქურას და ისევ ეძებს მიწაზე ფეხმოსაკიდებელ გოჯს. ო, რა ძნელია ამ ერთი გოჯი მიწის ძებნა. სად არი მიწა, ღაღანა ხავსურით, მანანით, საფლობი ნაირბალახოვანით ვერაგულად შენიღბულ ჭანჭრობში, მაცდურად ამწვანებულ, უკვალოდ მშთანთქავ ტბორებს შორის?!

გასცდება ორიენტირს და ისევ ლაქაშის ან ლერწმის შამბები, ჟოლოს, მაჯაღვერის, გრაკლის, მოცხარის დანაღმული ბუჩქები, ისევ ორიენტირი და მერე ისევ ძაფივით დახლართული მანუელით, ისლით, წნორნართ მოდებული ჯუჯა ფიჭვნარი, შიგადაშიგ არეული ქარქვეტით, ტყისცოცხით, ისევ გველ-ბაყაყების, ჭოტების, ღამურების ბოროტი სამყარო...

მიდის ზემდეგი. ღმერთმა იცის, როგორღა მიდის. ღონე დაელია. შხამიანი ჰაერი მკერდს უგლეჯს. საფეთქლებზე სისხლის ძარღვები ასკდება. სახეს, კისერს, ხელებს კოღოები უღრღნიან, თვალებში, ცხვირ-პირში უცვივიან, მაგრამ ხედავს ორიენტირს და შორიდანვე უღიშის: „შენ ზომ იმიტომ ხარ, რომ მე დამეხმარო. შენ თუ და-

მეხმარები, რატომ ვერ ვივლი? უნდა ვიარო, უნდა მივალწიო დანიშნულ ადგილს. აუცილებლად უნდა მივალწიო...”

და მიდის. ფიქრიც აღარ ძალუძს. ხავერდით დაფენილი ნაირბალახოვანი სულ უფრო დაჟინებით იწვევს, ნეტარებას ჰპირდება, და მუხლები ლამის ეურჩონ, ლამის მიჰყვენ ანდამატივით მიმზიდველ ცდუნებას...

— მიდის, დამძიმებული, დასიებული ქუთუთოები წარამარა უღობავენ თვალებს, და არა სჯერა, რომ ნამდვილად ხედავს თხემლის ჭანჭრობისაკენ დაზნექილ, ტოტებით ერთმანეთთან შეწნულ სამ იფანს და შუა ხნის განშტოებაზე ამოჭრილ მტრედს...

მაგრამ ირგვლივ რომ არავინა ჩანს?! ძე-ხორციელის ნასახი არსაით არის. მსოლოდ კოლო-მუმლის ზმუილი და ქვეწარმავალთა ფაჩუნი ისმის. ვინ იცის, ამ სატიალოში რამდენია დასამებული იფანი? და ვინ იცის, რამდენ ხეზე ამოჭრა მტრედი ვინმე ვერაგის ხელმა? ნუთუ ასე უსარგებლოდ ჩაკვდება გონჯაურა ამ ბოროტსა და ბნელ სამყაროში?

და სიფრთხილე გადაავიწყდა, უკანასკნელი ღონე მოიკრიბა, შემოფოტებით დაიძახა პაროლის პირველი კითხვა:

— ჰეი-ი, რომელი ხარ, ხმა გამე, „დღეს რა რიცხვია?“

— ბიძაშენის მამულში ხო არა გგონია თავი, რა გაყვირებს? — შეუტია ვილაც უჩინარმა.

„მოვსულვარ...“ — ველარ მოასწრო გახარება ზემდეგმა, ვერც ფიქრი დაასრულა, როგორღაც უხერხულად დაგვერდავდა და იფნის ძირთან დაეკლო.

...უსიამო ჟრუანტიელმა გააღვიძა. ტანისამოსი ნამიანი ჰქონდა. სუნთქვა უჭირდა. ჭრილობები ვაგლახად უკვნესოდნენ. გაჭირვებით აახილა თვალები. გვერდით თავისი ჩექმები დაინახა, გარეცხილი და გაწმენდილი. ხეზე მისი ავტომატი და ჩანთა ეკიდა. მერე ბიჭი დაინახა. ჭინკა, ქონდრისკაცი, მოჩვენება კი არა, ნამდვილი, ცამეტიოდე წლის ბიჭი, თეთრწითურა და ყვითელთვალება. დაფხრეწილი კეპკა კეფაზე ჰქონდა მიგდებული. თავით ეჯდა და კონად შეკრული იფნის ტოტებით კოლოებს უგერიებდა.

— ა-ა, გაიღვიძეთ — წამოხტა ბიჭი. თამამი ჩანდა, ცოტა მოთავსედოც კი. კეპკა შეისწორა, თითებით შეამოწმა ზედ დამაგრებული ვეება ხუთქიმიანი ვარსკვლავი, და ნემსის წვერებივით მჩხველეტავი



გუგებით მიაჩერდა. — აქ მობრძანებისას თქვენ რაღაცა იკითხეთ, რის გაგება გსურდათ?

— მინდოდა გამეგო, „დღეს რა რიცხვია“?

— „გაიხსენეთ საყვარელი თარიღი!“

— კეთილი, გავიხსენებ, მაგრამ თუ შეტყვი, „როდის გათენდება?“

— „როცა ბუღბული სტვენით დაიღლება!“

— შენ ყველაფერი გცოდნია მაშ ეგებ ისიც მითხრა, „სიკეთე როდის იზეიმებს?“

— როდის და, როცა „სიბოროტე დაისჯება!“

— ყოჩაღ შენი მაშ, მითა ხელი, — რატომღაც გამხიარულდა ზემდეგი და თაჩოც უკეთ იგრძნო.

— თქვენი ძახილი რომ გავიგონე, მე ჩემი ტოლი მეგონეთ, — მთიბოლიშა ბიჭმა, მაგრამ იმავე წამს სახეზე საყვედური დაეწერა: — აქ დაძინება არ შეიძლებოდა, ჭანჭრობის შხამი ღამით მიწას ეგებ, ახრჩობს ადამიანს, დავიღალე თქვენი ნუჯრევით!

— მაპატიე, ძამიკო, მეც ცოტა დაღლილი ვიყავი და უცებ დამეძინა.

— „ცოტა დაღლილიო“, — ჩაიფხუკუნა ბიჭმა.

— რა ახალგაზრდა მეკავშირე ჰყოლია თქვენს რაზმს?!

— დიას, სწორედ ჩემისთანაა საჭირო! მე ხეზეც ციყვივით ავსტები, მიწაში თხუნელასავით ჩავებრები, ჭაობზე ყანჩად ვიქცევი, ბარდებში ხვლიკივით გავსრიალდები...

— მოიცა, მოიცა, სუ აზვიადებ!

— რას აზვიადებ, ეს ხომ გართობასავითაა! მე ნამდვილ საქმეებსაც მანდობენ, იმაზე სიტყვასაც ვერაფერს დამაცდევინებს.

— კარგი, სუ ჯავრობ, მითხარი, შენი რაზმი შორს არი?

— სხვისთვის შორსაა, მე კი ხელათ მივალ, რა გადავცე?

— რიცხვები: 18, 7, 22, 00

— აა, მივებდი: 18 ივლისი, საღამოს ათი საათი ნოლ-ნოლ წუთი, ესე იგი, ხვალ საღამოს! არის გადავცე, ამხანაგო, ამხანაგო... სამხრეებზე ნიშნები რომ არ გიკერიათ, არ ვიცე, როგორ მოვმართოთ, იქნებ თქვენ კაპიტანი ხართ?

— არა.

— მაიორი?

— არა.

— მაშ, თქვენ... — ბიჭი სარგადაყლაპულივით გაიჭიმა.

— გენერლობას ცოტაღა მაკლია, უკვე ზემდეგი ვარ.

— ზემდეგი-ი... არა უშავს რა, ეგეტ ზორბაა! მე ყველაზე უფრო ზემდეგები მიყვარს, ღმერთმანი!

— ძალიან სასიამოვნოა. ესლა შენ მითხარი, რა გქვია, ვისი ხარ, სადაური ხარ?

— შინაურობაში ლიოშკას მეძახოდნენ, ალექსეი ბოგდანოვიჩი ბოგუჩაროვი ვარ. სადაურიც ვიყავი, იქ ქვა ქვაზე აღარ დარჩა. ვისიც ვიყავი, აღარა ვარ, აღარ არიან...

— ეგ დაღვრემილობა კი არ გიხდება, ალექსეი ბოგდანოვიჩ, მოდი ცოტა წავისაუზმოთ და საქმეს მივხედოთ, ჰა, რას იტყვი?

— კარგი წინადადებაა, და საერთოდ, თქვენ...

ბიჭმა სათქმელი აღარ დაამთავრა, ზემდეგის მუნხლს გამეტებით დაჰკრა ხელი და ახტა, ცხვირსახოცში გამოკრული საგზალი ჩამოიღო ხიდან.

— ეგ შეინახე, ჩემი ჩანთა გახსენი, — უთხრა ზემდეგმა.

— არა, თქვენ ჩანთას ხელს ნუ ვახლებთ, — დინჯად და სერიოზულად თქვა ბიჭმა.

— რათა? — ეწყინა ზემდეგს. ეწყინა, რომ ამ პატარა ბიჭმა თავშენახულობა დასწამა.

— იმიტომ რომ... აქედან რომ წახვალთ, თქვენ ბევრ დამწვარდანგრეულ სოფლებს გაივლით, დამწეულ ბავშვებს შეხვდებით...

ზემდეგმა ჩაახველა, ყელი ჩაიწმინდა და მოგვიანებით უთხრა:

— ჰო, კარგი, შენი ბოხჩა გახსენი.

ბიჭი დაფაცურდა.

— ეს ღორის ქონი ჩვენმა რაზმელებმა დაამარილეს, ჭამით ვერ გაძლება კაცი. ზორბაა, არა?

— ეს ორცხობილაც ჩვენი ქალების ნახელავია. თუ კბილები მაგარი გაქვთ, ლამაზად ჩააკნატუნებთ.

— სწორედ საჩემოა. აბა, ალექსეი ბოგდანოვიჩ, ამას თუ მიირთმევთ? — ნეჩაევის მოცემული შოკოლადი გაუწოდა ზემდეგმა.

ეს ცდუნება კი ვერ დასძლია ბიჭმა, ფილა ულაპარაკოდ ჩამოართვა, სიამოვნებისაგან მილულული თვალებით მოსუსნა და ისევ აუშვა ენა:

— გგონიათ, გამიკვირდება? ჩვენ რაზმში, რა გინდა, თვალო და გულო, ყველაფერი გვაქვს. იჯექი არხეინად და თუნდა ჩიტის რძე მოითხოვე. არა გჯერათ? ჩიტის რძე მიქარვაა და მეტი არაფერი,

რა კაცების საქმეა? აი ტკბილი კვერი და გოგლიმოგლი მესმის! ირგვლივ ბათქა-ბუთქია, ფრიცები დაძრწიან, შენ კი ფაფუკ ლოგინში გამოტილხარ და გოგლიმოგლს მიირთმევე. ზორბაა, არა, ამხანაგო ზემდეგო?

— რა თქმა უნდა, ზორბაა...

— გატყობთ, არა გჯერათ თქვენ ალბათ მე ცრუპენტელა და მკვებარა გგონივართ.

— სცდები, ამხანაგო მეკავშირე, მე თავიდანვე დავრწმუნდი, რომ შენ ყოჩალი ხარ, ნამდვილი ვაჟკაცი.

— თქვენ უფრო ნამდვილი ყოჩალი ხართ! ჩვენმა რაზმელებმა თქვეს, ამ გზით ეშმაკიც ვერ მოაღწევს ჩვენამდეო. მე ისე, ყოველ შემთხვევისათვის გამომგზავნეს.

— იცოცხლონ შენმა რაზმელებმა შენი აქ გამოგზავნისათვის!

— მართლა გიხარიათ? — გაუბრწყინდა ბიჭს სახე.

— აბა შენისთანა ბიჭს სხვაგან სად შევხვდებოდი?

ბიჭს სახეზე ალი მოედო, ჭორფლი ნაპერწკლებით გაუღვივდა. რალაცის თქმა დააპირა, მაგრამ ჩანდა, ეუხერხულებოდა.

ზემდეგი წამოდგა.

— ეხლა კი, ალექსეი, ჩვენი გაყრის დროა. ბარემ გეტქვა, რის თქმაც გინდოდა.

ბიჭი, ჩვეულებრივი პატარა ბიჭი იდგა და დაგლეჯილი ჩექმის წვერით მიწას სჩიჩქნიდა. ძლივს გაბედა:

— მინდოდა მეტხოვნა... ამხანაგო ზემდეგო, თუ თქვენ გინდათ, სახსოვრად დამიტოვეთ რამე!

ზემდეგმა ჯიბეები მოიჩხრიკა, გადმოიბრუნა, ჭირის ოფლში გაევილო კაცი, ვერაფერი აღმოაჩინა. ბოლოს, უბიდან თხელი პაკეტი ამოიღო.

ბიჭმა სწრაფად წაატანა ხელი პაკეტს და გახსნა. გრუზათმინი ბიჭუნას ფოტოსურათი იყო.

— ოო, თქვენი შვილი! როგორა გგავთ! საოცრადა გგავთ! — დაიძახა და თავი ასწია, ზემდეგს დააკვირდა, მერე ისევ სურათს დახედდა: — ეს არაფერია, თქვენსავით ლამაზი რომ არ არის. მამაჩემიც ლამაზი იყო, მე კი არა ვარ ისეთი... თქვენი შვილი ჯერ პატარაა, გაიზრდება და იქნებ მაშინ გახდეს თქვენისთანა.

ბიჭმა ახლა წაღმა-უკუღმა დაატრიალა სურათი და წარწერას მიაგნო.

— სანდრა ალექსის ძე რჩეულიშვილი! აა, მამ თქვენც ალექსეი  
კყოფილსართ? ეს კი მართლაც ზორბაა! ალექსეი... კარგი სახელია  
არა? აქ მისამართიც სწერია. უცებვე გიპოვნით. ომი გათავდება და  
მაშინვე მოგძებნით. ამხანაგო ზემდეგო, შეიძლება მოგძებნოთ?  
ზემდეგმა მხრებზე მოსვია ხელი.

— ომის დამთავრებას რადღა უნდა უცადო, შენ შენი ვალი ჭარ-  
ბად მოვიხდია. ეს დავალებაც შეასრულე და წადი ირმისში. ამ ბი-  
ჭის ძმა იქნები, მე რომ ჩამოვალ, ორნი დამხვდებით.

— ოჰ, ეგ ძალიან ზორბა იქნებოდა, ისევე მყოფებოდა ძმა, ერ-  
თად დაგხვდებოდით... მაგრამ ცოტა უნდა მოვითმინო. მე ძალიან  
ვჭირდები ჩვენ რაზმს, და მე... მე ბოლომდე უნდა ვდიო ფაშის-  
ტებს...

ზემდეგს ლაპარაკი არ შეეძლო. შუბლზე აკოცა და სწრაფად გან-  
შორდა.

იმდენი ჭირ-ბოროტის გადამტანი კაცი უჩვეულოს რაღას უნდა  
შეჰყროდა, მაგრამ შეეყარა. დარბეულ-გაცამტვერებული სოფლები-  
სა და ქალაქების სათვალავი დიდი ხანია დაეკარგა, მაგრამ ამ ნა-  
სოფლარის დანახვამ უჩვეულოდ და უცნაურად შეაძრწუნა. ეგებ  
იმიტომ, რომ უდაბნოსავით უნაყოფო და უკაცრიელი, უპატრონო  
მომაკვდავივით იყო მიგდებული და ზენიტს მიღწეულ მცხუნეარე  
მზეს ჩრდილიც კი წაერთმია მისთვის. ან ეგებ იმიტომ, რომ გიგან-  
ტური ნგრევით დაობლებული ლიოშკას სახე, შურისმაძიებელი ბავ-  
შვის დაუმთავრებელი კვნესა სდევდა თან...

სადღაც შორს რაღაც ბოლავდა. ცხელ, უმოძრაო ჰაერში ბოლი  
თალხი სუდარასავით ეფინებოდა მიწას. ნასახლარებზე საფლავის  
ქვებივით იდგნენ შავად აწოწილი საკვამურები. აქა-იქ შერჩენილ  
ბოძებს დასეული ყვავ-ყორნების მამლარი ჩხავილი ლურსმანივით  
ეჭედებოდა მკვდარ სიჩუმეს, და ბოძებზე ჩამოკიდებული ადამიანე-  
ბი ამოცარიელებული თვალის ბუდეებით იყურებოდნენ წართმეულ  
სამყაროში.

ნელა მიდიოდა ზემდეგი. ფეხს ფრთხილად აბიჯებდა. ეგონა,  
მისი სიმძიმე ტკივილს უმწვავებდა წამების ჯვარზე გაკრულ მიწას.  
ფეხაკრეფით მიდიოდა თითქოს ადამიანთა ბოროტებაზე გამოტანილ  
განაჩენს უსმენდა. მიდიოდა, ხშირ-ხშირად ისვენებდა. ფიქრი რომ

შესძლებოდა, ინანებდა ამ „იოლი“ გზით წამოსვლას, ინანებდა, რომ ისევ იმ ბნელეთით არ ირჩია დაბრუნება.

მაგრამ არაფერს არა ფიქრობდა. ჩამონგრეულ კედელთან იდგა და რაღაცას უსმენდა. გვიან მიხვდა, რომ ადამიანის ხმას უსმენდა. ქალის სუსტი და ალერსიანი ხმა ესმოდა. უფრო გვიან სიტყვებიც გააჩნია, და ბოლოს იმ სიტყვების მნიშვნელობას მიხვდა.

— არ გინდა, მტრედო, ეს არ იჭმევა, ჩემო პატარავ. ეს აი აქ, მიწაში ჩავდოთ. ზევიდანაც მიწა დავაყაროთ. ცოტა მოითმინე, სულ ცოტაც და ერთის ნაცვლად, ოცი გექნება, ოცი დიდი, ლოყაწითელი ვაშლი მომეცი, მტრედო, ამაში სიკვდილია დამალული. შენ სომ იცი, ფრიცმა ამ ვაშლებში სიკვდილი დამალა. არა სჭამო, ჩიტო, მომეცი, აი, ასე ჩავდოთ და მიწა დავაყაროთ...

კედლის გადაღმა ზემდეგმა თრნი დაინახა.

ქალი ტარმოტეხილი ბარით უღონოდ სჩინქნიდა მიწას. ბავშვი თავისი ხალათის კალთაში ჩალაგებულ ვაშლებს დაჰყურებდა, თითოს იღებდა და პირთან მიჰქონდა. ქალი მას მიწიან ხელს თავზე უსვამდა, ალერსიანი ძალდატანებით ართმევდა ვაშლს, ორმოში სდებდა და ზედ დაყრილ მიწას ფეხით სტკეპნიდა. ქალის და ბავშვის ჩამომტკნარ სხეულს, ჩანაოჭებულ სახეს ასაკი არ გააჩნდა...

უცნაური წამი წამოეწია ზემდეგს. ომის არაადამიანური ბოროტება მიწის იმ ერთ ადლს დააცხრა უცებ. ქვეყნიერების წალეკვით დამუქრებული შხამიანი ნიაღვარი იმ მოწამლულმა ვაშლებმა ჩაიტეხს. მილიონების ტანჯვამ ამ ასაკწართმეული ბავშვის და ქალის სახე მიიღო... და ჯვარცმული მიწა, ბავშვი და ქალი, საკვამურები, ნანგრევები, ყორნებდასეული ბოძები — ყველაფერი ერთმანეთს შეერია, აინთო, ცეცხლოვანი ბორბალივით დატრიალდა, ცას აასკდა, მერე ისევ მიწას დაეხეთქა. უთვალავმა ნაპერწყლებმა თვალები ამოუწვა ზემდეგს...

წუთები გარბოდნენ. ნელა უბრუნდებოდა გული საგულეს და ჩინი თვალებს. სიბრალულის ტკივილით დაგლეჯილი სხეული უთრთოდა. არა გრძნობდა, რომ ღრმადჩავარდნილი თვალებიდან ჩამავებულ ლოყებზე ცრემლი ეღვრებოდა.

— არ გინდა, შვილიკო, შიგ სიკვდილია ჩამალული. სომ ნახე, ნიკოლკამ არ დაუჯერა დედის და მოკვდა. ცოტაც მოითმინე, მალე ჩვენებიც მოვლენ და შენ გექნება ოცი დიდი, წითელი ვაშლი...

ქალის ოდნავასაგონი ხმა მუბის წვერივით ლაღრავდა ზემდეგის

სმენას. მან ჩანთა მიწაზე დააგდო, ავტომატიც იქვე მიაყუდა და დედა-შვილისკენ წავიდა.

მის დანახვაზე ქალმა ხმადაბლა შეჰკივლა. მანამდე უღონომ, ბარი ღონიერად მოიღერა და ბავშვს აეფარა. ბავშვმა კალთას ხელი უშვა და მკლავებით დედის წელი შემოსაღტა.

— მე მტერი არა ვარ, — თქვა ზემდეგმა. განრისხებული სახე ნათქვამს არ უდასტურებდა, მაგრამ მან ეს არ იცოდა, ხვეწნით იმეორებდა: — დამიჯერეთ, მტერი არა ვარ, არა, არა...

ქალმა მძიმედ დაუშვა ბარი.

— ჩვენი ყოფილა, სერიოგა, — წაიჩურჩულა და უასაკო სასეზე თვალები ლურჯად აუკამკამდნენ.

— მაშ მამა სადღა? — შუბლქვემოდან უნდობლად გამოხედა ბავშვმა.

— მამაც მოვა, — უთხრა ზემდეგმა და არ იცრუა. სჯეროდა, რომ მოვიდოდა. უნდა მოსულიყო. არ შეიძლებოდა, არ მოსულიყო. ამ ბავშვის და ამ ქალის ტანჯვას ერთი მისხალიც ვეღარ მოემატებოდა. — მოვა მამა, — თქვა ისევ, დასწვდა ბავშვს და ფრთხილად აიყვანა, მკლავზე გადაიწვინა, ბანჯგულიანი ლოყა მის დამჭკნარ ლოყას დაადო: — სანდრა, ჩემო სანდრა...

— მე სერგეი ვარ, — ჩუმად შეუსწორა ბავშვმა. მოცისფრო ქსელით დასერილი სიფრიფანა ქუთუთოები ჩამოაფარა მშიერ, ამოღამებულ თვალებს, — სერიოგა ვარ...

— სერგეი... სერიოგა ხარ...

ბიჭს ღიმილის იერმა დაჰკრა. ღონიერ მკლავებზე რწევა ეამა. თვალდახუჭული მიეკრა მამისმსგავსი კაცის განიერ მკერდს.

— აი ჩვენი ნასახლარი, დაბრძანდი, — თქვა ქალმა და ჩამონგრეული კედლის ძირში, ღია ცისქვეშ დაგებულ ფიცრებზე მიუთითა ზემდეგს.

ღამეა. მთვარიანი ღამეა.

სერიოგას სძინავს. სოფლის ავბედობაზე თხრობით დაღლილ მარიას შვილის ფერხთით ჩაეძინა.

ზემდეგი წამოდგა და ნელა მიჰყვა აოხრებულ ქუჩას. მთვარე აუფერულებდა დასაკარგავში აწეულ ცას, და, სადაც დასალიერი უნდა ყოფილიყო, იქაც სიცარიელეში იკარგებოდა თვალი. აქეთ-იქით

გაფანტული ნანგრევების უსახო ჩრდილები დამფრთხალ ნადირებს ჰგავდნენ და უმოძრაო ჰაერში ბოლი ჩამონგრეული სვეტებივით იდგა აქა-იქ. სიჩუმეს დროდადრო არტილერიის შორეული ზალბი არღვევდა და მაშინ ცეცხლი, მიწიდან ავადნილი ელვასავით ჰკვეთდა სივრცეს.

„ნეტა ვიცოდე, სად რას არი ჩვენი ბატალიონი...“ — ამოიხსრა ზემდეგმა. ბოლმით აღვსილი სული სხეულს უმიძიმებდა. სიარული გაუჭირდა, ფეხზე დგომაც უჭირდა და გამობრუნდა, ისევ მარიას სახლის ნანგრევებთან ჩამოჯდა ქვაზე, ჩექმები დაიძრო და შიშველა ფეხისგულები მიწას დაანდო.

„ხედავთ, ხალხო, რა ბოროტება დაატყდა მშვიდობიან მიწას?! — უხმოდ გამოელაპარაკა თავის თავს და მთელ სამყაროს. — მაგრამ ბოროტისმქნელნი მისაგებელს ვერ წაუეღენ, ვერა!.. ადამიანი სიკეთის მთესველად და აღმშენებლად რომ არ ჩნდებოდეს ქვეყანაზე, მაშ დედამიწას რა დაამშვიდებდა? მე მიყვარს ჩემი დანიშნულება, ისე როგორც უყვარს ქვეყნად უთვალავ ადამიანს. მე სიცოცხლე იმისათვის მინდა, რომ ჩემი მამულის აყვავებას ვანაცვალო, იმიტომა მძულს ყველაფერი, რაც ამას ხელს უშლის, მძულს ისევე, როგორც უთვალავ ადამიანს მთელ დუნიაზე. აკი იმიტომ ამხედრდა მილიონობით ხალხი იმათ წინააღმდეგ, ვინც უნამუსოდ სთელავს ადამიანის დანიშნულებას... ეპეი, თქვენ, სიკუდილისა და სიბოროტის მთესველნო, თქვენ რატო არ გიყვართ თქვენი მიწა, თქვენი სახლი, თქვენი ბალები? არ გიყვართ, არა. რო გიყვარდეთ, არ დაგავიწყდებოდათ, რომ სიბოროტე აუცილებლად ისჯება, ვაი თქვენ, ეს რომ დაივიწყეთ და სასჯელი მოადგება თქვენ კარს... ჰეი, თქვენც, ვინც ბოროტებას მხარს უმაგრებთ, გამაგებინეთ, რისთვის უმაგრებთ, რათ უწყობთ ხელს, რისთვის? იმისათვის, რომ უღირსებმა აგრიონ კეთილი გონებით და მარჯვენით შექმნილი? იმისათვის, რომ გესტაპოელმა ბუდამ მოწამლული ვაშლებით აუვსოს კალთა დამშეულ ბაღს?.. ხალხო, ადამიანებო, მითხარით, რა ფასი აქვს გონიერებას, ნიჭს, პატიოსნებას, თუ ამას ყველაფერს ვაჟაკობა არ ახლავს, ძალა არ შესწევს ჩანასახშივე მოსპოს ბოროტება?.. რა ვქნათ, მარია, მე რის შემძლე ვარ? თუ ჩემ სიტყვას რამე ფასი აქვს, მე გაძლევე სიტყვას, რომ აი ისინი, ვისი ნაკვალევიც ეხლა შენ თვალწინ ბოლავს, ვერსად დაემალებიან განკითხვის საათს, მისწვდებათ მათ ნეჩაევის რისხვა, მისწვდებათ ლიოშკა ბოგუნა-

როვის რისხვაც, პარტიზანების აუცდენელი მახვილიც. ჰო, მარია, დამიჯერე, ისინი ვერ წაუვლენ მისაგებელს...”

ზემდეგი მიყურდა, მალე ჩასთვლიმა კიდეც, მაგრამ ბურანში რაღაცა სიამე იგრძნო, ისეთი სიამე, რომ უმაღვე გამოფხიზლდა, გაკვირებულმა მიიხედ-მოიხედა.

არაფერი არ შეცვლილიყო. ისევ ანათებდა მთვარე. ისევ და-კარგული იყო ცაც და დასალიერიც. ისევ მშვიდად ეძინა სეროვას და ძილში კვნესოდა შვილთან მიყუჩული მარია. მაშ ის რა იყო? საიდან იყო შვება და ის სიამე?

გაკვირებული წამოდგა, ნაბიჯი გადადგა. კიდეც გადადგა ნაბიჯი. კიდეც ერთი. კიდეც. კიდეც... და ვინმეს რომ დაენახა მთვარით გაშუქებული კაცი, თითქოს რაღაცას დაყურადებული და ვალიმებული რომ ადგამდა მიწას შიშველ ფეხისგულებს, უთუოდ გიჟი ეგონებოდა. ვინ მიხვდებოდა, რომ უხილავი ძარღვებით დედამიწა უბრუნებდა მისგან ანაბრებულ სიკეთეს, სითბოს, სიყვარულს, ჯანღონეს, რაც ამ კაცს დაუზოგავად ჩაეღია მისთვის, ვინ მიხვდებოდა, რომ მიწის შენახული მზე ავსებდა მას...

ის აღარ იყო დაღლილი. აღარც საკუთარი სხეულის სიმძიმეს უგრძნობდა. აუჩქარებლად ინაცვლიდა ფეხს, მთელ გულისყურს ატანდა ყოველ ნაბიჯს. დადიოდა, ჯერ ბოლომდე შეუცნობელ განზრახვას მიჰყვებოდა. იმ განზრახვამ მარიას სახლის ნანგრევებთან მიიყვანა, თვალით მოაზომინა სამირკველი, ჩამონგრეული კედლები, დაანახვა გამოსაყენებელი მასალა.

„ექვსი დღე დამრჩა დასვენებისა. ჩემია ეს ექვსი დღე, ჩემი!“ — თქვა გუნებაში და სურვილს დაჰყვა, ხელები ნებაზე მიუშვა, საშენებლად ვარგისი აგურების გადარჩევას შეუდგა.

თან ბარათი ეწერებოდა გულში:

„ხატულა, ჩემო ხატულა, იხარე და იღღეგრძელე. ირმისელები ამყობენ შენი ქალობით, შენი დედობით, შენი ვაჟკაცობით. განა არ ვიცი? ენძელაც პატარა და ნაზია, მაგრამ დიდ ზამთარსა სძლევს და გაზაფხულს მოიყვანს ხოლმე. იხარე, ჩემო ხატულა. მე შენთან ისევ ის სათხოვარი მაქვს: დღენიადაგ უნერგავდე სანდრას და სანდრასტოლა გოგო-ბიჭებს ვაზის სიყვარულს, მშობლიური მიწის სიყვარულს, აამაყებდე მისი მშვენებით, ნიჭით, სულის სიმდიდრით...“

ბარათი იწერებოდა, ხელები განაგრძობდნენ საშენებლად ვარგისი მასალის გადარჩევას.



იაბლონკასთან მცირე დასვენებაზე დამდგარ პოლკს, წინახაზისკენ მიმავალი კონტრაზვერვის მაიორი მედვედევი წამოეწია. ბელორუსიის განთავისუფლებისათვის მებრძოლი ერთ-ერთი პოლკის მეთაურმა, პოლკოვნიკმა ლიაშენკომ ის თავის კარავში მიიწვია დასასვენებლად, თვითონ კი სალაშქროდ აყრილი ქვევანაყოფების დასათვალიერებლად წავიდა.

მედვედევა წაძინება დააპირა, მაგრამ მოახსენეს, იაბლონკას მცხოვრები ითხოვს მიღებასო, სოფელში დეზერტირი აღმოუჩენიათო.

მოხუცს რომ მოუსმინა, მედვედევი მაშინვე ჩაჯდა ლიაშენკოს „ვილისში“, ორი ჯარისკაცი გაიყოლა და იაბლონკას მიაშურა. მან შორიდანვე დაინახა „ახალი“ სახლი. მართალია, სახლებს შორის ის სახლად არც ჩაითვლებოდა, მაგრამ დამწვარ-დანგრეულ სოფელში ის ერთადერთი იყო, და ახლადაშენებული. „შეხეთ ერთი, მამალიც კი ასკუპია სახურავზე! ჯადოსნური ძალით ხომ არ გაჩნდებოდა ეს მამლიანი სახლი? გერმანელები გუშინ-გუშინწინ გააძევეს აქედან. გამოდის, რომ მშენებლობა გესტაპოს ბატონობისას დაწყებულია. გამოდის, რომ როგაჩოვი მიამიტი მოხუცი ყოფილა, ის ვიღაცა — უბრალო დეზერტირი არ უნდა იყოს...“ — იძლიერებდა ეჭვებს მედვედევი.

ბავშვები ურიაშულით გამოქანდნენ სახლთან გაჩერებულ მანქანისკენ. აქა-იქ ნანგრევებში მოფუსფუსე ქალებმაც მიანებეს საქმეს თავი და გზაზე გამოვიდნენ. ზემდეგმა დაინანა, რომ ქუდი და ქამარი ხელთ არა ჰქონდა, ტანისამოსი შემოიბერტყა და კიბესთან დადგა.

მანქანიდან მაიორი გადმოხტა, სრულიად ჩვეულებრივი მაიორი. თავით ფეხამდე გაკრიალებული, ხმელ-ხმელი, სამკერდე ნიშნებით შემკული კაცი. სახეც ჩვეულებრივი, საკმაოდ ლამაზი ჰქონდა, ოღონდ სალესავი ქვასავით ბრტყელი და უგრძობი შუბლი არ უნდებოდა. ერთი სიტყვით, ჩვეულებრივი ოფიცერი იყო, მაგრამ მანქანიდან რომ გადმოხტა, რევოლვერზე წაივლო ხელი და აშკარა უნდობლობით მიიხედ-მოიხედა. ალბათ ამის გამო იყო, რომ მისკენ წამოსული დიდი და პატარა უცებ ჩაჩუმებული პერჩა ადგილს.

— ვინ ხარ შენ? — უხეშად ჰკითხა მან კიბესთან მდგომ უქულო და უქამრო კაცს.

— ზემდეგი ალექსი რჩეულიშვილი.

— სამხრეები გადაგიყრია და აღარც წესდება გახსოვს? — უყვირა მაიორმა.

„მოგხვდა, ზემდეგო? ყველა კი არ გაპატიებს უდისციპლინობას, ყველა ოლეგ ნეჩაევი ხომ არ გგონია?“ — უთხრა თავის თავს ზემდეგმა და ვერ შენიშნა, რომ ნეჩაევის გახსენებაზე, გაელიმა.

„უყურეთ, ილიმება კიდევაც! — აღშფოთდა გუნებაში მედვედევო, — ეტყობა, მაგარი ზურგის იმედი აქვს, და ეტყობა, ძნელად გასატეხი არამზადაა!“ — შემიძებნი ოთახში! — ბრძანა მან.

ალექსის ერითირა მისი უტიფარი მიმართვა, მაგრამ კარგად ხედავდა, ამ კაცისაგან უარესიც იყო მოსალოდნელი და უხერხული მდგომარეობიდან რომ ეხსნა თავისი თავიც და მაიორიც, სწრაფად აიარა კიბე.

მაიორი ფეხდაფეხ მიჰყვა, უნდობლად შეათვალიერა თითქმის ცარიელი ოთახი და ზემდეგის პირისპირ ისე ახლო დადგა, რომ ორივემ იგრძნო ერთმანეთის სუნთქვა.

— საბუთები მარჯვენე! — უბრძანა მაიორმა.

„რა საბუთები უნდა ვაჩვენო? ერთი საველე წიგნაკია და ისიც ნეჩაეგმა დაიტოვა“, — გაივლო გულში ზემდეგმა და, ვიდრე ის ხმას ამოიღებდა, ისევ მაიორმა უყვირა:

— გადაყარე, ცხადია! აბა ერთი მითხარი, სად და როდის დაამთავრე ომი?

„აი თურმე რა მოსჩვენებია ამ დამთხვეულს!“ — გაიფიქრა ზემდეგმა, ნაბიჯით უკან დაიხია და კბილები ისე დააჭირა ერთმანეთს, რომ ქვედაყბა თეთრ ზოლად დააჩნდა.

— ხმა ამოიღე, სად მსახურობდი? რომელ ნაწილში?

— ვმსახურობ მაიორ ნეჩაევის ბატალიონში, ამხანაგო მაიორო.

— დინჯად მიუგო ზემდეგმა და ვერ მიხვდა, უცებ რამ გააგიჟა მაიორი.

— ნეჩაევის? — მოსხლეტილი ზამბარასავით შეხტა იგი, — „ეს ჯაშუში დალუპავს ნეჩაევის ოპერაციას!“ — გაუეღვა თავში და შემფოთებამ მაჯისცემა აუჩქარა. — შენ იცი, ახლა სად არის ნეჩაევის ბატალიონი?

„მე კი მივაგნებ და შენ თავში ქვა გიხლია“, — გაივლო გულში ზემდეგმა.

— რას განუმებულხარ? გეკითხებიან, იცი, სად არის ახლა ის ბატალიონი?

— მე მოვძებნი ჩვენებს, ამხანაგო მაიორო.

— ვის „ჩვენებს“, ვის? როგორ ბედავ შენ „ჩვენები“ უწოდო იმათ, ვინც სამშობლოსათვის თავს სწირავს, როგორ ბედავ? — ხმ. აეჭრა მაიორს, აზრები ტაშ-ფანდურივით აუხმაურდნენ თავში.

„შლეგიანია, უხეშია, მაგრამ ამაში კი მართალია. ისინი იბრძვიან და მე აქ დასვენება მოვიწყე. ეხლავე მოვტრიალდები და წავალ, მაგრამ ეს გადარეული არ გამიშვებს, საბუთებიო. უნდა მოვითმინო, დაანთხევს თავის სიბილწეს და ცოტა დამშვიდდება, მაშინ ზოგ რამეს აუუხსნი და თავს დამანებებს“, — გადაწყვიტა გულში ზემდეგმა, მაგრამ...

— მუნჯობანას თამაში გადაწყვიტე? — აყვირდა ისევ მაიორი, არაფერია, ეგ გაცვეთილი ოინბაზობა არ გამოგადგება, ამოგადგმევინებ ენას, ყველაფერს იტყვი, დაფქავ, აქ როგორ გაჩნდი, საიდან, რა დაგავალეს იმ ნამდვილმა „შენიანებმა“, როგორ უკავშირდები მათ, ვინ გეხმარება, ყველაფერს დაგაფქვევინებ!

ეს კი მეტისმეტი იყო! თავზარდაცემულმა ზემდეგმა უნებურად წაიწია მაიორზე, მაგრამ მყისვე დაუჭირა სადავე თავის გრძნობებს და ისე გაიჭიმა, თითქოს გაქვავდაო.

მედვედემა ხელი წაატანა რევოლვერს. ახლა ის საბოლოოდ დარწმუნდა, რომ კარგად დაგეშილ, საშიშ ჯაშუსს წააწყდა და მზად იყო ადგილზევე გაექრო იგი, მაგრამ ისიც ისაზრა, რომ ეს გამოუსწორებელი შეცდომა იქნებოდა. ამ ჯაშუსის ჩვენება მას, არასამწყობრო სამსახურის მაიორს საშუალებას მისცემდა ნეჩაევის მებრძოლი ბატალიონისათვის აეცილებინა საშინელი საფრთხე. ამისათვის ჯეროვანი დაკითხვა იყო საჭირო, აქ კი არა, ამდენი ხალხის თვალწინ, ის სასწრაფოდ უნდა წაეყვანა აქედან... და ამიტომ ჩქარობდა მაიორი, ცხარობდა, ასპიტდებოდა, კითხვებს ზედიზედ აყრიდა და პასუხს არ უცდიდა. ის ვერ ხედავდა თავის თავს, ველარ გრძნობდა, რომ მისი შეუსაბამო ამჩატება აბათილებდა მისი შეკითხვების სიმწვავეს და ამშვიდებდა ზემდეგს.

„რა უბედურებამ შეემყარა ამ ცერცეტს? როგორ დავალწიო თავი? ეგებ მაცალოს შტაბში მისვლა. იქ გაიგოს, რაც საჭიროა, სუ-

ლერთია ამ დამთხვეულს მე ვერაფერს შევასმენ..." — ფიქრობდა, ალექსი გამოსავალს ეძებდა, ცდილობდა დეღვა არ დასტყობოდა.

„ო, რა კარგად გაწრთვნილ არამზადას შევხვდი! — გულზე სკდებოდა მედედევი. — ისე დგას, თითქოს ლალატისათვის ჯილდოს მიართმევენო. მაცალე, დაგაფქვევინებ ყველაფერს! ხუთიოდე წუთსაც დავკარგავ, ეგებ აქაც სასარგებლო რამ შევიტყო“, — გადაწყვიტა და შემდეგს ოთასში დარჩენა უბრძანა, კარზე თან მოყვანილი ჯარისკაცები დაუყენა ყარაულად და თვითონ კიბე ჩაიარა, შორიანხლო მდუმარედ მდგომ ქალებს მიმართა:

— რომელია თქვენში ამ სახლის პატრონი?

— პატრონები აქ არ არიან.

„ალბათ ამათი მოტყუება, მოსყიდვა ან დაშინება მოასწრო იმ არამზადამ“, — გაიფიქრა, მედედევმა და მკაცრად იყვირა:

— როგორ თუ არ არიან? მაშე ეს სახლი უპატრონოა?

კაცი პარტიზანებშია, დიასახლისი მეზობელ სოფელში წავიდა, — უხალისოდ უპასუხეს აქეთ-იქიდან.

— არც ნათესავია, არც მეზობელი?

— იმათი აი, ეს ბავშვია...

— ესა? ბიჭუნა როდი ჩემთან. თქვენ კი, მოქალაქენო, მიხედეთ თქვენ საქმეს, თუ დამჭირდებით, დაგიძახებთ.

მედედევმა ბავშვი მერხზე დასვა, თვითონაც გვერდით მიუჯდა და გამოკითხვა დაუწყო.

სერიოგა იჯდა, ჩხირებივით გაწვრილებულ ფეხებს ჰაერში აქანქარებდა, ერთიანად დამაბულს, შეჭმუხნული შუბლი თფლმა დაუნამა. ის ცდილობდა ყველაფერი თანმიმდევრულად გახსენებოდა, ჩქარა ეამბნა ყველაფერი, რომ უცნობი ბრაზიანი კაცი მალე წასულიყო მათი სოფლიდან.

— ძია ალექსი მოვიდა, ჩანთით გემრიელი საჭმელი მოგვიტანა, შეეშალა და მე სანდრა დამიძახა, მერე ტახტი გამიკეთა, ზედ დამაწვინა, თითქოს ღუმელის კეთება დაიწყო. თანაც როგაროვების სახლის ნანგრევებში გზა გათხარა, დედამ იმათი სარდაფიდან წიწიბურას და ქერის ბურღული მოიტანა და მე ქაში გამიკეთა...

სერიოგამ ნეკი ჩაკეცა, ცოტა იფიქრა და მერე განაგრძო:

— დედამ ახალ ღუმელზე წყალი გააცხელა და მამანავა, ქვიშით მხეხავდა, მე კი არ ვიტირე, ძია ალექსის ეგონებოდა, მტირალა ბიჭი ვარ და მე არა ვარ მტირალა. მერე ძია ალექსი კედლებს აშენებ-

და, დედა აგურებს აწვდიდა და კედლები ჩქარა-ჩქარა იზრდებოდნენ, მე ტახტზე ვიწექი, ვიცინოდი და მერე ჩამეძინა...

სერიოგამ ახლა უსახელო თითი ჩაკეცა, დაისვენა და კვლავ განაგრძო:

— დედამ გამაღვიძა, ჩქარა ნახე, ჩვენმა სახლმა სახურავი დაიხურაო და მე რო ვნახე სახურავი, სიხარულით ეხტოდი და მერე ვთქვი, რო წინათ ჩვენ სახურავზე ლამაზი ყიყლიყო იჯდა და კუღს აქეთ-იქით იქნევდა. ძია ალექსიმ მითხრა, ის ყიყლიყო მალე ისევ მოფრინდებო, და მერე ეს მერხი გააკეთა, მე ზედ დამსვა და მიამბო, აქედან ძალიან-ძალიან შორს ერთი პატარა ბიჭი ცხოვრობსო და იმასაც სწორეთ ესეთი მერხი აქვსო, თავის მამასთან ერთად ჯღებდა მერხზე და მზის ამოსვლას უცდისო. ძალიან სარგი ზღაპარი იყო და მე როცა დავიძინე, ის ბიჭი მოვიდა ჩემთან...

სერიოგამ შუა თითიც ჩაკეცა და ამბის მოყოლა უნდა გაეგრძელებინა, მაგრამ „ბრაზიანმა კაცმა“ მკაცრად უთხრა:

— ზღაპრები შენ ტოლ-ამხანაგებს უამბე, მე ის მითხარი, მერე რას აკეთებდა შენი ძია ალექსი.

სერიოგამ თავისი სამი ჩაკეცილი თითი მაგრად ჩაიჭირა მეორე ხელით და აჩქარებით განაგრძო:

— დილით რო გამეღვიძა, ჩვენ ფანჯარაში მზე იყო და კარიც ლამაზად ჭრიალებდა და ყველაზე ძალიან ის გამიხარდა, რო ღამე ყიყლიყო მოფრინდა ჩვენ სახურავზე, მერე კიდე როგაჩოვების ბაბუა ლუკიანე მოვიდა, ჩვენი სახლი დაიარა და დედანჩემს ცუდი სიტყვა უთხრა ძია ალექსიზე...

— რა სიტყვა უთხრა, არ გახსოვს?

— მახსოვს... — ჩუმად მიუგო სერიოგამ და ცრემლი დაუგორდა ლოყაზე. — ეგ დეზერტირი აქ საიდან გაჩნდაო...

— დედამ რა უთხრა?

— შენ ავი კაცი ხარ და იმიტო ეჯავრები მთელ სოფელსო, იმიტო ბრაზობ რო მე თათხი ამიშენაო და მე რო შენი დამალული წიწიბურა და ქერის ბურღული ავიღე ცოტა და სერიოგასთვის ფაფა გავაკეთეო და შენ ყველაზე ცუდის თქმა გიყვარსო...

— მერე, მერე? — დააჩქარა მაიორმა.

— ლუკიანე გაბრაზებული წავიდა, ყვიროდა და თავის სარდაფს ნანგრევები ისევ მიაყარა და მე ძია ალექსის უთხარი, რომ ლუკიანე ავი ბებრუსანაა და იმას სახლი არ გაუკეთოს და ძია ალექსიმ თქვა,

სხვა სახლს ველარ გავაკეთებ, დრო აღარა მაქ, უნდა წავიდეთ...

— სად უნდა წავიდეთ?

— არ ვიცი...

— კიდევ რა გითხრა შენმა ძია ალექსიმ?

— შენ უფროსებზე არ უნდა თქვა ავი ბებრუსანაო, ძია ალექსიმ ხო არ იცოდა, რომ უფროსები ყველანიც ლუკიანეზე ავი ბებრუსანას იძახიან და მერე ამ დროს სუყველანი ჩვენი სოფლელები მოვიდნენ ფაშისტებს რომ ემალებოდნენ და ვასიუკიც, ნატაშკაც, გლებაც, სხვა ჩემი ტოლებიც მოცვივდნენ და სუყველანი ჩვენ სახში მოვიდნენ, სინჯავდნენ და ძია ალექსის ხელს ართმევდნენ და მერე ქალებმა ჩვენ ბუხარზე სადილი გააკეთეს და როცა ისადილეს, ყველანი უფროსები თავის დანგრეულ სახში წავიდნენ, რომ ემუშავათ და ბავშვები კი ჩვენსა დარჩნენ და მერე ყველამ ერთად დავიძინეთ ჩვენ სახლში...

სერიოგამ საჩვენებელი თითიც ჩაკეცა და გაჩუმდა, თავი ჩალუნა.

მედვედევმა თითით აუწია ნიკაპი და დაჟინებით ჩაჰკითხა:

— სად უნდა წავიდეთ, დედაშენს არ უთხრა ძია ალექსიმ?

— არა...

— შეხეთ, ეს ლეკვიც როგორ გაუწვრთნია იმ ნაძირალას! — წაიბურღლუნა მედვედევმა და თითი შარველის ტოტზე გაიწმინდა. — ჰო, თქვი, მერე რა მოხდა?

— დილას რომ გავიღვიძე, დედა შინ არ იყო და ძია ალექსიმ თქვა, დედა მალე მოვაო, საჩუქარს მოგიტანსო და ჩვენ კი მანამდე მიწა დავბაროთო და მამაშენი რომ დაბრუნდება, ვაშლის ხეებს დაგირგავსო, თქვენ სოფელს ხო იაბლონკა ჰქვიაო და სუყველამაც ვაშლის ხე უნდა დარგასო და ჩემი ამხანაგებიც და ყველანიც ვბარავდით და მერე ნატაშკამ დაიყვირა, ვილისი მოდისო და ჩვენ სუყველანი გზისკენ გამოვიქეციით და...

სერიოგა ცრემლებს ველარ იკავებდა. ოთხი თითი მაგრად ჰქონდა ჩაკეცილი, მეხუთეს კი — კეცავდა და ისევ შლიდა, ეს მეხუთე დღე მას დამთავრებულად არ მიაჩნდა. ოდნავ გასაგონად განაგრძო:

— და თქვენ მოხვედით, დედაჩემი კი არ მოვიდა. რატო არ მოვიდა დედაჩემი? სად არი, აბა სად არი დედაჩემი?

— თუთიყუშვივით ნუ აიტყვებ, სად არიო. სად არი და, ალბათ, ძია ალექსიმ გაგზავნა „საქმეზე“, დიდი ბიჭი ხარ, უნდა გესმოდეს!

სერიოგა ატირდა. ის ხომ ცდილობდა ყველაფერი ეთქვა, რაც

იცოდა, ცდილობდა, ეს კაცი არ გასწყრომოდა, მაგრამ ის ჯავრობდა. სერიოვამ არ იცოდა, რომ ის გაუგებარი, რაც მის ირვევლივ ხდებოდა, სწორედ იმიტომ ხდებოდა, რომ მისი სათვალავი სწორი იყო, მაგრამ მედვედევი არ იჯერებდა. ატირებულ სერიოვას თხზი თითი ისევ მაგრად ჰქონდა ჩაკეცილი, მესუთეს კი კეცავდა და ისევ შლიდა:

— სად არი? აბა სად არი დედაჩემი? — იმეორებდა და დაპალუპით წამოსულ ცრემლებს სახელოთი იმშრალებდა.

— მორჩი ტირილს! — მკაცრად უთხრა მედვედევმა და წამოდგა. გადაწყვიტა, დროს დაკარგვა აღარ ღირსო და შეტრიალდა, ყარაულებისთვის უნდა ებრძანებინა, ტუსადი გამოიყვანეთო, მაგრამ სად იყო სად არა, სახლს მანქანა მოადგა.

მედვედევმა მოსული რომ იცნო, გულში მაგრად შეუკურთხა და თავაზიანად შეეგება საჭესთან მჯდომ პოლკოვნიკ ლიაშენკოს:

— მაპატიეთ, ამხანაგო პოლკოვნიკო, მე იძულებული ვიყავი მესარგებლა თქვენი მანქანით, დრო აღარ იყო თქვენგან ნებართვის მიღების, სასწრაფო საქმე გამოსტა, დაყოვნება არ შეიძლებოდა.

— მე მანქანა კი არ მაინტერესებდა, პოლკი დაიძრა და თქვენ რომ არ გამოჩნდით, შეეფიქრიანდი...

— ამხანაგო პოლკოვნიკო! — იჭექა ამ დროს ოთახიდან ვილაცის ხმამ და ლიაშენკომ სიტყვა ველარ დაამთავრა. გადმოხტა მანქანიდან და წამში დასძლია სამსაფეხურიანი კიბე. ორი ყარაულის გადაჯვარედინებული ავტომატების მიღმა საოცარი კაცი დაინახა. ჯარისკაცის გიმნასტურა ეცვა, უქამრო, უქუდო, უიარაღო იყო. შეკავებული რისხვისაგან გაფითრებული სახის ნაკვთები ქვისგან გამოთლილივით ჰქონდა, კიდევ მომდგარი თვალებიდან თითქოს ნაპერწკლები სცვიოდა.

— რა მოხდა? — ჰკითხა პოლკოვნიკმა და იგრძნო, თავისდღეში ვერ დაივიწყებდა ამ კაცის სახეს.

— ამხანაგო პოლკოვნიკო, არ ვიცი, რა მოხდა, მაგრამ გთხოვთ, უბრძანოთ მაიორს, ბავშვს თავი დაანებოს, ნუ აწვალებს!

ლიაშენკომ ძლივს მოსწყვიტა მზერა იმ უცნაურ კაცს და შემოტრიალდა. მოსვლისას არ შეუნიშნავს ის, რაც ახლა უსიამოდ მოხვდა თვალში: შუბლშეკრული, მდუმარედ მდგომი ქალების ჯგუფი, მათ კალთებს ამოფარებული ბავშვები, მაიორის აჭარხლება, და ბოლოს — მერხზე ჩამომჯდარი ბიჭი...

მან კიბე ჩამოიარა და მერხთან მივიდა. შიშისგან თვალებგაფარ-

თოებულის ბავშვის დანაოტებულ სახეს ნაცრისფერი ედო და სიგამბ-  
დრისაგან გაწვრილებულ კისერზე აჩქარებით უფეთქავდნენ მოცის-  
ფრო ძარღვები. პოლკოვნიკმა ჯერ არაფერი იცოდა, მაგრამ ოთა-  
ხის ზღურბლზე დანახული კაცის რისხვა უცებვე და მთლიანად გაი-  
ზიარა.

— ბიჭო, გაიქეცი ამხანაგებთან, წადი, ითამაშე, — უთხრა მან სე-  
რიოვას და ბავშვს თვალი ვერ გაუსწორა.

სერიოვას ადგა. ზურგუკულმა ნელა წავიდა სოფლებებისაკენ. წინ  
იყურებოდა, ოთახისკენ, რომელშიც ალექსი ეგულეობდა.

— გამაგებინეთ, რა მოხდა? — ახლა მაიორს შეეკითხა ლიაშენკო.

— ზოგიერთი მომენტის გარკვევა მინდოდა, მეტი არაფერი, —  
უარესად აუწითლდა სახე მედვედევს.

ისინი ჯერ მშვიდად და ხმადაბლა ლაპარაკობდნენ, მერე თან-  
დათან გაცხარდნენ და ხმას აუწიეს.

— რასაც თქვენ ამბობთ, მაიორო, მაგას ჯერ დადგენა სჭირია,  
საიდანა გაქვთ ეგ ცნობები?

— ამ სოფლის მცხოვრებლებმა მომახსენეს.

— მაგ ცნობებს დაზუსტება სჭირდება-მეთქი.

— ის არც მალავს, რომ დეზერტირია, საბუთებიც გადაუყრია...

— კარგი თ ერთი! ჯარისკაცს რა საბუთები უნდა ჰქონოდა? თუ-  
თუ გითხრათ, გადაიყარა?

— წინასწარი დაკითხვიდან გამოირკვა და საქმის ვითარებაც  
ადასტურებს.

— თქვენი დასკვნები ნაჩქარევი რომ გამოდგეს?

— რაც თქვენ ნაჩქარევად მიგაჩნიათ, ეგ ოპერატიულობა გახ-  
ლავთ, ამხანაგო პოლკოვნიკო, ეგ ჩვენი მუშაობის სპეციფიკაა!

— მე მაგ სპეციფიკაში ვერ ვერკვევი, თუ ნამდვილად ასეა, რო-  
გორც თქვენ ფიქრობთ, მაგას შტაბში გაარკვევენ, დაუშვებელია,  
რომ თქვენ ერთპიროვნულად აწარმოოთ დაკითხვა!

— იღბლიანი ჰყოფილხარ, ძმაო, — წასწერჩულა შემდეგს ერთმა  
ყარაულმა.

— ჩვენი პოლკოვნიკი დინჯი და სამართლიანი კაცია, — დაუმატა  
მეორემ.

რით დამთავრდებოდა მისთვის ეს ამბავი, პოლკოვნიკი რომ არ  
შესწრებოდა. — ამაზე ფიქრს ალექსიმ წაუყრუა. გულზე ცოტა რომ  
მოეშვა, განცდილმა დაძაბულობამ მაშინ მოჰკვეთა მუხლი. ტახტ-



ზე დაეშვა და სახე სელებში ჩამალა. არც გაუგია, პოლკოვნიკმა ყარაულები რომ მოხსნა და ოთახში შემოვიდა.

— მაინც რამ გამოიწვია ეს ამბავი? — მოესმა მას შეკითხვა და სწრაფად წამოდგა ზეზე.

— მაპატიეთ, ამხანაგო პოლკოვნიკო, მე ყველაფრის ახსნა არ შემიძლია. ნაბრძანები მქონდა, დავალების შესრულების შემდეგ დივიზიის შტაბში დამეცადა. ამ სოფელში გზამ მომიყვანა.

— კეთილი, არაფერს შეგეკითხებით, მხოლოდ მითხარით, ეს სახლი მართლა ხუთ დღეში ააშენეთ?

სასაცილო იყო: ზემდეგი ბავშვივით გაწითლდა.

— არა, მთვარიანი ღამეები იყო, დღესავით ნათელი. საძირკველი მზად იყო და კედლების აღდგენა რა დიდი საქმე იყო?!

— ჰოო... რა დიდი საქმე იყო... — გაბმით გაიმეორა პოლკოვნიკმა და კვლავ იგრძნო, რომ ვერასოდეს დაივიწყებდა ახლა სიხარულით განათებულ ამ კაცის სახეს. — კეთილი, — განავრძო მან მცირე დუმილის შემდეგ, — მაგრამ რაკი მდგომარეობა ასე დაიხლართა, საჭიროა ამ გაუგებრობის გარკვევა, არა?

— რა თქმა უნდა, ამხანაგო პოლკოვნიკო.

— მაიორის ეჭვს ჰქონდა საფუძველი, არა? როგორ გგონიათ, ამხანაგო ზემდეგო?

— შეიძლება... მე დავაშავე, ამგვარი შეხვედრა რომ ვერ გავითვალისწინე, მაგრამ... ცუდია, როცა ძალაუფლება ალკოჰოლივით უბრუნებს კაცს ტვინს.

— მართალი ხართ, მაგრამ ამგვარი სიმართლის აღიარებას არ გირჩევთ, არა ღირს... — შეგონებით, თითქმის თხოვნით უთხრა ლიანენკომ. — წავიდეუ!

ზემდეგმა სწრაფად მორიგო თავისი პილოტურა და ქამარი, განჯინიდან ავტომატი და ცარიელი ზურგჩანთა აიღო და პოლკოვნიკს მიჰყვა. გარეთ თვალით მოძებნა სერიოგა, თავს ძალა დაატანა და მსიარულად დაუძახა:

— მშვიდობით, სერიოგა! საცაა დედა მოვა, მოკითხვა გადაეცი, მე სამსახურში მივალ, მშვიდობით!

ლიანენკო საჭეს მიუჯდა და ზემდეგიც თავის მანქანაში მიიწვია.

აპრილებული ჩალასავით ჩამქრალი მედვედევი მეორე მანქანაში ჯდებოდა, შურდულივით გამოქანებული სერიოგა რომ მიეჭრა, სირბილით და აღელვებით გულამოვარდნილმა მიაძახა:

— ცუდო! ცუდო! ბოროტო შავო სალამანდრაჟ!..

— შავი სალამანდრაჟ არსებობს? — ვითომ გააღიმა ყბამიჯრე-ცილმა მედვედეჟმა და მანქანის კარი მიიჯახუნა.

ლიაშენკოს ნერვიულობისგან ცალი წარბი აუთამაშდა. მან ადგილიდანვე გააქროლა მანქანა და მტკვრის კორიანტელში გაუჩინარდა.

სერიოგას ყვირილი ისტერიულ ტირილში გადავიდა. ბავშვი გაღურჯდა, გადაფიჩინდა. შეშფოთებული ქალები ვიშვიშით და ალერსით ეხვეოდნენ, ცდილობდნენ მის დამშვიდებას და აურზაურში ვერ შენიშნეს შინ მიმავალი მარია.

მარიამ სახლთან თავმოყრილი მეზობლები რომ დაინახა და მერე შვილის ტირილიც გაიგონა, ზურგზე მოკიდებული ტომარა დაადო, აკეცილ წინსაფარს ხელი უშვა, მიწაზე დაგორებულ ვაშლებს გადმოევლო, ქალები მიყარ-მოყარა და შვილი აიტაცა.

— სერგეი, სერიოგა, გადმომხედე, შვილიყო, მე ვარ, დედაშენი ვარ, გადმომხედე, მტრედო!

ბავშვს დედის ხმა ჩაესმა, ტირილი თანდათან დაანელა, სუნთქვაც ნელ-ნელა დაუმშვიდდა, ხელ-ფეხის კანკალიც შეუწყდა. ფერწასულმა მარიამ მეზობლები შეათვალიერა და წყრომით იკითხა:

— რას გაჩუმებულხართ, რა იყო, რა მოხდა?

— არაფერიც არ მოხდა, ზემდეგს გაეტირა...

— ზემდეგს? წავიდა ზემდეგი? თითონ გამგზავნა და აღარ დამიცადა? ეს როგორ? სად წავიდა?

— არაფერი ვიცით, მარია, წაიყვანეს, მანქანით წაიყვანეს! ჯერ მაიორი მოვიდა, მერე პოლკოვნიკი ერთად წავიდნენ!

— რა ბატებივით ყაყანებთ, ვერ გამაგებინებთ, რა მოხდა?

— დაწყნარდი, ქალო, აბა რა ვიცით, რა მოხდა? მაიორი მოვიდა, ჩვენ არაფერი გვკითხა, ეშმაკმა იცის, საიდან მოეჩვენა, აქ დეზერტირიაო და...

მარიამ აღარ დაამთავრებინა ქალს სიტყვა, ბავშვი მეზობელს გადაუწვინა კალთაში, მერხიდან წამოიჭრა, ჯგუფად მდგომი სოფლელები შეათვალიერა და თავჩაქინდრული ლუკიანე როგაროვი დაინახა. მარია წამს ენაწართმეულივით იდგა, მერე მიწაზე გაშლილი ვაშლები წამოკრიფა და მთელი ძალ-ღონით დაუშინა ლუკიანეს.

— აჰა, საზიზღარო! გველო! ბილწო! შენ მოჩმახე! შეგშურდა ჩე-

მი ჭერი დაგენანა შენი დაჭიანებული წიწიბურა! ვითომ შენც კაცი ხარი ქეციანო ქოფაკო აჰა შენ, აჰა..

თავპირდაბეგვილი ბერიკაცი ძლივს გააცალეს გაასპიტებულ ქალს. მარიამ ლუკიანეს გზას მიაფურთხა და არაქათგამოლეული დაემვა მერხზე, მოთქმით შესტირა მეზობლებს:

— თავი მომჭრა მაგ ქოფაკმა, ვაი, სირცხვილო, რაღა ვქნა, ქალებო, რას იფიქრებს ის ღვთისნიერი კაცი ჩვენზე? ხვალ მივდივარო, და შემეხვეწა, ოცი ლოყაწითელი ვაშლი მიმოვნეო... ხუთი დღეღამე მუხლი არ ჩაუხრია, ისე მუშაობდა, გეგონება, რაც ფაშისტმა უსახლკარო ბავშვი დატოვა, ეს ჭერი ყველას უნდა გასწვდესო გვარიც არ ვიცი, სად მოვიკითხო, როგორ ვიკითხო, ზემდეგი ვარ, ალექსეი მქვიანო, მეტი არა ვიცი რა!.. ვაი შენ, ჩემო თავო, ამ ვაშლებით სერიოგას გახარება უნდოდა, არ გაიხაროს ლუკიანე-ქოფაკმა! ის კაცი რას იფიქრებს ჩვენზე, რას? ვაი სირცხვილო...

ბატალიონისა და პარტიზანთა რაზმის მარწუხებში მომწყვდეული მტრისეული მოტომექანიზებული პოლკის ლიკვიდაცია დასასრულს უახლოვდებოდა, ნეჩაევის საფართან ნაღმი რომ გასკდა. იოლად გადარჩა ბატალიონის მეთაური, კონტუზია და კუნთების ზედაპირული ჭრილობები აღმოაჩნდა. განთავისუფლებული ბრესტის ერთ-ერთ პოსპიტალში იწვა და ფიზიკურ ტკივილებზე მეტად მწარე ფიქრი სტანჯავდა: ზემდეგი დივიზიის შტაბში არ მისულა, იქ არაფერი იციან მის შესახებო... გუშინ ნეჩაევს თავი ისე უბრუოდა, რომ ხეირიანად ვერ ერკვეოდა დივიზიის მეთაურის ნათქვამში. ახლა აგონდებოდა: „უმნიშვნელო დანაკარგის ფასადო... გილოცავთ წარმატებასო... ბრწყინვალედ შესრულებული ოპერაციაო...“

— „უმნიშვნელო დანაკარგის“ ფასად მიღებულ წარმატებას მილოცავდა... მართლაც საჭიროა ხანდახან ექიმებს დაუჯერო—მშვიდად და გაუნძრევლად იწვე, თორემ ბალიში გავარკვარებულ ნაკვერჩხლებად იქცევა, მწარე ტკივილი თვალს გიბნელებს და გონებასაც... ნუთუ ალექსეი, „უმნიშვნელო დანაკარგში“ ჩაირიცხა?.. იმ გაუვალ გზას გააწია, მეკავშირეს შეხვდა, მერე რაღა დაემართა? „უმნიშვნელო დანაკარგი...“ ასეა, ამხანაგო ნეჩაევ, მტრის მოსასპობად მეგობარიც არ დაინდო—ეს არი სამამულო ომი. არ არსებობდეს მსხვერპლი,

რომელსაც ვერ გაიღებ — ეს არი სამამულო ომი. ყურს ლახვარივით რალად ხვდება ეს „უმნიშვნელო დანაკარგი“? ეს ხომ ომის ერთ-ერთი პირობითობაა, აქამდე ვერ მიეჩვიე? ვერა, ვერ მივეჩვიე. შესაძლებელია ალექსი დაილუბა, მეც დავილუბო, მაგრამ მე არ მინდა, ამას „უმნიშვნელო დანაკარგი“ ერქვას. იმიტომ რომ, ასე არ არის, ეგ სწორე არ არის. ადამიანთან ერთად იღუბება მთელი სამყარო, მას რომ თან მოაქვს თავისი დაბადებით, დიას, მთელი სამყარო, იმაზე უფრო დიდი და მნიშვნელოვანი, ცაზე ლამაზ ვარსკვლავებად რომ გვეჩვენებინ... სულელი ხარ, ოლეგ ნეჩაევ, შენ გნებავს, რომ ცივილიზებულმა ხალხმა შეიგნოს, რომ ადამიანის ნაძალადევი სიკვდილი, სამყაროს კატასტროფაზე დიდია და არ შეიძლება მას „უმნიშვნელო დანაკარგი“ ერქვას... პირველთავად მომეჩვენა, რომ უმნოა და ძალზე ღრმად ჩამოედარი თვალები აქვს. მე რე მივხვდი, ღრმად ჩამოედარი კი არა, ჩასაფრებული თვალები აქვს. სიბოროტეს, უსვინდისობას რომ დანახავენ, უცებვე ანთებული გამოხტებიან საფარიდან. და ეს ძალზე ლამაზია... ირმისში წერილის მიწერა დამევალა? არაფერიც. მე არა მჯერა, რომ ის ცუდი მეგობარია, რომ ირმისში წერილს მიმაწერინებს... მე რე რა, შტაბში რომ არ მისულა? თავის დასვენებას ადამიანი ისე იყენებს, როგორც მოეპრიანება. იქნება ის სადმე განცხრომაშია, შტაბზე მიმზიდველ ადგილას ლალობს, ჩვენ კი აქ გლოვა გავმართეთ... სამხრეებიც მოვასხნევინე, საველე წიგნაკიც ჩამოვართვი, ამ ორომტრიალში მიწას ვინ მიაყრიდა უცნობ, უსახელო კაცს?.. ნეტა ვიცოდე, რით შეაყვარა თავი იმ ლიოშკა ბოგუჩაროვს? პარტიზანები ჩიოდნენ, ყურები გამოგვიჭედაო ზემდეგზე ლაპარაკით, ომი რომ დამთავრდება, ირმისში წავალთ... ჰო, ლიოშკა, წავალთ ირმისში, რა თქმა უნდა, წავალთ. წავალთ?..“

დერეფანში ატეხილმა ხმაურმა გაუწყვიტა ფიქრი. არავის ნახვა არ უნდოდა, საბანი წაიხურა და თავი მოიმახინარა.

პალატის კარი ყურთამდე გაიღო. ამ გონჯაურას ომმა მართლაც ვერ შეაჩვია სამხედრო წესს! რის დისციპლინა, რა სუბორდინაცია, დისტანცია, ექიმების გაფრთხლება — ჯანდაბას, ჯანდაბას ყველაფერი! თავნება ზემდეგმა პალატაში შეალაჯა, საწოლთან გაჩნდა, დაიხარა და თავის ტოპოჩა ხელებში მოიქცია საბნის ზემოთ დარჩენილი, ნეჩაევის ფერმკრთალი, ნაიარევი ხელები...

არც ზემდეგს და არც ნეჩაევს არ გაუგია, როდის და ვინ მიხუ-  
რა პალატის კარი.

კარიდან გაბრუნებული ოფიცრები ქუჩაში რომ გავიდნენ, პოლ-  
კოვნიკი ლიაშენკო მაშინ მიუბრუნდა მედვედევს:

— ახლა რას იტყვიტ, ამხანაგო მაიორო?

— ასეც ხდება ხოლმე.

— თქვენ უკმაყოფილო ჩანხართ.

— დიას. მე მაგ ზემდეგს მაინც დავადებდი სასჯელს.

— მაინც? რისთვის?

— თუნდაც, წესდების სრული იგნორირებისათვის.

— თუ იმისათვის, რომ გაგემართლებინათ თქვენი უნდობლობა  
ადამიანისადმი?

— არა, მე უფრო მიზანშეწონილად მიმაჩნია დანაშაულის დასჯა,  
ვიდრე დამნაშავესთან ნაუცბათევი დამეგობრება!

მედვედევის თავხედურმა გაკილვამ წონასწორობიდან გამოიყ-  
ვანა მთელი ამ ამბით ისედაც აღშფოთებული ლიაშენკო.

— ეს ალბათ გემოვნებას გააჩნია, მაიორო, თქვენ კეთილშობი-  
ლება გაკლიათ, მაგაშია საქმე, ეგ აუნაზღაურებელი დეფექტია, გეს-  
მით?

— მესმის, ამხანაგო პოლკოვნიკო! — მხედრულად გაიჭიმა მედ-  
ვედევი და მერე უტიფრად დაუმატა: — მიიღეთ უმცროსის რჩევაც,  
ამხანაგო პოლკოვნიკო. სხვა დროს მილოცვას ნუ აჩქარდებით,  
ჯილდოზე წარდგენა, არ ნიშნავს მის მიღებას. დარწმუნებული ვარ,  
თქვენი ზემდეგი ჯილდოს ვერ მიეწევა. მაქვს პატივი გამოგეთხო-  
ვოთ!

მან მოხდენილად მიიტანა ხელი საფეთქელთან და მკვეთრი მხე-  
დრული ნაბიჯით გაეცალა ლიაშენკოს.

ნეჩაევის ბატალიონი ახალ წელს ხვდებოდა: 1945 წელს.

არა ჰქონდა მნიშვნელობა — როგორ ხვდებოდა.

მნიშვნელობა ჰქონდა იმას, რომ ოღერთან იყვნენ. და ზემდე-  
გისთვის მნიშვნელობა ჰქონდა, სახელდახელოდ შეკრული ტივებით  
როგორ გააღწეველა მისი ასეული (მან შესცვალა დაჭრილი ასმე-  
თაური) იმ განიერსა და ღრმას, მტრისეულს, მტრისეული ცეცხლით  
აღშუილებულ მდინარეს...

...მერე არა ჰქონდა მნიშვნელობა იანვარ-თებერვლის გაძალიანებულ სუსხს, თოვლ-ყინვას, ნემსებივით მჩხველეტავ გადაუღებელ წვიმას, ნესტიან, გამჭვალავ ქარს; არც იმას, რომ მიტაცებულ უცხო მიწაზე წლობით გამაგრებულ ფაშისტებთან ბრძოლა სულ უფრო მძაფრი და სისხლისმღვრელი ხდებოდა, რომ გააფთრებულ ხელმძღვანელ ბრძოლებში დახოცილთა გორების დაძლევა უხდებოდათ.

მნიშვნელობა ჰქონდა იმას, რომ უკან დარჩა ყინულსვლით აჭრელებული ოდერი და ახლოვდებოდა მშვიდობისათვის მეზობელ მილიონთა ოცნების შესრულება, ახლოვდებოდა იმ საერთო ოცნებას შერთული — თვითუღის საკუთარი ნატვრის შესრულება. და ზემდეგისთვის მნიშვნელობა ჰქონდა იმას, რომ მალე ოლეგ ნეჩაევთან ერთად წავიდოდა ირმისში...

...მერე თითქოს სამყაროს აპოკალიფსური დასასრული დაიწყო, მაგრამ მართლა ასეც რომ ყოფილიყო, არც ამას ჰქონდა მნიშვნელობა.

მნიშვნელობა ჰქონდა იმას, რაც იყო თუ არ იყო, ზმანება იყო, თუ სინამდვილე, რაც სამისდღემშვიდ აღიბეჭდა თვითუღი მომსწრესა და მონაწილის მეხსიერებაში: ღამეში უცებ აელვარდა უთვალავი მზე, ცამ დაიგრგვინა, დედამიწა აბორგდა და მტრის განლაგება აზვირთებულ ცეცხლოვან ზღვაში ჩაიძირა. თვალი ვერ უძლებდა ელვარებას, ყურს აღარაფერი ესმოდა, მიწა ფეხქვეშ მიდი-მოდიოდა...

დაიწყო ბერლინის შტურმი...

...არც გაზაფხულის დაგვიანებასლა ჰქონდა მნიშვნელობა.

ბრძოლა იყო რკინაბეტონის და კლდოვან მაღალ ნაპირებში ჩასმულ შპრესთან, იქ, სადაც მტერს დედაქალაქის დასაცავად მთელი თავისი საბრძოლო მარაგი და ჰიტლერს ფანატიკურად დამორჩილებული ძალები მოეზღვაებინა. ვინ შეამჩნევდა იმ ჯოჯოხეთურ ცეცხლში გახვეული გაზაფხულის წვევას?

ბატალიონის მეზობლთა აღქმა ისე იყო გამახვილებული, თითქოს მათი სხეულის თვითუღი ნაკვთი აღჭურვილიყო ცნობიერებით. იმ საოცარ შერკინებაში გაცხრილულ ყველა სხვა ვნებებიდან ადამიანებს დარჩათ მხოლოდ წინსწრაფვის სურვილი. წინსწრაფვის იმ გიჟურ აზარტში გონებას მთლიანად დაეთრგუნა ინსტინქტები და

რეფლექსები, მხოლოდ გონიერება უნდა ყრფილიყო ყველა გრძნობათა მძლეო, სხვანაირად – სასწაულებრივი გმირობაც ურგები თავისწაგება იქნებოდა. ეს ყოველ მებრძოლს ესმოდა. ეს ზემდეგსაც ესმოდა, მაგრამ რაღაც წამს, ალბათ, როცა აღქმის ტვეადობა საზღვარს სცილდებოდა, მისი გონება ერთბაშად ეთიშებოდა გარემოს, კარგავდა რეალობის შეგრძნების უნარს, სხეული უწონადო ნაწილაკივით ერთვოდა პირველქმნილ ქაოსად ქცეულ სამყაროს და გაშეშებულივით რჩებოდა მოძრაობის რაღაც წერტილში. ეს მხოლოდ ერთი წამი იქნებოდა, უმოქმედობის მეორე წამს ავბედი არ შეარჩენდა და მოახლოებული კატასტროფის მიჯნაზე, გონების ტყვეობიდან აწყვეტილი ინსტინქტი უყვიროდა: „ჰეი, გონჯაურავ, რა ღმერთი გიწყრება?! და შეყვირება მარადისობაში კარგავდა იმ ავად დადარაჯებულ წამს, რეალობას დაბრუნებული სხეული განაგრძობდა გონებით შეკვეთილ მოქმედებას...

...სძლიეს შარეეც. ზემდეგმა ბუდის კიდებს მომდგარი თვალე-ბით ვადათვალა გაღმა ნაპირზე ფეხმოკიდებული ასეული. შუბლი შეეკრა, გული ჩაეწურა, ვერ მიხვდა, ეწყინა, რა ახარხარებდა ყოველ მესამე ამხანაგის დამკარგავ, თავით-ფეხამდე გალუმბულ, შეცივებულ, გამჭვარტლულ, ღენტისა და შლამის სუნით გაქღენთილ ბიჭებს.

– უყურე, ასმეთაურო, იქით იყურე! – ჩამავებულ ბანდში გასვეული ხელით აჩვენა სიცილისაგან აცრემლებულმა ტროფიმ კელიჩკომ.

და ზემდეგსაც აუტყდა სიცილი. ისევ დაილოცოს ომის შემთხვევითობა! ამხელად ის გადამეტებით დაძაბული ნერვების მკურნალი გამხდარიყო: სისხლით შეფერილ შარეეს ზვირთებზე დაგდებულ ფიცარს მშვიდად მოქანავე პატეფონი მოჰქონდა, და ვიდაცა თამამის ხელით ჩართული ფირფიტიდან გადამწვარ ჰაერში იღვრებოდა ტკბილი ტენორის სიყვარულში ჩამწერის ღაღადისი... უთუოდ, კონტრასტი იყო სასაცილო, სიკვდილის ცხარე სამკალში იდგნენ ბიჭები და ხარხარებდნენ...

სძლიეს ქალაქს შემოვლებული არხიც, გვამთა სიმრავლისაგან წყალს რომ ველარ იტეკდა კალაპოტში. მოიერიშე გუნდებად დაყოფილი ბატალიონი, ბერლინის გარეუბნებიდან ცენტრისაკენ წავიდა. თითქოს სიკვდილიც მტერივით იყო უკვე დამარცხებული, თითქოს მას ველარ მიუწვდებოდა ცელი გამარჯვებულ მეომრებამდე, და ის მაინც, მტრებთან ერთად ჯერ კიდევ ჩასაფრებული იყო უკანასკნელ ციტადელამდე დარჩენილი მანძილის ყოველ გოჯზე, ყოველ მოედანზე, ქუჩაზე, ხეივანში, ბაღში, სადარბაზოებში, ფანჯრებში, სარდაფში, სახურავზე, მეტროს ჩასასვლელ-ამოსასვლელში, ყოველ ძეგლთან, შადრევანთან, ყვავილის ბუჩქთან...

და აპრილი იწურებოდა.

ნეჩაევის ერთი მოიერიშე გუნდი ალექსანდერპლაცს მიმდებარე პარიკადებით ჩახერგილ ქუჩას მიაწყდა.

ზემდეგმა შერჩეულ ადგილზე დაუდო ხერგს ნაღმი, ასაფეთქებელი სითხით სავსე ბოთლი მოიმარჯვა და თანამებრძოლებს გამოხედდა:

— ბიჭებო, ხედავთ, თავდება!

მერე უცებ ნეჩაევს შეასწრო თვალი და მეორედ, უფრო ხმამაღლა, მხოლოდ მას გამოსძახა:

— ამხანაგო მეთაურო, თავდება!

და ნეჩაევმა, წლების სადარ იმ ერთ წამს ზემდეგის სახეზე დაინახა, მის ხმაში იგრძნო, რომ ის შეძახილი-მოხეიმიე სულის ძახილი იყო, ძახილი კაცისა, რომელმაც სასიკვდილო სიფათისაგან იხსნა თავისი ნათელი და მშვენიერი სამყარო, სამყარო, რომელშიც მან სამუდამოდ შეიზიარა ისიც, ოლეგ ნეჩაევი. მას მწვავე სურვილი დაეებადა გაეგო, ნამდვილად ასე იყო თუ არა.

— ზემდეგო, ეს წუთი დაიხსომე, მერე გავიხსენოთ! — დაუყვავა და განზე გამდგარ მებრძოლებს შეუერთდა.

ზემდეგმა ბოთლი ნაღმს დაახალა. რამდენიმე ადგილას გარღვეულ ხერგში ბიჭები კისრისტეხით მიჰყენენ ერთმანეთს და ნეჩაევიც გაატარეს.

ზემდეგი მოკუზული მირბოდა ახორკლილ მოედანზე. ოციოდე ნაბიჯი რომ გაირბინა, შეჩერდა. იმ ღრიანცელში, ბგერათა იმ ჯოჯოხეთურ აღრევაში ყური გაუჩნა ავტომატის გამოცალკეებულმა მა გასროლამ. მოიხედა. ბიჭები მხრებში შესდგომოდნენ ბატალიონის მეთაურს და ფრთხილად მიჰყავდათ უკანვე, ბარიკადისკენ.



— ვნახავ, სად მოხვდა ტიალი, — ხმამაღლა თქვა ზემდეგმა და თითქოს ირგვლივ აღარაფერი ხდებოდა, წელში გასწორდა, გატრიალდა, ფეხათრევით დაბრუნდა ბარეკადასთან.

ნეჩაევი მიწაზე გაშლილ მაზარაზე დაეწვინათ. არსად ჭრილობა არ უჩანდა. იწვა, თითქოს დაღლილ კაცს ძილმა უსწროო. და თითქოს ახლავე, საჩქაროდ უნდა გაეღვიძებინა, ზემდეგმა დაიჩოქა, ფრთხილად შეახო მაჯაზე ხელი.

— ამხანაგო მეთაურო, — დაუძასა ჩუმად, მშვიდად, და პასუხი რომ არ მიიღო, უფრო თამამად მოუჭირა მაჯაზე ხელი, უფრო ხმამაღლა დაუძახა: — ოლეგ სტეპანოვიჩ!

პასუხი არ იყო.

ბარიკადებს მიღმა ბრძოლა გრძელდებოდა...

## ნ ა წ ი ლ ი მ ე ო რ ე

## თ ა ვ ი პ ი რ ვ ე ლ ი

კვირაა. დღე ისეთია, ზაფხულის დამლევს რომ იცის ხოლმე — სიცხედანელებული, ოდნავ სევდაშეპარული.

ირმისხევის გაღმა ბაზრობაა. სატვირთო მანქანებით, ურმებით, ცხენებით, ფეხით მიმავალ-მომავალი ხალხი ირევა შარაზე. ჩაყურებულ ირმისხევეზე უშნოდ გაწელილ, მოფამფალეებულ, ალაგ-ალაგ ჩამტვრეულ ხიდს ყველანი ერიდებიან, ფონს ირჩევენ.

ხევს გამოსული დაღლილი მგზავრები ირმისს გვერდს ვერ უქცევენ. გზის პირას ოპამდე დარგული ცაცხვები დაზრდილან და შორამდე აფრქვევენ სურნელებას. ტირიფის დახრილი ტოტები ირმისხევისკენ გაქცეულ ნაკადულს დაჰმორიალებენ.

ადამიანები წყალსა და ჩრდილს ეტანებიან. სიმწრით სავსენი, ცრემლშეუშრობელნი ლაპარაკობენ ფრონტზე დაღუპულ თავისიანებზე, ომიანობის ზარალზე, კარზე მომდგარი შემოდგომის ჭაპანწყვეტაზე. მაგრამ ტირილ-ჩივილით გულს რომ მოიოხებენ, ნაკადუ-

ლის ალერსიანი ჩუხჩუხი და ტირიფის დამამშვიდებელი შრიალი მაინც აღწევს მათ გულს. ადამიანებს თანდათან ეცვლებათ კილო. ახლა ისინი ლაპარაკობენ სიყვარულზე, ლოცავენ მშვიდობას, მომავალი სიკეთით ანუგეშებენ ერთმანეთს...

შუადღისას ერთმა დათალხულმა დედაკაცმა მსარზე შემოდებული ბოხჩით გადმოიარა ირმისხევი და რაღაცა თქვა. ნათქვამმა მის ირგვლივ მყისვე შეყარა ხალხი. მგლოვიარესა და დაღლილს გული გაუწყალა მათმა ეჭვიანმა შეკითხვებმა და ჯავრიანად დაახეთქა ბოხჩა მიწას:

— ვიპ, გეთაყვათი მაშ, ალექსი შემეშლებოდა? სამძიმარიც მოთხრა ჩემ დაღუპულ ქმარ-შვილზე, სცოდნიყო ჩემი უბედურება, ხატულას მიეწერა...

დედაკაცმა შავი თავშლის ბოლოებით ჩამოიწმინდა ღვარად წამოსული ცრემლები, ხელი დაავლო თავის ბოხჩას და გზა განაგრძო.

ახმაურდა ირმისი. ხმა სახლიდან სახლში დაგორდა, ეზოდან ეზოში, ქუჩიდან ქუჩაში და ბოლოს შორეულ ქოხს მიატანა. იმ ხმამ ხატულას მუხლი მოჰკვეთა. მან თითქოს ბურანში გაიგონა ხევისკენ გაქროლილი სანდრას ძახილი:

— მამა-ი!..

ხევეგალმა სატვირთო მანქანა გამოწინდა. ძარადან გზაზე დემობილიზებული გადმოსტა და თავდაღმართზე დაეშვა.

ყველაფერი ისე იყო, როგორც უნდა ყოფილიყო. სოფელი შეხვდა, როგორც ხვდებოდა შინ მშვიდობით დაბრუნებულ ყოველ ჯარისკაცს, მაგრამ ეს კაცი, კოლმეურნეობის ომამდელი თავმჯდომარე ირმისელებისათვის მშვიდობიანი ცხოვრების სახსოვარივით იყო, და მისი დაბრუნება მშვიდობის დამკვიდრების ყველაზე ხელსახები, თვალსაჩინო და დამაჯერებელი დასტური იყო.

დემობილიზებულიც ისე დაბრუნდა, როგორც ბრუნდებოდა ყველა, ხანგრძლივი და მძიმე ლაშქრობიდან შინ გამარჯვებით მოსული ჯარისკაცი. და ალბათ სხვასაც ასე ემართებოდა: მშვიდობის ახლებურმა, ახალი ძალით შეგრძნებამ უცნაურად გააბრუა. მას ხან ეგონა, რომ ის ოთხი წელი ერთი ღამის გაგრძელებული სიზმარი იყო, ცხადად კი ერთი დღითაც არ გაპყრია აქაურობას; ხან ეგონა, რომ ცხადი იყო ის — ცისა და მიწის ნგრევა, სიზმარი კი ეს არის — შორეული მთების ტესილი ხაზი, თეთრი ალავერდი, ირმისხევი, სანდრა პაპას ჯოხი, ხატულას ხელით ზედ მერცხლის ბუდესავით მიშე-

ნებული სანდრიკას ოთახი, და სიზმარია ბიჭი სანდრაყ. „ბიჭო, სა-  
ითა ხარ, როგორა ხარ?“ – უნდოდა ეყვირა, როგორც უყვიროდა სო-  
ლმე გული იქ, ყურწამლებ გრგვინვაში, მაგრამ უცებე იგრძნობდა,  
რომ ბიჭი კალთაში უზის, შავი წამწამებით გაწყობილ ლეგათვა-  
ლება ბიჭი მის მკერდთან სუნთქავს და უმშვიდებს ყელთან მობჯე-  
ნილ აზავთებულ სულს... უყურებს სატულას და არა სჯერა, რომ ენ-  
ძელასავით ნაზი და უძლეველი, შუბლზემთ ატალღებულ თმებში  
მზის თბილი სხივი რომ ჩახლართვია, ნამდვილად ზის მის გვერდით.

ჰო, ის ოთხი წელი იყო ერთი ხანგრძლივი სიზმარი, თორეჲ  
ოთხ წელიწადს რა გააძლებინებდა ამათგან შორს?!

ვერ იქნა, კაცმა თავი ვერ დაიმართოსელა, რომ თვითონვე გაე-  
ფანტა ეს უცნაური ბურუსი. წამსკლეულ-მომსკლეული არ იღეოდა.  
მის სადღეგრძელებლად მოსულებთან სამადლობელო ჯამს სცლიდა  
და უზომოდ დაღლილს სინამდვილის აღქმა უძნელდებოდა. თან თა-  
ვის თავს აყვედრიდა, ნებევრობა ნამეტანი გაგიგრძელდაო...

თურმე, სულ ერთი კვირის დაბრუნებული იყო, ილო ლაფიაშვი-  
ლმა და ნასყიდა ჯაფარიშვილმა საქმეზე სიტყვა რომ შეაპარეს, გე-  
გონება აიაზმის წყალი აქურესო.

ქვეყანასთან ვალმობდილ ამ ორ ბერიკაცს ალექსიმ ომამდე  
აალებინა ხელი მუშაობაზე, მაგრამ ომმა მოუშალა მათ დასვენება.  
უვაჟაკებოდ დარჩენილმა სოფელმა ერთიორად მძიმე საპალნე აჰ-  
კიდა მათ.

ამ დილას, ალექსისთან მოსვლამდე, ისინი რამაზ მელითაურს  
დააცხრნენ. ჭარბად თავაზიანი საღმის, მოკითხვის და ბოდისების  
შემდეგ, ილომ ხელისგული ჩამოუსვა თავის სასრეს და თქვა:

– რაღა ბევრი გავაგრძელოთ, შვილო რამზა, შენი კეთილი გუ-  
ლიც გაინხარებდა, მადლობა ღმერთს, ჩვენი პატრონი, ქომაგი და  
გულშემატკივარი საღსალამათი დაგვიბრუნდა, ესლა შენც შენი გზა  
ნახე.

– ჰო, რამზავ, ეგრე გერჩიოს, შენ შენთვის, ჩვენ ჩვენთვის, –  
დაჟმატა ნასყიდამ.

ენამზიან თუშს სიტყვა ყელში გაეჩხირა. დახე, დაასწრეს ირმი-  
სელებმა, ამოდ დაურჩა გამოსათხოვარი სიტყვის მომზადება!.. მან  
იცოდა, რომ ირმისელები სძრახავდნენ მის უსაქმურობას და რჩეუ-  
ლიშვილის დაბრუნებაზე ოცნებობდნენ, მაგრამ არა სწყინდა. კოლ-  
მეურნეობა და მისი საქმიანობა არ ეცხოვრდა მის სულსა და გულს.

ბრძანება რაიონის მეცხოველეობის ხელმძღვანელად მისი დანიშნვის შესახებ დაწერილი იყო, და იგი ირმისელებზე არანაკლები მოუთმენლობით ელოდა რჩეული შვილს. ერთი სული ჰქონდა. სანამ ხალხით ვაჭედილ დარბაზში გახსნიდა კრებას, მიულოცავდა ირმისელებს საყვარელი თავმჯდომარის დაბრუნებას და გულაჩუყებული გამოეთხოვებოდა მათ... ეს მოსუცები კი ისე სთავაზობდნენ „გადადგომას“, თითქოს ლანგრით მორთმეული საჩუქრის მიღებასა სთხოვენო. აი, დიპლომატია, მესმის!

— დრო რაღაზე დავკარგოთ, რამზავ, დღესვე მოვრჩეთ ამ საქმეს, — დაარღვია დუმილი ილომ და ისევ ჩამოუსვა ხელი თავის სახრეს.

— არხეინად წახვალ, რამზავ, ჩვენ შენ არას შეგედავებით, — დაუმატა ნასყიდამ.

რამაზს კინაღამ სიცილი წასკდა. „არას შეგედავებითო?!“ ვითომ რაო, ზედმეტი კაპიკი დაეყვედრება თუ მიაქვს აქედან რამე? თუ სადავო აქვთ, სარდიონ მაღალაშვილს შეედავონ, იმას სჭირდება ერთთავად ზურგის ზურგამდე გამაგრება. მეღიითაური თუნდ ხმამაღლაც აღიარებს, რომ კოლმეურნეობა არ არის მისი საქმე. მხოლოდ ის ენანება, რომ დაასწრეს ირმისელებმა!

თითქოს ძვირფას ნამსხვრევეებს აკოწიწებსო, მან გამოსათხოვარი სათქმელიდან თითო-ოროლა სიტყვა ამოკრიფა და თქვა:

— ჩემო ძვირფასებო, განა მე არ ვიცი, რომ თქვენ თქვენს წიაღში შობილი და გაზრდილი შვილი გირჩევენიათ?

ილომ ჯაგარივით ყალყზე მდგომ თეთრ უღვავზე ხელი გადაისვა, გაჭირვებით ჩამოიშორა სახიდან ღიმილი და ნასყიდას გადახედა. ნასყიდამ ცალი თვალი მოჭკუტა. ასე ჰქონდათ დათქმული. ახლა მეორე ამოცანა უნდა გადაეჭრათ — ალექსისათვის აეცილებინათ მეღიითაურთან შეხვედრა.

— ჩვენ შენ არც მოხსენებასა გთხოვთ, არც ანგარიშს, — დაიწყო ისევ ილომ. — კრებაზე მოსვლით რაღას შეგაწუხბთ? ერთიც ვნახბთ, ვინმე მეტითქვიამ დაუფიქრებლად წამოროშოს ავი რამ სიტყვა...

— შენმა სიცოცხლემ, რამზავ, ეგრე გერჩიოს, თორე სო იცი, აუგმა სიტყვამ ხანდროს საქმედ იცის ქცევა, — დააყოლა ნასყიდამ.

— ირმისში შენ არა მოგყოლია რა, აქედან ძნელად წასაღებიც არა გექნება რა, თორე არ დაგზარდებოდით, შეგეშველებოდით... ჰო-

და, თუ მოიწადინებ, დღესვე შეგეძლება წასვლა, — ძალზე თავაზიანად მოაბა სათქმელს ბოლო ილომ.

— კეთილად გატაროს უფალმა-ღმერთმა, ლხინი და კაი ცხოვრება არ მოგიშალოს ზეციერმა გამჩენმა! — დაშაქრა ილოს ბოლოსიტყვა ნასყიდამ, და „დიპლომატები“ ბოდიშებით, კეთილი სურვილებით გამოემშვიდობნენ „გადაყენებულ“ თავმჯდომარეს.

„ვერ უყურებთ ირმისელებს, მუქარაც ისეთი თავაზიანი სცოდნიათ, კაცს ეამება,“ — სიცილითა კვდებოდა მელითაური და გაქუცულ ჩემოდანში ალაგებდა ხელბარგს. მაგრამ თანდათან გუნება შეეცვალა. მალე ჩემოდანი ერთ კუთხეში ისროლა, წინდები და პერანგები — მეორეში.

ჭირსაც წაუღია ირმისიც და მისი დიპლომატები! წყალსა და მეწყერს წაუღია გულვარდიშვილიც, მისი ზრუნვაც და მისი შინაკაცებიც! ჭირს წაუღია ყველაფერი, მას ხატულა უნდა, ხატულა! ოთხი წელიწადი მის გვერდით იყო, მაგრამ გეგონება სალი კლდე ჰყოფდა მათ. ის ტანწვრილი და ნაზი, ის დახატული ხატულა ზამთარს და ზაფხულს, დღეს და ღამეს ასწორებდა. ვენახში, მინდორში, მთაში, ტყეში საქმეს ისე ვაჟაკურად უმკლავდებოდა, რომ მისი ქების ხმა, ჰაუუ, სადამდე წავიდა რამაზმა კი ერთხელაც ვერ მოახერხა მასთან პირისპირ დარჩენა. მართლაც დიპლომატების საბუღარია ეს ირმისი, თუ რა ჯანდაბაა?! ხატულა ისეთი ტაქტით და ისე ბუნებრივად არიდებდა თავს, რომ არც ამას ხდიდა ხალხის სალაპარაკოდ...

მელითაური მონუსხული დაეშვა ტასტზე. კაცმა ოცდაათ წელს გადააბიჯა და საკუთარ გულში ჩახედვის უნარი კი არ გააჩნდა თურმე!..

...ადრე დაობლებული რამაზი თუშეთიდან თბილისში ჩამოიყვანეს. პროფესორი ბიძის უშვილო ოჯახში იზრდებოდა. „ობლობამ არ დაჩაგროს ბავშვიო“, — ერთთავად ესმოდა უფროსების წუწუნი, და ბუნებით კეთილი, ალღოიანი ბავშვი თავისებურად ცდილობდა გაეჭარწყლებინა ბიძა-ბიცოლას წუხილი. მსიარული — სიმსიარულეს ეტანებოდა, ცელქი და მოუსვენარი — დაუსჯელად ცელქობდა, გულდაუდებელი — ახალ-ახალ წადილის შესრულებას ეჩვეოდა. სწავლაზეც დიდად არავინ აწუხებდა — არ გადაიღალღოსო, მით უმეტეს, რომ ნიჭიერი ბავშვი ადვილად ითვისებდა იმას, რაც თვითონ მოს-

წონდა. ასე ისწავლა ცოტა ფრანგული და გერმანული, ცოტა როიალ-ზე დაკერა, ცოტა ხატვა და ცეკვა. ლექსებსაც კი სწერდა, ალტაცებაში მოჰყავდა ირგვლივ მყოფნი. ჰოდა, ასეთი გაიზარდა: მხიარული, ენამოსწრებულნი, თამამი, სასიამოვნო გარეგნობის, მუდამ გემოვნებით ჩაცმულ-დახურული. მიუხედავად თავისი ზერე-ქვერე ცოდნისა, სკოლაში იოლად აღწევდა პირველობას, და შერე ასევე იოლად მოიპოვა საუკეთესო სტუდენტის სახელი მომავალ იურისტებს შორის. გულზეღვაშლილი — ამხანაგებისათვის ზედნაცვამს გაიხდიდა, მაგრამ მეგობრობის გასანგრძლივებას არ დასდევდა. გოგონებთანაც ასეთი იყო — დიდხანს ვერავის ემონებოდა, მჯობთა მჯობნი არ ილუოდნენ...

...და ერთ ღამეს ეს ყველაფერი გათავდა. სათნო და პატიოსანი, მშობლიური მიწის და ხალხის ტრფიალი, უკვე ხანშიშესული პროფესორი მელითაური სახლიდან წაიყვანეს, „ხალხის მტერი და სამშობლოს მოღალატეაო“, და ბიცოლაც ხელს გააყოლეს.

ბევრი იარა რამაზმა ბიძა-ბიცოლას წამყვანი ყრუდ დახურული „შავი მანქანის“ კვალდაკვალ, ბევრი დღე აღამა, გამწარებული და სასოწარკვეთილი ხალხით გაჰვდილ „ჩეკას“ კომენდატურაში. იარა, ვიდრე დარწმუნდებოდა, რომ ვერც თვითონ და იმ აწიოკებული მილეთიდან ვერც ერთი სხვა ვედარასოდეს ვერ მიაგნებდა, სახლიდან თუ პირდაპირ სამსახურიდან, „შავი მანქანით“ წაყვანილი თავისიანის შავბნელ გზას და ადგილსამყოფელს. კომენდატურის ვიწრო, გისოსებიან სარკმელთან თხოვნით ან კითხვით მიღწეულთათვის, ერთნაირად აკვალთულ და ერთნაირი უსულგულობით ერთმანეთს საოცრად დამსგავსებულ მორიგეებს მზად ჰქონდათ ერთი, სტერეოტიპული პასუხი: „წაყვანილია ხალხის მტერი და სამშობლოს მოღალატე“.

ამასობაში, რამაზის შინ არყოფნის დროს მელითაურების ბინაში ჩასახლებულმა უცნობებმა, რამაზს ტუჩამრეზით გადმოუგდეს ლამაზ ჩარჩოდან ამოგლეჯილი ბიძა-ბიცოლას პორტრეტი, იგი წიგნების ასაღებადაც კი არ შეუშვეს შინ, კარი ცხვირწინ მიუჯახუნეს.

„მაპატიეთ, ძვირფასებო, ჩემი თავქარიანობით თუ გაწყენინებდით ხოლმე...“ — უთხრა რამაზმა პორტრეტიდან მოღიმარე ცოლქმარს. პორტრეტი დიდი იყო, თან ვერ ატარებდა, და დაღამებისას.

მტკვარს გაატანა. უცებ ყველას მიერ გასხვისებული და უარყოფილი, თუშეთში წავიდა, ცხვარში...

ნებიერი ახალგაზრდის ჩვევებზე მან მალე და ადვილად აიღო ხელი. ახალ ყოფასაც მალე შეეთვისა. მოსწონდა საზამთრო და საზაფხულო საძოვრებსშორის მძიმე გადასვლები, ღია ცისქვეშ ღამეების თევა, მწყემსებთან საუბარი, ჭკვიან და ერთგულ ბოღვერებთან მეგობრობა. არც ხანმოკლე სატრფიალო შეხვედრებს გაუბოღდა.

ერთხელ, ცხვრის გადასარეკ ტრასაზე, დარიანის რაიკომის პირველ მდივანს, გულვარდიშვილს შეხვდა. თავის შესაქცევად, რამაზმა ექსპრომტად ქებათა-ქება უძღვნა ჩია და გაბღენძილ კაცს, მერე ჰამლეტის მონოლოგი წაუკითხა, მერე ფრანგული ანეკდოტი უამბო და სამუდამოდ მონინადირა მისი გული. მდივანმა დარიანის საშუალო სკოლის დირექტორობა შესთავაზა. რამაზმა ცივი უარი სტკიცა. მას არც დალაგებული ცხოვრება იზიდავდა, არც კარიერა, არც პასუხისმგებლობა.

კასპიისპირა ზამთრის საძოვრებზე, ერთ მოსაბეზრებლად გაჭიანურებულ ღამეს, მის ცხოვრებას შემთხვევით ჩაუკერა უცხო, ახმახი და აშაღლარა დედაკაცი. მეორე დღეს მმარის დავთარმა მოხერხებულად აქცია ის დედაკაცი მელითაურის კანონიერ მეუღლედ.

გონს რომ მოვიდა, კინალამ გაგიჟდა რამაზი, არ იცოდა, საით გაჰქცეოდა მოულოდნელად დადგმულ უღელს, როგორ გაჰქცეოდა იმ უნამუსო დედაკაცს. მაგრამ ისევ შემთხვევამ იხსნა. არყით გამობრუებულმა რამაზმა ქალი უხვად გაამზითვა და სამუდამო დავიწყებას მისცა. არც ერთ ანკეტაშიც კი არ უხსენებია, ცოლი თუ ჰყავდა ოღესმე...

ასე ცხოვრობდა მელითაური. არც ღროის მსვლელობას, არც ირგვლივ მომხდარ მღელვარე ამბებს ამჩნევდა, გულგონებასთან ახლო არაფერს იკარებდა. ასე აჯახიბრებდა თავის წუთისოფელს, ომი რომ დაიწყო.

ომი თუ დიდხანს გაგრძელდებოდა, ან მტერი დიდად ანგარიშგასაწევი იყო — ვერ წარმოედგინა. მაგრამ მალე დარწმუნდა, რომ სასტიკად სცდებოდა და ფრონტზე წასვლა გადაწყვიტა.

გულვარდიშვილმა ეს რომ გაიგო, ფრონტზე წასასვლელი ყველა გზა დაუხშო, და თავისი ფარული, უკეთური ზრახვით, ირმისის კოლმეურნეობის თავმჯდომარეობაზე დაითანხმა.

ირმისში ჩასვლისას რამაზს ის შორეული, სურნელოვანი გაზაფხული და ის, გზად ნაპოვნი სიხარული მოაგონდა. მაშინვე განეწყობა სასიამოვნო თავგადასავლის განცდისათვის. მოუთმენლად ელოდა ხატულასთან შეხვედრას და, ვითომ მოულოდნელი შეხვედრისათვის ემზადებოდა. მაგრამ ყოველთვის ხალხით შემოსხვეულ აგრონომს მართლა შემთხვევით, და მართლაც მოულოდნელად შეხვდა. რამაზმა ვერ მოატრიალა თავისი მოქარგული ენა, არ იცოდა, იმ ქალის დანახვის პირველივე წუთს რამ აგრძნობინა, რომ მათ შუა დაუძლეველი კლდე ჩამდგარიყო. თავი ინუგეშა, ეს მოულოდნელობისაგან დამემართაო, მაგრამ მერეც, როცა კი საქმე მოითხოვდა აგრონომთან შეხვედრას, ასევე ემართებოდა. ის თანდათან მკვეთრად გრძნობდა მათ შორის აღმართულ ზღუდეს.

მოიწყინა რამაზმა. სოფელში საქმიანობის დიდი სურვილი თავიდანვე არა ჰქონდა, და მალე მთლად აიცრუა გული. ხედავდა, რომ უვაჟკაცოდ დარჩენილ ირმისში ქალები, მოზარდები და მოხუცები უმისოდაც უძღვებოდნენ კარგად დალაგებულ მეურნეობას და მადლობელიც იყვნენ, რომ მათ უკითხვად მოვლენილი თავმჯდომარე მათ საქმიანობაში არ ერეოდა. ის დროდადრო კრებას იწვევდა და სჯეროდა, რომ მისი მგზნებარე მოწოდების შედეგად იგზავნებოდა ფრონტზე თვითმფრინავი, ტანკი, სურსათი, საჩუქრები. მომეტებულ დროს კი დარიანში ატარებდა, გულვარდიშვილთან და მის შინაკაცებთან ომის მსვლელობაზე უღიმღამო კამათში ჰკლავდა დროს.

ერთხელ ირმისის საბავშვო ბაღის ბავშვებს წააწყდა, სასიეროდ გამოეყვანათ. რამაზი აედევნა მათ, თვითონაც გაერთო, ბავშვებიც მოალხინა და მომვლელებიც. მერე ბავშვებმა თვალსუჭუნას თამაში გამართეს და „პია რამაზსაც“ თვალეხი აუხვიეს. რამაზი მოიქანცა მათ უკან რბენით, და ბოლოს, როგორც იქნა, ერთი ბიჭი დაიჭირა, თვალეხზე აკრული ხილაბანდი მოიძრო და სიცილით ჰკითხა:

— ვისი ხარ, ბაღლო?

— ალექსი რჩეულიშვილის სანდრა ვარ! — ამაყად მიუგო ბიჭმა.

რადაც შეუცნობელმა შეაკრთო მეღიბითური. თვალეხი აუწვა, პირი და ყელი ამოუშრო. საქმე მოიმიზეშა და სწრაფად გაეცალა იჭურობას. მას მერე საბავშვო ბაღს აღარ გაჰკარებია. ხშირად მთელი დღე უსმელ-უჭმელი იწვა, იმ შორეულ გაზაფხულს და იმ სიხარულს იგონებდა. ვერ ამჩნევდა, ვერა გრძნობდა, რომ თავის სიცო-



ცხლეში არაფერს ისე ფაქიზად არ მოჰქცევია, როგორც იმ მოგონებებს...

ჰო, არ იცნობდა თავის თავს მეღიბათური. თავგუნება, ურწმუნო, უზრუნველი, ყოველგვარი ძალდატანების მოძულე, ის საკუთარ გულშიც არ იხედებოდა, საკუთარ ფიქრთა აფორიაქებას ერიდებოდა. ახლაც ასე იყო. მონუსხული იჯდა ტახტზე და ფიქრობდა, მაგრამ ერთმანეთში არეულ-დარეულ ფიქრებს ბოლომდე არ მიჰყვებოდა. ამიტომ ვერ გაეგო, რომ საქმეს ჯიქურ შერკინებული სათუთი ქალისადმი გულწმინდა თაყვანისცემა აყრევინებდა ფარ-ხმალს; ვერ გაეგო, რომ თვითონ, ომის სიფათისაგან დაჯავშნულს, ომში წასული ვაჟკაცის რიდი ჰბორკავდა; არ უნდოდა ბოლომდე ჩასწვდენოდა — ერთხელ ნანახი ბიჭის თვალები რად სდევნიდნენ დღეღამს, რად უფორიაქებდნენ სულს, რად აწყევლინებდა საბავშვო ბაღში მისვლის საათს და შემთხვევას, რომელმაც ლეგათვალებიან ბიჭს შეახვედრა. არ უნდოდა გამოტეხილიყო, რომ სირცხვილი სწავდა ირმისელი ბერიკაცებისაგან ახლახან მიღებული „გადაყენება“.

შუბლშეკრული, გულდახშული იჯდა და ვერ გაეგო, ერთბაშად ასეთი აუტანელი სიმძიმით რად დააწვა მხრებზე, თითქოსდა იოლად გატარებული ცხოვრება. დარიანში წასვლა ესიკვდილებოდა. გულვარდიშვილთან და მის შინაკაცებთან შეხვედრა ზარავდა. ზარავდა ფიქრი უშინაარსო მომავალზე...

და ისევე შორს, იალაღებისაკენ მიუწევდა გული...

## თავი მეორე

მას შემდეგ ბევრჯერ ჩაიქუხა მთაში დამდნარი თოვლით აზვირთებულმა ირმისხვემა.

ქვეყანა ჩქარობდა ომის ნაკვალევის აღმოფხვრას.

ჩქარობდნენ ირმისელებიც. აივნებზე გამოკიდებულ სამგლოვიარო ჩარჩოში ჩასმულ სახეებს — ომში დაღუპულთა სურათებს — მზე, წვიმა, ქარი აუფერულებდა. იცოდნენ ირმისელებმა — შინმოსვლეელთა ხსოვნა სურათებს კი არა, შთამომავლობას უნდა შეენახა, მათ უკვდავსაყოფად მომავალ თაობებს უნდა ეხარა. რა ვუყოთ, თუ იმ მოუნელებელმა დარღმა ხან ხელი ააკანკალოს, ხან ჭვალღვით გაჰკრას გულს, ხან ცრემლი ადინოს თვალს. ნუგემის

სიტყვამ თავისი ძალა შრომას გადაულოცა, და შრომობენ ირმისელები. ყველგან, ყველა საქმეში, ყოველ ახალ წამოწყებაში მხარში უდგანან თავის თავმჯდომარეს. ძვირ თავისუფალ საათსაც ისეე მასთან ყოფნა უყვართ. ახლად უნდათ გაიგონონ მისგან, რას გადაურჩა მათი ქვეყანა, მათი ერი, მათი ალაზნის ველი, მათი ირმისი.

უსმენენ ალექსის, და ხედავენ გაპარტახებულ სოფელ იაზღონკას, ასაკწართმეულ ბავშვს და დედამისს. უსმენენ და დევგმირად ესახებათ პატარა პარტიზანი ლიოშა ბოგუჩაროვი. ალექსისთან ერთად სდუმან ისინი, და დუმილში იზიარებენ მის ტკივილს, თითქოს თვითონ სჭერიათ ხელში, ბერლინის მთავარ მოედანზე დაცემული ოლეგ ნეჩაევის გაციებული მაჯა, თითქოს თვითონ დგანან უცხოეთში დარჩენილ ძმათა საფლავებთან...

დრო კი გარბის, როგორ გარბის! მშვიდობის მეექვსე წლის-თავია, მეექვსე მაისობაა უკვე.

ფერდობის ქიმზე მზვერაკივით მდგომ ნამეხარ მუხას მიჰყრდნობია ალექსი. მას ადათ-წესად ექცა ყოველ ცხრა მაისს, სისხამ დილას აქ ამოსვლა. აქედან შორამდე ისინჯება მაისიდან მაისამდე ხორცშესხმული ნაოცნებარი, ირმისელების ერთსულოვნებით შექმნილი, აშენებული.

აი, საუკუნოვანი მტრობით დაღლილი, ახლა კი ადამიანს დამოყვრებული, თოვლიანი მთების მკერდიდან მოწყვეტილი ირმისხევი. ურღვევ კალაპოტში ჩასვენებული გიჟმაჟი მდინარე თამაშ-თამაშით ეხეთქება კაშხალს და ურიცხვი შუქიანი წერტილებით აელვარებს არემარეს, გაღმა-გამოღმა შეფენილ სოფლებს.

აი, ქართული ჩუქურთმით მოპირკეთებული ფართო ხიდი ქამარივით უმშვენებს წელს და მისი ნარიყალის სიგრძე-სიგანეზე, ყველგან, სადაც კი ყამირის ან წუნიანი მიწის ნაგლეჯი ეგდო, ამ ვაზაფხულზე პირველად აყვავილდა ვაზი. უდაბნოსავით მწირ „ნაბაღზე“ მეაბრეშუმე გოგონების ჩურჩულივით შრიალებენ თუთის ხეები.

ახალი ელექტროწისქვილიც მოხერხებულ ადგილზეა, ნატაძრიდან ძველ წისქვილამდე ბილიკი აბალახდა, მაგრამ ჩაშავებული, დაფერდებული ძველი წისქვილი მაინც დგას, ალექსიმ არ დაანგრევიანა, დაე, დრომ დამალოსო...

სიხარულით ევსება ალექსის გული — ნეჩაევის ძეგლებს კი დრო ვერაფერს დააკლებს!

მისი სახელი ამ კაშხალშია ჩამენებული.

იმ ელსადგურის გულშია ჩაღებულნი.

ამ ხიდს უდგია ბურჯებად.

ახარებს ნერგებს.

აყვავილებს ახალ ვენახებს...

„ოლეგ, ძმაო, მე არ დავიღლები შენთვის ძეგლების აგებით. სანამ ცოცხალი ვიქნები, არ დავიღლები. მე რომ აღარ ვიქნები, ამ საქმეს ჩემი შვილი მიჰყვება, შვილიშვილი, შვილთაშვილი... ოლეგ, ხედავ, როგორი მაისობაა ირგვლივ? დღეს ჩვენი დღეობაა, შენ აქა ხარ, ჩემთან, და მე არ მინდა, რომ მოუსვენარი ფიქრი სწამლავდეს დღევანდელ დღეს. არ შემოგჩივლებ იმას, რაზეც ფიქრი და ჩივილი არ მინდა დღეს...“

მაგრამ სწორედ ის ფიქრები ესეოდნენ კრაზანებივით, და ალექსი ქვაზე დაეშვა, თავი ხელებით შემოისაღტა. ისევ ნეჩაევს გამოელაპარაკა:

„უზრუნველყვით საქართველო საკუთარი პურიით!“ ეს ხომ კარგი ლოზუნგია. ბევრი პურის მოყვანა ვის არ გაუხარდება? შენ ხომ ბევრი რამ იცი, ზოგი რამ ჩემი ნამბობითაც იცი, იცნობ საქართველოს ისტორიას. შენ იცი, რომ პური ქართველების მუდმივი საზრუნავი იყო. მტრულ გარემოცვაში, დამპყრობელთა მოგერიებაში ვიყავით. დღენიდაღ თაედასხმის მოლოდინში ჩვენი ხალხი საბრძოლო იარაღით გამოდიოდა პურის სათესად, სამკალშიც. ეგრე იყო მძიმე წარსულში. დღეს კი ხედავ, რას მოვესწართ—ბევრი პური მოიყვანეთო მაგრამ ვაი, რომ ზოგი უჯიშო კაცი უმწარებს ხალხს ამ სიხარულს. უნამუსოდ ამახინჯებს ამ მოწოდების აზრსა და მიზანს. არაფრის გაგონება არ უნდა, არავის გონივრულ სიტყვას არ იკარებს. გულვარდიშვილს არც ვაზი უნდა, არც ტყე, არც ადამიანი, არც ხალხის სიხარული. მხოლოდ ქება და ჯილდო უნდა, საკუთარი წარმატება უნდა, სხვა არაფერი... იმიტომ გაჰყვირის, ვაზი ამოვძირკვით, ტყე გაკვაფოთ, ყველგან პური უნდა ვთესოთო. არამზადა შინაკაცები მოუმრავლდნენ. ვისაც მაგისი სიბეცე და გონების სიჩლუნვე ხელს აძლევს, მხარს უჭერენ, აამებენ და ხარობენ... ძნელია ამ ნამუსგარეცხილთან ბრძოლა. ბევრმა ხელი ჩაიქნია და განზე გადგა, ზოგი ძლიერს მიემხრო — მშვიდი ცხოვრება უნდა, ზოგი უსიტყვოდ დაემორჩილა — ძალა აღმართსა ხნავსო. შეიძლება გაჩუმება ან უსიტყვოდ დამორჩილება?.. ვერსაით ხმა ვერ მივაწვდინეთ. ჩვენს წერილებს, განცხადებას, საჩივრებს „შესამოწმებლად“ ამასვე უგზავ-

ნიან, წარმოგიდგენია? ეს კი ყვირის, ინტრიგანები ხელს გვიშლიანო, და უფრო აჩქარებს თავისი განზრახვის შესრულებას...

მკერდის მარცხენა არეში ატეხილმა ტკივილმა გაუწყვიტა ფიქრი. ერთბაშად თითქოს დაითალხა ყველაფერი, რაც ახლახან ისე ახარებდა მის თვალსა და გულს. წამოდგა, წასვლა დააპირა, მაგრამ შენიშნა, ნატაძრიდან ვაჟა კვერენჯაძე მოჰყვებოდა ფერდობს, ვაჟა — ნატაძრის კოლმეურნეობის ახალი თავმჯდომარე. ალექსის თვალწინ გაბო ნაცვლიშვილის სახემ გაიკრთომა — შორეთიდან მომავალი, უზომოდ დაღლილი მგზავრის სახემ. „ბატულა მწერდა, დაჭრილი დაბრუნდაო, მხარმკლავზე თაბაშირი ედო, მაგრამ იმავე დღეს ცოლ-შვილიანად აიყარა ნატაძრიდან, არავის უთხრა, საით მივდივარო...“

ვაჟა ნელა უახლოვდებოდა მუხას, ომში ნატყვიარი ფეხი უშლიდა სიარულს. ფერდობს რომ ამოაღწია და მუხას მოუახლოვდა, ალექსის საცხრამისო წაუმღერა ყურთან და ხარხარით ჩამოართვა ხელი. კარგი სიცილი იცის ვაჟამ, გინდა არ გინდა, აგიყოლიებს!

მუხის ძირში ჩამოსხდნენ.

— ალექსი, შე ჩემი ცოდვით სავსევე, რას მერჩოდო, ამ ცეცხლში და ხათბალაში რად ჩამაგდე?

— არ მოგბეზრდა წუწუნი?

— სუფთა ჰაერით ვსუნთქავდი, იალაღებზე ვნებივრობდი, არხეინად ვიყავი!

— გულარხეინებს ხალხი სიყვარულით არ ანებივრებს.

— შენ რო არ გაგექვებინა, ნატაძრელებს ჩემი არჩევა აზრადაც არ მოუვიდოდათ.

— შე როცა მკითხეს, შენი არჩევა გადაწყვეტილი ჰქონდათ.

— გულვარდიშვილს რომ სცოდნოდა შენი აზრი, კოლმეურნეობასთან სათოფეზეც არ მიმიშვებდა — ისევ გადაიხარხარა ვაჟამ, — გახსოვს, ციხით მემუქრებოდა, ექსპერიმენტები როგორ გაბედე, ცხვრის ჯიშთანობას ვინ გაკითხებსო?!

— მერე ხომ შეიცვალა აზრი

— როცა გაიგო, ზევით მოიწონესო, ხელად გადატრიალდა, იმ დღიდან ჩემი ქებით იქანცება საწყალი! — სიცილით იგუდებოდა ვაჟა.

— რას ერჩი, ცოტა მოგვიანებით მაინც გაიგო შენი ფასი.

— სიტკბოსაგან გამამწარა გუშინ, სხვა რომ ვერაფერი გავაწყე,

ჯიბოზე ვიყარე ჯავრი, ვითომ ხუმრობით, ერთი ისე ვუთაქე, კინა-  
ღამ გადაყირავდა. იმ უბედურმა კი, გულვარდიშვილის საამებლად,  
შაინც გაიღრიჭა, ყოჩაღ, ფოლადის მარჯვენა გქონიაო!

— ჯიბოსთანებს სახეშიც რო მიაფურთხებენ, იძახიან, ცის ნა-  
შიაო...

— ალექსი, — დაარღვია დუმილი ვაჟამ, — არ იკითხავ, რის ჯავრს  
ვიყრიდი?

— თუკი დაიწყე, ალბათ დაამთავრებ კიდეც.

— კისერი მოსტყედეს იმ გულვარძლიან ბაიყუს! გაწმენდილ  
ნაკვეთებზე ვაზის ჩაყრა ამიკრძალა, პური დათესეო...

— შენც პური დათესე, — მშვიდად უთხრა ალექსიმ, — საკუთარი  
პურია საჭიროო, არ გესმის?

— არა, არ მესმის! გამოდის — მოვატყუე ნატაძრელები? შინ  
აღარ შესულან, ვიდრე ნაკვეთები არ გაწმინდეს, ნერგებიც კი მოი-  
შარაგეს და ესლა ვუთხრა, პური უნდა დათესოთ-მეთქი? ეს მეტის-  
მეტი პეიტრობით მოსდით, თორემ რუსეთის პური მთელ ქვეყანას  
ეყოფა და ჩვენ დაგვეყვადრება? ჩვენ ხომ არ ვუბნებით მეზობლებს,  
საკუთარი ღვინო, ჩაი, ციტრუსები, მარგანცი, მარმარილო იქონი-  
ეთო?

— ტარჭრელი კოვზების ძებნა არ გინდა, ვაჟა, გეუბნებიან და  
ალბათ ასეა საჭირო! — შეაწყვეტინა ალექსიმ.

— მე ყველაზე უფრო შენი სიმშვიდე მაკვირვებს, იცი?! ლამის  
ტვინი ამერიოს. ადამიანო, უწინ ქართველები რვა მილიონი ვი-  
ყავით და ჩვენი პური გვეყოფნიდა, ხალხი არც ვაზსა სჩაგრავდა, არც  
ტყეს ატიალებდა! ესლა ჩვენში პურის მოყვანა რად გახადეს პრობ-  
ლემად, რად, რისთვის?

— რა გაცხარებს, ვაჟიკუნავ, ბევრი პურის მოყვანა ურიგო საქ-  
მეა? — მშვიდად და შეგონებით უთხრა ალექსიმ. არ უნდოდა, რომ  
ახალგაზრდა კაცს ოდნავ მაინც დანელებოდა სიფიცხე, რომლითაც  
ის მოეკიდა თავისთვის ახალსა და ძნელ საქმეს — კოლმეურნეობის  
ხელმძღვანელობას. არ უნდოდა, რომ რაიონის მესვეურთა საზიანო  
ღონისძიებებს, უკეთურობას დაღი დაესვა ვაჟას რწმენაზე. და თა-  
ვის თავსაც იმშვიდებდა, არა სთმობდა იმედს, რომ პურის დამზა-  
დების ირგვლივ მათ რაიონში ატეხილი არაჯანსაღი ფართი-ფურ-  
თი მალე დაცხრებოდა.

— რა ურიგოა, ვაჟა, — განაგრძო კიდევ უფრო მშვიდად, — რა გა-  
ლეღვებს? შენც ჯერჯერობით ბევრი და ხარისხიანი პური ჩააბარე,  
მერე ვნახოთ. ნუ სცხარობ, რა მოსაზრებაც არ უნდა ჰქონდეს გულ-  
ვარდიშვილს, ის შენ ცუდს არაფერს დაგავალებს...

„იმ ამშორებულ გულვარდს მე უთუოდ თავის კაცად მივანნივარ,  
იმიტომ მიწყობს ხელს და მეფერება, ფუი, სინსილა კი გაწყდა მაგი-  
სი!“ — გაიფიქრა ვაჟამ და უცებ დასუსხულივით წამოვარდა. ქვევით,  
ნარიყალაზე, ვაზებს შორის წითელ კაბას მოჰკრა თვალი. შეეცადა  
თავი დინჯად დაეჭირა, მაგრამ კუბრივით შავი თვალების აელვარე-  
ბას როგორ დაფარავდა?!

— ალექსი, უყურე, ხედავ, ვენახს ყაყაჩო მოსდებია!

ალექსიმ ვაჟაზე ადრე დაინახა მეაბრეშუმეების მერგოლური მა-  
კა ხაზირაშვილი და ჩაეცინა.

— ბიჭო, რა დროს ყაყაჩოა, ჯერ იასამნობაა!

— არა, ყაყაჩოა-მეთქი! აბა ვნახავ, გზა სწორედ იქითა მაქვს! —  
წაილაპარაკა ვაჟამ, ალექსის ხელი დაუქნია და აბალახებულ ფერ-  
დობს სრიალ-სრიალით ჩაჰყვა ვენახისაკენ.

„ყაყაჩო აყვავებულა შენს გულში და ნატყვიარი ფეხიც აღარ გი-  
შლის სარბილს, — ჩაეცინა ალექსის, — კარგი ხარ, ვაჟავ, კარგი, და  
„ყაყაჩოც“ მშვენიერია, სწორედ საშენოა. კეთილად გატაროთ ღმერ-  
თმა...“

ამასობაში მზე შუბის ტარზე ავარდნილიყო. ალექსიმ ისევ და-  
აპირა წასვლა, მაგრამ ისევ დაატყვევა ირგვლივ გაშლილმა სურათ-  
მა. მართლაცდა, იშვიათ წელს დაებედებოდა კაცს ასეთი სურათის  
ხილვა. ამ მაისობას ერთდროულად აეფეთქებინა ადრე და გვიან  
ასაფეთქებელი კვირტი.

თეთრად გადაპენტილი ვაზი უბადლო სურნელს აფრქევევდა.

ჯერ არ დაეყარა ყვავილი ნუშს, ჭერამს, ატამს, ტყემალს, და უკვე  
აყვავებულიყო ვაშლი, კომში, მსხალი, შვინდი,

ტბასავით ლივლივებდა დამუხლული ჯეჯილი.

სათიბიდან ქრელი ყვავილები იჭყიტებოდნენ.

ტოროლა ცას შეჰხაროდა. სადღაცა შამვი ჭახჭახებდა. გაღმა  
ტყიანში წლებს ითვლიდა გუგული. „გიოს“ ეძახდა მოლალური.

თეთრ-ვარდისფრად ჰყვაროდა ირმისი, მზე ასხივებდა თეთრ ალა-  
ვერდს, და სიყვარული კელაპტარივით სწვავდა ალექსის გულს...

ასეთ წუთებში რაღაც უხილავი კავშირი უცოცხლებდა გარდასუ-

ლი ქარცეცხლის მიმკრთალ სურათებს, და ახლაც, თითქოს კინო-კადრიდან მოესმა უკანასკნელად გაგონილი ნეჩაევის ხმა:

„ზემდეგო, ეს წუთი დაიხსომე, მერე გავიხსენოთ!“

რომც დასცლოდათ ერთად ყოფნა, განა ალექსი შესძლებდა ხმა-მალლა ეთქვა, რასაც ფიქრობდა იმ წუთს? მაგრამ რომ დასცლოდათ, „გულთამხილავი“ ნეჩაევი თვითონ იტყოდა, რომ ალექსი იმ წუთს ოლეგთან ერთად ხედავდა თავის თავს აი ამ ფერდობზე, ამ მუხასთან, რომ სული მისი მიისწრაფოდა იმ ოხრადდასარჩენ რეიხსტაგისკენ, საიდანაც უნდა დაწყებულიყო ირმისში წამოსასვლელი მათი გზა...

„ჰო, ოლეგ, ჩვენ ერთად ვიარეთ და ერთად გავიმარჯვეთ. ესლაც ერთად ვართ და ყოველთვის ერთად ვივლით სანდრას და მისი თანატოლი გოგო-ბიჭების ბედნიერებისათვის, ამ გზაზე დაღუპულ გმირთა სამახსოვრო ძეგლების შენებისათვის...“

— მამი-ი!.. — მოესმა ალექსის ძახილი და მუხასთან მოულოდნელად გაჩნდა სირბილისაგან გულამოვარდნილი ბიჭი.

— სანდრა! აქ საიდან გამომეცხადე, შე ყურუმსალო?!

— ვიცოდი, აქა გნახავდი, გეგონა, ვერ გაპოენიდი?

— კარგია რომ მიპოვნე! მაშ ნუ ხტიხარ, დადექი და გაიხედ-გაშოიხედე, რასაც დაინახავ, კარგად დაიხსომე, ისე დაიხსომე, რომ არასდროს არ დაგავიწყდეს, თვალები რომ დახუჭული გქონდეს, მაინც ხედავდე, გესმის? — უთხრა ალექსიმ და ჩუმად დაუმატა: — ბრძენი იყო ჩვენი სანდრა-პაპა...

სანდრა კარგა ხანს ათვალეირებდა თვალწინ გაშლილ არე-მარეს და ვინ იცის რა იფიქრა, რატომღაც გულამომჯდარმა იკითხა:

— მამი, სერიოზა დედასა ჰგავდა?

— არა. ამბობდნენ, მამასა ჰგავსო.

— მაშ მე რატო შენ არ დავემსგავსე, პა?

— რა კაცი ხარ! ზოგი შვილი დედასა ჰგავს, ზოგი მამას.

— ჰოდა, მე რატო შენ არ დავემსგავსე?

— გიხაროდეს, რომ არ დამემსგავსე, მე ხო გონჯაურას შეძახიან.

— ჰოდა, მინდა მეც გონჯაურა დამიძახონ!

— ფიქრი ნუ გაქვს, დაგიძახებენ! ჩემსავით ჯიუტი და თავისნათქვამა ხარ, თანდათან უფრო დამემსგავსები, გატყობ!

— მართლა? შენსავით სიმღერაც მეცოდინება?

— ევ რაღა მოგჩვენებია? მე სიმღერისა რა ვიცი?

— ჰო, დიახ, ყველას უმაღლავ, მაგრამ მე ვიცი, ჩუმჩუმად მღერი ხოლმე, აი ისე, წელანდელივით. მასწავლე რა!

ალექსიმ ბავშვი ჩაბლუჯა და მკლავებზე გადაწვენილი გააქან-გამოაქანა:

— ნუ ხარ ჯიუტი, თორემ ეხლავე ირმისხევემი გადაგადღებ!

— გადამაგდე, მე მაინც მენდომება, რო გონჯაურა დამიძახონ და შენსავით ჩუმჩუმი სიმღერა ვიცოდე!

— კერპო, ჯიუტო, თავისნათქვამავ! — ალექსიმ ბიჭი მიწაზე გადმოახტუნა და სიცილით დაუმატა: — კერკეტი ხარ, კერკეტი!

— კერ-კეტი, კერ-კეტი!.. — ცალფეხზე დატრიალდა სანდრა, მერე ხელებით თვალები მოიჩრდილა და შარაზე გამოჩენილ მანქანას დააკვირდა: — მია ნიკო მოვიდა! აჩიკოც მოუყვანია, ვაშაა! — დაიყვირა და შურდულივით გაქანდა ფერდობთან გაჩერებულ მანქანისკენ.

„მოსკვიჩიდან“ გადმომხტარი სანდრას თანატოლი ბიჭიც სირბილით გამოქანდა ფერდობისკენ. შეხვდნენ თუ არა ერთმანეთს, აჩიკომ ხის ფარი და ხმალი გაუწოდა მეგობარს:

— აჰა, დაიჭი, ხმალში გიწვევ!

სანდრამაც ფარი მოიმარჯვა და ჰაერში ხმლის ტრიალით ეკვეთა „მოწინააღმდეგეს“.

ერთმანეთის ნახვით ბავშვებზე არანაკლებ გახარებული ალექსი და ნიკო ხელაშვილი მუხის ქვეშ ლოდზე დასხდნენ და დინჯი, გულგანდობილი საუბარი გააბეს.

ბავშვებმა ერთი თალია გული იჯერეს ფარეკაობით და ჭიდაობით, ხალათები დაესრისათ და შემოეხიათ, ღილები დააწყდათ, გადაყვლეფილი მუხლისკვერები და იდაყვები ეწვოდათ, მაგრამ უზომოდ კმაყოფილი წამოგორდნენ ბალახზე, ცისა და ბარის, ნამდვილი და მოგონილი ამბების გაცვლა-გამოცვლით გაერთნენ.

უფროსების საუბარი კი თანდათან გამწვავდა. რაწამს სიტყვა მთავარ სატკივარს შეეხო, ალექსიმ უცებ დაკარგა ის სიმშვიდე, ახლახან ვაჟას რომ აკვირვებდა.

— პურის გამო კახეთში ვაზი შევიწროვდესო, ეგ უგუნურობის როწადინებაა! — თქვა აღშფოთებით.

— მერედა, ვანა გაიგებ, სად იწყება ეგ უგუნურობა?

— დავუშვათ, საერთო სახელმწიფო გეგმების შემდგენელნი ჩვენგან შორს არიან და არ იცნობენ, ამოდენა ქვეყნის ყველა კუთ-



ხეს ვერ მისწვდა მათი თვალი, ანგარიში ვერ გაუწიეს ყველა კუ-  
თხის თავისებურებას, ბუნებრივ პირობებს, გამოცდილებას, ტრადი-  
ციებს, მაგრამ მავისთვის არა ჰყავს ყველა რესპუბლიკას თავისი  
ხელმძღვანელი?! იმათ არ ევალებათ გააგებინონ, დაარწმუნონ ის  
შორსმყოფი გეგმის შემდგენელია, რით უფრო მეტ სარგებლობას  
მოუტანს რესპუბლიკა სახელმწიფოს?

— შენ ვაზი გიყვარს, ჩემო ალექსი, კახელ კაცს ოდითვე მოს-  
დევს ეგ სიყვარული, მაგრამ... ყველა ხომ არ არის მოვალე უყვარ-  
დეს შენი სიყვარული, ამაყობდეს შენი სიამაყით, შენი სატკივარი  
აიტკიოს?!

— ყველა არა, მაგრამ ხელმძღვანელმა უნდა გაიზიაროს ხალხის  
სიყვარულიც, სიამაყეც და ტკივილი, მაშ რის ხელმძღვანელია?

— ეჰ, ჩემო ალექსი... — სევდამ უცნაურად დაღარა ნიკოს გა-  
ბადრული სახე. — ადამიანი შეიძლება გონებით ეთანხმებოდეს შენს  
მართალ აზრს, მაგრამ თუ ვაჟკაცობა აკლია, ის საქმის ქომაგი ვერ  
იქნება.

— მაშ, რად ეჭიდება ისეთ საქმეს, რის შნოც ღმერთს მისთვის  
არ მიუცია?

— ადამიანში შენ უპირველესად სიკეთეს ხედავ, და მიკვირს,  
ეგრე სასტიკად რომ ჰკიცხავ იმათ, ვინც გმირად არ დაბადებულა.

— გმირი ნუ იქნება, მაგრამ მითხარი, რა ვიფიქრო ისეთ კაცზე,  
რომელიც საერთო საქმის ზიანს გაუჩუმდება?

— გაუჩუმდება... — მწარედ ჩაიციან ნიკომ და ხმადაბლა განაგ-  
რძო, — ცხოვრების სუსხი არც შენ დაგკლებია, მაგრამ მე ბევრად  
უფროსი ვარ შენზე და მეტიც მომსწრე ვარ... ჩემი თაობის თვალ-  
წინ ბევრი ისეთი რამ ხდებოდა, რის ახსნაც ვერ შეგვძლებია, გაუ-  
გებარი გვრჩებოდა. გაუგებარი კი ყოველთვის იწვევს ეჭვს, დაძაბუ-  
ლობას, ბოლოს შიშსაც... და შიში განა აკეთილშობილებს ადამიანს?

— ნიკო, რად გინდა მაგაზე ლაპარაკი? ჰო, ბევრი სიძნელე იყო,  
ძალზე ძნელი იყო, მაგრამ მაინც მოვალწიეთ დღევანდელ დღეს.  
შენ გიყვარს დღევანდელი დღე, ხვალინდელ დღეზე ზრუნვა გი-  
ყვარს და გჯერა, დადგება უფრო კეთილი ხვალინდელი დღე, გუ-  
შინდელი რისთვისღა ვღეჭოთ, რისთვის?

ნიკომ მიიხედ-მოიხედა, ალექსისთან უფრო ახლო მიიწია და  
თავისი სათქმელი განაგრძო:

— ყველანი ვცდილობთ წავუყრუოთ იმ „გუშინდელ დღეს“, მაგ-

რამ ის რომ არ ყოფილიყო, დღეს ჩვენ ეს დარდი და ბოღმა არ შემოგვაწვებოდა, სიმართლის სმამალლა თქმას არ გადაეჩვეოდა ხალხი...

— მაპატიე, ნიკო, ასე მგონია, შენ ძალიძალად აკოწიწებ გუშინდელსა და დღევანდელ დღეს, — დაღლილი ხმით შეაწყვეტინა ალექსიმ. ადამიანთა გაუგებარ განსჯაზე ფიქრები, ადრიდანვე რომ აწვალელებდნენ, ასლა მოუზღვავდნენ. ის დღე მოაგონდა, ირმისში ჩამოსული ვიღაცა უცნობი კაცი დიტო ხირსელის მტრობაზე და ლალატზე რომ ლაპარაკობდა; ის ღამე მოაგონდა, ირმისელებმა რომ უთხრეს, დღეიდან ჩვენი თავმჯდომარე ხარო; თავით ფეხამდე ფქვილით შეთეთრებული მეწისქვილე მოაგონდა — ისე მოკვდა ტიტოკო, რომ ვერ გაიგო, იყო თუ არ იყო ხირსელთან მეგობრობაში მოტყუებული; ნეჩაევის ნათქვამი მოაგონდა, „ვერ გამიგია, მედვედევებისთანა ტიპებს რა პბადებს ჩვენს დროში“. ამ დილით უკვე მეორედ დაინახა გაბო ნაცვლიშვილის სახე, „ცოლ-შვილიანად გადაიკარგაო...“ რამ აიძულა ის კაცი გადაკარგულიყო? რაზე თქვა ნიკომ, შიში არ აკეთილშობილებს ადამიანსო, ვინა ჰყავდა მხედველობაში?..

ნიკოს ეუცნაურა ალექსის გახანგრძლივებული ღუმილი. გადახედა მეგობარს და განცვიფრდა, უცებ ისეთი გამოცვლილი ეჩვენა, გაზაფხულის მზემოკიდებულ სახეზე გაფითრება ლაქებად აჩნდა, მარცხენა საფეთქელთან ნაიარევის ირგვლივ წვრილი მოცისფრო ძარღვები ამოკემსოდა. ანთებული თვალები ბუდის კიდეს მოსდგომოდნენ.

იგრძნო ნიკომ, რომ ფიქრების ჯაჭვმა მიუვალ უღრანში შეითრია ალექსი და ფრთხილად დაუსვა მხარზე ხელი:

— რა გემართება, რა იყო, მე ახალი გითხარ რამე?

— ახალი არაფერი, ძველ ჭირს აახლებ...

— ეს ძველი ჭირი თავად ახლობს. მაგის გამოა, რომ ჩვენი რესპუბლიკის ხელმძღვანელმა იცის: სჯობია მყუდრო კაბინეტში წიგნები იკითხო, ვიდრე რომელიმე მნიშვნელოვან საკითხზე საკუთარი აზრი იქონიო და ის აზრი დაიცვა...

— არ მინდა, ნიკო, შენ თვითონ ხომ სთქვი, მე ადამიანებში კარგის დანახვა მინდა, რაღად მიშლი? არ მინდა! — თქვა ალექსიმ, თითქოს შეესვენა, დამინდეთ.

მაგრამ ნიკომ არც ის დაინდო, არც თავისი თავი.

— გიშლი კი არა, აღსარებასავით გეუბნები, ეს საათი აღარ მო-  
ზრუნდება, გული ვეღარ გაუძლებს. მომისმინე: იმ დაწყველილ  
ოცდაჩვიდმეტ წელს თბილისში ვიყავი, სოფლის მოწინავე მშრომე-  
ლთა აქტივის შეკრებაზე. ემმაკურ-ქაჯურად მომიწია „სათვალეზიან  
ურჩხულთან“ პირისპირ შეხვედრა. იმისი გამოხედვა რომ მაგონდე-  
ბა, ესლაც ჟრუანტელი მივლის. მეგონა, არა, მეგონა კი არა, ვიგ-  
რძენი, ძალზე მწვევედ ვიგრძენი, თითქოს შხამიანი ნესტარი და-  
მასო-მეთქი... პოდა, მეც და ჩემისთანა ათასმა ხელები დავიწყვიტეთ  
იმის სიტყვაზე ტაშის დაკვრით, ვისაც კი ენა უჭრიდა, ქებით ცას-  
ზევით ასწია.. ასე იყო — სიტყვების კორიანტელით, ტაშის გრიალით  
ვიყუჩებდით, ვჩქმალავდით შიშს...

ნიკომ სული მოითქვა და განაგრძო:

— იმან რომ მოსკოვს გადაინაცვლა და აქ, თავის ადგილზე ეს  
პატიოსანი, ნასწავლი, განათლებული კაცი დატოვა, არ გეგონოს,  
რომ ეტყოდა, „შენ იცი და აქაურობამო“. ა-არა! ალბათ აგრძნობინა,  
საქართველოს განმგებელი ისევ მე ვიქნებო, და იმ თავის შხამიან  
ნესტარს დაასობდა. და მორჩა ამან ჩემზე და შენზე უკეთ იცის, რა-  
მდენი ალალმართალი კაცი შეიწირა იმ ღვთისპირის მკაწრავმა,  
პოდა, დანაშაული რომ არა გაქვს რა, მაგრამ ერთთავად კი დასჯისა  
გეშინია, სვინდისს მაინცდამაინც რჯულამდე აღარ ჩაპყვები, მით  
უმეტეს, თუ კაცს ხელმძღვანელი გქვია, მაგრამ მორჩილების მეტი  
არაფერი მოგეთხოვება. ჭკვიანი ჭკუით იქცევა, იმიტომ შეარქვა  
მისმა მწყალობელმა „ნაცადი ბოლშევიკი“, ჩვენც კაჭკაჭებით რომ  
ვიმეორებთ... ესლა ნაბრძანები აქვს, საქართველო საკუთარი პუ-  
რით უნდა უზრუნველყო. და შეასრულებს, თუნდაც იცოდეს, რომ  
საზიანოა, მაინც ეცდება, მალე და კარგად შეასრულოს...

ნიკომ მოითქვა სული და განაგრძო:

— აი, ჩემში შენ მხოლოდ კარგსა ხედავ და იმიტომ გიყვარვარ,  
არა? პო, წესიერი, პატიოსანი კაცი ვარ, არც ვაჟაკობა მაკლია, მაგ-  
რამ... მე ამ გულბილწი გულვარდიშვილისაც მეშინია, ტაშსაც უუკ-  
რავ, ხან მის სულელურ აზრსაც ვუჭერ მხარს...

— შენ მაგას ხალხის სიკეთეზე ზრუნვა გაიძულებს... — დანანე-  
ბით, უხალისოდ თქვა ალექსიმ.

— მერედა, განა ეგ მინელებს სიმწარეს? ოჰ, რომ იცოდე, რამ-  
დენჯერ შემბრალეზია და შემძულეზია ჩემი თავი, მაგრამ სხვა რა  
ჩარაა? მომადრობს გულღვარძლი და მუხიანს თავის შინაკაცებს მი-

უგდებს დასატაცად. გაუჭირდება თუ რა? დაჩხაპნის პატარა ქალღმერთს, ცილს რამეს დამწამებს, მე გამაშავებს და თავის მხარდამჭერებს აამებს...

— ოჰ, ნიკო! — უწვეულო თავმეუკავებლობით შეაწყვეტინა სიტყვა ალექსიმ. — ისე ლაპარაკობ, გეგონება, წუნკალი ადამიანების იქით ვა და სამართალი არ არსებობსო, გეგონება დაგვიწყებია, რომ ჩვენ ქვეყანას ხალხის სიკეთისათვის ფიქრზე და ზრუნვაზე გადაგებული თავკაცი პყავს! შიშმა ხომ არ გაიძულა დარიანის რაიონში პირველი არტელის ჩამოყალიბება?!

— ჰო, დიახ, მეშინოდა მამაშენისთანა მშრომელი გლეხები არ აეყარათ სოფლიდან!

ალექსი წამით დააბნია ნიკოს ნათქვამმა, მაგრამ თავი ვაიქნია, ყელს მომდგარ სიმწარეს მოერია და ისევ კითხვები დააყარა ნიკოს:

— შიშისაგან გახდა თქვენი კოლმეურნეობა მილიონერი? შიშით მიაკუთვნეთ თქვენს მეურნეობას სტალინის სასელი? შიშისთვის შეგაქო და დაგაჯილდოვა იმ კაცმა, თუ გულით, სიყვარულით აშენებული მეურნეობისათვის, ჰა?.. თქვი, მითხარი!

— რა ვიცი, ჩვენ იმის მზესა ვფიცულობთ და ირგვლივ კი გაუგებარი რალაცები ხდება...

— ძმობას გეფიცები, ნიკო, სიცოცხლეს დავთმობდი, ოღონდ ისინი გამასრესინა, ვინც არსაქნელ საქმეებს სჩადის, ვინც ჩრდილს აყენებს იმის სახელს... — ხმადაბლა თქვა ალექსიმ და ბალახზე წამოწვა, ხელები თავქვეშ ამოიღო. სახე ძალზე დაღლილი, ნაცრისფერი გაუნდა, ბუდეში ღრმად შეკუჭული ჩამქრალი თვალებით ცის კიდის რომელიღაც წერტილს მიაჩერდა.

ნიკოს გული ჩაეწურა. მკერდზე დაადო ხელისგული:

— იცი, რას გეტყვი? სათქმელი თუ არსათქმელი ვთქვით და კმარა. გამარჯვების დღეს მე იმისათვის კი არ მოგძებნე, რომ ვისხდეთ და გული ვილადროთ. დამშვიდდი და ყური მიგდე. კარგად იცი, ჩვენი გულვარდი ეცდება ამ ლოზუნგს რაც შეიძლება მეტი გამოორჩეს..

— კისერი უტეხია! ადამიანების სულს, რწმენას არ უფრთხილებიან და ვაზი რაა?

— ვაზი უნდა დავიცვათ. მაგისთანა არამზადები მოვლენ და წავლენ, მომავლები კი ჩვენ მოგვკითხავენ, ვაზს რა უყავითო.

— ჰო... — უკრძნობელი ხმით თქვა ალექსიმ. არც განძრეულა..

— წელს საყანე ფართობს ერთი-ორად გავზრდითო.

— ერთი-ათჯერ გაზარდონ...

— აი, ამ ნარიყალაზე ვაზი ჯერ არ მომაგრებულა, საძირკვავე გუთანი ზედ იორლასავით გააჭენებს.

— გააჭენოს, რა მენაღვლება...

— ვაზის ამოძირკვაზე შენ დაგაყენებენ, გეტყვიან, მეტი წილი ირმისელებისააო.

— მეც დაედგები....

— ოპო-ო, რა სანახავი იქნება! მერე აღარც ნიშანგამოღებული ვაზი გაგიწევს წინააღმდეგობას.

— ჰოდა, საქმე გაადვილდება...

— დავიჯერო, ქართულ გუთანს შენ ჩაადენინებ ამ სიბოროტეს?

— ესლა შენ მომისმინე, ნიკო, — წამოიწია ალექსიმ, — ომის დაწყებისას საბრძოლო იარაღი, ტყვია-წამალი გვაკლდა, გვშოიდა, გვციოდა, უკან ვიხევდით, მაგრამ ჩვენი უმაღლესი მთავარსარდლის სიტყვა გვჯეროდა, „მაღლე ჩვენს ქუჩაზეც იქნება დღესასწაული“. და ასრულდა კიდევ. იდღესასწაულა ყველამ, ვინც ამ დღესასწაულზე ოცნებობდა, ვინც იმ სიტყვის შესრულებას სწირავდა სისხლსა და ჭიციცხლეს. ქეციანი გულვარდიშვილები კი იმ დღესასწაულის ნასუფრალით სკდებიან. ხეთქონ. იაჟანი ჩააყოლონ. აისრულონ ნამცეცა გულის წადილი...

— ჰოო? საძირკვავე გუთანი გაატარონ შენს ძვლებზე? ყელზე დაადგებათ, ბიჭო! ადე, ადექი, ლაპარაკს გადაყვევით და გვიგვიანდება, ადე, კეჟერაზე მივდივართ!

— კეჟერაზე რა დამრჩენია?

— ადე, დროს ნუღარ ვკარგავთ, ნაკვეთები უნდა ავირჩიოთ!

— კეჟერაზე სასიარულოდ ჩვენ არც ტრანსპორტი გვეყოფა, არც დრო, არც მუშახელი, — ცივად თქვა ალექსიმ და არც განძრეულა.

— კეჟერაზე ნაკვეთები გვერდიგვერდ ავიღოთ, ემტეესთან ხელშეკრულება დავდოთ. ტრანსპორტი მე მაქვს და გვეყოფა. მუშაობაზე ასე შევთანხმდეთ: ვიდრე შენი ხალხი ვენახებს აუვა, მუხიანელები საყანეს მოამზადებენ, მერე ირმისელები რომ მოიცლიან, მუხიანელებს შრომადღებებს შრომითვე აუნაზღაურებენ, ურიგო სიტყვაა?

— კეჟერას ვინ დაგვანებებს? — წამოვარდა ზეზე ალექსი.

— თითონ გულვარდიშვილი არა გჯერა? სიხარულით დაგვანე-

ბებს. იფიქრებს, ვერ მოერევიან და ორივე „საყვარელი“ თავმჯდომარე თავისი ნებით გაებმებიან მახეშიო! მე და ჩემმა ღმერთმა, სწორედ ეგრე იფიქრებს, არ იცი, იმისი თხელი ჭკუის ამბავი?

— ნიკო, ეგ კეთილი საქმე შენმა გულმა გიკარნახა, მაგრამ მუხიანელები დათანხმდებიან?

— კეჟერაც იმათ მიკარნახეს და ეს გეგმაც! ირმისელები კი რა ვიცი, რას იტყვიან.

— უღვეველი დღე და სიხარული მიეცეს ნიკო ხელაშვილსო!

— ძალზე მიყვარს, როცა მლოცავენ.

— არ მოგბეზრდა?

— შე კაი კაცო, სიკეთე ვის მობეზრებია?

ლაპარაკით ჩაპყვნენ ფერდობს. ნიკო ძლივს უსწორებდა ნაბიჯს თავკვე სწრაფად წასულ ალექსისს.

სანდრა და აჩიკო უკვე მანქანაში მოკალათებულყვნენ. ერთს ყვრიმალე ჰქონდა ჩაღურჯებული, მეორეს — ქვედაყბა.

— რა ბევრი გვალოდინეთი ვიგვიანებთ კეჟერაზე! — ერთხმად იყვირეს ბიჭებმა.

— კუდიანებო, ვინ გითხრათ, კეჟერაზე მივდივართო? — გაიცინა ალექსიმ.

— მამაჩემმა უთხრა დეიდა ხატულას და მე გავიგონე! — დაიტრახა აჩიკომ.

— თქვენისთანა მიგლეჯილ-მოგლეჯილ მეომრებს კეჟერაზე არ მიუშვებენ! — ვითომ დაიმკაცრა ხმა ნიკომ.

— დედაჩემი ხელათ დაგვიკერებს ღილებს! — გამოაცხადა სანდრამ.

— როდისღა? დეიდა ხატულაც მოდის, კეჟერას ჯერ პირველად აგრონომმა უნდა დახედოსო! დაავიწყდა, რომ ეს ორივენიც აგრონომები არიან! — ჩაიფხუკუნა აჩიკომ.

— დაავიწყდა კი არა! დედაჩემს ყამირი გააგონე და ასე აგრონომიც რო იყოს, ყველას გაასწრებს! — ამაყად გამოესარჩლა დედას სანდრა.

საუცხოო შემოდგომა დადგა. გულუხვ ჭირნახულს გრძნეულთა საწირავივით მიმოეფანტა ირგვლივ სიმწიფის მსუყე ფერები. ველ-მინდვრები, ბალ-ვენახები, მთაც და ბარიც უკუაფრქვევდა მუშა-ხელის მადლსა და ნაჯაფარს.

მარნებში მაჭარი დულს. მოხარატებული აივნების ბოძებზე ხახვის და ნივრის გალა, ჯაგნები და აკიდოები ჰკიდია, ბოძებს შორის ხალიჩებივით გამოფენილი ჩურჩხელა-ჩირეული შრება. სხვენი, სარდაფი, საკუჭნათ გაჭედილია საზამთროდ დაბინავებული მარაგით. დილ-დილაობით თრთვილსა ჰკრეფს საშემოდგომო ბოსტნეული. ხელახლად აჭრელებულა სათიბი. აქა-იქ შავად ბზინავს ანეული. დამტკბარ ჰაერში ზუზუნით ირევიან ძილშეპარული ფუტკრები. მოლილისფრო ბურში ხეები მშვიდად ანანაებენ ყვითელ-წითელ-ლურჯფოთლებიან ტოტებს.

გვიანობამდე ხმაურობს ირმისი. დღეობა, დაბადება, ნიშნობა, ქორწილი, ნათლობა — ყველაფრისათვის ასლა მოიცალა ხალხმა. წკრიალა ჰანგებით, ხმაშეწყობილი სიმღერებით, სიცილ-კისკისით გადაჭედილია ქუჩები, შუკები, ეზოები, სახლები.

აღექსი ხშირ ბინდისას წამოვიდა მეფრინველეობის ფერმის მშენებლობიდან. არ ეთმობოდა იქაურობა, მაგრამ ამაღამ ვაჟას ქორწილია. ვაჟას და იმ „ყაყაჩოს“ ჯვარისწერაა ამაღამ.

აღექსიმ გახედა ფერად-ფერადი ფანრებით განათებულ ნატაძარს და სიცილი ძლივს შეიკავა: ნეფე-პატარძალს ქვეყნის ძმობილი, დობილი, მეგობარი, ამხანაგი, მოყვარე და ნათესავი აღმოაჩინდა. მოდის და მოდის ხალხი ქორწილში. გული უსკდებათ ნატაძარელებს: სტუმარი ღვთისაა, მაგრამ რა გვეშველება, თავი არ მოგვეჭრასო!

„უსასშველო რა გჭირთ, ნატაძარელებო?! — ეღიმება აღექსის, — ნეფე-დედოფალი გიბედნიეროთ და დაე, წლისწორს ნათლობაზე ორი ამდენი ხალხი გეწვიოთ, ირმისელებიც თქვენი სტუმრების მასპინძლები არ არიან?“ — ეღიმება აღექსის. ჩქარობს, უნდა მოასწროს შინ მისვლა, სანდრას ტკბილი ძილი უსურვოს. რა მეჯვარეა, ქორწილში თუ დაიგვიანა? ჩრდილ-ჩრდილ მიდის და უხარია, რომ ხმაურობს ირმისი. იმხიარულონ. ღირსნი არიან. პირნათლად გამოიდნენ სახელმწიფოსთან, რაიონთან, კოლექტივთან. პური, ღვინო,

ხილი, ბოსტნეული, მატყლი, ერბო, ყველი, აბრეშუმი — ყველაფრის ანგარიში გასწორებულია, ახლა მუხიანელებს უხდიან ვალს, კიჟე-რაზე პურს სთესენ.

ჩქარობს ალექსი. აი ირმისის მთავარი ქუჩა, პროსპექტივით ფართო „მშვიდობის ქუჩა“. მას ორსავე მხრიდან უერთდებიან მომცრო ქუჩები და შუკები. აი დოდაშვილების ქუჩა — დოდაანთ უბანი. ოთხმოცამდე დიდი და პატარა დოდაშვილი ცხოვრობს ამ ქუჩაზე, თორმეტი, ერთმანეთზე უკეთესი ვაჟკაცი აღარ დაბრუნებულა ომიდან. იმიტომ დაარქვეს ამ ქუჩას „დოდაშვილების ქუჩა“...

მიდის ალექსი, ეჩქარება და ჩრდილს აფარებს თავს, შემხვდურებს ერიდება, მაგრამ გეგონება, წინ მაცნე მიუძღვისო — გასცდება ერთ სახლს და ახლა მეორე სახლთან ეგებება მასპინძელი:

— ალექსი, ერთი წუთით შემოიარე ჩვენთანაც!

„ჩვენთანაცო“ ისე ამბობს, თითქოს ეუბნება: თუ კაი კაცი ხარ, მეზობლებში ნუ გამომარჩევო...

— ეს ბურჯაკი სამი ფუთი გამოვიდა, — თავმომწონედ აუწყებს მასპინძელი, — მაშხა ვღებ, აბა, ნახე, ივარგებს?

ეცინება ალექსის. მას თავის დღეში არც საკლავისთვის უყურებია, არც შაშხი უკეთებია, თვითონ მასპინძელი კი შაშხის ისეთი ოსტატია, რომ ალექსი გულდამშვიდებით უდასტურებს:

— ზორბაა, ძალიან ზორბაა! — ამბობს და მაშინვე თვალწინ დამდგარი ლიოშკა ბოგუჩაროვის სახე უღვიძებს მიყურებულ სევდას: ომს რომ გადარჩენოდა, ირმისს უეჭველად მოაგნებდა ის ბიჭი...

— ალექსი, აგრემც შემოგეველება ჩემი თავი, ერთი შემოგვხედე ქვრივ-ობლებს! — ესვეწება ჭიშკართან დადარაჯებული, დოდაანთ ნატალია, სანშიშესული, ჭკვიანივალება, ქალთა მეხილე ბრიგადის ბრიგადირი.

დოდაანთ ნატალიას ხვეწნა რად უნდა, როდის იყო ალექსი გვერდს უქცევდა ფრონტიდან არდაბრუნებული მეგობრის ოჯახს?!

— თონე გაგიხურებიან, პურის სუნი ბნიდავს აქაურობას!

— ამ არგასაშვებმა ბიჭებმა აღარ დამაყენეს, თითის განძრევაზე გასამრჯელოს თხოულობენ! — ვითომ ჯავრობს ნატალია.

— ვეება ტომარა მოათრიეს წისქვილიდან, — თქვა თავმომწონედ თავისი ტყუბი ბიჭის მისამართით ოჯახის რძალმა, მოხდენილმა,



შავთვალწარბა ოლინკამ, ეგებ არც ქვრივმა — ომში დაკარგული ელიზბარის ცოლმა.

— ახალი ფქვილის ნაზუქები დაგვიკარი, — განაგრძობს ნატალია. — ალექსი, აბა გასინჯე, როგორ მოგეწონება.

ალექსი სინჯავს მსუყე, სურნელოვან ნაზუქს და იღიმის. ნატალიასაც ქება კი არა, ეს უნდა, მისი ვალიშება.

— ძია ალექსი, ეს ჩემი ნაზუქია, სანდრას წაუღეთ რა — ეტმასნება პატარა ნატო და ჯიბეში მოურიდებლად უჭურთავს ცხელ ნამცხვარს. ამ პატარა ლოყაწითელ ნატუკას გამობოდიშება არ სჭირდება. ის მთელი ოჯახის ნებიერაა, მთელი უბნისაც. ამ კოყანდარას ომში წასული მამა არ უნახავს და იმიტომ.

— ალექსი, ალექსი! — ეიპახიან აკეთ-იქიდან, სთხოვენ „ერთი წუთით“. ყველას უნდა ჩაიზიაროს, უნაწილოს სიხარული, სითბო, სინათლე და სიკეთე, რაც ამ კაცის გულმა და გონებამ შეატანინათ ოჯახში.

ალექსი ჩრდილს აღარ ენდობა, ოდნავ საჩენი ბილიკით იმოკლებს გზას შინისკენ, მაგრამ ეს რაღა? პირი ხომ არ შეკრეს ირმისელებმა, განზრახ ხომ არ უგვიანებენ მეჯვარეს ქორწილში მისვლას? ბილიკი გოგოს და ბიჭს გადაურაზავთ.

— შენ, არ იძახდი, დალის დიპლიპიტოს ჯოხებს უგავს ფეხებიო? — უწყრება ვილაცას ოზბეთელაანთ გოგო.

— ვიძახდი. — ჩაიბუხუნა ბიჭმა, და ალექსიმ მიჩუქურთმე სამებას შვილი მალხაზი იცნო, ტრაქტორის საბმურის მიმბმელი ბიჭი, მთელ დღეს შაშვივით რომ სტვენს.

— შენ არ იძახდი, დალი ისეთი ყარაჩია, ირმისხვევიც ვერ დაქბანსო?

— ვიძახდი.

— შენ არ იძახდი, დალის თვალები ნამიანი ბალახიაო?

— ვიძახდი, პო, ვიძახდი, მერე რა?

— ჭირი და დარდუბალა! ესლა სიყვარულზე ლაპარაკს მიბედავ?

— შენ გირჩვენია მკითხო, ეგრე რათ ვიძახდი!

— რათა? აჰა, გეკითხები, რათა-მეთქი?

— მამწონს ეგ ყველაფერი და იმიტომამ! სხვანაირად როგო მეთქვა, ვინც რა ჭრელა-ჭრელა სიტყვებით გაამოს, ტყუილია, ჩემსავით არავეს დაეხატები!

— „დაეხატები“ — გამოაჯავრა გოგომ და, ჩანს, სიხარული ვე-  
ლარ დაფარა, გადაიკისკისა.

„ჩემთვის დახატული ხატულა კი დილითვე გააქანეს ნატაძრე-  
ლებმა, სადედოფლოს დაგვიმშვენებსო“, — ჩაეცინა ალექსის და ბი-  
ლიკზე გააბოტა, დააფრთხო შეყვარებული გოგო და ბიჭი.

ახლა მშენებლობას უნდა ჩაუაროს შეუმჩნეველად, თორემ აქაც  
გააჩერებენ. მუხიანელი კალატოზები მუშაობენ. ნიკო ხელაშვილს  
დაუშინებია: „ახალწლისათვის რჩეულიშვილის სახლი მზად რომ არ  
იყოს, მუხიანში აღარ მოგიშვებთო“. ალბათ იმიტომ ისმის ამ გახში-  
რებულ ბინდში ჩაქუჩების გამაღებელი რაკუნის უხარია ალექსის,  
სანდრა-პაპისეული ქოხის გვერდით აუგეს სახლი, ოზბეთელაანთ  
მეზობლად იცხოვრებენ, ტკბილი და პატიოსანი ოჯახია. ეჰ, რა ბიჭი  
დაედუპათ ორში! საცოდავი ივანიკა შვილის დარღმა ჩაალოგინა.  
თუმცა ელიზბარისა არ იყოს, დალუპვის უწყება არც ამათ მიუღიათ...

როგორც იქნა, გამოჩნდა ნაძვიც და განათებული სარკმელიც.

სანდრა ალბათ წევს და მამას ელოდება, თან ჯაფარაანთ ლიზას  
ამღერებს. ლიზას ამბავიც უკვირს, ბავშვებისათვის თათანებს,  
მთხოვნელებიც არ აკლია და უქმარ-შვილოდ რასა ზის ნეტა?! ხა-  
ტულა აბრაზებს ხოლმე, „შინაბერაო“...

ალექსი ნაძვთან რომ მივიდა, ქოხის კარი გაიღო და გარეთ სან-  
დრა გამოსრიალდა, გაოცებულ მამას მივარდა:

— სადა ხარ აქამდე, მამი, არ იცი, როგორ გიცდიდი! — აღელ-  
ვებისაგან სულს ძლივს იბრუნებს ბიჭი. — წამო ჩქარა, ბიძაჩემი მო-  
ვიდა!

— ვინ ბიძაშენი?

— შენი ძმა არ იცი, ძია ლევანი? რაღას დადექი, წამოდი! ფა-  
შისტების ბანაკებზე ისეთი რაღაცები გვიამბო, რო ლიზა მოკვდა  
ტირილით!

— დიდი ხანია?

— მთელი საღამო ტირის და ტირის, ეგრე აქვს თვალები დასი-  
ებული!

— ლევანი, დიდი ხანია ლევანი მოვიდა?

— ჯერ მზე არც იყო ჩასული.

— კარგი, სანდრა, წადი, მე ეხლავე მოვალ.

— რაღას დადექი, წამო რა ნატაძრელებიც წარამარა გკითხუ-  
ლობენ, არ გესმის, მამი?

— მესმის, შეილო, შენ წადი, გაართე, მეც მოვალ, წადი, ძალიანა გთხოვ.

— მეცა გთხოვ, მალე მოდი! — უთხრა სანდრამ და უხალისოდ გატრიალდა.

ალექსი ნაძვს მიეყრდნო, ხელისგულით დაიჭილა მკერდის მარცხენა მხარე. არ შეიძლება იცინოს. სიცილმა ატკინა გული. არა, ცუდი შვილი რომ იყავი, მან გატკინა გული. მერე რა, მამამ ირმისში დაბრუნება რომ არ ინდომა? შენ უნდა გცოდნოდა მამის ხასიათი. უირმისოდ ვერა სძლებდა, მაგრამ არ დაბრუნდა. მერე რა, ქალაქში რომ მოაკითხე და არ მიგილო? „ცეროდენამ უარი თქვა ჩემს მამობაზე და ესლა ჰგონია, მაგის სამოწყალოდ გამიხდა საქმეო“. სიკვდილის პირს ხომ დაგიბარა? ისიც ხასიათის გამო იყო — დაგიბარა და შუბლი კი არ გაგიხსნა. ხმა აღარა ჰქონდა, ჩურჩულით გითხრა, „მთხვედი, გონჯაურა?“ ისე გითხრა, რომ შენ მაშინღა მიუხვედი მის სიყვარულს, ლევანი და მარინეც იქ იყვნენ, მაგრამ მართო შენ გიყურებდა, მართო შენ უნდოდი. და შენ ცუდი შვილი იყავი, გვიან მიუხვედი... მაგრამ არც შენა ხარ ჩემთან მართალი, მამაქემო. სანამ ცოცხალი მეგულებოდი, შენი პირველად ნათქვამი, დამცინავი „გონჯაურა“ მტანჯავდა. აღარ იყავი და, სიკვდილისპირს სიმწრით თქმული „გონჯაურა“ დამრჩა შენგან სახსოვრად. ძალიან დავისაჯე. მთელი სიცოცხლე მაკლდი. სულიმწარედ მინდოდა შენს შვილებში მაინც მეპოვნა შენი ნასახი, მაგრამ არც ძმას ვუნდოდი, არც დას. არ ვიცო, რატომ არ ვუნდოდი... ესლა კი ლევანი ჩამოსულა. არც მინდა ვიცოდე, აქამდე რატომ არ ვუნდოდი. დაილოცოს აქ მოსვლისათვის. ჩანს, სიხარულსაც სცოდნია გულის ატკიება. მაგრამ ესლა ტკივილის დროა?..

ალექსი სახლისკენ გაეშურა.

— ლევან! — შესძახა კარიდანვე.

ბუხართან მდგომ ახალგაზრდას სახეზე აღმა აჰკრა. უხერხულად დაიწია უკან, ზურგიტ ბუხართან დადგა და დამცინავი პრანჭვა-გრეხით უთხრა:

— ბოდიში მომიხდია ამ თქვენ სასახლეში შემოჭრისათვის!

ძმისკენ გაწეული ხელები დაუცვივდა ალექსის. ოთახი შეათვალიერა. მაგიდაზე ხელუხლებლად დარჩენილიყო ვახშამი. მხოლოდ ღვინის ბოთლი იდგა ცარიელი. ღიზა თაროს ქვეშ შეკუჭულიყო და ჭრელი ყელსახვევი აეფარებინა სახეზე. სანდრა უმოძ-

რაოდ იჯდა ტახტზე და შემოთებული შეპყურებდა ხან მამას, ხან ბიძას.

ალექსიმ ისევ ძმას შეხედა. ლევანს წელანდელი სიწითლე გადასწმენდოდა და მის შემუპებულ სახეს ახლა მკვეთრი სიყვითლე დაჰკრავდა. ყველაფერი არაბუნებრივი იყო მასში. არაბუნებრივად მთხრილიყო წელში, არაბუნებრივი იყო მისი დამცინავი ღიმილი, კილოც, და მხოლოდ თვალები... ალექსის არასდროს არ ენახა ისეთი თვალები. შიგ ტბასავით დაგუბებული სევდა ისე ლაპლაპებდა, თითქოს ველარ ეტევა და ეს-ესაა გადმოიღვრებო.

ალექსი მძიმედ დაეშვა სკამზე.

— გაკვეთილები მოამზადე? — ჩუმად ჰკითხა ბიჭს.

— ხვალ ხო კვირაა...

— მაშ, წადი, დაწეი, გვიან არის.

— ძია ლევანი? ძია ლევანი სად დაწევა? — ჩიტივით შეფრთხილდა სანდრა, ბუხართან მიიბრინა, ორივე ხელით ლევანს ხელები დაუჭირა და ხვეწნით ჰკითხა: — დილაზე რო გავიღვიძებ, ხო დამხედები?

— არ ვიცი... — დააბნია ბავშვის კითხვამ ლევანი და უცებ არაბუნებრივი არ დარჩა მასში არაფერი. — არ ვიცი, სანდრა. შენ დაიძინე, — უთხრა დაბნეულადვე და გაუღიმა. თვალები კი ისევ ისეთი ჰქონდა, თითქოს ვერც ღიმილი, ვერც სიხარული ვერ დასძლევდა შიგ დაგუბებულ სევდას.

— ლიზა, შენ გახარებას, მიხედე ბიჭს, — სთხოვა ალექსიმ ქალს და თავი მაგიდაზე დაყრდნობილ ხელებს დაანდო.

სანდრა და ლიზა უსიტყვოდ გავიდნენ პატარა ოთახში. ლიზამ კარი მიიხურა და ისეთი სიჩუმე ჩამოვარდა, თითქოს იმ კარის არც აქეთ და არც იქით არავინ იყო. მერე ალექსიმ დაარღვია სიჩუმე.

— დაჯექი, ლევან, სათქმელი არაფერი გაქვს?

— არა.

— რად მიჯავრდები?

— გიჯავრდები? — გაბმით ჩაიკითხა ლევანმა და ისევ არაბუნებრივად დაეპრანჭა სახე. — სულაც არა. აქეთობას ვჯავრობდი, მერე კი გადამიარა. ვხედავ, კაცი თავის თავისთვისაც არ ვარგებულა, სხვას რა იმედი უნდა ჰქონდეს მისი.

— შენ სიტყვასიტყვით იმეორებ ზოგიერთების აზრს ჩემზე.

იმათ ვიცი, რაც აწუხებთ, მაგრამ შენ? რის იმედი უნდა გამემართლებინა?

ლევანმა კითხვაზე არ უპასუხა, თავისი განაგრძო:

— თავმჯდომარედ შენ არ ვარგებულხარ, გემდურის რაიონის ხელმძღვანელობა. რა მეოჯახეც ხარ, თვითონ ვხედავ, თუმცა რა ვიცი, ეგებ ცოლ-შვილი ამ ქოხში იმისთვის დაგიმწყვდევია, ნათესავებმა არ შემაწუხონო.

— წესიერ სახლში უკეთ მოგასვენებდი, მაგრამ ამ ქოხშიც უთენებია კეთილ ადამიანებს, განა ეგ არი მთავარი?

— სასახლე რომ დამხვედროდა, არც შემოვიდოდი!

— გულს რად იაყებ, ბიჭო, რა დაგიშავე?

— დამიშავე, დიას! შენცა და შენისთანა „გმირებნაც!“

ლევანმა დაცლილი ბოთლიდან ორიოდ წვეთი ღვინო ჩამოწურა და ტუნები გაისველა. მერე ისევ ბუხართან დადგა, ხელები ცერებით დაიკიდა ქამარზე და ღვარძლიანად დაილაპარაკა:

— ჯერ იმაზე მქონდა სიცოცხლე გამწარებული, შავსიელის შვილი ხარო. სხვაზე კარგაც ვსწავლობდი, კარგადაც ვმუშაობდი, მაგრამ თუ ჩემთვის სიკეთე გამოჩნდებოდა საითმე, მაშინვე ვინმე გამომიხტიბოდა, შავსიელიაო. ბოლოს დაადგინეს, რომ არც შავსიელი ვიყავი, არც თეთრსიელი, და ჯარშიც გამიწვიეს. ის იყო ომიც დაიწყო...

ლევანი სიტყვებს ჩქარ-ჩქარა ისროდა, თითქოს ეშინოდა, ლაპარაკი არ ამიკრძალონო. სმაში ღვარძლი ერია, აუტანლად სევდიანი თვალები კი მოუნაცვლებლად ჰქონდა ერთ წერტილს მიპყრობილი.

— დათვივით მივამტვრევდი. ვიძახდი, ამის პატრონიც არ იყოს, ან გავიმარჯვებთ და ყველანი გავთანასწორდებით, ან ჩამამალლებენ და ამ ჯასირს დაველწივი-მეთქი...

— რომელ ნაწილში იყავი?

— მესანვრეთა ბატალიონში. წინ-წინ ჩვენ მივძვრებოდით. მაკებდნენ, მაჯილდოებდნენ, მაგრამ უბედურება რა იქნებოდა, ამოჩემებულ ადამიანს ღდინი თუ არ გააცალა?! ერთი ხელისგულისთოდენა მინდორს ვნაღმავდით, ზედ სევასტოპოლთან იყო, და იმ მინდვრიან-ნაღმებიანათ აგვაფეთქეს რჯულძაღვლებმა. რაღა გონს მოსასვლელი ვიყავი, ტყვეობაში მოვედი გონს... აქეთ-იქით გვათრიეს, გვათრიეს და ბოლოს ბუზენვალდში ჩაგვყარეს...

განთავისუფლებული „სიკვდილის ბანაკებში“ ნახული სურათების მოგონებამ შეზარა ალექსი. „ის საწამებელი აუტანია და მერე რალამ გაამწარა ასე, რამ?“ — გაიფიქრა მწველი თანაგრძნობით.

— ბევრჯერ კვდებოდი, მაგრამ ამხანაგები მიბრუნებდნენ სიცოცხლეს... — განაგრძობდა ლევანი, — ბოლოს ჩვენებმა გვისხნეს. განა მატარებლით, ფრთებით მოვქროდი სამშობლოსაკენ, თურმე რა გაჩქარებს, შე ოხერო?... თუ იცოდით, რომ ტყვეობაში ნამყოფს შინ აღარ მიესვლებოდა, იქვე რატომ არ ჩაგვაძალღეთ, ჰა? გმირებო! თავი ისახელებთ, სალხი ტყვეობიდან ვისხენითო! თქვენ თავი ისახელებთ, და ჩვენ? მე? სიკვდილამდე დაბადების დღე უნდა ვიწყევლო?

— რას ამბობ, ლევან, რა სისულელეს ამბობ, გესმის? ტყვედნამყოფი აქაც არიან, არვინ ერჩით, დანარჩენებივით ცხოვრობენ და მუშაობენ. თენგიზი, შენი ბაღლობის მეგობარი, თენგო ლალიაშვილიც ტყვედ იყო და აბა ინახულე, ერთი საუკეთესო ბრიგადირია.

— მე მარინესთან მეჩქარებოდა, გავაბედნიერებ ჩემ დას, ცოცხალს დამინახავს-მეთქი... — ლევანი ჩაჩუმდა. ეტყობოდა, ყველაზე მეტად ამის გახსენება და თქმა უმძიმდა. ზაფრანისფერი დაედო.

— რაო? — დაჟინებით ჩაეკითხა ალექსი. უნდოდა ყველაფერი სცოდნოდა.

— ჩემმა სიძემ... ტყვეობაში ნამყოფს, ჩემს ოჯახში ვერ მივიღებო და გირჩევ, ნურც სხვაგან გაამხელ, ტყვედ რომ იყავიო...

ალექსიმ სკამი მიიტანა ბუხართან, ძმას მხრებზე ხელები დაადო, ძალით დასვა და უთხრა:

— შენ კარი შეგშლია, ჩემო ლევან, იქ არ მისულხარ, სადაც უნდა მისულიყავი.

— შენ გგონია მარინეს ქმარმა მარტო თავისი სახლიდან დამითხოვა? ის ხომ „სელმძღვანელი პარტიული მუშაკია, ნომენკლატურული!“ იმისი რჩევის მერე ვისლა გაეკარებოდი? რისთვის გაეკარებოდი „რჩევა-დარიგების“ მისაღებად?

— შენ მამისა არც ჭკუა დაგყოლია, არც ნების სიმტკიცე. ის სიძე-კაცი უაზროდ, უშინაარსოდ გაფრთხილებია თავის „ნომენკლატურას“, ალბათ, იმიტომ რომ, მაგის იქით არაფერი გააჩნია. და შენ კი, შენ? რეგვენმა სიტყვამ ეგრე უნდა გაგაბოროტოს? მერე რა ჰქენი, სადღა წახვედი?

— ყარაიაში დავდექი შავ მუშად. კარგი ბიჭები იყვნენ. დღესაც

იმათთან ვიქნებოდრი, მაგრამ ბრიგადირი უნამუსოდ ითვისებდა ჩვენ ნამუშევარს და ვერ მოვითმინე. ერთი წერილშვილი მუშა გვყავდა, იმის გულისთვის ვენხუბე და იცი, რა მითხრა? „შენ რა გალაპარაკებს, ჯამუში რომ არა ჰყოფილიყავი, ფაშისტები ტყვეობიდან ცოცხალს არ გამოგიშვებდნენო“, გესმის? ქურდმა, ნაძირალამ მითხრა. კინალამ შემომაკვდა, ძლივს გამაგდებინეს ხელიდან, ციხესაც ამაცდინეს, მატარებელში ჩამსვეს, წადით. ჰოდა, მაშინ ვიფიქრე, მოდი ერთსელაც შევხედავ იმ მხარეს, სადაც „საამური ცხოვრებისათვის“ დავიბადე და მერე რაც იქნება იქნება-მეთქი...

— რამდენი არამზადა დადის ქვეყანაზე, იმათ კერძად გახდომა რა ბედენაა?

— იმ არამზადას ნებადართული აქვს ისე მოიქცეს, დიასი ომი არ უგემია, მაგრამ იცის, ნაბრძანები იყო, მტერს ცოცხალი არ დანებდეთო.

— ძალიან გაგბოროტებია გული, ლევან, განა მაგ ბრძანებაში არ არის ვაჟკაცობა? ომის დასაწყისი არ გახსოვს? ფაშისტური არმიის უძლეველობა მთელ მსოფლიოსა სჯეროდა. რა იქნებოდა, ეს ჩვენ ჯარისკაცსაც რომ დაეჯერებინა? რაც უნდა გმირი იყოს, ადამიანი ადამიანია, ეგებ გაფიქრებაც ვერ მოასწროს, ისე დაყაროს იარაღი „უძლეველი“ მტრის წინაშე...

— მე ეგეთი ჯარისკაცი არ შემხვედრია! მე რომ მე ვიყავი, ჩემ ქვეყანაში ხმა და უფლებაწართმეული, ასი სიცოცხლე რომ მიქონოდა, ასივეს ჩვენ გამარჯვებას შევალევდი. არ ენდობოდნენ თავის ხალხს?

— განა არ იცი, ტყვეობაში ზოგი ვერ უძლებდა ტანჯვა-წამებას და მტრის დავალებით ბრუნდებოდა?

— მერედა, შეიძლება თითო ლაჩრისა და მოლაღატის გულისათვის ათასი ერთგული გასწირო? საქმეც ეგ არის, თურმე შეიძლება...

— ნუთუ შენმა ტანჯვამ მთლად დაგივისო თვალები? ნუთუ მთელ სიცოცხლეში მხოლოდ შენი გაჭირება დაიხსომე? სხვაც არა იყოს რა, შენ ჯავრი ვიყრია, ის ერთი ქურდი და ნაძირალა მაინც დავისჯია, მე... მე ეგეც ვერ მოვახერხე...

ახლა ლევანი დააკვირდა ძმას და დამცინავმა ღიმილმა უარესად დაუპრანჭა სახე.

— ვერც მოახერხებ.

— ეგრე უმწყო გგონივარ? — ჩუმად ჰკითხა ალექსიმ.

— არა, იმიტომ რომ, თქვენ აზრადაც არ მოგივათ არამზადის დასჯა თქვენ ყველანი ერთმანეთთან შეთქმულებივით, დაყრუებას, დაბრმავებას, დამუნჯებას ირჩევთ. რაც თავი მახსოვს, სულ ეგრეა. მე ალბათ ჩემმა ტანჯვა-წვალებამ ამიხილა თვალები და ენაც ამი-ლაპარაკა. მე უცებვე დავინახე დარიანში ის, რაც შენ არ გინდა დაინახო. მახსოვს... ბავშვობაში მამა ლოყაზე ხელს რომ მომითა-თუნებდა, მევონა, ფოცხი გადამატარეს-მეთქი, მუშაობისაგან ისე ჰქონდა ხელი დაკოჭრებული. თუ მამაჩემს თავისი შრომისმოყვარე-ობის გარდა, ქვეყანასთან სხვა ბრალიც მიუძღოდა, მე ერთი-ათა-სად მოვიხადე სასჯელი. არა? შენზე ამბობენ, მართალი კაციიარ, თქვი, ვარ თუ არა ვარ ვალმოხდილი?

— მაგაზე ნულარ ფიქრობ, გულს ნუ იჭამ, ლევან, ჩვენი მამა ცამდე ალალი კაცი იყო, აკი უთხრეს, დაბრუნდიო...

— აა, უთხრეს! ჯერ გეგმა შეასრულეს, კოლექტივიზაცია ჩავატარეთ და რაც გვევალა, იმაზე მეტი განვაკულაკეთო, მერე თქვეს: უკაცრავად, სოციალიზმის მშენებლობის წარმატებისაგან თავებრუ დაგვეხვია და ცოტა შეგვეჩაღა, შეგიძლიათ, დაბრუნდეთო. მამაჩემი ძალიან სწორედ მოიქცა, რომ არ დაბრუნდა, ყველას გული სპილენ-ძისა ხო არ არის, მოიკალოს და ისევე აპრიალდეს?!

— რაღა დროს მაგაზე ლაპარაკია, როდის მაგან ჩაიარა, რაც იყო, წყალმა წაიღო.

— და ხალხმა იმ წყალს გააყოლა თავისი სიტყვა, სიმართლე, ვა-ჟკაცობა?

— ახალი საქმე იყო, უცნობი, უჩვეულო, ხალხი ერთბაშად ვერ გაერკვია, ნუ დაადანაშაულებ, ნუ ემდური, ნუ...

— ის ხალხი, შენ რომ გინდა ემაგ შენი ტკივილით დაიცვა ჩემ-გან, მე შენზე მეტად მყვარებია, მე არ ვაკადრებ „ვერ გაერკვიაო ეგ ტყუილია. მაშინ თუ ვერ გაერკვია, მერე? როცა ერთ ძმას მტრად და მოღალატედ აცხადებდნენ და მეორეს ტაში უნდა დაეკრა, მაშინ-ნაც ვერ ერკვეოდნენ?

— რად გინდა, ბიჭო, რისთვის ინახავ გულში მაგ ბალღამს? — თხოვნით უთხრა ალექსიმ.

— სულაც არ მინდა, მაგრამ რა ვქნა, დასავიწყებელი წამალი ვერ ვიპოვნე.

— ცუდად გიძებნია, აი აქ იცხოვრებ, ხალხში იცხოვრებ და...

— ჰოო?... — დაცინვით გააწყვეტინა ლევანმა, — ეგებ მართლაც



იოლი იყოს შეთქმულად ბრმა-ყრუ ხალხში ყოფნა, მე დარიანშივე გაემხიარულდი!

— დარიანში რას უნდა გაემხიარულებინე?

— მაშ, სასაცილო არ არის? რაც მამარჩემისთანა ორმოც გლეხს, ერთად აღებულს გაანნდა, ის ერთ თქვენ გულვარდიშვილს წვრილმან სახარჯოდ, კბილის ქარად არ ეყოფა!

— მაგას მალე მიმხვდარხარ, მაგრამ ეგ სასაცილოა?

— ძალიან! ეს თურმე ყველასა სცოდნია და ძველი ამბავიც სწორედ ამან გამახსენა. ეხლაც „ვერ ერკვევა“ ხალხი და იმიტომ არი გაჩუმებული?

— იქნებ არ არიან გაჩუმებული... — მოგვიანებით თქვა ალექსიმ.

— ოო, ვითომ ბედავთ ხმის ამოდებას? ტყუილია. შენც იცი, ეგ თავის მოტყუებაა. შენ გიყვარს ხალხი და საკუთარ თავსაც არ ვინდა გაუმსილო მათი გაჩუმების ნამდვილი მიზეზი. მეც მიყვარს ჩემი ხალხი და იმიტომ მინდა ვთქვა მიზეზი: „ვერ გაერკვია“ კი არა, მაშინაც და ეხლაც ში ში ში ჰკრავს ადამიანს!

ალექსის უცებ ნაცრისფერი დაედო. ცხრა მაისის დილას ნიკო ხელაშვილთან საუბარი მოაგონდა. პირი, ხახა ამოუშრა, როგორც მაშინ, გამშრალი ენა ძლივს მოატრიალა:

— დაუშვათ არ ემინია, რა უნდა ქნას ადამიანმა, რა? — ჰკითხა და წამოდგა, წყალს წაეტანა, მაგრამ კოკუარას ხელი უშვა და შემკრთალი შემოტრიალდა.

ლევანი იცინოდა. ტურნებზე ხელები აეფარებინა და უცნაურად იცინოდა. მხოლოდ ხმით იცინოდა და სახის კუნთები აწყობილიყვნენ სიცილად, თვალებში კი ისევ სევდა უღვივლივებდა.

— ალექსი! — დაიძახეს გარედან.

ალექსის კარისკენ არც გაუხედია, ძმასთან მივიდა, ხელები აართვა ტურნებიდან და ღონივრად დაუწია ძირს.

— რა იყო, რა გემართება? რამ გადაგრია?

— სიხარულმა! ჩემი ბედი, გაჩუმებული რომ ხარ, თორემ კოლმე-ურნეობის თავმჯდომარე ძმა არ მეყოლებოდა, ვისლა შევეკედლებოდი?

— დამშვიდდი — აუწია ხმას ალექსიმ.

— არ გესმის, რა ბედნიერებაა, გაჩუმებული რომ ხართ?! ღმერთმა ნუ ქნას, ხმა ამოიღოთ, მაშინ ხომ მიზეზი ექნებათ, მთლად, ერთი ხელის მოსმით მთელი ქართველობა აყარონ საქართველოდან!

— ალექსი! — კართან მოდგა ძახილი და ხმაური. — ჰეი, მეჯვარე, სად დაგვეკარგე? მართალია, ლევანი ჩამოვიდაო?

— შენ ავადა ხარ, ლევან, — კინაღამ მაჯები დაუღუნა ალექსიმ ძმას. — დაისვენებ, დამშვიდდები, ადამიანებში მოტრიალდები და ნახავ როგორა სცდები! — უთხრა და ხელი უშვა, კარისკენ წავიდა.

ოთახში ხმაურით შემოლაგდნენ ვაჟას გამოგზავნილები, შეძახილებით შემოეხვივნენ ლევანს, ყველაზე წინ მას თენგო ლალიაშვილი მივარდა.

— მოგაგონდით, შე სახეძალლო? მოგაგონდით, შე გაგარეულ-ბულო? დაგავიწყდით, შე უჯიგრო? — გადაეხვია აცრემლებული.

— რაებს იძახი, კაცო, ირმისი და ირმისხევი დაავიწყდებოდა? — გულანუყებული ესვეოდნენ ლევანს სხვებიც, ზოგნი კი ალექსის ულოცავდნენ ძმის ჩამოსვლას.

მოსულებს კითხვები და შეძახილები აღარ ელეოდათ და ბოლოს ერთმა სანდაბმულმა ნატაძრელმა იყვირა:

— ხალხო, ნეფე-დედოფალი ხო არ დაგავიწყდათ, ჰაა? აბა, მეჯვარე, გაგვიძეხი, წავიდეთ, დანარჩენი სათქმელი იქა ვთქვათ!

ლევანი უარზე იყო, ქორწილში წასვლის არც თავი ჰქონდა, არც სურვილი. იყო გაწევ-გამოწევა, დავა, კამათი. თენგო ეჩხუბებოდა, სხვები ესვეწებოდნენ და ვერ ითანხმებდნენ.

ამ აურზაურში ხატულა შემოიჭრა ოთახში.

— მართალი ყოფილა! — დაიძახა, ხალხი მისწი-მოსწია და ბუხართან მიიღრინა, ლევანს ჯერ ხელი ჩამოართვა, მერე გადაეხვია და აკოცა, მერე ოდნავ უკან დაიხია და ბეჯითად შეათვალიერა.

— დაღლილი ჩანხარ, ეტყობა, შორი გზა გქონია... — თქვა თითქოს თავისთვის და ისევ მიუახლოვდა, მხრებზე ხელი მოსვია: — ძალიან დაღლილი ხარ? — ჰკითხა მოფერებით.

— ძალიან.... ხატო... — თავისით მიაგნო ლევანმა ძმისცოლის, შინაურულად შემოკლებულ სახელს.

— სულერთია, მიანც არ დაგაყენებენ, ნეფე თვითონ მორბოდა, მე დაეპირდი, თუ მართლა ჩამოსულა, შოვიყვან-მეთქი. ალექსი, ასეთი რამ გაგონილა? ლამის ატირდეს დედოფალი, მეჯვარე დაგვეკარგაო. აბა, წავედით! — მეთაურობდა სიხარულისაგან აღელვებული ხატულა.

თენგომ ახლა კი ულაპარაკოდ გამოსდო ლევანს მკლავი და გაიყვანა. დანარჩენებიც გალაგდნენ ოთახიდან.

— არა ვპინავს? — გაუკვირდა სანდრასთან შესულ ხატულას.  
— ესლა დავიძინებ, ძია ლევანის დარდი აღარა მაქვს.  
— ერთი ამ მაიძინს უყურეთ! ძია ლევანს შენი საღარდებელი რა სჭირს?

— შენ არაფერი არ იცი, მე კი ყველაფერი მესმოდა!  
— არამკითხე მოამბე ნუ ხარ, ესლავე დაიძინე!  
— ჯერ პირობა მომე, რო ძია ლევანს აქ მოიყვან. რას იცინი? ღიზის უნდა რო თავის სახლში წაიყვანოს, და რათ უნდა წაიყვანოს? ღიზას პაპა ნასყიდა ჰყავს და ეყოფა, ჩემი ძია მე თვითონა მჭირდება!

— რა ენა ენაზე გამოიბი, შე ეშმაკის ფეხო, დაიძინე!  
— პირობა მომე და მაშინვე დავიძინებ, თუნდა ჩემ საწოლს მივცემ და მე ტახტზე დავწვები.

— ძია ლევანი ამ შენ საწოლში ჩაიკარგება და ველარ მოვძებნით! არხეინად იყავი, ლამაზად დავაძინებთ, ღამე მშვიდობისა!

ხატულამ თავის თავს გაუღიმა სარკეში და სანდრას ოთასიდან გაპოვიდა.

— იმოდენა სახლი მიგდია ცარიელი... — ეუბნებოდა ღიზიკო ალექსის და უმოწყალოდ ჭმუჭნიდა თავის ჭრელ ყელსახვევს.

— პაპა ნასყიდა რა იქნა? — გაუკვირდა ალექსის.  
— ნივილით ამიკლო, ამ გამოყრეებულ სახლში ველარა ვაპლებო, თალიკოსთან გამეკცა, ბაღლებს გულს გადავაყოლებო... თქვენ კი ეკრე ვიწროთა ხარო, თქვენი ძმა იფიქრებს, იგრევე ქალაქში წავალო, და ცოდოა, იქ ვინ მოუვლის, მარტოხელაა, ავადმყოფი... მე სახლი ცარიელი მიგდია, იცხოვროს, თანაც მივხედავ, ვინც რა უნდა თქვას, მოუველი, მოვამჯობინებ... პაპაც გაისარებს...

— ესეც თქვენი „შინაბერა“! — გადაიხარხარა ხატულამ.  
ალექსისაც ეცინებოდა, მაგრამ თავს უხერხულად გრძნობდა, ხმას ვერ იღებდა. ისევე ხატულამ იხსნა. ღიზა მაგრად ჩაკოცნა და უიპარა:

— ამადამ ლევანი ნატაძრელების სტუმარია და ხვალ ვნახოთ!  
ალექსიმ შევებით ამოისუნთქა, თავისი დაბამბული ჯუბაჩა ცოლს მარებზე მიახურა და ორივენი გაეკიდნენ წასულებს.

ალექსი მიზეზს არ იღვედა, რაიონულ თათბირებს რომ არ დასწრებოდა. დარიანში დამკვიდრებული მაამებლობა და ფარისევლობა, ტყუილისა და ბაქიაობის კორიანტელში სავალალო სინამდვილის მიჩქმალვა, რაიონის პარტიული ხელმძღვანელის ულაზათო აღმინისტრირება და მისი შინაკაცების თავგასულობა სავსებით გამორიცხავდა საქმიანი ლაპარაკის, პრინციპული კამათის საშუალებას, და საქმის ჭეშმარიტად გულშემატივარნი ალექსისავით ერიდებოდნენ გულვარდიშვილის უნიათო, არაფრისმაქნის თათბირებს.

მაგრამ იმ დღეს ალექსი საგანგებოდ დაიბარეს დარიანში.

„ახლა რა შარს მომდებს ჩვენი „გულის ვარდი“? კეჟერა დავპლიეთ, პირველი კვალი გავიტანეთ, პური დაითესა. მიჰყვეს და დანარჩენი ფართობი სხვა მეურნეობებს დაუნაწილოს, მეტი რა უნდა? რეალური საფუძველი ექნება მის ტრაბაზს“. შიგადაშიგ ეცინებოდა კიდევ თათბირზე მიმავალ ალექსის.

გულვარდიშვილი იმ დღეს არც აპირებდა კეჟერაზე ლაპარაკს. დარწმუნებული იყო, რომ ორი კოლმეურნეობა თავს ვერ გაართმევდა საკუთარი ინიციატივით წამოწყებულ საქმეს, მაგრამ რაკი გაართვეს — კარგია! კეჟერას მაშინ ახმაურებს, როცა უფროსებს რაიონის მიღწევებზე უპატაკებს. კეჟერას ათვისებას მაშინ კი ჩასთვლის რაიონის ხელმძღვანელობის დიდ მონაპოვრად...

მდივანი აუჩქარებლად უახლოვდებოდა თავის მოხსენების დასასრულს:

— ჩვენმა რაიონმა ღირსეულად უნდა შეასრულოს ლენინ-სტალინის პარტიის ეს ისტორიული გადაწყვეტილება, ჩვენ რაც შეიძლება მალე უნდა უზრუნველვყოთ საქართველო საკუთარი პურით, რათა მალე მივიყვანოთ ჩვენი ძლევამოსილი სამშობლო კომუნიზმის დიად კარიბჭესთან, ჩვენი მამა და მასწავლებლის, მსოფლიო პროლეტარიატის ბელადის, ყველა დროის გენიოსთა უდიდესი გენიოსის იოსებ ბესარიონის ძე სტალინის წინამძღოლობით..

ტაში ეცოტავა. უკვე გაღიზიანებულმა მოსვა წყალი და ხმა დაიმკაცრა:

— მაგრამ ეს დიადი ამოცანა ჯერაც არა აქვს შეგნებული ზოგიერთ ჩვენ ამხანაგს. ზოგს ჰგონია, რომ კეჟერა აღმოაჩინეს! კეჟერა საუკუნობით იღო თავის ადგილზე და არავითარ აღმოჩენას.

არ საჭიროებდა. ეს ჩვენ რეზერვში გვქონდა, ჯერჯერობით მიზან-  
შეწონილად არ მიგვანდა ტექნიკის, საწვავის, მუშახელის დაბანდე-  
ბა ყამირის ვატეხაზე, მაგრამ რაკი ზოგიერთი კოლმეურნეობის თა-  
ვმჯდომარეებმა მოიწადინეს, ჩვენც აღარ ვეწინააღმდეგეთ, ნებაც  
მივეცით და ხელიც შევუწყეთ ახალი ნაკვეთების ათვისებაში. ძირი-  
თადში კი ჩვენ განზრახული გვქონდა კეჟერას მოშველიება მაშინ,  
როცა მთლიანად გამოვიყენებდით კულტურულად დამუშავებულ  
მიწებს. ამრიგად, ჩვენს გეგმებში მცირე გადანაცვლება მოხდა დრო-  
ის მიხედვით. ვიმეორებ — დროის მიხედვით. ეს სრულიადაც არ ნი-  
შნავს, რომ აქაოდა კეჟერას მივწვდითო, კულტურული მიწები შე-  
იძლება სხვადასხვა სურვილის მიხედვით იყოს გამოყენებული. არა,  
ასეთი თვითნებობის უფლებას პარტია არავის აძლევს! იქნება ზო-  
გიერთი ამხანაგები ფიქრობენ, „მე ვარ და ჩემი მეურნეოა“, მიწაც  
ჩემია და როგორც მომესურვილება, ისე გამოვიყენებო“. ნურას  
უკაცრავად! ჩვენ ერთსულოვნად უნდა დავიარაზოთ ამ ისტორიული  
ამოცანის გადასაჭრელად. ყველგან, სადაც კი ხელი მიგვიწვდება,  
ყველგან პური დაითესება. იქაც, სადაც ფართობი სხვა კულტურებს  
აქვს დაკავებული, იქაც პური უნდა იყოს!

— არ იქნება! — შეარხია ალექსის ხმამ დარდიანად მიყუჩებუ-  
ლი დარბაზი.

— აი, გესმით? ეს ერთი იმათაგანის ხმაა, ვინც შეეცდება შეა-  
ფერხოს ჩვენი მშობლიური პარტიის დავალების შესრულება!

ამგვარი მკრეხელობით აღშფოთებულმა მამებლებმა ბორჯომის  
წყალი მოიშველიეს. ორატორმა დარბაზი შეათვალიერა, იგრძნო —  
დიდი უმრავლესობა არ იზიარებდა მის გულისწყრომას და უფრო  
შეტად ვალიზიანებულმა განაგრძო:

— დიდი დარაზმულობა, დიდი ბრძოლა და თავდადება დაგეჭირ-  
დება, მრავალი დაბრკოლებისა და წინააღმდეგობის დაძლევა მოგვი-  
ხდება ამ სანუკვარი მიზნის შესრულებისას. ზოგიერთ ამხანაგებს  
ჰგონიათ, მათ ყველაზე მეტი ესნით და პატრიოტული საკმისათვის  
ბრძოლა მართლ მათ ეხერხებათ. ეს იდეურ-პოლიტიკური ჩამორჩე-  
ნილობის შედეგი გასლავთ. დიას, მათ არ იციან, რომ არ არსებობს  
ისეთი სიბნელე, რომელსაც ბოლშევიკები ვერ დასძლევენ! ავიწყდე-  
ბათ, რომ ჩვენი პარტიის გზა — მუდამ ძლევაშოსილი გამარჯვების  
გზაა. აი, ამხანაგ რჩეულიშვილს კი თავი ისე უჭირავს, თითქოს  
ბრძოლა მართლ მაგან იცის, თმი მართლ მაგან მოიგო და სხვები

გულხელდაკრეფილი ისხდნენ. ჯერ ეგეც საკითხავია, თვითონ როგორ იბრძოდა!

ალექსის უჩვეულოდ გაუჭირდა თავის შეკავება. დარბაზი ყრუდ ახმაურდა. ეკა კვერენჯაძე ადგილიდან წამოიჭრა, მაგრამ ნიკო ბელაშვილის მკაცრ გამოსვლას დაემორჩილა, ვითომ სწყუროდა, წყალი დალია და ხმაამოუღებლად დაჯდა.

— ამხანაგებო! — გაუღიმა დარბაზს გულვარდიშვილმა, — მე ვიცოდი, რომ ფრონტზე ნამყოფ კაცზე ძვირის თქმა თქვენს კეთილშობილურ რეაქციას გამოიწვევდა. მეტსაც გეტყვი, მე მახარებს ეგ თქვენი კეთილშობილება, მაგრამ... ბოლშევიკური პრინციპულობა გვაიძულებს ვიყოთ მართალნი და მწარე სათქმელს არ დავერიდოთ. თქვენ მშვენივრად იცით, როგორი გულისხმიერებით ვეპყრობით ფრონტზე ნამყოფ ადამიანებს, ჩვენი ქვეყნის საამაყო შვილებს, როგორ ვცდილობთ ხელი შევუწყოთ, დავაწინაუროთ ისინი ყოველ უბანზე. აიღეთ თუნდაც ვაჟა კვერენჯაძე. ჩვენ რისკზეც კი წავედით, როცა ეს ახალგაზრდა კაცი კოლმეურნეობის თავმჯდომარედ დავაწინაურეთ. დიდი რისკი იყო, რომ გაბო ნაცვლიშვილის უხეირობით ჩავარდნილი მეურნეობის ფესზე დაყენება ვანდეთ, მაგრამ არ შეეცდით. რისკი გავვიმართლდა. მარქსისტული იდეებით გამსჭვალული ჩვენი ახალგაზრდობა მუდამ მხარში ედგა თავის სათაყვანებელ პარტიას და კვლავადაც გაამართლებს ჩვენს ნდობასა და იმედებს! და თუ ჩვენ უფლებას ვაძლევთ ჩვენ თავს ზოგიერთი ამხანაგის საქმიანობაში ეჭვი შევიტანოთ — ამის საბაბი და საფუძველიც გვაქვს!

დარბაზში სამარისებური სიჩუმე ჩამოვარდა. გარედან ფანჯრის მინას ღამურა შეესხებოდა და ვილაცამ ნერვიულად, ხმამაღლა შეუკურთხა.

ალექსი თითქოს მშვიდად იჯდა, მხოლოდ ტუჩები თანდათან ისე მაგრამ ეკვროდა, რომ ჩანდა, უჭირდა ყელთან მობჯენილი გრძნობების შეკავება.

მცირე პაუზის შემდეგ გულვარდიშვილმა თითი საფეთქელთან მიიტანა და აუჩქარებლად განაგრძო:

— ამხანაგებო, მიუხედავად იმისა, რომ ირმისის კოლმეურნეობის თავმჯდომარე მუდამ კრიჭაში ედგა რაიონის ხელმძღვანელობას, ყოველ საკითხის გადაწყვეტისას მეტისმეტ უდისციპლინობას და თავგუნებობას იჩენდა, ჩვენ მაინც ვაფასებდით მას საკმაოდ კარგი მუშაობისათვის და მის აუტანელ თვითნებობას არა ვხდიდით

ფართო მსჯელობის საგნად. მით უმეტეს, ფრონტიდან დაბრუნებული სხათრობდით. დარწმუნებული ვიყავით, რომ ჩვენი ძლევამოსილი საბჭოთა არმიის რიგებში ყოფნა ბევრ საპარახის თვისებებს მოაშლევინებდა და უყოყმანოდ დავაბრუნეთ ომამდელ პოსტზე...

— ჩვენ მოვითხოვეთ ჩვენი თავმჯდომარე! — დაიძახეს დარბაზიდან.

— დიას, ჩვენ ანგარიში გავუწიეთ ირმისელების თხოვნას, რაკი სიტყვამ მოიტანა, მოგახსენებთ, რომ ანგარიში გავუწიეთ რამაზ ონისიძეოვიჩ მელითაურის რეკომენდაციასაც...

დარბაზში მყოფნი შეაძრწუნა ქარაგმულად თქმულმა სისაძაგლემ და ყველამ ერთი კაცივით იგრძნო, რომ აღშფოთების სულ მცირე გამოხატვაც კი მნიშვნელობას მისცემდა იმ ნათქვამს და აამებდა მთქმელს. ისინი ნირშეუცვლელად უსმენდნენ მდივანს და ვერავი-თარი მისი ულაზათო სიტყვა ვედარ გააკვირვებდა მათ.

„მადლობა ღმერთს, მელითაური აქ არ არი, თორემ ყბაში მეცემოდა“, შვებით გაივლო გულში ორატორმა, რაღაცა ფურცელი ასწია მაღლა და ვითომც ეძნელებოდა თქმა, მაგრამ იძულებული იყო ეთქვა:

— რჩეულიშვილს კი თურმე იქაც გამოუჩენია თავისი ხასიათი, უღისციპლინობა, და ჯარშიც ჩვენსაკვით ხომ არ მოუთმენდნენ?!

ვერავინ, ვერც თვითონ ორატორი ვერ დაადასტურებდა, რომ ალექსიმ გაიგონა წელანდელი ქარაგმა. ის გაუძრევლად იჯდა, თითქოს გულგრილად შესცქეროდა ჰაერში აფრიალებულ ქაღალდს.

— თურმე, — განაგრძობდა მდივანი, — ერთ-ერთი საბრძოლო ეპიზოდის შემდეგ რჩეულიშვილი უმაღლეს ჯილდოზე წარუდგენიათ, მაგრამ კონტრდაზვერვის მათორის დროზე ჩარევას უზსნია იმ ნაწილის მეთაურები სავალალო შეცდომისაგან...

„ოლეგ, გესმის, რა ხდება?“ — გასძახა გულში მეგობარს გაუნძრევლად მჯდომმა ალექსიმ.

დარბაზში ისეთი დუმილი იყო, რომ ზომიერების გრძნობას მთლად მოკლებული ორატორიც კი მიხვდა, გადავაჭარბეთ, და ანქარებით განაგრძო:

— მაგრამ, ამსანაგებო, ჩვენი თათბირის დღის წესრიგში რჩეულიშვილის ასავალ-დასავალის პიება არ შედის, ეს იმიტომ მოგახსენეთ, რომ თქვენც უნდა იცოდეთ, რას წარმოადგენს სინამდვი-

ლესი ზოგიერთი ადამიანი, როგორ გვახრწობს თავისი, ვითომდა დიდი დამსახურებით!

— ბოდეა ეგ ყველაფერი! — ხმამალლა მოკვეთა ალექსიმ.

— რჩეულიშვილო, სადა გგონიათ თქვენი თავი? — მკაცრად, შუბლშეკრული წამოხტა კრების თავმჯდომარე ჯიბთ ჭიმიაშვილი.

— ჰოდა, რეებსა ჰკადრებთ ამ ადამიანს? — წამოდგა, ადგილიდანვე დაიძახა ნატალია დოდაშვილმა, — თუ დაგვიძახეთ, ანგარიშიც უნდა გაგვიწიოთ. თქვენი სათქმელი მოვისმინეთ, ეხლა ალექსიმა თქვას!

— თქვას ალექსიმ! — აჰყვნენ ნატალიას ირმისელები.

— მიეცით სიტყვა რჩეულიშვილს! — დაიძახეს მუხიანელებმა და მათ აჰყვნენ სხვა მეურნეობებიდან მოწვეულებიც.

— მიეცით სიტყვა! — დაჟინებით მოითხოვა დარბაზმა.

— ბრძანე, ამხანაგო ალექსი, თქვი, თუ გაქვს რამე სათქმელი, ყურადღებით მოვისმენთ, — ღიმილით მიმართა ალექსის გულვარდიშვილმა.

ალექსი ადგა, ადგილიდანვე მიუბრუნდა დარბაზს და დაილაპარაკა. იშვიათად თუ ენახა ვინმეს იგი ისეთი, როგორიც იმ წუთებში იყო, როგორიც უნახავს გაბო ნაცვლიშვილს, ნიკო ხელაშვილს, ოლეგ ნეჩაევს, პოლკოვნიკ ლიაშენკოს. ბუდის კიდეებს მომდგარი თვალების ელვარება, სახის დამკვეთრებული ნაკვთები და მთრთოლვარე ხმა ისეთ შინაგან რისხვას ამხელდნენ, რომ დარბაზმა სუნთქვა შეიკრა.

— ვიყო, როგორიც ვარ, მდივანმა მართალი ბრძანა, დღეს აქ ჩემი ასავალ-დასავალის გამოძიების დრო და ადგილი არ არის. მე ორიოდე სიტყვა მინდა ვთქვა იმაზე, რისთვისაც დღეს აქ შეგვკრიბეს. ხალხო, ნუთუ ისეთი გიჟი გეგულებათ სადმე ვინმე, თავისი ხალხის სიკეთე არ უნდოდეს, ბევრი პურის მოყვანა არ უსაროდეს? ან მე ისეთს რას გეტყვით, რაც თქვენ ჩემზე უკეთ არ იცოდეთ? მე იმათ მოვაგონებ, ვინც არ იციან, არ გაუგონიათ, ან დაჰვიწყებიათ, რამდენი ძალა და ენერჯია, რამდენი შრომა, რა საკვირველი ნიჭი და უნარი შეუღლეია ჩვენ ხალხს ვაზის მოშენებისათვის. ქართველებმა ძველთაგანვე იცოდნენ, რა მნიშვნელობა ჰქონდა ვაზს თავისი ერის ეკონომიკური ძლიერებისათვის, იცოდნენ, რომ ქართული ღვინო საგარეო ვაჭრობის ძვირფასი საგანი იყო. ეხლა ჩვენ მემკვიდრეობით მიღებული ჯიშების გაახალგაზრდავებაზე, გაჯანსაღებაზე უნდა



გვეზრუნა, წამანური და საკონიაკე ჯიშების დანერგვაზე, ყენახების გაფართოებაზე უნდა გვეფიქრა...

— პურით უზრუნველყოფის წინააღმდეგი ხარ? — შეაწყვეტინა მდივანმა.

— პურის შესახებ ჩემი აზრი მე უკვე მოვასხენე დარბაზს.

— ის ზოგადი ფრაზებია, მე კონკრეტულად გეკითხები: „უზრუნველყოთ საქართველო საკუთარი პურით“ — შენ ამის წინააღმდეგი ხარ?

— ამ ერთი მუჭა ქართველ სალხს განა რამდენი პური სჭირდება? ჩვენ კეჟერა ავიოვისოთ, მეზობელ რაიონებმა შირაქს მოუარონ და პური თავპირსაყრელად გვეყოფა. ან განა რუსეთი პურს გვამადლოს და გვაყვედრის? თუ სხვისთვისაც გეჭირდება პური, ჩვენ სახელიწიფოში ცოტა თვალწევდენელი ტრამალები? მილიონობით პექტრებია, სადაც პურის მოყვანა შეიძლება...

მდივანი ტრიბუნიდან გადმოვიდა, სცენის ნაპირს მიუახლოვდა.

— რჩეულიშვილო, შენ ძალიან გიყვარს სახელმწიფოს დიდ საქმეებში ჩარევა, მაგრამ საბედნიეროდ, იმ საქმეებს თავისი მომვლელი ჰყავს, ჩვენ კი იმის განაღდებაზე უნდა ვიზრუნოთ, რაც ჩვენ გვეუალება, ჩვენ, დარიანის რაიონს! ამისთვის კი კეჟერა არ არის საკმარისი, ყველგან პური უნდა დაითესოს, ყველგან, გესმის?

— კახეთში ვაზის ნაცვლად პურის მოყვანა — მტრის გასაცინი საქმეა!

მდივანი კიდევ უფრო მიუახლოვდა სცენის ნაპირს, დაიხარა, თვალი თვალში გაუყარა ალექსის და დამარცვლულად ჰკითხა:

— შენ არ იცი, ვის ეკუთვნის ეს ლოზუნგი?

— თქვენ ამახინჯებთ მაგ კარგ ლოზუნგს. კახეთში ვაზი პურს ვანაცვალთო — ეგ აზრი საქმეში ჩახედულ კაცს არ დაებადებოდა.

— რათ, რა სთქვი? — ისარნაკრავივით გადაზნიქა წელი მდივანმა. — საქმეში ჩაუხედავიო? კიდევ ბრძანე, ბრძანე, განაგრძე!

— საუკუნეების მანძილზეც ასე იყო: მტერი, რომელიც კი შემოგვივარდებოდა, უპირველესად ვაზისა და ტყის გაკაფვა-ამოგდებას ბრძანებდა... ასე აკეთებდა თემურ-ლენგიც, შაჰ-აბასიც...

— მე ვიკრძალავ სიტყვას, გესმის? — ხმა აეჭრა, ენა წაუბორძიკდა გადაფითრებულ გულვარდიშვილს. — შენ სასტიკ პასუხს აგებ მაგისტანა ლაპარაკისათვის! სიტყვას ვიკრძალავ, გესმის?

ალექსის ოდესღაც ჭანჭრობში განცდილი ის ამაზრზენი ვრძნო-

ბა დაეუფლა. არც იქ, არც აქ უკან დასახევი გზა არ იყო. იქ სასწაულმა ვადაარჩინა, აქ...

— მე სათქმელი ვთქვი და გავათავე. ცოცხალი თავით, ერთი ვაზის ამოძირკვასაც არავის დავანებებ.

— გიკრძალავ-მეთქი სიტყვას, არ გესმის? — დაიწვილა გულვარდიშვილი.

ალექსი არც ერთი სიტყვის დამატებას აღარც აპირებდა. მხრწოლავი ხავსურა ტანს უწვავდა, ამის ატანა აღარ შეეძლო. თავჩაღუნული, სწრაფად წავიდა გასასვლელისაკენ.

— ემაგ სიტყვაში გენაცვალე, ლექსო!

— ჩვენც შენთან გვიგულე, ძმაო!

— ჩვენ შენთანა ვართ, ალექსი! — დაადევნეს შექახილები და ბაზში ფეხზე წამომდგარმა თათბირის მონაწილეებმა.

— ვინ? ვინ ბედავს? — წიოდა მდივანი.

სკდებოდა ზარი ჯიბო ჭიმიაშვილის ხელში.

ხმაურობდა დარბაზი.

ვარეთ წყვდიადი იყო. ქარს დაეწყვიტა მავთულები. დარბაზიდან გამოსვლისას, წყვდიადი შავბნელი კედელივით ეღობებოდა თვალს. ქარი აჟღარუნებდა მიწაზე დაყრილ მავთულებს. ჰყინავდა.

ალექსიმ ფეხის წვერით მოაფათურა ქვის განიერი კიბისთავი და სწელა ჩამოჰყვა საფეხურებს. ბრმა-ყრუსავით მოდიოდა. შავბნელი კედლის გარღვევა სხეულს სტკენდა. საფეთქლებს ჩაქუჩებით უმტვრევდნენ. ყურებში ძველი წისქვილის სარეკელას გაჰქონდა რაკარუკი: იქ-აქ! იქ-აქ! იქ — უკვლოდ მშთანთქავი ჭანჭრობი, აქ — განათებული დარბაზი. იქ — სასწაული, აქ — ჩემი ხალხი. ტიტყვო, ადამიანი არა ხარ? დააყე სარეკელა, ყურები მეტყინა...

მის ზურგსუკან შუქის ვიწრო ზოლი დაეცა კიბეს. შუქიანმა ზოლმა წყვდიადს ხაზი გაუსვა და გაქრა. დარბაზიდან ვიღაცა გამოვიდა. კიბეზე წამოეწია ალექსის, ბეჭებზე და მხრებზე შემოავლო მკლავები.

— ხატულა... — გაუხარდა ალექსის გაღელილი ჯუბაჩის ქვეშ, მკერდზე მიიკრა მისი ხელები.

კიბის ბოლო საფეხურზე ჩამოსხდნენ.

სიბნელეში ვიღაცამ ვიღაცას გასძახა. მერე ჯიბის ფანარი აინ-

თო. ჩაქრა, ისევე აინთო. მოედნის შორეული ელექტრობოძი დაილან-  
და. კაცი წრიაპების ჩხარაჩხურით აღიოდა ბოძზე. ქარი ავლევდა  
მაზარის კალთას. მეორე კაცი ძირს იდგა. დროლადრო ფანრით ამუ-  
ქებდა ბოძს.

— მალე გაანათებენ, — თქვა ხატულამ.

— ნეტა რამ ჩააქრო?

— ქარია.

— გცივა?

— არა.

— გაკანკალებს.

— უმწეო და მშიშარა ვარ...

მოედანზე და ქუჩის გასწვრივ ნათურები აციმციმდნენ. იციმცი-  
მეს, იციმციმეს და ისევე ჩაქრნენ.

— მალე გაანათებენ, — თქვა ხატულამ.

— გულადია ჩვენი აგრონომიო?

— ომი იყო, მე ვცდილობდი შენსავით ვყოფილიყავი...

მოედანზე და ქუჩის გასწვრივ ნათურებმა უფრო მეტ ხანს იციმ-  
ციმეს და ისევე ჩაქრნენ.

— ომი იყო. ახლა უმწეო და მშიშარა ვარ.

— რა გაშინებს, ხატო?!

— შენ აღარსად არ უნდა წახვიდე.

— სად უნდა წავიდე?

— ჩემთან უნდა იყო. არ მინდა „გულადი აგრონომობა“. მინდა  
ჩვეულებრივი ქალი ვიყო.

— შენ არა ხარ ჩვეულებრივი.

— უსათუოდ უნდა გეთქვა, თორემ ბოლმა დაგახრჩობდა...

ქარი აღექვისსი ჯუბარის კალთას ეკვეთა. ვერ წავლიჯა და დაჭი-  
მულ მავთულებს ეცა ზმუილით.

— შენ კარგად ილაპარაკე, — თქვა ხატულამ.

— ნუ ჰკანკალებ.

— უსათუოდ უნდა გეთქვა.

— ხატო მყავს და სანდრა მყავს, სხვა რაც იქნება იქნება.

— სანდრა და მე... ეს ცოტაა შენთვის.

— ეგ ყველაფერია ჩემთვის... სხვა რაღა მინდა?

მოედანი განათდა. ქუჩაც განათდა. იმ ქუჩის იქით კი ისევე ბნე-  
ლოდა. დაჭიმულ მავთულებში ქარი გაასპიტებულნი წიოდა. ბოძი-

დან წრიაპების ჩხარანსურით და ვინებით კაცი ჩამოვიდა. ქარი აგ-  
ლეჯდა მაზარის კალთებს. მეორემ მიწაზე გაშლილი იარაღი ხის  
ყუთში ჩაალავა და ყუთი განიერი თასმით მხარზე გადაიკიდა. ორი-  
ვემ რაიკომის შენობას გამოსედა.

— ეგ ლამის ყვავები გათენებამდე ითათბირებენ, — თქვა ერთმა.

— რა ეჩქარებათ, სვალაც ამ თვისაა, — გაიცინა მეორემ.

— ეჰ, რამდენი ელექტრონი იწვება ტყუილებრალოდ?!

— შენ ელექტრონი გენანება და, ემაგ თათბირებისაგან გულ-  
ვარდს ტვინი საჯღომში გაჰპარვიაო!

— ხმა ჩაიწყვიტე, ჯო, ემანდ სათაბალას არ ვადამკიდო! — გაუწყ-  
ყრა მას ამხანავი.

ლაპარაკით ჩაიარეს. ახლა შორეული ქუჩიდან მოისმა წრიაპე-  
ბის ჩხარანსური.

— მეწისქვილე ტიტიკო იცინოდა ხოლმე, ლამის ყვავი ვარო, —  
თქვა ალექსიმ.

— კარგი ხუმრობა იცოდა.

— მინდს სათითოთ იღებდა... დიტოს დაკარგვამ მოიღწო კაცი...

მოედნის ცალპირზე დაყენებულ მანქანებში ირმისის „მოსკვიჩი“  
მოძებნეს.

— გაიყინებოდა, — თქვა ალექსიმ.

— არა, წელან თბილი შალი მოვასხურე.

— ჭკვიანი ხარ, გულადი აგრონომიც და კარგი შოფერიც, — გაუ-  
ღიმა ალექსიმ.

სატულამ მანქანა გზაზე გამოიყვანა. გაიარეს შუქიანი ქუჩები,  
მერე ბნელი. მერე დარიანი გათავდა. შარაზე გავიდნენ.

— მე და სანდრა — ცოტაა შენთვის. ვაზიც გჭირდება, ხალხიც,  
ოცნებაც, სისარულიც...

— სანამ თქვენა სართ, ვაზიც იქნება, და სისარულიც...

— ჩვენ რომ აღარ ვიქნებით?

— სხვა ალექსი იქნება, სხვა ხატო და სანდრა ეყოლება...

— კარგადა სთქვი ყველაფერი. უსათუოდ უნდა გეთქვა.

— არ იციან, ნენი მიწა გაშრება, ვაზი რომ ააგლიჯო...

მანქანის ფარებმა გზაზე გამოსული შველი დააბნიეს. დაფეთე-  
ბული მიხტოდა შუქის ზოლში. სატულამ ფარები ჩააქრო. შველმა  
თავს უშველა; გაიქცა.

— სანდრას ცალფეხზე უყვარს ხტომა, — თქვა ალექსიმ.

— დაილოცოს ლევანის ჩამოსვლის საათი. ლიზა ეხლა ორივეს უმღერის იაენანას.

— ორივეს ერთნაირად უყვარს ლიზას იაენანა.

ირმისხვევი მშვიდად ფშვინავდა. ხილმა ფარების შუქზე ორნამენტების პრიალით გაისრიალა მანქანის ბორბლებქვეშ.

ირმისელებსაც ეძინათ.

— იზრდება ჩვენი ირმისი, — თქვა ალექსიმ.

— ჩვენი სახლიც გაიზარდა, სახურავილა აკლია.

— ლამაზი გამოდის.

— სანდრა ამბობს, სანდრა-პაპას ქოხი უფრო ლამაზიაო.

— სანდრა-პაპას ქოხში ისევ მეზვრე იცხოვრებს.

ტოტებგაფარჩხული ნაძვი გამოჩნდა. მანქანიდან ვადმოვიდნენ.

„ხმელი ყინვაა“, — გაიფიქრა ალექსიმ.

„გათოშილი მოვედი პირველად ამ ნაძვთან“, — მოაგონდა ხატოს.

„ხატო რომ მოვიდა, იმ ღამეს თოვლი ათეთრებდა აქაურობას“, — გაიფიქრა ალექსიმ.

„ამ კერამ მიმიღო და გამათბო“, — გაჰყვა თავის მოგონებას ხატულა.

„იმ დღეს ვეება ჯირკი მოვათრიე შინ, მთელი ღამე მღეროდა ცეცხლი ბუხარში“, — ხედავდა იმ სურათს ალექსი.

— ალექსი, ერთ საიდუმლოს გაგიმხელ, გინდა? — ჩუმად ჩაიცი-ნა ხატულამ. — შენ არ გეხსომება. მე რომ მოვედი, იმ ღამეს ბუხარში ვეება ჯირკი იწვოდა. მე იმ ჯირკიდან ნაკვერჩხალი შევინახე და ჩავუთქვი. იცი, რა ჩავუთქვი?

„ჩემისთანა ბედნიერი კაცი მეორე არ იქნება ქვეყანაზე“, — გაიფიქრა ალექსიმ. მკერდის მარცხენა მსარეს ხანჯლის წვერივით დაესო ტკივილი.

— თუ ამ ნაკვერჩხალს შევინახავ, ბედნიერი ვიქნები-მეთქი, — ისევ ჩუმი სიცილით განაგრძობდა ხატულა.

ის აუწერელი ტკივილი მკერდიდან ბეჭს ეხეთქა, სუნთქვა შეუკრა, დაამუნჯა კაცი.

— მერე, ომში რომ წახვედი, ჩავუთქვი: თუ ამ ნაკვერჩხალს შევინახავ, შინ მშვიდობით დაბრუნდება-მეთქი...

ქმრის ალერსიანი ხელი უცებ მოდუნდა ხატულას მაჯაზე.

— უყურე საკვამურს, ბუხარში ეხლაც ის ცეცხლი ანთია! — იცი-

ნოდა ხატულა. ცერებზე აიწია, ალექსის დახუჭულ თვალებს შეხედა, ხელი შუბლზე დაადო და ჩასჩურჩულა: — ლექსო...

„ალბათ, ასე კვდება ბედნიერი ადამიანი, — გაუელვა ფიქრმა ალექსის. — ჩემისთანა ბედნიერი სხვა არ იქნება ქვეყანაზე, არასდროს არ მითქვამს ხმამალა. ესლა ვეტყვი...“

ლაპარაკი ისევ არ შეეძლო, ხმა არა აქონდა. ხატულა ტუჩების მოპრაობაზე მიუხვდა სათქმელს, და უცებვე მიხვდა, რატომ არ იღებდა ხმას ალექსი. შეშინებულმა დაიყვირა:

— ალექსი!

იქნებ ამ საოცარმა დაყვირებამ, იქნებ ნაძვში გახლართული ქარის ზმუკუნმა, ან იქნებ ქოხის ზღურბლზე გამოსული ლევანის გამოსმიანებამ დააფრთხო ტკივილი. უეცრად აჩენილი, უეცრადვე გაქრა. სრულიად გაქრა, თითქოს ბეჭიდან დასაძვრენს მიაგნო. ალექსიმ სული მოითქვა.

— მართლაც მშობარა ჰყოფილხარ, ხატო... — უთხრა ჩუმად. სისუსტესთან ერთად უხერხულობაც იგრნო, თითქოს მოატყუა სიკვდილმა, მოატყუა, რომ სიყვარულზე აელაპარაკებინა.

— ჭირსაც წაუღია ყველაფერი — ცრემლები ჩაელვარა ხმაში ხატულას, — შენ თავს შეაკლავ და ვაზიც ოხრად დარჩება!

— სანდრას ჩემზე მეტად უყვარს ვაზი, არ შეგიმჩნევია? — გაუღიმა ალექსიმ.

#### თაღის მთა

...ჩვეულებრივი დილა გათენდა. ცისფერ კაბადონს ცხრათვალა შუე დაეკიდა — ყინვით შეკრულ მიწას ვერ ათბობდა, თვალისმომჭრელად აელვარებდა მხოლოდ.

კარზე მომდგარი ახალწლის დასახვედრად ფაციფუცში მიიღია ის დღე.

მოსაღამოვდა. ლურჯად ჩამკვრივებულ ცაზე აციმციმებული ვარსკვლავები გუნდ-გუნდად შემოუსხდნენ ირმის ნახტომს.

დაღამდა. ხეებმა ხალიჩები დაფინეს დედამიწაზე.

ძველი და ახალი წლის მესაზღვრესავით უვლის ირმისს ალექსი. ქუჩებში არავინაა. ჰაერში ატეკვებულა საკვამურებიდან ასული ბოლი. თბილა იმ სახლებში. სინათლეა იმ სახლებში. საახალწლო მზა-

ღება. გააცილებენ სრულად ვალმოხდილ ორმოცდამეთერთმეტე წელს. დაუსვდებიან იმედებით კალთასავსე ახალ წელს. ვის რას დააკლებენ გულღვარპლიანი არსებანი? აფსუსია, ღვთიშობლის ნაკურთხ მიწას სტკეპნიან. მაინც მოელება ბოლო მათ თვითნებობას. მისწვლება ხალხის ხმა, სადაც საჭიროა. მოიცლიან დარბაზის რაიონისთვისაც. გაასწორებენ გამრუდებულს. უსათუოდ გაასწორებენ...

აი, ნაძვიც და განათებული სარკმელიც. საკვამური ნაპერწყლებით სუნთქავს, აუუ, როდინდელი ნაკვერჩხლის შთამომავალი არიან ეს ნაპერწყლები! აქედან ახალ სახლშიც შეიტანს ხატულა და შეინახავს გაღვივებულ ნაკვერჩხალს. ახალწელი დალოცავს მათ ახალ ჭერს. ახალ სახლში აინთება სანდრას ნაძვის ხე!..

— ჰეი, ძმაკაცო, არა გძინავს? — ვითომ უკვირს შინ შესულ ალექსის, ვითომ არ იცის, რომ „ძმაკაცი“ არ დაიძინებს, ვიდრე მამა ტკბილ ძილს არ უსურვებს.

— რა წემი ბრალია, ვოგობმა გაიძვირეს საქმე — თავს იმართლებს სანდრა. — დოდანთ ნატუკას დათუნიათ ბიჭებმა თათები დააგლოჯეს და ნატუკას ღრიალმა მთელი ირმისი აიკლო, ძლივს დავაწუმე, დავპირდი, გაგიკეთებ-მეთქი, ჰოდა, ვაკეთე, ვაკეთე და ვერ ვავაკეთე, დედამაც ვერ გააკეთა!..

— უხეირო დასტაქრები ჰყოფილხართ ორივენი! — იცინის ალექსი და დათუნიათ მკურნალობას იწყებს. კარგა ხანს უნდება ამ სათუთ საქმეს და — თეთრი ხავერდის დათუნია სრულიად ჯანსაღი გამოდის „საავადმყოფოდან“.

გახარებული სანდრა ცალ ფეხზე ხტის და ბზრიალსავით ტრიალებს. ალექსი დარწმუნებულია, რომ ქვეყანაზე ვერცერთი ბიჭი ასე ვერ იტრიალებს ცალ ფეხზე!

მერე სანდრას თავის ოთახში მიჰყავს მამა. ჩაცუცქული სინჯავენ იატაკზე დახვავებულ ნაძვის მოსართავს და საჩუქრებს. სანდრა ღელავს. 31 დეკემბერს ახალ სახლში მასთან მთელი კლასი მოვა. აჩიკო ხელაშვილიც ჩამოვა მუხიანიდან. ნაძვს აანთებენ, მერე ყველა მიიღებს საჩუქარს. სანდრა ღელავს, ვაითუ, ყველას არ ეყოს საჩუქარი!

— ადამიანო, რამდენნი ხართ კლასში? ოცდათორმეტი, არა? ჰოდა, რა გაღელვებს, აქ იმდენია, მთელ ასეულს ეყოფა! — ამშვიდებს მამა სანდრას, — არ შეიძლება ეს მელია-კუდიგობელია მე ვაჩუქო დოდანთ ნატუკას? შეიძლება? მადლობთ, დიდი მადლობა!

— ჩვენი პირობა ხო არ დაგავიწყდა? — ეკითხება სანდრა.

— პირობის დავიწყება შეიძლება? როგორც დავთვეით, ისე იქნება: კეჟერაზე პურის ალება რომ დაიწყება, შენც შენი კომბაინით გამოსვალ.

— ხო ნამდვილი კომბაინი იქნება?

— აბა, როგორა? ზოგიერთი ნაწილები უკვე შევუკვეთე, შენი კომბაინი ნამდვილზე ძნელი გასაკეთებელია.

— აჰა, წამოგცდა! ჩანს, ჩემი კომბაინი არ იქნება ნამდვილი!

— დაიცა, კაცო, არ წამაქციო! ნამდვილი იქნება-მეთქი, ხოლოთ სერიულა, სტანდარტული კი არა, როგორსაც ქარხნები აკეთებენ, სხვანაირი, სხვა ყალიბისა იქნება, არ გესმის?

— თავიდანვე ეგრე გასაგებად უნდა გეთქვა — ისევე ხტის სანდრა და ბზრიალასავით ტრიალებს ცალ ფეხზე.

— აბა, გეყოთ! — დაუცაცხანა ქმარსა და შვილს ხატულამ, — რა ამბავია, შუალამე წამოვიდა, ზოგს ძილი დაუგვიანდა, ზოგს საქმე! მე ვის ვეუბნები? სანდრა, ალექსი, მორჩით-მეთქი!..

...და გული არავის უგრძნობდა, რომ მიმავალი წლის იმ ხალისიან დღეს, იმ სასიამოვნო ფუსფუსში შემოღამებას საოცარი ამბავი მოჰყვებოდა.

საღამოს რვა საათზე, დარიანის რაიონის ოპერწმუნებულმა რაფიელ ბრეგაძემ გულვარდიშვილის კაბინეტის კარი შეიკეტა, დაბარებულნი ბეჯითად შეათვალიერა და მდივანს უთხრა:

— ილარიონიჩ, გახსენი თათბირი, ოღონდ მოკლედ!

იმ თრის მეტმა ჯერ არავინ იცოდა, რისთვის იყვნენ დაბარებული, ხედავდნენ კი — მდივნის კაბინეტში ახლა პრეგაძე უფროსობდა და პროკოფი გულვარდიშვილი აშკარა მზაობით ემორჩილებოდა მას.

— ამხანაგებო, დღეს აქ მოგიწვიეთ განსაკუთრებული ნდობით აღჭურვილი პირები, რომ გაუწყობთ ფრიად მნიშვნელოვანი ამბავი, — დაზეპირებულებით დაიწყო გულვარდიშვილმა, — ზემდგომი ორგანოების მითითებით, ამ ისტორიულ ღამეს ხდება საბჭოთა რესპუბლიკების გაწმენდა სოციალისტური საზოგადოების ყოველგვარი ხორცმეტისაგან, კომუნიზმის მშენებლობის ხელისშემშლელ პირე-



ბისაგან, ლენინ-სტალინის ღიადი პარტიისა და მთავრობის მოწინააღმდეგე ელემენტებისაგან, აგრეთვე ფაშისტებთან ტყვედნამყოფი, კაპიტალისტურ სამყაროში მცხოვრებ ნათესავეებთან ურთიერთობის მქონე, და საერთოდ, ყველა საეჭვო ელემენტებისაგან. ეს საგანგებო ღონისძიება ტარდება ჩვენს რესპუბლიკაშიც და, მაშასადამე, ჩვენს რაიონშიც. ამ ისტორიულ, დიდად საპატიო საქმეში მონაწილეობისათვის მოგიწვიეთ თქვენ, რაიონის ყველაზე მოწინავე, მაღალი იდეური შეგნების მქონე, ჩვენი განსაკუთრებული ნდობით აღჭურვილი ამხანაგები. ესლა კი ინფორმაციისათვის სიტყვა ეძლევა ამხანაგ რაფიელ ბრეგაძეს.

ბრეგაძემ პირდაპირ საქმეზე დაიწყო ლაპარაკი:

— აქ დამსწრე ამხანაგებიდან, ჩვენ, ამხანაგ პროკოფთან ერთად, შევადგინეთ ჯგუფები, რომელთაც ევალებათ აღნიშნული ღონისძიების ოპერატიული განხორციელება. სიებში მოხსენებული პირები ოჯახებიანად სტოვებენ აქაურობას და ამიტომ, ნება ეძლევათ თან წაიღონ თავისთვის საჭირო საოჯახო ნივთები! ყოველ ჯგუფს დასახმარებლად ეძლევა ორი სალდათი და ერთი სატვირთო მანქანა. უნდა იმოქმედოთ სწრაფად და უხმაუროდ, დაცული უნდა იყოს სრული სიმშვიდე, რათა არ იქნას დარღვეული დანარჩენი მშრომელების ძილი და მოსვენება. ოპერაცია უნდა დასრულდეს ორ საათში. ზუსტად თორმეტისთვის მანქანები უნდა იყვნენ გურჯაანის გადასახვევთან, საიდანაც ჩვენი კოლონა წავა სადგურისკენ. შეკითხვები არის?

— სად მიდინ? — დაარღვია ვიდაცამ სამარისებური სიჩუმე.

— ეგ ჩვენ არ გვეხება! — მოსჭრა ბრეგაძემ. — მგონია, ყველაფერი გასაგებია. ესლა კონკრეტულად გეტყვით, რომელი ჯგუფი საით მიდის და საიასაც ჩაგაბარებთ. ილარიონიჩ, შევუდგეთ საქმეს!

„სადა ვარ? რა ხდება? მე აქ რა მინდა?“ — თავი სიზმარში ეგონა ვაჟა კვერინჯაძეს. რაც გაიგონა, რასაც ხედავდა — კომმარნი ეგონა, ვერ დაეჯერებინა, რომ ეს სინამდვილეში ხდებოდა, რომ თვითონაც ამ კომმარის მონაწილეა, რომ ცხადად ესმის გულვარდიშვილის სიტყვები:

— ჩემო ვაჟა, შენ მუხიანში მიდიხარ. შენთან გარაყანიძე წამოვა, ვასილა ენერგიული კაცია, კარგად დაგეხმარება. წადით, წარმატებას გისურვებ! — სია შეაჩეჩა გაოგნებულ ვაჟას და მაღალაშვილს მიუბრუნდა.

„თავზე გადავასხვე ამ სიას! — ვადადგა ნაბიჯი ვაჟამ და უცებ მო-  
ეგო კონს. — არა! უნდა წავიდე. უსათუოდ უნდა წავიდე მუხიანში.  
ვარაყანიძის მარტო გაშვება არ შეიძლება. პროვოკაციას მოაწყობს,  
გაახლებს ხალხს, უბედურებას დაატრიალებს. უნდა წავიდე. ნიკოს-  
თან მე უნდა წავიდე. ნიკო გამიგებს. უნდა წავიდე!“ — არწმუნებდა,  
უბრძანებდა თავის თავს, მაგრამ ადგილიდან ვერ იძროდა.

— სარდიონ, რაღას იგვიანებ? — შეუყვირა მდივანმა, მაღალაშ-  
ვილს, — მოჰკიდე ხელი შენს მეწყვილეს და გზას ბარაქა დააყარეთ!

— „გზას ბარაქა დააყარეთ,“ — ჩაიბურტყუნა მაღალაშვილმა, —  
ავად არის ის კაცი, ვერ უყურებ? გზაში ეგაც ჩემი თავშისახლეელი  
ვახდება.

— ავად კი არა! მაგის ფიქრი ნუ გაქვს, ნამეტანი მაღალი მატე-  
რიებით რომ უწურთავს ტვინს მოწაფეებს, რეალური ცხოვრების ნა-  
ხვა არ აწყენს, პირიქით, წამლად შეერგება! — გაამხნევა მდივანმა  
სარდიონი და ახლა მის მეწყვილეს, საშუალო სკოლის ახალგაზრ-  
და დირექტორს და ისტორიის მასწავლებელს, ვანტანგ მუმლაძეს  
მიუბრუნდა: — რა დაგემართა, ავადა ხარ?

— შაკიკი მკლავს, — თითქოს ხავსს ჩაეჭვიდაო მუმლაძე.

— ვაჟკაცს შაკიკი რას დაგაკლებს? კირიანი არც ისე შორაა. სა-  
რდიონმა კარგად იცის იქაური ასავალ-დასავალი, ხელათ მოუვლით  
საქმეს, აბა, ყოჩაღად, ეზა მშვიდობისა!

— მაშ, გავუდგეთ გზას! — უთხრა მაღალაშვილმა მუმლაძეს:

კარისკენ წასულ სკოლის დირექტორს ზურგიც კი უცანცაზებდა.  
ვაჟა ძლივს მოერია სურვილს ეყვირა. ტუჩს კბილი დააჭირა და  
მიიხედ-მოიხედა. კაბინეტი თითქმის დაცარიელებულიყო. „წახულან  
ჩემსავით „ნდობით აღჭურვილი პირები“, წუნკალი გულვარდის  
მიერ ერთი ყულფით ჩამოსახრჩობად დაბარებულნი...“ — გაიფიქრა  
და ნატყვიარი ფეხის თრევით წასული კარისკენ, უცებ გავარდა გა-  
რეთ.

— აბა, ეხლა კი ჩვენც წავედით, — უთხრა ბრეგაძემ ჯიბო ჭიმიან-  
შვილს და წამოდგა. — ილარიონიჩ, შენ აქ იყავი, ამ დავიდარაბას  
რომ მოვრჩებით, მოვალ...

...სანდრას სძინავს.

ბუსარში ცეცხლი გიზგიზებს.

მაგიდაზე სტამბური ანაბეჭდებია გაშლილი. წაკითხული და გა-

სწორებულ სტატია „საკონიაკე ვაზის ჯიშების გამორჩევა-მოვლა“  
საჩქაროდ უნდა დაუბრუნდეს თბილისის სტამბას. ფინჯნებში დას-  
მულ მაგარ ჩაის ორთქლი ასდის.

— პირობები რომ გვქონოდა, ჩვენი კონიაკი მსოფლიოში ერთ-  
ერთ პირველ ადგილზე გამოვიდოდა — სმამალა იოცნება ხატულამ.

— ჰო, დიახ, ჩვენი გულუარდი დღელამ მაგისთანა სიკეთეზე  
ზრუნავს, — ჩაიცინა ალექსიმ და წამოდგა, ღაღლილი წელი და ხელ-  
ფეხი ვაავარჯიშა.

— ძალიან ვთხოვ, ჩვენს ოცნებაში მაინც ნუ შემოვუშვებთ სა-  
ძაგელ ტიპებს... იაბლონკელი სერიოგა ალბათ მავასაც „შავ სალა-  
მანდრად“ მონათლავდა, არა? — გაიცინა ხატულამ.

— ნამდვილად, — დაუდასტურა ალექსიმ და წარმოიდგინა ვა-  
ზაფხულობით ანლა უკვე მოზრდილ, თეთრ-ვარდისფრად გადაპენ-  
ტილ ვაშლის ხეხილებში ჩაფლული იაბლონკა, რომანიუკების პა-  
ტარა სახლის სასურავზე დასკუპებული ბოლოქანქარა ყოყლიყოც კი  
დაინასა...

— ოი, ალექსი, არ გესმის? ჩვენ სახლთან მანქანა გაჩერდა,  
სტუმრები გვეწვივნენ!

ალექსიმ საკინძე შეიკრა და კარი გამოაღო. მობრძანდით ვერ  
მოასწრო ეთქვა, ოთახში რაფიელ ბრეგაძე და ჯიბო ჭიმიაშვილი  
შემოვიდნენ, კართან თოფიანი ჯარისკაცი დააყენეს.

ალექსიმ უკან დაიხია.

— რა მოხდა? — უცებ ჩახლენილი ხმით იკითხა მიტკალივით ვა-  
თეთრებულმა ხატულამ.

— გაეცანით ამას, — ცივი თავაზით თქვა ბრეგაძემ და რალაცა  
ქაღალდი გაუწოდა ალექსის.

ხატულამ ქმართან ერთად წაიკითხა „მოწერილობა“. წაკითხუ-  
ლის მნიშვნელობას მხოლოდ მაშინ მიხვდა, როცა მთელი არსებით  
იგრძნო ალექსის მძაფრი გულისცემა, იგრძნო, როგორ ცდილობდა  
ის მორეოდა, დაეფარა, არ გაემხილა თავისი აზვირთება, და მიეშ-  
ველა, გრილი ხელი დაადო ხელზე, რომელზეც ძარღვები ისე ამო-  
ბურცულიყვნენ, თითქოს ეს-ესაა დასკდებიანო.

ჯიბომ ჯიბის მოზრდილი საათი დადო მაგიდაზე.

— ოცდაათი წუთი გაქვთ, მოემზადეთ, რაც გინდათ, შეგიძლიათ  
წაიდოთ თან, გარეთ მანქანა დგას, — დააყოლა თან.

ბრეგაძე მაგიდიდან წამოკრეფილ ანაბეჭდებს დაუდევრად სტენიდა თავის პორტფელში.

ჯარისკაცი სარგადაყლაპულივით იდგა კართან.

— ღროს ნუ კარგავთ, მოემზადეთ! — ბრძანა ბრეგაძემ და ახლა, თაროებზე დალაგებული წიგნების ქექვას შეუდგა.

უძრავად მდგომი ცოლ-ქმარი მაგიდაზე დადებულ საათს დასწერებოდა. ორივეს ეჩვენებოდა, რომ საათის სიმძიმეს მაგიდა ჩაეზნის და წამის მანვენებელი ისარი ციებცხელებიანივით ძიგძიგებდა.

„ნეტა, სად შეინახა ლიზამ სანდრას თბილი წინდები?“ — გაეფიქრა უცებ ხატულას და ამაზე ფიქრს ველარ დააღწია თავი, ნელა მოშორდა ალექსის და ტახტზე ჩამოჯდა.

ალექსიმ თვალი მოსწყვიტა საათის ისარს და ხატულასთან მივიდა.

— მოვემზადოთ, — უთხრა ხმადაბლა და დამნაშავესავით დახარა მის წინაშე თავი.

— წინდები? — გათეთრებული ტუნებით ჰკითხა ხატულამ და გაფართოებული, გამშრალი თვალებით მიაშტერდა ბრეგაძეს.

— „ჰოო, კი ჩაიწვებოდა მელითაური, მეგონა, მატყუებს-მეთქი ილარიონიჩი“, — გაივლო გუნებაში ბრეგაძემ, თვალი აარიდა ხატულას და სანდრას ოთახისაკენ გაემართა.

ალექსი განიერი ნაბიჯით დაეწია.

— ბავშვს არ შეეშინდეს, — უთხრა მშვიდად და თვითონ შეუძლვა, მიეხმარა სათამაშოების, ნაძვის მოსართავეების ჩხრეკაში.

შუაკარმი ჩამდგარი ჯიბო კისერწაგრძელებული უყურებდა მათ.

— მოემზადეთ, — ჩუმად უთხრა ხატულას შემოსასვლელში მდგომმა ჯარისკაცმა.

— რისთვის? — უაზროდ ჰკითხა ხატულამ.

— ყველგან ზამთარია, სათბილობლები იქნება საჭირო.

— აჰ, სათბილობლები?! — გაიცინა ხატულამ.

და ისეთი უადგილო იყო ის გაცინება, ისეთი შეუფერებელი იყო ქალის გამშრალ, უცებ ამოღამებულ თვალებთან, რომ ჯარისკაცმა კონდახით იატაკზე დაბჯენილ თოფის ლულას დააყრდნო თავი, მაგრამ მყისვე სმენაზე გაიჭიმა — ჯიბომ გამოიხედა და მაგიდაზე დადებული საათი აიღო.

— ამხანაგო რაფიელ, ათი წუთიდა დარჩა, — უთხრა „ნადავლით“ გამოსულ ბრეგაძეს.

თეთრი ხავერდის დათუნის გაფატრული მუცლიდან იატაკზე ნახერხი იპნეოდა.

— მოქალაქე რჩეულიშვილო, აი რა: — დათუნია დააგდო და ფეხებგანაჩხული, ზურგით დადგა ბუხართან ბრეგაძე. — მიუსვლავად თქვენი დიდი დანაშაულისა პარტიის, ხელისუფლების, საქართველოს საამაყო შვილის წინაშე, თქვენს მიმართ ფრიად რბილი და ჰუმანური გადაწყვეტილება იქნა მიღებული. იმედია, თქვენ ამას სათანადოდ შეაფასებთ და, სადაც უნდა იყოთ, ეცდებით შემდგომი საქმიანობით გამოისყიდოთ თქვენი დანაშაული. გამონაკლისის სახით, თქვენ გეძლევათ უფლება ცოლ-შვილი აქ დატოვოთ!

— არა! — დაიყვირა ხატულამ.

— ჩუმად! — უბრძანა ცოლს ალექსიმ, როგორც ზემდეგი უბრძანებდა თავის ოცეულს. — ვისარგებლოთ „ჰუმანურობით“. შენ აქ დარჩები!.. — და მერე სრულიად უმეტყველო სახით, ხმით, საეხებით მშვიდად, შეურაცხმყოფელი გულგრილობით ჰკითხა ბრეგაძეს:

— მე არ გამაცნობთ ჩემს დანაშაულს?

— როგორ არა! — ველარ მითმინა ჩაურევლობა უფროსების გაჭირვების ტალკეესმა, ჯიბო ჭიმიამვილმა: — ჩვენი სოციალისტური საზოგადოება უნდა გაიწმინდოს კომუნიზმის მშენებლობის ყველა ხელისშემშლელ ელემენტებისაგან, ჩვენი დიადი ლენინ-სტალინის პარტიისა და...

— გეყო! — შეაწყვეტინა ბრეგაძემ აშკარა უადგილო ყბედობა ჯიბოს და მერე ალექსის მიმართა: — თქვენს დანაშაულს სათანადო ინსტანციაში გაეცნობით...

ალექსიმ იატაკზე დაგდებული ჩანთა აიღო. პირსახოცი. საპონი. კბილის ჯაგრისი. ერთი ხელი საცვალი. მეტს რას მოიფიქრებს გონება ამ განშორების ჟამს? რა იცის, რა დასჭირდება გზაზე, რომლის არც სიგრძე იცის, არც დასასრული...

ჩანთა დახურა და თითქოს ოთანში არავინ იყო, გახვეებულ ხატულას ბავშვივით მოჰკიდა ხელი, სანდრასთან შეიყვანა.

გულგაღელილ ბიჭს მშვიდად ეძინა.

ალექსიმ ზემდეგად ველარ ივარგა. ხმასაც ველარ დაუფულა.

— გონს მოდი, ხატო, რამ წაგასდინა? ყველაფერი გაირკვევა. მთავარია, შენ აქა რჩები. სანდრას გაუფრთხილდი. ცრემლს ნუ ანახვებ, გულს ნუ გაუბოროტებ, ამას გთხოვ, ჩემო ხატო, გთხოვ, გავალებ...

ხატულას გაუსაძლისდა მისი თვალების, მისი ხმის ატანა.

— გაიღვიძებს და რა ვუთხრა? — ჰკითხა თავდახრილმა.

— გათენება ვიკარნახებს. გონიერი ბიჭია, ზოგს თითონაც მიხვდება... — შეისვენა და მერე ჩასჩურჩულა: — დღლითვე ნახე ნიკო ხელაშვილი, ირმისელებს ურჩიოს, ნატაძარი შეიერთონ, მაშინ ვაჟას დატოვებენ თავმჯდომარედ. ნუ სტირი, ხატო, ისევ ჩაუთქვი ნაკვერჩხალს და მალე დავბრუნდები. მალე ვნახავთ, მალე, ხატო...

ალექსიმ ჩანთა აიღო და გასასვლელისკენ წავიდა.

— ლოგინი? — ჰკითხა ჯარისკაცმა.

— ძმობილო, სად ვინახავს სალაშქროდ მიმავალი ჯარისკაცი ლოგინს დაათრევდეს თან?! — უთხრა ალექსიმ და სწრაფად გავიდა ოთახიდან.

— მეზობლებს ნუ მოუშლით დასვენებას, ამაღამ ნუ შეაწუხებთ, — თავაზიანი ურცხვობით გააფრთხილა ბრეგაძემ ხატულა.

...მანქანის ხმაური მინელდა, მინელდა, მინელდა, მისწყდა... გზა, სახლები, ხეები, ცა, ყვლაფერი შთანთქა წყვდიადმა. მხოლოდ წყვდიადი იყო — დაცლილი, ცარიელი წყვდიადი. სხვა არაფერი. და უცებ იმ შავ არაფერში, იქ სადაც ნაძვი უნდა მდგარიყო, ვეებერთელა უჩრხული აღიმართა. ბანჯგვლიან სახეზე ცალი თვალი უბრიალებდა. მკლავებგამშლილი ნელა წამოვიდა ქოხისკენ.

ხატულას სისხლის ნაცვლად ყინულმა დაუარა ძარღვებში. „არ შეგიშვებ, ამ კარს იქით ჩემი შვილია, სანდრაა იქ!“ — დაიყვირა უხმოდ და მოახლოებულ უჩრხულს ხვადის ბრჭყალებადაქცეული, სახსრებნარკინებული ხელები შეაგება...

ურჩხულს თვალი აუკიაფდა, მოსწყდა, წყვდიადი გაარღვია და გაქრა. მის ნაკვალევზე დაინახა ხატულამ: საიდანაც უჩრხული წამოვიდა, იქ ნაძვი იდგა, ვეება, კეთილი მეგობარი, ალექსის და ხატულას ერთადერთი მამარი, სანდრას აკვნის უნაცვლებელი დარაჯი.

— აი სანდრა! — თქვა ხატულამ, შინ რომ შევიდა, და უაზროდ დააშტერდა მძინარე ბიჭს. მოეჩვენა, რომ საწოლიდან რბილი და მსუბუქი ტალღები იღვრებოდნენ. გაუკვირდა, რომ პატარა საწოლიდან ტალღები იღვრებოდნენ, იღვრებოდნენ და მისკენ მოისწრაფოდნენ, ესვეოდნენ, ელამუნებოდნენ, თითების, მაჯების, მხრების ტეხვას უამებდნენ, და იმ მსუბუქმა რბილმა ტალღებმა არაფრის გარკვევა აღარ აცალეს, ჩაიხვიეს, ჩაიძირეს და ფრთხილად დაარწიეს...

მელითაურს თავისი სახლის პატრონი ვაფრთხილებული ჰყავდა, თუნდ შინ ვიყო, ვინც უნდა მიკიიხოს, უთხარი, შინ არ არი და არ ვიცა, სად არის-თქო. მშვიდი და მოკრძალებული მოხუცი დემეტრე აქამდე პირნათლად ასრულებდა თვალ-გულთან მისული, კეთილი და ხელგაშლილი მდგმურის დავალებას, იმ დაღამებისას კი, ჩანს, აღელვებისაგან გაკანდიერებული შეიჭრა მის ოთახში.

— დღეს მთელი დღე შინ რამ დაგსვა? ბარე ათჯერ ვიკითხეს რაიკომიდან, რატო არ გაიხედავ, არ ვაიგებ, რა ხდება!

— ვითომ რა უნდა ხდებოდეს ამ ჩვენ „სატასტო“ ქალაქში? — ჩაიცინა მელითაურმა და წიგნი გადადო, მოხუცის უჩვეულო ქცევით გაკვირვება არ შეიმჩნია. — მაინც რა, ძია დემეტრე, რა ხდებაო?

— რაღაცა ჯანდაბის ჯგუფები დაუგზავნიათ სოფლებში, ჩვენ პარპაშა რაზონიკებს ხალხის აყრა დაუპირებიათ... — თვალები ცრემლით ევსებოდა მოხუცს.

— დაიცა, დაიცა! — თქვა რამაზმა. მოაგონდა: იმ დღეებში მდივანი არავის ღებულობდა, კაბინეტში ოპერწმუნებულთან ჩაკეტილი რაღაცას „ჩხირკედლაობსო“, გუშინ კი ნასვამმა სარდიონ მაღალაშვილმა წაუბჟუტურა, ხვალ მდივანი თავის სანდო ხალხს საიდუმლო თათბირზე დაგვპატიკებსო... დღეს სწორედ ამიტომ განმარტოვდა, გულვარდიშვილის დანახვა და მის შემაწუხებელ თათბირზე დასწრება ეზარებოდა, აა...

— ძია დემეტრე, დამშვიდდი, ტყუილი იქნება... — ნაღვლიანი მოფერებით მოუთათუნა მხარზე ხელი მოხუცს და სწრაფად გავიდა სახლიდან.

მან ჩვეულებრივად ყურთამდე შეაღო გულვარდიშვილის კაბინეტის კარი.

— სად დაჰქრიხარ, ეშმაკიც ვერ მოაგნებს ხოლმე შენს გზაკვალს! — რაღაცნაირი მხიარული საყვედურით შეეცება მდივანი.

— ქვემოთ ჭალებში ვიყავი სანადიროდ, — იცრუა მელითაურმა.

— უჩემოდ რომ გაიპარები ხოლმე, გგონია, სერი დაგეცრება? აი, ძალზე საინტერესო სიტუაციას გასცდი!

— უშენოდ როცა მივდივარ, ყოველთვის ხელცარიელი ვბრუნდები! — დროს იგებდა, თავს იმშვიდებდა მელითაური. — ჰო, მაინც რა იყო, რას გავცდი?

— რაფიელ ბრეგაძეს უნდოდა დამსწრეთ წაეყვანე.  
 — რაფოს ამილაში ყოფნაა „საინტერესო სიტუაცია“?  
 — კაცო, შენ ნუ ხარ დიდ-პატარის აბუნად ამგდები.  
 — რა ვქნა, ცულადა ვარ ვაზრდილი. სად მამაჩემთან მიდიოდა?  
 — ერთხან წავიდა, რჩეულიშვილთან წავიდა.  
 — ვინ რჩეულიშვილთან? — შეეკრა შუბლი მელითაურს.  
 — სსეა ვინ იქნება, გონჯაურასთან!  
 — გონჯაურასთან?.. — წყალს მისწვდა რამაზი, მაგრამ გაკვებულ  
 ჭიქა დაავიწყდა. ხმადაბლა თქვა:—არ მოასვენე ის ადამიანი, მა-  
 ინც გამოსდე სრკივი?

— ეხლა კარგად მოისვენებს და ჩვენც მოგვასვენებს!  
 „უნამუსო, ღორო პროკოფინა!“ — უნდოდა ეყვირა რამაზს და  
 ისეც ხმადაბლა ჰკითხა:

— ეც როგორა?

— როგორადა, ჭალებში კი არ უნდა გექრიალა, აქ უნდა ჰყოფი-  
 ლიყავი, გეცოდინებოდა, როგორა?! როგორადა, ზემდგომი ორგანო-  
 ების გადაწყვეტილებაა, ჩემო კარვო, რესპუბლიკა უნდა გაიწმინ-  
 დოს ყოველგვარი ხორცმეტისაგან, ტყვედ ნამყოფი, ეჭვმიტანილი,  
 ნღობაგატეხილი პირებისაგან. ჰოდა, მაგისთანები ჩვენ რაიონშიც  
 ბლომად არიან!

„უნამუსო, ღორო პროკოფინავ, ეს დღეები რაფოსთან ჩაკეტილი  
 ამაზე თათბირობდი? იმიტომ დამხვდი კარგ გუნებაზე? ბრეგაძეს  
 მელი რა მოეთხოვება, ეს მაგისი ხელობაა, მაგრამ შენ?.. დმერთო,  
 მომეც მოთმენა!..“

— საით უკრავთ თავს? — ჰკითხა, სული რომ მოითქვა.

— ჯანდაბამდე გზა ჰქონიათ, რა ვიცი?

რა თქმა უნდა, იცოდა, და რამაზს უნდა გაეგო ის, რაც გულვარ-  
 დიშვილმა იცოდა. განსჯის დაუსარჯავი უნარი მოიშველია, და რამ-  
 დენადაც შესძლო, აღუშფოთველად ჰკითხა:

— მარტო თითონ ხორცმეტები თუ... ოჯახებიც? — ჰკითხა და პა-  
 სუხის მოლოდინში წამი უსასრულო ეჩვენა, თვალები აეწვა, ყუ-  
 რებში წივილი აუტყდა. სული კბილითლა ეჭირა გულვარდიშვილის  
 ქირქილი რომ გაიგონა.

— შორიდან ნუ უკლი, ვიცი სადაც უკაკუნებ! დანარჩენები კი  
 ოჯახებით მიემგზავრებიან, ვონჯაურა კი... ვონჯაურამ თუნდ მთელ



ყინულოვან ოკეანეზე გააშენოს ვენახი, კარგი აგრონომი კი ჩვენ აქაც გვჭირდება! მადლობა თქვი, ბრეგაძე ძლივს დავიყოლიე!

რამაზი ბეწვის ხიდზე გამოვლილივით, ღონეგამოლეული მიესვენა სკამის საზურგეს. გაოფლილი საყელო შეიხსნა და თვალები დახუჭა. „ჩამოსასრჩობი ხარ, ღორო-პროკოფინა, მაგრამ თოკი აფსუსია შენთვის. ბოსელში ხარ დასამწყვდევი, პირუტყვი ხარ, ბოსელშია შენი ადგილსამყოფელი. ამ კაბინეტში რა გინდა? ვინ განდო? ვინ?..“

— ესლა იმ ოჯახის პატრონობა შენ მოგიწევს...— ისევ ჩაესმა რამაზს ვულვარდიშვილის ჩაქირქილება და ეელს მომდგარი ბოლვერისებური ღრენა უხიაკ ხორხოცად აქცია, მეტი კი ველარ შესძლო, წამოდგა.

— სხვა „ხორცმეტი“ ბევრი აღმოაჩინეთ? — ჰკითხა ხმაწასულმა.

— ეგ სტატისტიკა ბრეგაძეს მოჰკითხე! რა მოვდის ყმაწვილო, ეშხით მთვრალო, ფერი არ გადავს?

— იმ ტიალ ჭალებში კოლოებმა დამხრეს, მაციებს.

— ქინაქინს მოვცემ, გინდა? — მზრუნველობით შეეკითხა მღივანი.

— შინა მაქვს, მივალ და დავლევ.

— არაყიც დააყოლე და ჩაწეკი, ოფლი იდინე! მე კი აქ უნდა ვიჯდე ყველას მონა-მორჩილი, უნდა ვიცადო, ვიდრე მაცნობებენ, რომ ყველაფერმა მშვიდად და მშვიდობიანად ჩაიარა. მე არც ავად ყოფნის უფლება მაქვს, არც ნადირობისა, არც დასვენებისა... — გულვარდიშვილმა ველარ განაგრძო თავის მოუხვენარ მოღვაწეობაზე წუწუნი, შეამჩნია, რომ კარისკენ წასულ მელითაურს მუხლები ეკეცებოდა. — დაიცა, ვინმეს გამოგაყოლებ!

ზიზღი, უმწეობა, სასოწარკვეთილება ჰკვეთდა მუხლს მელითაურს, აღარ შეეძლო საბუღეველი ხმის გაგონება, ღონე მოიკრიბა და სწრაფად გავიდა გარეთ.

შინ მისული რამაზი ისე ცუდად გრძნობდა თავს, ეგონა, ყოველი ნერვი სათითაოდ აწყდებოდა. ოთახში თითქოს ვიღაცა იყო და ჩასჩინებდა: „ირმისში უნდა წახვიდე. ეგებ მოგატყუა იმ არაკაცმა, უნდა ნახო, დარწმუნდე, რომ სანდრა და ხატულაც არ გაუყენეს იმ უცნობელ გზას. ნუ აყოვნებ, გათენება თუ გისწრებს, ვინღა არ იცნობს შენ ტრედანას? იჩქარე, წადი!“

იმდენი უნიჩინა იმ ვილაცამ, რომ რამაზი ტასტიდან წამოიჭრა, მხრებზე ნაბადი მოიგდო, თავ-პირი ყაბალახით შეიბუღნა, წუთში შეკაზმულ ტრედანას მოახტა, ხელუკარებას გამეტებით გადაუჭირა მათრახი და ირმისისაკენ გააქროლა.

„თუ მომატყუა იმ არაკაცმა, რა ვქნა? — გაუელვებდა ხოლმე და ამ აზრით ვაგიჟებული, ტრედანასაც ავიჟებდა. დამთხვეულებივით მიიქროდნენ, სად ცხენი იყო, სად მხედარი — დღეც გაჭირდებოდა გარჩევა. ცხენის ზურგს გაკრული რამაზის სახეს უმოწყალოდ სერავდა ქროლვით აყრილი ფაფარი, მაგრამ მისი ტუჩები ვერ შორდებოდნენ ტრედანას კეფაზე მიტკეცილ ყურებს: — ჩქარა ვნახოთ, ტრედანავ! და თუ ბედმა გვიმტყუნა, თუ მოგვატყუა იმ არაკაცმა, თუ დავიგვიანეთ, მაშინ გადავვარდეთ საითმე, სადმე შორს, მთებში მოვიტეხოთ კისერი — ავი ფიქრი არავინ ჰკადროს იმ ხატულას, იმ სანდრას, ჩქარა, ჩქარა!..“

ირმისხვეს რომ გადააფრინდნენ, ცხენი ნარიყალაზე დატოვა და თვითონ სოფლისკენ გაიქცა. ქერდივით ღობე-ღობე აკრული მირბოდა მიყრუებული ქუჩებით და სიბნელეში უხმოლ, ხელებით იგერიებდა აქეთ-იქიდან ღრენით და ყეფით გამოვარდნილ ძაღლებს. კაცის ჭაჭანი და შუქის წერტილი არსად იყო. ჩანს „ოპერაცია“ სწრაფად და უხმაუროდ ჩაუტარებიათ. ღმერთო, თუ ხარ სადმე, რამ დაგაყრუა და რამ დავთხარა თვალები?!“

ნაძვს მიაღწია, ხის დაკლავნილ ფესვზე დაეცა, ქოხს დააკვირდა. დახურული დარაბიდან გამოპარული შუქის ზოლი წინდის ჩხირივით ევდო მიწაზე. საკვამური მქრქალად ბოლავდა.

„იქ არიან? სინათლე რად ანთია? რატომ არ ჩააქრეს? ელდამ დაავიწყათ? იქნებ სიჩქარეში დარჩათ ანთებული...“

ფანჯარასთან მისულს, თვალწინ დარაბა აეფარა. ყური მიუგდო, მაგრამ საკუთარი გულისცემის მეტი ვერაფერი გაიგონა. სიფრთხილემ კინადამ უღალატა და კარი რომ არ შეეღწეა, ხელი ჯიბეში ჩამალა. სახლს დაუარა და ავაზის მახვილი თვალით გაარჩია მიშენებული ოთახის კედელში, ჭერთან ახლო დატანებული სარკმელი.

ღობესთან მიღებულ აგურებს და კუნძებს მიაგნო, კედელთან მიათრია, ერთმანეთზე დაალაგა, ზედ შედგა და ხელებით მონრდილული სახე მინას ააკრა. წინა ოთახიდან გამოსულ შუქზე თანდათან გაარჩია: კედელთან პატარა საწოლი დგას... დაისვენა და მერე ცერებზე აიწია, კუნთები, სახსრები დაჭიმა, მთელი სხეული აზიდა,

და როგორც იქნა, დაინახა: საწოლში ბავშვს სძინავს, საწოლთან ღაგებულ ხალიჩაზე ქალი წევს... სატულა!..

დაღუწილი, მოღუნებული იჯდა კუნძზე და გრძელ გზას უჩვევი მისი ფიქრი უსასრულო გზას მოჰყვებოდა. გზა ამ ქოხიდან ძალიან შორს, ჯერ კიდევ ბავშვის გონების თვალსაწიერს შერჩენილ, თუშებით სავსე მამისეული სახლიდან, შენაქოში იწყებოდა და უსაშველოდ გრძელდებოდა იმიტომ, რომ ყოველ გზაჯვარედინიდან ისევ ამ ქოხს, სარკმლიდან დანახულ სურათს ებზინებოდა, ლამობდა ჩასწვდენოდა ძალას, რომელმაც ეს ქალი — დედა, საკუთარ ჭირქვეშ თავგანწირულ მცველად მიაგდო მძინარე შვილის საწოლთან...

ღამე გაბადდა. ფიქრის გზა კი ისევ დახლართული, გაუვალი იყო. როდემდე შეიძლებოდა სხვის სახლში ქურდულად მისული კაცის ჯდომა სალოცავადქცეულ სარკმლის ძირას?

აგურებისა და კუნძების ადგილზე მილაგებაამაც წაართვა დრო, და თეთრად ინათა, მელითაურმა გაქაფული ტრედანას აღვირი ძილდამფრთხალ დემეტრეს რომ შეაჩენა.

— მე შინ არა ვარ! — უთხა მოხუცს და თავის ოთახში შეიკეტა, ნაბდიან-ყაბალახიან-ჩექმებიანად მიეგდო ტასტზე.

სატულა უცებვე გამოეგო ისე უცებ დაუფლებულ ძილს. გათენდა? სანდრა იღიმის. აჰ, საათს ციებცხელება სჭირს. რას უღიმის სანდრა? გარეთ ჯერ ისევ ღამეა. „მეზობლებს ნუ შეაწუხებო!“

აწიწილ-ანგრეულ ოთახში მუცელგაფატრული დათუნია მოხვდა თვალში. ყუთით ნახერხი გამოიღო, ბუხართან დაჯდა და თავი არ აუწევია, სანამ „დაჭრილს“ უკანასკნელი ნაკერი არ დაადო.

„აკი დასტაქრად არ ვარგებულხართო?!“ — გაულიმა ქმარს და წამოდგა, დარაბა გამოაღო.

გათენებულა! გაგიჟდი, სატულა, ვართობის დროა? აქამდე არ უნდა გაგეგო, საით წაიყვანეს ის კაცი? ღამე არ შეაწუხე მეზობლები, მაგრამ გათავდა ღამე, ესლა შეიძლება ჰკითხო. ვის ვკითხო? რა ვკითხო? საით წაიყვანეს?.. ვინ მეტყვის? რა იციან? საით გაიტაცეს? ლევანს შევატყობინებ. წამომყვება. ხელათ დავბრუნდები. მოვასწრებ, ვიდრე სანდრას სძინავს, ვიდრე ძილში უღიმის მამას...

გარეთ ჰყინავს. ყველაფერს ჭირხლი მოსდებია. ჭირხლმოდებუ-ლი სიჩუმეა. ალექსის უყვარს ასეთი გათენება. იმ ჯუბაჩის ამარა

ზად წავიდა? სანდრას ეუბნებოდა: „უყურე, გათენებისას მთები ბროლისა ხდებიანო“. ეს პატარა მაიმუნიც აპყვება ხოლმე: დედი-ი, უყურე, ბროლის მთებზე მზის მზვერავები გამოჩნდნენო!.. ნაბადი მაინც წაელო. გუშინ ამ მერხზე ისხდნენ და სანდრას ეუბნებოდა: „ხედავ, მზე როგორი სიცილით ამოდის? იცი რა აცინებს? ადამიანები ერთმანეთის სამტროდ ათასნაირ იარაღს იგონებენ, მე კი გაჩენის დღიდან შუბოსნების ლეგიონებს ვგზავნი მიწაზე, ხალხს გული გაუთბონ და გაუსარონო“... საით წაიყვანეს? ოჰ, როგორ იწვიან მთები. ცასაც ცეცხლი ეკიდება. ხანძარია ცაში! ალექსი, ხომ არ გძინავს, ხედავ ამ გათენებას? ირმისელებო, რამ დაგაძინათ, ვერა ხედავთ, იწვის ცა?.. იქნებ არა სძინავთ, იქნებ ისინიც „მეზობლებს არ აწუხებენ“?! მაგრამ გათავდა ღამე, გაიღვიძეთ, მითხარით, სად წაიყვანეს ალექსი! ვისა კკითხო?..

ვილაცის მოთქმამ დააფრთხო სირუმე. იმ ხმამ ხატულას მეხსიერებაში ჩარჩენილ ბრეგადის ფუნჯულა ხელს და წერილად ჩამოწერილ სიას მიაგნო. სია აყვირდა, მათრახივით დაქკრა ხატულას.

და ხატულა გაიქცა.

მირბოდა, არსაით იხედებოდა. არც შაშვის სტვენა გაუგონია. ოზბეთელაანთ დაცარიელებული სახლის კარს კლიტეს ადებდა ტრაქტორის მიმბმელი ბიჭი მალხაზი. „სადაც უნდა დამიმალოთ, სულერთია, მოვძებნი...“ — დარდიანი შაშვივით სტვენს და სტვენს ბიჭი.

ხატულა კი მირბის.

მოთქმას უახლოვდება. მის დანახვაზე, მოთქმაც ძლიერდება. მოთქმა ძალზე ძლიერდება დოდაანთ უბანში. ნატალიას გამოყრუებულ, უპატრონოდ დაგდებული სახლ-კარის დანახვაზე ხატულას თითქოს გულისხმუდე დაუცარიელდაო, და გული რომ აღარ უშლიდა, გონებამ სძლია აზრთა დამჭანცავ არეულობას. ყველაფერმა მკვეთრი, რეალური სახე და მნიშვნელობა მიიღო: დოდაანთ ნატალიას მიმართ „პუ-მა-ნუ-რო-ბა“ არ გამოუჩენიათ. არა ჩანს სანდრას მეგობარი, ის პატარა, საყვარელი ნატო-ნათუკა...

არავის რას ეკითხება, ეშინია თვითონ მას არა კკითხონ, შენ რალად დაგინდესო...

და ისევ მირბის ხატულა. ჯაფარაანთკენ მირბის. რძალ-მაზლი უნდა წამოიყვანოს. სანდრა მარტოა!.. ამათ კი არხეინად სძინავთ. ჭიშკარიც ღია დაუგდიათ. ბაღჩაში გოჭები დანავარდობენ. საქათმე-

ში დამშეული ქათმების კრიახია. მთელი ირმისი ფეხზეა, ამათ კი სძინავთ, ვაგონილა?..

— თავს რად იტყუებ, ხატულა? — თქვა ხმამაღლა და კიბის საფეხურზე ჩამოჯდა. — ლევან, ძმაო, ცუდი მასპინძლები გამოვდექით, ჯერ სიხარულს არც კი შესჩვევისხარ და... ჩემო „შინაბერავ“, სანდრას იავნანავ, ასე ხანმოკლე იყო შენი ბედნიერება?.. თუმცა, რა სისულელეს ვამბობ, თქვენ ძალზე ბედნიერები ხართ, თქვენ ერთადა ხართ, ერთად! მე კი ალექსიმ მიბრძანა, „დარჩიო“, „სანდრას გაუფრთხილდიო“, „გული არ გაუბოროტოო“. ამსიძიმე დავალება მე როგორ ვზიდო?.. თქ, ხატულა, შენ მართლა გაგიჟდი, ბიჭი მარტო დატოვე, გაიღვიძებს ცარიელ, აყრილ-დაყრილ სახლში, შეეშინდება. დაგავიწყდა, რისთვის მოხვედი? ვილას ვკითხო, საით წაიყვანეს ალექსი?.. ვაჟას ეცოდინება! ჰო, ჰო, ვაჟას უსათუოდ ეცოდინება. ფერდობით ხელათ ჩავირბენ ნატაძარში!..

წამოდგა. კლიტედადებულ კარს გახედა და ახლალა შენიშნა აივანზე მიჩენილი ბოხჩა. აილო და გახსნა. სათბილობლები, ბოხჩა შეუკრავთ და წაღება დავიწყებიათ... ლევანი ძალზე მცივანაა, ღმერთო, ნუ გამაგიჟებ!..

და ჯაფარაანთ ეზოდან გამოსული, ისევ გაიქცა. ფერდობისკენ გადასახვევთან მაკა და ვაჟას უმცროსი ძმა ალუ დახვდნენ, გეგონება, მას უცდიდნენ. ალემ რაღაცა ჩამოართვა და ხატულამ მის ხელში დაინახა ჯაფარაანთ აივნიდან წამოდებული ბოხჩა. გაეცინა. ასეთი ბოხჩით მაკას ქორწილში საჩუქრები მიიტანა. შექეიფიანებული ალექსი კი თავისთვის დიდინებდა: „ყაყაჩო აყვავებულა, ვარდი გაშლილა მიამა“..

ხატულამ ისევ გაიცინა და მერე უცებ იკითხა: — ვაჟა შინ არი?

— ეხლახან დაბრუნდა, ჩვენ შენთან მოვდიოდით.

— მამ ალექსიც დაბრუნდებოდა, წავიდეთ ჩქარა!

— დაიცა, ხატულა, ნუ გარბიხარ, ალექსი შინ არ იქნება! — ტირის მაკა.

— ვაჟა ხო დაბრუნდაო, ალექსიც დაბრუნდებოდა!

— ნუ გარბიხარ-მეთქი, ნუ! ვაჟას გაუცილებია...

— ვინ გაუცილებია? სად?

— გურჯაანიდან გაუცილებიათ ეშელონი... ალექსი იქ შემთხვევით დაუნახავს...

— თქ, ღმერთო ჩემო, რა უთავბოლოდ ლაპარაკობ, მაკა! გამიშვი, ვაჟას ვკითხავ.

— დაიცა, სატულა, დაიცა-მეთქი, სად გარბიხარ, ვაჟა ესლა ვე-  
რაფერსაც ვერ გეტყვისი ვაუცილებია და მერე ისე დამთვრალა,  
უგონო, უგრძობელი მოიყვანეს ბიჭებმა. იმათ გვითხრეს, ეშელონი  
თბილისში გაისტუმრესო. სმა ამოიღე, თქვი რამე, რამ გაგაშეშა? სა-  
ტო!

— დამაცა, მომაფიქრებინე... ვაჟა იქ როგორ გაჩნდა? გურჯაან-  
ში რა უნდოდა? როდის წავიდა?

— ესლა შენ არ გამაგიჟო, არაფერი გავიგია? წუხელ ორ საათში  
დასვეტეს ხალხი მთელი რაიონიდან. ვაჟას მუხიანელები ჩაუყვანია  
გურჯაანში, ალექსის ამბავი არა სცოდნია, იქ შემთხვევით...

— დაიცა, დაიცა! — გააწყვეტინა სატულამ, თავი მკლავებით შე-  
მოსალტა და ერთხანს უძრავად იდგა, მერე მკლავები ჩამოყარა და  
თითქოს სიზმარს გამოეგო, იკითხა: — რა სთქვი? ვაჟას მუხიანე-  
ლები ჩაუყვანიაო?

— ჰო... — უფრო მწარედ ატირდა მაკა.

— რალა გატირებს? ირმისელები რაფიელ ბრეგაძემ და ჯიბო ჭი-  
მიაშვილმა ჩაიყვანეს, მუხიანელები — ვაჟა კვერენჯაძემ...

— შენ გაგიჟდი? — ორივე მაჯაში წააფრინდა მაკა.

— გა-ა-ცი-ლა!...

სატულამ ხელები გამოსტაცა მაკას, ჰაერში გაასავსავა, უცებ  
მოსწყდა ადვილს და გაიქცა, თითქოს უცნაური ფრინველი აფრინ-  
დაო, გააბო ჰაერი და გაუჩინარდა.

— ვაჟაც მაგიტომ მიეძალებოდა ღვინოს, — თქვა ალემ. მეათე-  
კლასელმა ბიჭმა ბებრული ტეხვა იგრძნო ძვალ-რბილში.

— შენც გაგიჟდი? „მაგიტომ“ რალაა? გამოფხინლდება ვაჟა და  
თითონ მივა, სატულასთან, ყველაფერს აუხსნის!

— თუ აგრეა, მა რალა გატირებს?

— რა იფიქრა ვაჟაზე, ეგ როგორ იფიქრა?

— აბა შენა ჰყოფილიყავი გაფიქრებინებენ და იფიქრებ. ლამის  
ადამიანები მგლად აქციონ, ისეთს ასწავლიან, რო...

— რა სისულელეს ამბობ? მეორედ აღარ გაბედო მაგის თქმა!  
ვინ რას ასწავლის? მალე ჩვენი ხმა მისწვდება, და ვინც მასწავლე-  
ბელია, ის მოუვლის ამ არამზადებს, ჰო, ჰო, ნახავ, ნახავ, რა დღე  
დაადგებათ!

— მისწვდება... — ალემ არ იცოდა, საით წავლო ხელში შემორჩე-  
ნილი ბოხნა.

იდგნენ და არ იცოდნენ, საით წასულიყვნენ.

ხატულა კი მართლაც უცნაური, დაჭრილი ფრინველივით მიფრთხილებდა შინისკენ.

„როგორ დავტოვე ბიჭი მარტო, რა ღმერთი გამიწყრა, მარტო რად დავტოვე? ჩვენ კარს საკეტი არა აქვს. დაკეტილი კარი შველის ადამიანს? „გული არ გაუბოროტო“. გაიღვიძებს სანდრა და მკითხავს. რა ვუთხრა, რა? ამდენი სიბოროტე მე როგორ გავუკეთილო? „სანდრას გაუფრთხილდიო“, მე კი ღვთის ანაბარა დავავდე...“

— სანდრა! — დაიყვირა კარიდანვე და გიჟივით შევარდა შინ.

ბუხართან ნიკო ხელაშვილი იჯდა.

სანდრა და ანიკო წიგნებს ალაგებდნენ თაროზე...

იმ დღეს სოფელში უსამძიმრო გლოვა იყო.

იმ დღეს სკოლა დაკეტილი იყო, დირექტორი პლატონ შიშნიაშვილი და მისი ფრანგი ცოლი, ხატვის მასწავლებელი ლინა არ ჩანდნენ.

იმ დღეს ხალხმა შეიტყო, ეშელონები ნავთლულში იკრიბებიანო.

იმ დღეს ირმისელებმა სატვირთო მანქანაზე დაახვავეს საახალწლოდ დამზადებული ხორაგეული და მარჯვე ბიჭებმა მანქანა ნავთლულისკენ გააქანეს.

იმ დღეს ნიკო ხელაშვილმა ირმისელები და ნატაძრელები მოინასულა.

იმ ღამეს სანდრას ესიზმრებოდა, რომ ეშელონს მიჰქონდა ლამაზად მორთული, ანთებული ნაძვის ხე და მამა კომბაინით ეძებდა სანდრას. სანდრას უნდოდა ეყვირა: „მე აქა ვარ, მამიი!“, მაგრამ სკოლის დირექტორი პლატონ-მასწა და ხატვის მასწავლებელი მასწალინა ეხვეწებოდნენ, არ იყვირო, დოდანათ ნატუკა ავად არისო, და სანდრა ხმას ვერ აწვდიდა მამას, ხელებს უქნევდა, წვალობდა, ტრიალებდა ლოგინში.

ის ღამე ხატულამ, ნიკო ხელაშვილმა, ვაჟა კვერენჯაძემ სანდრა-პაპისეულ ბუხართან გაათენეს...

...რა მეორე დღეს ვაჟა დარიანში წავიდა.

ვაჟა არ იყო დარწმუნებული, რომ გულვარდიშვილთან საუბარი წარმატებით დასრულდებოდა. წარმატებისთვის მას უჩვეულო და ძალზე სანათირო ილეთები უნდა გამოეყენებინა და ეშინოდა — სამისო უნარი და ნებისყოფა არ ეყოფოდა, დავალებულ საქმეს წაანდენდა.

— ოჰ, მობრძანდი, ყმაწვილო, გუშინ გელოდებოდი და დღეს მობრძანდი? — ცოტა არ იყოს, უკმაყოფილოდ შეხვდა მდივანი.

— მაპატიეთ, პროკოფი ილარიონიჩ, გურჯაანელებმა დამლუპეს, ისე დამათვრეს, დღესაც ვერა ვარ გონზე მოსული — გამეტებით შემოიკრა თავში ხელი ვაჟამ.

— ვიცი, პო, ვიცი, ყმაწვილო! — მოლბა გულვარდიშვილი, ერთობ შეწუხებული ჩანდა ვაჟა.

— იცით? საიდან?

— ჩიტმა ჩამიჭიკჭიკა!

— ოჰ, დარიანის ენატანია ჩიტუნები... სიტყვას გაძღვეთ, ეს აღარ განმეორდება!

— მჯერა, ჩემო ვაჟა, ვიცი, შენ სასმელებს არ ეტანები.

— არ ვეტანები იმიტომ, რომ თქვენ ეს არ მოგწონთ!

— რაც კომუნისტის სახეს არ უხდება, არ მომეწონება, არ იცი? საკმაოდ წყალი რომ დანაყეს, გულვარდიშვილმა გული რომ იფეხრა საკუთარი ოხუნჯობით, ვაჟამ მორცხვად დახარა თავი:

— შე საქმეზე მოვედი, პროკოფი ილარიონიჩ, თხოვნით მოვედი...

— ალბათ, დასვენება გინდა მთხოვო.

— პირიქით! მეც თქვენსავით არ მიყვარს გადადებული საქმე, თქვენი სტილი დამწემდა: მიყვარს ოპერატიულობა, კონკრეტულობა, მაღალიდევრობა. ეს თქვენი სკოლაა, თქვენი სტილი!

— ჩემი კი არა, — მდივანმა მაგიდის მოპირდაპირე კედელზე დაკიდულ, სათვალეებიანი კაცის პორტრეტზე მიუთითა, — ეს საქართველოს საამაყო შვილის სტილია და სკოლა!

— და ამიტომ თქვენი არის! — წამოიძახა ვაჟამ და შეეშინდა, ხომ არ ვაჭარბებ, ასეთი აშკარა და უხეში მლიქვნელობა შეურაცხყოფად არ მიიღოსო, და ცოტა არ იყოს, გაუბედავად განაგრძო: — ვოცნებობ, ოდნავ მაინც დაგემსგავსოთ. მივაღწევ ამას ოდესმე?



გულვარდიშვილი სკამზე შესწორდა, გამელოტებულ თავზე ხელი გადაისვა და თითი შუბლთან მიივიწყა. გრძნობით ალესილმა თქვა:

— მე სწორედ მაგას ვაფასებ შენში, ჩემო ვაჟა. ვაფასებ, რომ შენ არ ჰკმაყოფილდები შენი წარმატებებით, ზოგიერთებივით არა ჰყოყნობ მიღწევებით. ამიტომ იზრდები დღითიდღე, განუხრელად მიდიხარ აღმავლობისკენ, ჩვენც იმითმ გიწყობთ ხელს წინსვლაში.

ვაჟა თავჩაღუნული უსმენდა. შეიძლება ითქვას, ხელით მოათრია საჭირო ჟამი, და ახლა კი ისე გაუჭირდა თვალთმაქცობა, რომ... მაგრამ მან ხელაშვილის მკაცრი და ხატულას გამამხნეველებელი გამოხედვა მოიშველია, თავი ასწია და ყოყმანით თქვა:

— ეხლა, როცა ის რჩეულიშვილი მოვიშორეთ, მე მგონია, მიზანშეწონილი იქნებოდა ნატაძრის და ირმისის გაერთიანება...

— ყოჩაღ შენ! მე ეგ აზრი ბევრჯერ მომსულია, მაგრამ შენ გიფრთხილდებოდი, ის გონჯაურა არ გადაეკიდოს-მეთქი!

— ეხლა ეგ მიზეზი მოიხსნა... — ენა ძლივს მოატრიალა, თვალეზი დახარა ვაჟამ.

— გუშინ სწორედ მაგისტოვის გიბარებდი რაღას გავაჭიანუროთ? დაე, ირმისელებმა საახალწლოდ საჩუქარი მიიღონ! ხვალვე ჩავატაროთ გაერთიანებული კრება, ბევრი ლაილია არ დაგვჭირდება.

— თქვენ თუ ინებებთ მხარდაჭერას, თქვენი აზრი—საერთო აზრი იქნება! თან მეფიქრება, ვაითუ, ასეთ დიდ საქმეს ვერ გავუძლვე, არ ვაგიმართლოთ იმედი...

— ნუ გეშინია, ჩემო ვაჟა, საყრდენად მე მიგულები, განა არსებობს ისეთი ცინე-სიმაგრე, ბოლშევიკებმა რომ ვერ აიღონ?!

ახლა კი დარწმუნდა ვაჟა, რომ ამ კაცთან აშკარა, ცინიზმამდე მისული მლიქვნელობაა საჭირო. ჩაახველა, ყელი ჩაიწმინდა და აღებული გეზი განაგრძო.

— რაკი თქვენი სახით მე ბედნიერი ვარსკვლავი მინათებს, ერთ აზრსაც მოგახსენებთ, ეგებ მოგეწონოთ.

— დარწმუნებული ვარ, მომეწონება, შენ უჭკუოს არაფერს იტყვი.

— თქვენ იანვრიდან აპირებთ ზვრების ამოძირკას...

— ჰო, უეჭველად დავიწყებთ, აუცილებლად!

— მე კი ვფიქრობ, ჯერჯერობით ვენახებს ხელს ნუ ვახლებთ.

— რატომ? — აჭიმა წარბები გულვარდიშვილმა.

— თქვენ კარგად მოგეხსენებათ, მე ზოგიერთებივით არა ვარ

ვაზუე გაგიუებული. ჩემი ნება რომ იყოს, ვენახების ადგილს მთლად საძოვრებად ვაქცევდი, მაგრამ სჯობია ვადროვოთ ხალხს. დაე, ვაზის შენარჩუნების იმედით, კეჟერას მიაწვინენ.

— მაგ იმედით, ტყეებსაც ხელათ გასჩესავენ! — გაიცინა გულვარდიშვილმა.

ვაჟამ ხმაურით დასწია სკამი უკან. გაგიჟდა ეს რჯულძალდი, გასაჩენი ტყე სადღაა კახეთში?! ისევ დასჭირდა ნიკოს და ხატულას მოშველიება.

— ძვირფასო ილარიონიჩ, ჯერ კეჟერა და ეგ მერე იყოს!

— მაგაში კი ვერ დაგეთანხმები, ვითომ რათაო — მერე?

— ტყე რას მოგვცემს, ეგ წვეთია ზღვაში, კეჟერამ კი პირველივე წელს საქვეყნოდ გაგითქვათ სახელი! კეჟერაზე მოვიპოვეთ თქვენი ორდენი და თუ ჩვენ მთელ ჩვენ ყურადღებას ისევ კეჟერას მივაპყრობთ, დარწმუნებული ვარ, სოციალისტური შრომის გმირის მაღალი წოდება მოგენიჭებათ!

— განა მე მაგაზე ვზრუნავ?

— საქმეც ეგ არის, თქვენ არა ზრუნავთ, მე კი ეს აზრი აღარ მასვენებს! მე უკვე ვხედავ, რომ კეჟერას საშუალებით თქვენ დაამშვენებთ მთელი ჩვენი ქვეყნის გმირთა სახელოვან გაღერეას, თქვენ საქვეყნოდ გაუთქვამთ სახელს ჩვენს დარიანს!

გულვარდიშვილს სიამისაგან გული მუცელში ჩაეპარა.

— გმადლობთ, ჩემო ვაჟა! — თქვა გრძნობამორეულმა მდივანმა, — მაგრამ ხანდახან შენც უნდა გამიგონებდე. ტყე რა დასანანია? დღეს გაიჩეხება, ხვალ ისევ გაიზრდება!

— მართალსა ბრძანებთ, ხვალ ისევ გაიზრდება! მე ტყე კი არა, თქვენი დრო, ენერჯია, თქვენი ნიჭი და უნარი მენანება, მე თქვენ ნერვებს ვუფრთხილდები!

— რას იზამ, ჩემო ვაჟა, ჩვენ სამშობლოს კეთილდღეობისათვის თავსატეხნადა ვართ გაჩენილი! საკუთარი პურის უზრუნველსაყოფად თავიც არ უნდა დავზოგოთ...

— დიახ, როცა საქმე მლითხოვს, უნდა შევეწიროთ, მაგრამ...

— დაიცა-დაიცა, ვაჟბატონო, შენ მუხიანებს ხომ არ იცავ?

— ღმერთო კი მომკალი, მუხნარებს რა ჩემი დაცვა სჭირდება, მათი დაცვა — ჩვენი მთავრობის ბრძანებაა, რესპუბლიკის მთავარი მეტყვევის ნებადაურთველად თურმე ერთი ხეც ვერ მოიჭრება! — მთელი თავისი შთაგონებით იცრუა ვაჟამ, გაუხარდა გულვარდი-

შვილს გუნება რომ გაუფუჭდა, და ექსპრესიით განაგრძო: — „ნიტი ბლდუნად არა ღირს“ ტყე, ვაზი — წაკომაკოა, ჩვენ დიდი მასშტაბებით, მაღალი კატეგორიებით უნდა ვიაზროვნოთ! ამ ასპექტში მსოფლიოდ კვეერა უზრუნველყოფს რესპუბლიკაში თქვენს პირველობას, კვეერა შეიტანს ისტორიაში თქვენი მოღვაწეობის წლებს. თქვენი ძეგლი! — ეს არის დარიანის მშრომელების უპირველესი ამოცანა.

ამ აღფრთოვანებული შეძახილით დაემშვიდობა ვაჟა მდივანს და კაბინეტიდან გამოსული, პირდაპირ აბანოსაკენ გაეშურა.

„აი, თურმე რა შესძლებია ადამიანს! — თავის თავზე და მიუღ ქვეყანაზე აღრენილი, უმოწყალოდ იხეხავდა კანს შხაპისქვეშ შემდგარი, — „თქვენი სახით ბედნიერი ვარსკვლავი მინათებს“, „მასშტაბები“, „მაღალი კატეგორიები“. ენა როგორ არ მოგტყდა ვაჟა კვერენჯაძე? ხომ ნაგახედა ცხოვრებამ ბნელი სულის ჯურღმულებში?

სომ გამოცეცადა ტყუილში, ფლიდობაში, თვალთმაქცობაში, არამზადობაში? მოვილოცავ, გამოცდა ბრწყინვალედ ჩააბარე, ნიჭიერი ტკივილმასხარა ჰყოფილხარ! ახლა მაინც მიხვდი, შტერო, იდიოტო, რამ მოამრავლა დარიანში არამზადები, რად ემტერება თვითგანდიდების მანიით შეპყრობილი კრეტინი იმათ, ვინც არ თვალთმაქცობს და საკუთარი მხრებით ზიდავს რაიონის სიძნელეებს?.. არა, შენ მაინცადამაინც დიდად ნუ მოიწონებ თავს შენი აქტიორული ნიჭით. შენ უხეშად ასრულებდი დაკისრებულ როლს და ნაღდად ჩაფლავდებოდი, პარტნიორი ჭკუასუსტი, თვალდავისილი, გულღვარძლიანს კაცუნა რომ არა გყოლოდა. იმას უნდა უმადლოდე, ტვინი რომ არ ეყო, პირველსავე წუთს პანლურით არ გამოგაგდო კაბინეტიდან. ხალხო-ო, ადამიანებო, შემობრალეთ, მითანაგრძნეთ, გაიგეთ რა ასატანი ავიტანე!..“

მებაზანოვეს უკვირდა, ისე რამ გაატურტლიანა ვაჟა კვერენჯაძე, რომ ვერ იცნა, ვერ დაიბანა, შხაპი აღარ გაანთავისუფლო...

სითბოზე გაძუნწებული მზე უშურველად აელვარებს ქვეყანას. ბროლის ჰაერს სხივები ალიანდაგებენ. ოქრომკედით ნაქსოვსა ჰვავს დათოვლილი მთების ქარგა. ბრჭყვიალებს ყინვის ქერქლით მოფენილი მიწა. აღმასივით მოკამკამე ქობას მიაჩნევს ჩადინჯებული ირმისხევი. ირმისის თავზე ცა კი არა, ოქსინო გადაჭიმულა.

თვალისმომჭრელი სილამაზეა, ირმისელებს კი სისხლს უყინავს სამყაროს ცივი იალ-ციალი.

— ბიჭო, არ იცი, რამ დახუთა ჰაერი, ჰა? — ეკითხება სახლის დირეს მომჯდარი, ცხვრის ტყაპუჭში გახვეული, თავზე ხილბანდ-წაკრული ილო წელში მოღუნულ ნასყიდას.

ნასყიდა წლების სიმრავლემ კი არა, სვინდისის ქენჯნამ მოლუნა წელში: ღიზას და ლევანის ირმისიდან აყრა რომ გაიგო... სიხარულმა აიტანა! ჰო, ჰო, გაუხარდა ბერიკაცს, გეგონება, ფრჩხილში ჩაიხედაო, დროზე გაეცალა თავის კარ-მიდამოს, თორემ სიძე-შვილიშვილთან ერთად უკრავდნენ თავს, და ვინ იცის, სადაური ტურები დახრავდნენ მის ბებერ ძვლებს. მაგრამ სიხარულსაც სცოდნია სიცოცხლის გამწარება. ამისათვის შეაბერდა ცას ნასყიდა, რომ უკუღმართ სიხარულს ნაწვიმარი ირმისხევივით აემღვრია მისი სვინდისი? ეგებ გამოუტყდეს ილოს? ეგებ დაამშვიდოს მეგობარმა, უთხრას: მაგას უნდა მოადნობინო თავი, მეც შენსავით გამიხარდებოდაო?! არა, სხვამ ვინც უნდა გაიგოს, ილოს კი ვერ გაუმხელს, ილოს მოუკვდეს ნასყიდას თავი, ღიბრმა დაუბნელა ორსავ თვალი, თორემ თითონაც დაინახავდა, როგორ დატანჯა ნასყიდა იმ ეშმაკისეულმა სიხარულმა. არა დააცალათ რა მამარჩემის სალოცავმა, არ დააცალეს გონჯაურას, დაპირებული იყო, იანვარში ილოს ქალაქს წავიყვან, ოპერაციას გაუკეთებენ, სინათლეს დაუბრუნებენო...

— ბიჭო, შენ გეკითხები, არ გეყურება? ჰაერი რამ დახუთა-მეთქი, ჰა? — ისევ ეკითხება ილო.

— ეშმაკმა და ქაჯმა, მე რა შავი ქვა ვიცი! — ოხვრას გულს ატანს დაძმარებული ნასყიდა. — სიბერემ დაგვხუთა ალბათ.

— ისე შენ რა გითხრა!

სიჩუმეში მხოლოდ კრილოსანის დამარცვლა ისმის. ილომ გადათვალ-გადმოთვალა ქარვა და თქვა:

— ერთი პირუტყვი ყოფილა, ფუთობით რკინას ინელებსო...

— სხვა რაღა იყო დაიწყე? სიტყვას რას მიგორებ, რა გინდა ჩემგან? — ჯავრობს ნასყიდა, სულ დაცივნა და ქარაგმული ეჩვენება.

— მართალი იქნება, მე და ჩემმა ღმერთმა, — განაგრძობს ილო. — რაც ადამიანი დარდს ინელებს, რკინა — ფოლადის გადახარშვა იმასთან მიქარვია. აგრე დახუთულ ჰაერსაც, ადამიანის მეტი, ვერა სულდგმული ვერ აიტანს.

— ენის ქაეილი აგიტყდა? აი ჯანდაბაში გადაგქაჯავენ და ჰაერს შაშინ გაიგებ!

— რა ურიგოა?! კაი ხალხს დროდადრო იქით მიერეკებინანო, მეც იმათში ჩავითვლებოდი.

— კაი ხალხში შენ მაინც ვერ ჩაითვლებოდი, და სამგზავროდ კი გაემზადე. ხმა გავარდნილა, ილო ლაფიაშიელი გონჯაურას კაციაო.

— შე ენამადლიანო, აქამდე რატო არ გამახარე, სიმართლის მთქმელი კიდევა ყოფილა ქვეყანაზეო?!

— დაგწყევლოს ღმერთმა, დღეს რა წერას აუტანიხარ!

— მაგის მთქმელი დამანახვა, შუბლზე ვაკოცებდი, — ინატრა ილომ.

— ერთს მაგრა რო შეგანჯღრევენ, „თქვი, გონჯაურა რა საღალატო საქმეს გავალებდარ“, შუბლზე კი არა, მე ვიცი საღაც აკოცებდი!

— თუნდ შემანჯღრიონ, თუნდ ამკუწონ, მე რაღა დრო დამრჩენია, ყელამდე მომდგარ სულს, ამოსვლისას ხო არ გავიმრუდებ, — მშვიდად დამარცვლა ილომ ქარვა.

მის სიტყვებში ნასყიდას ამკარა ორღესული მოეჩვენა და ამ დღეში ჩავარდნისთვის არ იცოდა, ჯავრი ვისზე ეყარა.

— გველს შორიდანვე ხედავ — ჭრელია, კაცი სულში ჩაგიძვრება და მაინც ვერ გაიგებ, ჭრელია თუ ბნელი...

— ვიზე იძახი ემაგას? — შეუწითლდა მუშტისოდენად მიღეული სახე ილოს, — რას გაიტრუნე, ვიზე იძახი-მეთქი?

— ეჰ, — ხელი ჩაიქნია თავჩაქინდრულმა ნასყიდამ, — ის კაცი სვინდის-ნამუსის სასწორი გვეგონა, იმისი სიტყვა ჩვენთვის კანონიც იყო და განაჩენიც. შიგნით რა იყო, საიდან უნდა გვცოდნოდა?

თქვა და გაუკვირდა — ილოს პასუხმა დაუგვიანა. თავი ასწია. ილო წამომდგარიყო, ლიბრგადაკრული თვალებით მას მისჩერებოდა.

— ერთიც ვნახოთ, გკითხოს ვინმემ მართლა მაგრე ეტყვი?

— ნეტა რა გაწიწმატებს? მა ხო არ ვეტყვი, ეს ცამდე მართალია, მტყუენები თქვენა ხართ, თქვე ძალდი-მამაძალდებო-მეთქი?!

ილო თვალხილულივით მიუხტა ნასყიდას:

— რატო ვერ ეტყვი? ნამუსი შიშს მიჰყიდე? ვაი შენ ჩემო თავო, ოთხმოცი წელიწადია ნასყიდა ჯაფარაშვილს შეჰყურებ და ვერ გიც-

ენია, თურმე ყველაზე ჭრელი ევა ყოფილა!.. არა გაცოდინა რა გამ-  
ჩენმა, ვითომ არ იცი ის კაცი რაზე გამოგვაცალეს ხელიდანა!

— ე ბერეკაცი ცერცვივით რასა ხტუნავ? — სირცხვილისაგან აღ-  
მოდებული წამოსტა ნასყიდაც. — ყრუ ხო არა ხარ, ვერ გაიგე, რა-  
ღაცა ქაღალდი მოსულა, იმაში წერებულა, რაც დაუშავებიაო...

— ასი ქაღალდიც რო მოსულიყო, შენ არ უნდა გაბრიყვებული-  
ყავი! რაფიელა და ჯობო-გულღვარძლიანები მარტო დარიანში რო  
იყვნენ, ქვეყანას რა გაუჭირდებოდა?!

შეშინებულმა ნასყიდამ მიიხედ-მოიხედა.

— სსუ, ადამიანო, ამ კედლებსაც ყური აქვთ, გაგიჟდი? შენი  
თქმით იგრე გამოდის, ჩვენ ჭკვიანები ვართო და ზევ-ზევითა თავკა-  
ცები შეცდომაში ხართო! არაფრის გავება არა გაქვს!

— მე ყველაფრის გავება მაქვს, შენ შენი იკითხე! ჭრელისა და  
ბნელის დასანახი თვალები თვალსილუღებსა გაქვთ დავსილი!

— რატო ენას არ ჩაიგდებ, ჩემი რა ჯავრი გჭირს, ჰა? ის ერთი  
გოგო ხო გადამიგდეს დასაკარგავში, ეს ერთილა დამრჩენია და  
გინდა ესეც მართალ სიტყვას ვანაცვალო? მე არცა სიტყვა მსმენია  
შენი, არცა რის გაგონება მინდა, აგრემც მალე მოვმკვდარვარ! აღარ  
დამაცლი ეს ჩემი ნაოფლარი მიწა დამეყაროს გულზე?

ილო დათუთქა ნასყიდას ვაებამ, მაგრამ საკამათოში დათმობას  
არ იყვნენ ჩვეულნი.

— ყოჩაღ ბერეკაცო, ალიხანანთ ქერივს აჯობებ მოთქმაში  
ოზბეთელანთ ივანიკა ფიცრებზე დაწვენილი წაიყვანესო და ერთიც  
არ წაუნიელაო, შენ რამ აგაწუწუნა? ლიზა კი არა, შენ უნდა წაეყ-  
ვანე, შე სულძაღლო, შენა!

— მოიფხანე გული? ესლა მე მიგდე ყური: ეგეთი გულადი ბიჭი  
მაშინ სადა ბრძანდებოდი, ორივ ძმა რო გამოგაცალეს; ჰა? ხმაჩა-  
წყვეტილი იჯექი, სარდაფიდან არ ამოდდიოდი, თვალში არ მოვხვდე,  
მეც არ მიმაცოლონო. მაშინ ის დარჩეული ხალხი პირწმინდად გა-  
აქრეს, ესლა საჩივლეელი რა გვაქ, ხმა გამოვიდა, სხვაგან დაასახ-  
ლებნო, მალე ამბავი მოგივათო. მე ავეჯანყდე? სამართალი მე დაგი-  
დგინო? რაც ესლა შენ მე მაკადრე, ჩემ სამარესთან რო დადგები,  
მაშინ მოგავონდეს!.. — ნასყიდამ წასვლა დააპირა, მაგრამ ბრმა მე-  
ცობრის მიმჭკნარ ლოყაზე დაგორებულმა ცრემლმა ახლა მას მოუ-  
კლა გული. როგორც გუშინ, გუშინწინ, იმისწინ — ახლაც ვერ წავი-

დოდა დამდურებული. მხრებზე მოხვია ილოს ხელი, დასვა და დაუყვავა:

— ერთმანეთს მაინც ნუ გაეამწარებთ, ბიჭო. გვეუბნებიან, ბრმები ხართო, და ჩვენც თვალებს ვითხრით, მა რა ვქნათ? გმირობას გვალვა დაუდგა, შიშს კიდევ, აბა როდის ვინ გაულამაზებია? უშენოდ მე ცხონებაც ნუ მღირსებია, შენთანად კი პატახანს ვიყოთ, ვიცადოთ, ეგებ გასჭრას ცოდო-მადლმა, შევესწროთ სიკეთეს. ჰო, ილო, დამიჯერე, ალილო და ხვალაო...

## ნ ა წ ი ლ ი მ ე ს ა მ ე

(თავი პირველი)

უმელონით თოთხმეტი დღე-ღამის სავალი გზა აშორებს კაცს თავის თჯახს, თავის ირმისს, ირმისხევეს, თავის ვენახებს, თეთრ ალავერდს, მთების ნაცნობ ქარგას, და არ არის წამალი, წუთით მაინც რომ მიუყუნოს სიშორის მბაფრი ტკივილი.

თან სირცხვილიც სწევას. დეკემბრის იმ უკუღმართ ღამეს ცაცხლივით წაკიდებული სირცხვილი სწევას და არც ამასა აქვს წამალი. რამ უნდა დაუნელოს ის სიმწვავე, თუ დამსჯელის ხელით გაღებული მოწყალების ღირებულება დღითიდღე მატულობს და ყოველი დღე არწმუნებს, რომ მოწყალების გამღები ხელის კოცნა უსასრულოდ მცირე საფასურია იმ მოწყალებისა...

ჰო, მიიღო მოწყალება, ცოლ-შვილი შინ დატოვა. სწორად მოიქცა. თავმოყვარეობა, სიამაყე, ღირსება მარწუხებით უნდა ჩაიჭირო, დაჩოქილი უნდა ემთხვიო რაფიელას და ჯიბოს მოწყალე ხელს იმის გამო, რომ შენს ცოლსა და შვილს ასცდა ის ჯოჯოხეთური თოთხმეტი დღე-ღამე ქალებით, კაცებით, ბავშვებით გაჭედილ, პირუტყვეთა გადასაზიდ თბილანაში მოგზაურობა, იმის გამო, რომ შენ ცოლსა და შვილს ასცდა სამშობლოდან განდევნილთა ავბედო...

გათენებიდან დაღამებამდე დაათრევს ჯვარს იმ დღის არსებობისას, დაღამებისას ჰგონია, აბა, ააღწია ვოლგოთას, მაგრამ ღაღარი ღამე უძინარს სდევნის იქიდან, რომ გათენებიდან ისევ ახლად შესდგომოდა იმ გზას.

დადნა კაცი, დაიღია. საფარიდან ბუდის კიდევებს მომდგარი თვა-

ლები მოყვითალოდ უელვარებენ. ჩარაზული ტუჩის კუთხეებს სიმ-  
წრის ხაზები ჩაეყინა. ძელებს დაკრული გამშრალი კანი ვაგლასად  
აყვირებს ნაიარევს საფეთქელთან. მისი სახე, დაშვებული მხრები,  
ბებრულად მოწყვეტილი წელი და მთელი მისი არსება ისეთი უზო-  
მო ტანჯვის გამომსახველია, რომ ირგვლივ მყოფნი ვეღარ ბედავენ  
საკუთარ ბედზე ჩივილ-ტირილს.

თუმცა სადღაა ცრემლი, ან სად არის მოთქმა-ჩივილის დრო?!  
იმ საათიდან, რა საათსაც უცნობელმა ძალამ გატეხა დეკემბრის  
მშვიდი ღამე და ლოგინიდან აყრილი ხალხი არსაითისკენ მიმავალ  
გზაზე დააყენა, როცა ის ხალხი მიხვდა, რომ ადამიანთა კანონი  
მათ აღარ იცავდა — იმ საათიდან ამოქმედდა ბუნების კანონთკანო-  
ნი — არსებობისათვის ბრძოლა, ბრძოლა მწვავე, უთანაბრო და თა-  
ვისებური. ეს იყო ავბედით გაერთიანებულ ადამიანთა ერთობლივი  
ბრძოლა თვითიულის არსებობისათვის, რადგან ეს იყო საკუთარი  
არსებობის შენარჩუნების ერთადერთი საწინდარი.

და მხოლოდ ერთი კაცი, მხოლოდ ალექსი რჩეულიშვილი არ  
ერთვოდა იმ ბრძოლაში. ყველასგან და ყველაფრისგან განდგომილი  
იყო. ლუკმა პურისათვის მებრძოლად მან ვერ ივარგა, იმიტომ, რომ  
პური არასდროს ყოფილა მისი არსებობის წყარო და დასაბამი. და  
ახლა, მოწყურებულს წყალს რომ აწოდებდნენ, მოშიებულს პურს  
რომ უნაწილებდნენ—ეს მის გონებაში, მის გულისყურში არავითარ  
კვალს არ სტოვებდა.

გარემოს მთლიანად გამოთიშული მისი გონებაც, გულისყურიც  
და განსჯაც, მთელი მისი არსება შეკეტილიყო შიგნით, ღრმად, მი-  
უვალში, და უხმო პროტესტი სწავავდა მის სულს. სწავავდა ისეთივე  
დაუნდობელი ცეცხლით, როგორითაც მანამდე სწავავდა ეშელონით  
თოთხმეტი დღე-ღამის სავალზე დარჩენილი სიცოცხლის სიყვარუ-  
ლი...

დროდადრო მაინც იგრძნობდა, გაიფიქრებდა ხოლმე, რომ თავი-  
სი არსებობით სხვებსაც უმძიმებდა გაძალღებულ ყოფას, რომ უნდა  
მოშორდეს, გაეცალოს მათ, გაანთავისუფლოს ზედმეტი ტვირთისა-  
გან, გაიფიქრებდა, მაგრამ ამის შესასრულებლად ღონე და ნება  
აღარ ჰყოფნიდა.

ასე ღონე და ნებაგამოცლილი, დღეთა სათვალავდაკარგული იჯე-  
და კუთხეში, როცა მის ყურს ტამ-ფანდურის ხმა მისწვდა. მოეჩვენ-  
ა, რომ ფანდურზე თენვო ლალიაშვილი უკრავდა დავლურს, ლე-



ვანსაც ხელით ტაბურეტის ზედაპირზე გამოჰყავდა საცეკვაო, სხეუ-  
ბი ტაშით აგულანებდნენ წრეში მოფარფატე წვრილნაწნაეებიან  
გოგოს.

ალექსის ეგონა, სიგიჟემდე მისულს პალუცინაცია დაეწყო, თვა-  
ლები მოისრისა, მაგრამ ისევ დაინახა წრედამჯდარი ხალხი, წრე-  
ში მოფარფატე გოგონაც, თენგოც, ლევანიც, სხვებიც... დაიჯერა და  
ნელა წამოდგა, სათითაოდ შეათვალიერა ყველანი და დაინახა: მას  
უხმობდნენ, ეძებდნენ მიუვალში შეკეტილს, განრიდებულს, მას ეძა-  
ხოდნენ. ის გოგოც ეძახოდა. ხელეგბამილი, ფარფატით მიუახლო-  
ვდა, დაჭრილი ნუკრის მსგავსი თვალები შეანათა, დაღლილი იყო,  
ხშირად სუნთქავდა, გამხდარ ლოყებზე მეწამული ლაქებად აჩნდა,  
და ეს თურმე დოდაანთ პატარა ნატო იყო, ის ლოყაწითელი ნატუკა,  
სურნელოვან ნაზუქს რომ უტენიდა ჯიბეში...

ალექსის თითქოს ყულფი წაეჭირა ყელზე. ბავშვს მხრებზე ხე-  
ლები დაადო, მკლავები დაამკვებინა და ბრმასავით ფეხების ფლა-  
სუნით კარისკენ წავიდა.

— სად მიხვალ, ალექსი? — უცებ ჩამოვარდნილ სინჯიმეში, შო-  
რიდან დააწია კითხვა დოდაანთ ნატალიამ. — რა გემართება, ადა-  
მიანო, აღარ უნდა მოგვხედო?

— გამიშვი, ნატალია, — ყრუდ გაეპასუხა ალექსი და კარი გამო-  
ალო, აღარც დაძახებაზე, არც შეკითხვაზე უკან აღარ მოიხედა.

წავიდა.

ბნელი და ქარიანი ღამე იყო.

მიდიოდა იმ ბნელში და იმ ქარში. გაჩერება არ შეეძლო და მი-  
დიოდა. ქარის მეტი, გზას არავინ უღობავდა. მიარღვევდა ქარს,  
გაურბოდა იმ ბარაკს, იმ ხალხს, იმ ტაშ-ფანდურს. გაურბოდა ნუკ-  
რის ნამიან თვალებს, რაღაცას რომ ეხვეწებოდნენ.

გზას დასასრული არა ჰქონდა. არც ბნელ ღამეს ჰქონდა დასას-  
რული. ქარი თანდათან ძლიერდებოდა. სიბნელეც თანდათან მკვერივ-  
დებოდა. ბნელში და ქარში გზას დასასრული არა ჰქონდა. ნუკრის  
თვალები რაღაცას ეხვეწებოდნენ.

ეხვეწებოდნენ?..

კი არ ეხვეწებოდნენ, უსაყვედურებდნენ!

ალექსი მეხდაცემულივით შერჩა ადგილს. ჰო, ჰო, უსაყვედურებ-  
დნენ! ბრმა იყო და ვერ დაინახა. მაგრამ რას უსაყვედურებდნენ?

ალექსის რას უსაყვედურებდა ის პატარა გოგო?.. ალექსიმ ვიღას უსაყვედუროს?

ალექსიმ? ალექსი ხომ დიდია, ვაჟკაცია, ცეცხლში და ღვართა-ფში გამოვლილია, თვითონ გაივოს, ვის უნდა უსაყვედუროს, იმ პაწაწინა გოგოს თავმისახლეელი რად უნდა გახდეს?.. თო, როგორი საყვედურია პატარა გოგოს თვალებში. „მე მამა არ ვიცი, არ ვიცი რა დააშავა მამაჩემმა. ჩემი სახლი ირმისშია, მე აქ რა მინდა? სანდრა ირმისშია, თავის სახლშია, შენ კი გინდა, მე გაგართო. მე როგორ გაგართო? არ მინდა ცეკვა, ვერა ხედავ, არ მინდა!“

ჰო, უსაყვედურებდნენ.

ეს ისე მოულოდნელად და ისე მკვეთრად შეივრძნო ალექსიმ, როგორც მოულოდნელი და მკვეთრი იყო ხოლმე მის სხეულში შეჭრილი ტყვიის ან ჭურჭვის ნატეხის შევრძნება. რატომ აქამდე შორეულადაც არ გააფიქრებია, რომ ის დანარჩენებზე ბედნიერია? ბედნიერია, რომ მისი ცოლი და შვილი არ ურევია ამ კანონგარეშე დაყენებულ ხალხში, ერთხელაც არ უფიქრია, რომ იმ ხალხსაც — მშობლიური მიწიდან აგლეჯილ ადამიანებს, მასავით სწიწკნიდა ტკივილი? რომ უსამართლო სასჯელის სირცხვილი სხვებსაც სწვავდა? რომ თავმოყვარეობის და სიამაყის ჩაჭერა მარწუხებში იქნებ მათ უფრო ძლიერ უჭირდათ?.. ერთხელაც არ გააფიქრებია, რომ მისი განდგომა სრულიად ჩვეულებრივი თავკერძობაა, ჩვეულებრივი, საძულველი ეგოიზმია...

— ჰეი, გონჯაურავ, აღარა ხარ ადამიანი? სულ ეგ იყო შენი ავლადიდება? — თქვა ხმამაღლა და სადაც იდგა, იქვე ჩაიჩოქა, ხელები სახეზე აიფარა. გულისკენ გზაშებრუნებულმა ცრემლმა მისი ბედისგამყოფი ხალხის ნაღველი, ტკივილი, გაჭირვება შეიძნო და შეიდულა. ადამიანის კეთილშობილ ვრძნობათა უშრეტ მარაგში, რვალივით მძიმე სიძულვილმა ნახა ადგილი.

უიარაღოს — სიძულვილი იარაღად გამოადგება. მაგრამ ვის წინააღმდეგ? რაფიელა, ჯიბო, გულვარდიშვილი? ეგენი ხომ ჭილყავები არიან, ბოროტების უღლეური ნაშიერნი? გონჯაურას აქამდე ვერაფერი ვერ გაუგია. აქამდე არ იცის, ვის ეკუთვნის დამსჯელი ხელი. დღემდე არ იცის. ეხლაც არ იცის!

— არ ვიცი! — ყვიროდა მისი ტვინი, სხეულის ყველა უჯრედი. ისე ყვიროდა, რომ კარგა ხანს სხვა არაფერი ესმოდა.

და თავი რომ ასწია, შეკრთა.

სად იყო? სად იყო ზღვა? საიდან იყო ზღვის მიმოქცევის ხმა? თუ ადიდებული ირმისხევია? არა. უცნობი და უცნაური, არაფრის მსგავსი და მანამდე არგავონილი ხმა იქვე, მის ფერხთით იბადებოდა. ყრუ და მძიმე შრიალს წააგავდა. ცოტა მოშორებით, შრიალს წყვეტილი უღარუნი ერთვოდა. უფრო მოშორებით ის ხმა საოცარ ძალას იძენდა. ზღვის მიმოქცევის ხმაურს ჰგავდა, მაგრამ სხვა იყო. ტალღების დგაფუნს ჰგავდა, მაგრამ ტალღები ვერცხლისწყლისა უნდა ყოფილიყვნენ, ასე მძიმედ რომ შეხეთქებოდნენ ერთმანეთს, ასეთ მკვრივ წინწყლებად რომ დაღვრილიყვნენ და უცნობი ლითონივით აუღარუნებულებიყვნენ.

იმ უცნობსა და ძლიერ ხმაში ალექსიმ უცებ ისეთი დაუნდობელი მუქარა იგრძნო, რომ წინა ფიქრების ძაფები ერთიანად დაუწყდა. შემკრთალი მოსწყდა ადგილს და გაიქცა. გზის ან ბილიკის მსგავსი არაფერი ისინჯებოდა. კოჭებამდე ეფლობოდა ვეშაპის ზურგივით ხაოიან და მოძრავ ქვიშაში. ალექსი ისევ შესდგა და ქარმა ზურგიდან დააჯახა ტალღა, წერილ და მძიმე წვეთებად დაატეხა თავზე. კბილებში, თვალებში, ყურებში, კისერში, ბეჭებშია ნაღვრილი ქვიშა იგრძნო და გაუკვირდა: თავიდანვე რატომ ვერ მიხვდა, რომ უდაბნოში იყო, რომ ის უცნობი ხმა, ქარიანი უდაბნოს ხმა იყო? გაეცინა. განსხვავებაც და მსგავსებაც იყო: ვიდრე ფიზიკურად არ შეერესა, წელან, ბავშვის საყვედურს, ახლა კი ქვიშიან ქარმისხალს, მანამდე ვერ მიხვდა სინამდვილეს!

მაგრამ წელანდელმა დაგვიანებულმა მიხვედრამ სიძულვილი შვა, რომელმაც მთლიანად შეიდნო ბადესავით შემოკრული უღიმღამო გრძნობები და შეება მისცა მის შებორკილ სულს, ახლა? ნუ-თუ ეს დაგვიანება საბედისწერო გახდება მისთვის?.. ირველივ სიბნელე, ქარი და ქვიშა. სამი ვერაგი, დაუნდობელი თანამგზავრი. თავკერძაობამ შეჰყარა ამ თანამგზავრებს და ახლა თუნდ ეძმოს მათ, თუნდ ემტროს.

ზღვის მიმოქცევის მსგავსი ხმა ხან ახლოვდებოდა, ხან შორდებოდა. ძლიერდებოდა ქარი. ძლიერდებოდა ქვიშის ტალღების ყრუ დგაფუნი. სადღაცა შორს სიბნელე გაბაცდა. ალექსიმ ცას შესედა. ჩამოწოლილი, მბნელებული კაბადონის ვიწრო ნარღვევში, ყვითელ ბურუსში გახვეულმა მთვარის ნალევმა გაიკრთომა და ალექსიმ უდაბნოს გახედა.

შუქნრდილის გიჟურ როკვას წააგავდა ქარის და ქვიშის უცნაუ-

რი თამაში. ყოველ ახალ შემოქროლვაზე ქარი ბუმბულივით იტაცებდა ვეებერთელა ბორცვებს, ტალღებივით აგორავებდა, გზადაგზა შლიდა, ჰფანტავდა, მერე ბორცვების ნადგომზე ვავაკებულს უვლიდა, მოჟღარუნე ზანზალაკებიანი ფრთებით ხვეტავდა ქვიშას და ახალ ადგილზე აზვინებდა. მერე ამ ზვინებს ბურთებივით აგორავებდა, ისევ შლიდა და ისევ ახალ-ახალ ბორცვებად სდგამდა.

ყოველ შემოქროლვაზე ძლიერდებოდა ქარი. ძლიერდებოდა უდაბნოს ღელვა. უფრო ჩქარ-ჩქარა იშლებოდნენ და იდგმებოდნენ ბორცვები, უფრო ძლიერად ეჯახებოდნენ ბორცვები ერთმანეთს. ქარი ხან გრიგალივით წამოუვლიდა უდაბნოს, აიტაცებდა უზარმაზარ ბორცვს, ჰაერში დაატრიალებდა, ჰაერშივე შლიდა და ქვიშის წარღვნასავით უშენდა დაბლა.

მაღლე კაბადონმა ისევ შავად შეიკრა პირი და უფრო დაბლა დაიწია. აღარაფერი ჩანდა. ალექსი ახლა უკვე, როგორც ოდესღაც თვითმფრინავიდან წამოსული ყუმბარების დაცემას, სმენით ვარაუდობდა მოახლოებული ტალღის მიმართულებას და საოცარი სისწრაფით გადარბოდა ადგილიდან ადგილზე. მაგრამ ქარის მიმართულება ცვალებადი იყო. ის ხან ოთხივე მხრიდან მოაგორებდა ტალღებს და ზანზალაკების ჟღარუნს ისე აძლიერებდა, თითქოს კაცზე გამარჯვების საზეიმო ზარებს რეკდა უდაბნოში...

რამდენ ხანს გაგრძელდებოდა ბრძოლა, რომელსაც ძალთა უთანაბრობით, ბრძოლა არც ეთქმოდა? აღზევებულ უდაბნოსაგან თავდაცვაში კაცი აშკარად მარცხდებოდა. ქვიშით ნაგვემი მისი სხეული სისხლისაგან იცლებოდა. ღონე ელეოდა. ქარი კი მძლავრობდა. ძლიერდებოდა უდაბნოს ხმაური. აჰა, საცაა ჩაითრევს ადამიანს, დაფქვავს, გახეხავს, ნამცეცებად აქცევს, ქვიშას შეუურევს. არავის ეცოდინება, სად, რომელ ადგილზე ახარა ძეძვი მისმა სისხლმა და ხორცმა, ვერავინ მიხვდება, რად ეგემრიელა ის ძეძვი ქარაენიდან წამორჩენილ აქლემს...

ოჰ, არა! მისი სიცოცხლე ვერ შესწყდება ირმისიდან ასე შორს. ეს იცის სიკვდილმა. ბევრჯერ დაუხვია უკან იმიტომ, რომ იცოდა: ეს კაცი ვერ მოკვდებოდა ირმისიდან შორს. ახლაც ასეა. თოთხმეტი დღე-ღამის სავალზეა ირმისიდან! და ვერ მოკვდება კიდევ იმიტომ, რომ ჯერ უნდა ნახოს, რას მოუტანს ქვეყანას უსამართლო მართლმსაჯულება, უნდა შეესწროს ჭილყვავთა დასამარებას...

მაგრამ ღონე გამოელა. ის სულ უფრო სშირად, და უფრო ხან-

გრძლივად რჩებოდა ამოძრავებულ ქვიშაზე გართხმული. და თუ დროდადრო, ვიდრე გონს იყო, ცდილობდა წამოდგომას, მხოლოდ იმისათვის, რომ არ უნდოდა სიკვდილი დაეცემულს დაუფლებოდა...

და ფეხზე იდგა, როცა ქარმა ზარებს ჩამოჰკრა, გაშლილი ფრთებით ბორცვები მოხვეტა, ჰაერში აიტაცა, ბურღივით დაატრიალა და ციდან დაშვებულ ღრუბელს შეაგება. ქაჯურად დაკლაკნილ ქარბორბალაში შეჭდობილი ზეცა და უდაბნო კაცისკენ გამოქანდნენ.

— აა-ა!.. — დაიბლაყლა ალექსიმ და პირქვე დაეცა.

ქვიშა, ქვიშა, ქვიშა...საითაც გაიხედავს, სადამდეც თვალი მისწვდება, ყველგან ქვიშაა. ქარია, და ყრუ დგაფუნს უთვალავი ზანზალაკების ჟღარუნი ერთვის. ქვიშის ზღვა ლელავს, ბობოქრობს. დოლაბებივით მოგორავენ ტალღები, უბეგვავენ ცხვირ-პირს, ხელფეხს, ტანს. სალექი მანქანებივით მოგრუხუნებენ ტალღები, ლექენ, სრესენ, ფჰკვავენ. ქარბორბალაში შეერთებული ზეცა და უდაბნო იერიშით მოდიან, მოდიან, მოდიან...

— აა-ა!.. — ყვირის ალექსი და ლამობს გაგლიჯოს მარწუხები, მაგრამ მიწა პირს ხსნის და ალექსი უძირო ქვესკნელს მიექანება.

ვიღაცის ხელები ხსნიან მარწუხებს. თითები სათუთად ევლებიან მის სახეს, თვალებს, გულ-მკერდს, ხელ-ფეხს, ბეჭებს. ალექსი საამო სიგრილეს გრძნობს. ცხელებიანი აღგზნება თანდათან უნელდება. ის იძინებს ღრმა და ხანგრძლივი ძილით.

მერე ყველაფერი თავიდან იწყება:

ბობოქრობს ქვიშის ზღვა. ტალღებს ებრძვიან ემელონები. ორთქლმავლის საკვამურიდან ამოსული შავი კვამლი ზეცას უერთდება. თბილანას საჭვრეტელიდან სანდრას და ხატულას ისვრიან ქვიშის ზღვაში და მათკენ მიდის ქარბორბალა, მიდის, უახლოვდება...

— აა-ა!.. — ყვირის ალექსი და ცდილობს გაგლიჯოს მარწუხები, მაგრამ ნემსის ჩხვლეტას გრძნობს და ბორკვა თანდათან უცხრება. ალექსი ჩუმად კვნისის და უდაბნოს მინელებულ სმაურში ადამიანების ხმა ესმის.

— რამდენ ღონეს კარგავს ამ ჭიდილში, — დარდიანად აქნევს თავს დოდანთ ნატალია და დალურჯებულ მჯეებს ისრესავს.

— მადამ, ეს ძალიან, ძალიან კარგი ჭიდილი არის, კაცი არ გა-

უშვებს ხელიდან სიტოცხლეს, — ამბობს მსრებვიწრო, წვრილი და მალალი კაცი, გამჭვირვალე სითხეში ამოვლებულ საფენებს უცვლის ალექსის სახეზე და ტანზე, თან განუწყვეტლივ ლაპარაკობს დამტვრეული რუსულით. ჩანს, რუსული სიტყვების დიდი მარაგი დაუგროვებია და თითქოს ჩქარობსო მთელი მარაგის გამოყენებას. ამასობაში ზოგი ზედმეტი და უადგილო სიტყვა აზრს უმახინჯებს, ზოგი სიტყვა სულაც გაუგებარია, მაგრამ ირმისელები და ეს კაცი ერთმანეთში იოლად მიდიან.

— თქვენი შფოთი მეტი საჭირო არ არის, — ეუბნება ნატალიას, — პულსი კარგი არის, თვალები სუფთა გასდა, უკვე იცის სინათლე თუ ბნელი არის, ხან უკვე ნორმალურად არის და რამეს თქმა უნდა, ეს ნიშანი არის, რომ გონება მოდის.

— თავის დღეში არ გამოგონია, კაცი ამდენ ხანს უგონოდ იყოს.

— რატო არ გამოგონია, მაღამ?! მე ძალიან-ძალიან ბევრი ვიცი, ადამიანი სულ არ მოდის გონებაზე! — თქვა კაცმა და გაუკვირდა, რომ მისმა ნუგეშმა დარდიანად შეუკრა ნატალიას შუბლი. — რის გამოთ ეხლა არის თქვენი დარდი? თქვენი კაცი ძალიან-ძალიან ენერჯია აქვს, დღეს ან ხვალე სუმთლად იპოვნის თავის გონებას!

— ბრძანოს ღმერთმა, — ამოიოხრა ნატალიამ.

— ნუუ, ღმერთი არის ღმერთი, მაგრამ შენი სიხარული შენი ხელით უნდა აიღო, მაღამ!

მან ყვითელი ფესი გადაიძრო თავიდან და აჩენილი, შავი ხშირი ქონორი შუბლზე ჩამოუვარდა. ზედმეტი საფენები, წამლები მიაღავა და ისევ ნატალიას მიმართა:

— აქა და იქა პატარა-პატარა, როგორც შავი ყვავილი დარჩება, მაგრამ მე ფიქრობ, ეგ არ არი ტრაგედია, თქვენი კაცი არ იყო სილამაზის ღმერთი, ხომ?

— ნეტავი, შენი გახარებით, მალე წამოდგეს, ერთი თავისებურად შემოგხედოს, ერთი გავილიმოს და მაშინ დაინახავ, ლამაზია თუ არა! — წყენაც კი გამოერია ნატალიას ხმას.

— ო-ო, მე უკვე ვიცი, მაღამ, ირმისელი ხალხს ძალიან-ძალიან უყვარს ეს კაცი, მიტომ თქვენ მეტი ფასი მიეცით მაგას.

— არა, შენ არ იცი! მაგისტანა ძლიერი ადამიანი იქნება მეორე არც იყოს, ყველაზე ძლიერია და ყველაზე ძალიან იმიტომ მოერია ჯავრი და ნალველი!

— მაღამ, ეგ ძალიან-ძალიან საინტერესო ფილოსოფია არის! მე

ფიქრობ, თქვენ მართალი ბრძანდებით. როცა კიზილკუმში სამუშაო არი, მაშინ აქლემიც არ დარჩება ცოცხალი. ხოლო ფიზიკური ძალა არ უშველის, სხვაც კიდე ძალა არი საჭირო!.. — მან ალექსის დახედა და გახარებულმა თქვა: — ნორმალური ძილი მოვიდა, მე ფიქრობ, შემეძლება მოლოცვა!

მან გალანტურად დაუკრა თავი დოდაანთ ნატალიას, მერე დაიხარა და ხელზე აკოცა. ნატალია ჯერ გაშრა, მერე ქალიშვილივით გაწითლდა, მერე ალექსის გახედდა და ფეხის წვერებზე აიწია, სადამდეც მისწვდა იმ მაღალ კაცს, ლავიწზე თუ მხრისთავზე აკოცა.

— დღეს კიდევ დაგჭირდებათ რამე? — ჰკითხა, ჭურჭელი და გასარეცხი თეთრეული ჩანთაში რომ ჩაილავა.

— არა! და მე კატეგორიულად ვამბობ, თქვენები არ უნდა მოვიდა-წავიდა, თელი დღე ბამბა იმუშაო, მერე რვა კილომეტრი მოვიდა-წავიდა, მერე ჩემი პაციენტი იქნება! კარგად ბრძანდებოდეთ, მადამ, კეთილი გზას გისურვებთ!

ნატალია რომ გააცილა, კაცი ოთასში დაბრუნდა, ისევ დახედა ალექსის, კმაყოფილმა მოისრისა გრძელი, კეხიანი ცხვირი და კედელზე დაპაგრებულ ლამპას შექფარი ჩამოაფარა. მერე თავისი გრძელი ფეხები გადააჯვარედინა და ჩვეული მოძრაობით ჩაიკეცა იატაკზე აკოკოლავებულ წიგნებს შორის დაგებულ ლეიბზე.

„ისევ ღამეა...“ — გაიფიქრა ალექსიმ, ანთებული ლამპა რომ დაინახა. შორეულ ბავშვობაში დაბრუნებულმა, სანდრა-პაპას გაუღიმა და თვალები დახუჭა. მაგრამ აღარ ეძინებოდა. უხაროდა, ზღვის დგაფუნის და ზანზალაკების ჟღარუნი რომ აღარ ესმოდა. უკვირდა, სანდრა-პაპა ძალზე გამოცვლილი ეჩვენებოდა. სწყინდა, რომ სარკმლის რაფაზე, თიხის ქილაში ისევ იდგა ქალაქის ჭრელი ყვავილების თაიგული. სიხარულს, გაკვირვებას, წყენასაც რომ მოერია, თიხის კედლები და დაბალი ჭერი შეათვალიერა. თვითონ ვიწრო ტასტზე იწვა და ტასტის პირდაპირ დიდი მაყალი იდგა. ზედ დაპირქვავებული ძაბრივით მორგებული საკვამური ჭერში ადიოდა. მაყალში ცეცხლი ღვიოდა. შუქფარით შეკრული ლამპის შუქი იატაკზე დაგებულ ლოგინში წამომჯღარ კაცს დაჰნათოდა. კაცი ფეხმორთხმით იჯდა, მუხლებზე გადაშლილი წიგნი ედო, ირგვლივაც წიგნები ჰქონდა შემოლაგებული. კაცი კითხულობდა. სტრიქონებს მხო-

ლოდ თვალებს კი არა, თავსაც ადევნებდა, თითქოს კისერში ზამბა-  
რა ჰქონდა ჩადგმული და ის უტრიალებდა თავს აქეთ-იქით...

ალექსი ერთბაშად მიხვდა, რომ რალაცა აერია, რომ არც თვი-  
თონ იყო ბავშვი, და არც ეს კაცი იყო სანდრა-პაპა. ლამპაც სხვა  
იყო, და მყაღიც სულ არ ჰგავდა ბუსარს. მაგრამ რასაც ხედავდა,  
ესეც ნაცნობი იყო. ამ კაცსაც იცნობდა, ახსოვდა მისი ყვითელი ფე-  
სი, სქელშუშებიანი სათვალეებით შეკაზმული გრძელი, კეხიანი  
ცხვირი და წვრილი კისერი. სად უნახავს? საიდან იცნობს? ვის  
სახლშია ალექსი? აქ როგორ მოხვდა?

კითხვებმა მოქანცეს და ჩააძინეს.

...თვალეები რომ გაახილა ეგონა ახლახან ჩავთვლიმეთ. ისე ენ-  
თო ლამპა. ის კაცი ისე იჯდა იატაკზე დაგებულ ლოგინში. აჩე-  
ჩილი ქორორი შუბლზე დავარდნოდა. სათვალე გადაშლილ წიგნზე  
ედო. თავი გვერდზე გადაეწია და ფიქრობდა. მისი მოყვითალო გუ-  
გები ცხვირთან შეყრილიყვნენ. კაცი აფსორილ, ჭკვიან ჩიტს დამს-  
გავსებოდა.

მან ალბათ იგრძნო დაჟინებული მზერა, სათვალე გაიკეთა,  
უცებ ჭოკივით აღიმართა და ტახტთან გაჩნდა.

— სალამი, კამარად, მე ვიფიქრე, შენ სამუდამოთ ძილში წახე-  
დი! — დააყარა სიტყვები ერთმანეთს და ალექსის მაჯა გაუსინჯა. —  
სუმთლად ნორმა არი!

ალექსიმ იცნო მისი ხმაც, მისი დამტკვრელი რუსულიც.

— ვინა ხარ? — ჰკითხა ჩუმად.

— ოო, ნახეთ ეს ჯენტლმენი! ჯერ უდაბნოში არ დაუძახეს და  
თვითონ წავიდა, მერე ამ სახლში მოკდომა უნდოდა, მე არ გაუშვი  
მოკდომა, დღეც, ღამეც ყარაული ვიყავი, ესლა თვალეები გაალო და  
პირველი სიტყვა არი: შენ ვინა ხარ? კამარად, შენ მეოცე საუკუნის  
სუფთა-სუფთა ეგზემპლარი ხარ!

ღიმილმა მტკივნეულად დაუმანჭა ალექსის სახე. ესიამოვნე-  
ბოდა ამ კაცის ხმა, ვითომდა დამტუქსავი კილოც და მისი მრავალსი-  
ტყვაობაც კი. გასუსული იწვა. კაცმა თეთრი, მოტკბო სითხე დააღე-  
ვინა და თავის ლოგინთან დაბრუნდა, უცებვე ფეხმორთხმით ჩაიკე-  
ცა და წიგნი დაიდო მუხლებზე.

— ვინა ხარ? — ისეც ჰკითხა ალექსიმ.

— შენთვის ექიმი ვარ და პლუს ფილოზოფიის მაგისტრი ვარ,



ბერძენი, კოსტა ილეტაქსა. დაიძინე, შენ უკვე ბეურა-ბევრი ჩემი დრო წაიღე.

მაგრამ ალექსი თავს კარვად გრძნობდა და აღარ ეძინებოდა. გაღმიებული უყურებდა ილეტაქსას. უკვირდა, რა ვაძლევა ჰქონდა მის წვრილ კისერს, განუწყვეტლივ რომ ატრიალებდა თავს აქეთ-იქით. ბოლოს ვედარ მოითმინა და ჩაასველა. ილეტაქსამ ეროზანს განაგრძო კითხვა, მერე წიგნი უცებ დახურა, ალექსის შესედა და სერიოზულად ჰკითხა.

— უდაბნოში როცა წახვედი, თვითმოკდომა გინდოდა?

ალექსი შეცბა. კითხვა მოულოდნელი იყო, თითქოს უადგილოც და უდროიც. არაფერი არ უპასუხა.

— თვითმოკდომის ეს ჯორმა ორიგინალური არი და პოეტური, მაგრამ ტასანბაევი ფიქრობს, შენ გაიპარო გინდოდა, ხოლოთ მაგჩანს ფანტაზია არა აქვს. მე ძალიან-ძალიან მაინტერესებს, თვით-მოკდომა გინდოდა, თუ გაიპარო გინდოდა?

ალექსი ხმას არ იღებდა.

— მე მაინტერესებს პათოლოგიური ფსიქიკა. სომატიკრად—ორივე მიზეზის გამოთ მოკდომა ერთნაირი არი! — მან წიგნი გაღმურცლა და განაგრძო: — თუ ადამიანი ერთი ცოდოს აკეთებს ხოლოთ, — თვითმოკდომას, მაშინ ის ჯოჯოხეთში იქნება უსარგებლიანო ხე, სუმილათ არ ექნება ჩრდილი. მაგრამ!.. თუ თვითმოკდომა და პლუს კიდე სხვა ცოდო, მაშინ ადამიანი ჯოჯოხეთში მძიმე კამერაში დაჯდება და ლუციფერის კერძი იქნება. შენ იცი, ვინ არი ლუციფერი?

— არა, — ჩაიბურტყუნა ალექსიმ და გაიფიქრა: ნეტა ალექსიმ ისეთი რა ცოდვა ჩაიდინა, რომ ჯოჯოხეთის ყველა „კამერა“ მოი-არა.

— ლუციფერი იყო ანგელოზი, ღმერთს აჯანყება გაუკეთა და დასჯა მიიღო — ჯოჯოხეთში სულ მძიმე კამერა, სამი სახა და სუმუდამ ერთი მენიუ: ძალიან ცოდოიანი ადამიანი!

— უცოფველებით ვინც იკვებება, იმას რაღა ჰქვია?

— შენი პარალელი ორი მხარეს გალესილი დანა არი და მე არ მინდა! უცოდო ადამიანი სამოთხეში მიდის.

— მაგ წიგნებში სწერია? — დაცინვით ჰკითხა ალექსიმ.

— დიასი შენ არ წაიკითხე „ლუთაუბრივი კომედია“? არა? მაშინ მე არ ვიცი, რათ გინდა ჩქარა მოკდომა, თუ დანტეს გენიამ არ მოგცა შუქი?

— გენიები სულაც არ უნდა იბადებოდნენ.

— შენი გული არ ამბობს მაგას! გენია თუ არ იყოს, პლანეტა არ იქნება საინტერესო. დანტე რო შენი ნაცნობი იყოს, მაშინ თქვამდი: სალუტ, გენია!

— ჩვენ ბიბლიოთეკაში მინახავს დანტე, მაგრამ არ წამიკითხავს.

— ჰო, არ წაიკითხე! დანტეს რელიგიური მოტივები აქვს, ფილოზოფიაც ღვთისმეტყველება აქვს და კომუნისტები რელიგიას ძმამეგობარი არა ხარო.

— რა იცი, კომუნისტი ვარ?

— საბჭოს ქვეყანის მოქალაქე სუმთლათ კომუნისტი ხაროი.

— მე ისიც არ ვიცი, საბჭოთა მოქალაქე ვარ თუ არა.

— ოო, კამარად, შენ ისევ დაკარგე გონება! რათ გაგიჩნდა ეგ ეჭვი?

ალექსიმ შუბლი შეიკრა. სიკვდილივით ეზარებოდა ამაზე ლაპარაკი, არადა, ამ კაცის შეცდომაში შეყვანაც არ უნდოდა.

— მე იძულებითა ვარ აქ გადმოსახლებული... — თქვა ბოლოს.

— ოო, შენ ფიქრობ, ეგ დიდი ახალი ამბავი არი?! მაგას არა აქვს მნიშვნელობა, კამარად.

— რაო, რა სთქვი?

— დაწეი, დაწეი, შენთვის ანტრაშა გააკეთო, ადრე არი. ვამბობ, სუმთლად არა აქვს მნიშვნელობა.

„გიჟი ყოფილა“, — დაინანა ალექსიმ და ბალიშს მიესვენა.

— ძალე ფლავს მოგცემ! — წამოდგა ილეტაქსა, მაყალზე ქვაბი შედგა, თან ლაპარაკობდა: — ცხელი უნდა გახდეს. ფლავი არი ბრინჯი და ქიშმიში, ძალიან-ძალიან გემრიელი, მისთვის რო, მაღამ ნატალიმ გააკეთა...

უცებ სიტყვა გაუწყდა და შეშინებული მოტრიალდა.

ალექსი ამდგარიყო, მაგრამ ეტყობა, ღონე არა ჰყოფნოდა, საწოლზე უხერხულად დევარდნილი, სისუსტის ოფლად დაღვრილი, გამხდარ-გაწვრილებულ მკლავებს ვედრებით იწვდიდა მისკენ.

— იწამე ღმერთი... მითხარ, სად არიან ჩვენები?

მკაცრად შუბლშეკრულმა ილეტაქსამ უსიტყვოდ მიაწვინა ალექსი ბალიშზე, რაღაცა წვეთები დააღვეინა, რაღაცა სითხეში ამოვლებული ტილოთი სახე გადაუწმინდა, მერე საწოლს მიუჯდა, გულდაწყვეტილმა წყენით უთხრა:

— შე გითხარი, შენთვის ანტრაშა ადრე არი. მე ბევრი-ბევრი

დრო შენ არ გაგიშვი მოკდომა, შენ ესლა გინდა მოკდომა, გინდა, შენი ირმისელები ხალხი ამბობდეს, კოსტა ილეთაქსამ სიტყვა არ აასრულა...

— მაპატიე, კოსტა... — ჩუმად თქვა ალექსიმ და გაინაბა. მართლა ხომ არ გაგიჟდა, ქვაბი რომ იცნო და ნატალიას გაკეთებული კერძი შესთავაზეს, ვერ მიხვდა, თუ გონჯაურა ცოცხალა, ირმისელები უთუოდ სადღაცა ახლო არიან მასთან! გონს რომ მოვიდა, იმ პირველივე წუთს ვერ მიხვდა ამას?..

ილეთაქსამ სათვალე მოიხსნა და კარგახანს იყვდა აფხორილი, ჭკვიან ჩიტს დამსგავსებული. მერე საოცრად გამოცვლილი, რაღაცნაირად ჩაღრმავებული ხმით დაილაპარაკა:

— შენი ირმისელები ხალხი ესლა ჩემი მეგობარიც ხალხი არი... მაღამ ნატალი და იმისი ოჯახი, შენი ძმა ლეონ და იმისი ცოლი ლიზიკო და კიდე შენი ძმა თენგო, კიდე ძმა ციცერონი გა კიდე სხვებიც... შენ მემრე სუმთლათ ყველაფერს გაიგებ. ეს ძალიან-ძალიან მაღალი პოეზია არი... ირმისელები ხალხის ამბავი მეტად ტრაგედიაც არი, ხოლოთ ძმა-მეგობარის ტალანტი დიდი-დიდი პოეზია არი, მე მართალს ვამბობ...

ილეთაქსამ თავი ბეჭებისაკენ გადასწია, თვალეები ჭერს მიაპყრო და მთლიანად ჩაიძირა იამბიკური ლექსთაწყობით დაუწერელი პოემის შექმნაში.

ალექსი კი თვალდახუჭული, გაუნძრევლად იწვა. ნელა უმკლავდებოდა მოზღვავებულ გრძნობებს და სინდისის ქენჯნას: თავკერძობამ დაატანჯინა ის ახლობელი ადამიანები.. განა ღირსია გონჯაურა მათი სიყვარულისა და მეგობრობის?..

დამწვრის სუნისგან ორივე ერთად მოეგო გონს.

— ფლავი!—დაიძახა ილეთაქსამ, ზეზე წამოიჭრა, ქვაბი გადმოიღო ცეცხლიდან და აფუსფუსდა, ალაპარაკდა: — ესლა ჩვენი ერთად პრემიერ-ვახშამი იქნება. ამის გამოთ ჩვენ უნდა მივიღოთ ასი-ასი ვრამი ქინძ-მა-რაული! ძნელი სახელი არი, ხოლოთ მეტად ლამაზი. შენ თუ ისეთი ხარ, როგორც შენი ძმა ლეონ ფიქრობს, როგორც შენი ირმისელები ხალხი ფიქრობს, მე გათხოვებ ჩემ პომეროსს, დანტეს, ვერგილიუსს!..

— ვერგილიუსიც გენიოსია?

— დიახ! ვერგილიუსი რომში დაიბადა, ქრისტეზე უფრო წინ და მემრე, თოთხმეტი საუკუნე მემრე მოვიდა დანტესთან და წაიყვანა

ჯერ ჯოჯოხეთში, შემდეგ სამოთხეში. თუ ცინდა, მე შემეძლება ვი-  
ყო შენი ვერგილიუსი.

— არ მინდა.

— რა არ ცინდა?

— შენი ვერგილიუსობა.

— ოო, ეგ ძალიან-ძალიან საინტერესო არი! რატომ არ ცინდა?  
ალექსიმ არ უპასუხა. თავისთვის გაიფიქრა, რომ სამოთხემდე  
ვერ მიიყვანდა კაცი, რომელმაც მასთან ერთად არ გაიარა ჯოჯოხე-  
თი.

— შენ სუმიტლათ არ იცი ირაციონალური მოვლენა, ხოლოთ კო-  
მუნისტური რეალიზმი იცი! — უსაყვედურა ილეტაქსამ.

— მე კი მგონია, შენ დაბადებით, ბუნებით ხარ კომუნისტი.

— არა! მე პარტია არ ვიცი, მე თავისუფალი ადამიანი ვარ, ხო-  
ლოთ ანტიფაშისტის ვარ. რატომ არ დალიე ქინძ-მა-რაული?

— შენი დღეგრძელობისა მინდა დავლიო, მაგრამ არ ვიცი, ვი-  
ნა ხარ, რა კაცი ხარ.

— მე ასი ანკეტა დავწერე, კამარად, მეტი არ მინდა! — გაბრაზდა  
ილეტაქსა და ფლავს მიეძალა.

— ანკეტა არა მჭირდება, მინდა ვიცოდე, აქ როგორ მოხვდი, რა  
კაცი ხარ.

— ძალიან-ძალიან კარგი კაცი ვარ! ფაშიზმის წინააღმდეგი სა-  
ლდათი ვარ, ომის ბოლოში დაჭრა მივიღე და ყაზახი სალდათმა  
თავისი ზურგით წაიღო თქვენი საბჭოთა ქვეყნის პოსპიტალში, მიუ-  
ხედავად რომ უფრო მეტად დაჭრა ჰქონდა. შემდეგ ევაკუაცია მოხდა  
და მე ყაზახი სალდათით ერთად ყაზახეთის რესპუბლიკაში მოვედი.  
ის სალდათი — ჩემი ძმა მაგჟან ტასანბაევი არი, დიი-ი-ას! სატანა  
მაგჟანმა ბრძანა, აქ იცხოვრე, ჩემი აბაი-ბაზარ რაიონში. ესლა აქ  
ქქიმი უნდა — მე ექიმი ვარ, წამალი უნდა — მე პროვიზორი ვარ,  
როცა მანქანა როგორც ჯორი გახდა — მე მანქანას სპეციალისტი  
ვარ, ხოლოთ ფილოზოფია არცვის უნდა, ხოლოთ მე მინდა! ესლა  
იცი, როგორი კაცი ვარ და დალიე ქინძ-მა-რაული ირმისელი ხალხი  
ამბობს, ქინძ-მა-რაული ზიარება არი! შენ იცი ზიარება?

— დაიცა, სამშობლო არ გენატრება?

— ჩემი სამშობლოს უფალებს ანტიფაშისტის სალდათი არ უნდა,  
ჩემი მამა, დედაც მოკლომილი არი, ჩემი ცოლი სხვა კაცით წავი-  
და... — თქვა და უცებ წამოდგა, სუფრა აიღო, ჭურჭელი მიაღაგა. თან

ბუზღუნებდა: — მედიცის აზრით შენ უნიკუმი ხარ, ვფიცავ ღმერთებს! ესლა მოკდომა გინდოდა, ესლა დიდი-დიდი დოზა ლაპარაკი ვინდა. ესლა შენ არა ხარ პაციენტი, ესლა შენ გამოთ მე ვარ ავით გახდომილი და არ გამიშვებ ეიპინო, და დილათ ვერ წავალ სამსახურში...

ისევე უცებ ჩააქრო ლამპა და იატაკზე დავებულ ლოვინში ჩაწვა, საბანი თავზე წაიფარა და ვაისუსა.

ცოტა ნატალიას გაკეთებული ფლაგი, ორი ყლუპი, მართლაც, ზიარებასავით ღვინო, და კოსტა ილეტაქსას გამოუთქმელი მომზიბველლობა ძალზე ყუათიანი აღმოჩნდა. ალექსის მალე დაეპინა ჯანსაღი კაცის მშვიდი ძილით.

ფრთხილმა ფაჩუნმა გამოაღვიძა. ოთახი ვაჭედილი იყო დღის ხასხასა შუკით.

„ნუთუ ასეთი შუქი იმ პაწია სარკმლიდან?“ — გაკვირვებით გახედდა ალექსი ითხიარდაპირუ კედელს.

სარკმელთან მიდგმულ ტაბურეტზე შემდგარი, ჭრელწინდებიანი გოგონა დაინახა. თიხის ქილაში ყვავილების თაიგულს სცვლიდა, ცოცხალი ყვავილების თაიგულს. „საიდან?“ — გაოცდა ალექსი. გოგონამ თაი გვერდზე გადახარა, თაიგულს შეხედა და ხელები ასწია, ქილა ოდნავ შეატრიალა. გამსდარი იყო და ბეჭები კაბისქვეშ შეკეცილი ფრთებივით დააჩნდა... წყვილი წვრილი ნაწნავი ბეჭებშუა, როგორც კალაპოტში ჩალავდნენ. ალექსიმ ქერა ნაწნავეები იცნო.

— ნატო! — დაუძახა ჩუმად.

გოგონა შეკრთა, მერე გამოიხედა, განარებული ვადმოხტა იატაკზე და ტასტთან მიიბინა.

კარგა ხანს უსიტყვოდ ათვალეირებდნენ ერთმანეთს. ალექსის საოცარი გრძნობა დაეუფლა. განვლილი ცხოვრების თითოეული მონაკვეთი ცალ-ცალკე დასრულებულ სიცოცხლედ მოეჩვენა. თითქოს ბევრჯერ უცოცხლია. უხსოვარ დროიდან მოდიოდა ერთი სიცოცხლიდან მეორეში, ყოველთვის ახალ, უცნობ სამყაროში, და თვითონაც სსვა იყო, სსვანაირი. მოეჩვენა, რომ ამ გოგონას ოდესღაც შესვედრია, ერთ-ერთ გარდასულ ცხოვრებაში, როცა თვითონ ახალგაზრდა და ბედნიერი იყო, ეს კი — ნებიერა, ლოყაწითელა ბავშვი. სსვა ცხოვრებაშიც შეხვედრია, როცა თვითონ მიხრწნილი, ნებაგა-

მოცლილი მოხუცი იყო, ეს კი — უღრან ტყეში ჩაკარგული, საყვე-  
ღურით სავსე თვალებიანი ნუკრი. და მერე მოეჩვენა, რომ უწინდე-  
ლი ცხოვრებიდან მოვიდა ამ ახალ სამყაროში იმისათვის, რომ ამ  
ფერმკრთალ, გამხდარ გოგოს, აი ამ პატარა ნატოს მოუაროს და  
უპატრონოს...

გოგონა გახარებული უყურებდა.

ალექსიმი უკვე იცოდა, რომ მართლაც სახადიანსა ჰგავდა. მთელი  
სხეული, მეტადრე სახე და ხელები დაფარული ჰქონდა სხვადასხვა  
სიღრმის, სიდიდის, მოყვანილობის წყლულით. ზოგი ჯერ ისევ ჩირ-  
ქიანი იყო, ზოგი გაწმენდილიყო, ზოგს პირი შეეკრა და მოთეთრო  
ნაწიბურივით აჩნდა.

— რო მიყურებ, არ გეშინია?

— მივეჩვიე.

— რა ძალა გეღვა?

— დიდებამა თქვა, ბოღვაში სუ ამ გოგოს ასსენებსო და ეგება  
გაეხარდესო, გონზე რო მოვა და დაინახავსო. ძია ალექსი, მართლა  
გაგიხარდა?

— ვერ გეტყვი, როგორ გამიხარდა.. ნატო, ეს ყვავილები საი-  
დან?

— იცი, გარეთ რამდენია? იმდენია, იმდენია, ქვეყნისა!

— მაჩვენე.

— ძია კოსტამ მითხრა, გარეთ არ გაუშვავო.

— ხედავ, ძია კოსტას სცოდნია, რომ ავდგებოდი. უეჭველად უნ-  
და ავდგე, ნატო. მე ერთი ისეთი წამალი ვიცი, ხელად მომარჩენს.  
ხოლოდ ეს წამალი მზემ უნდა მომცეს. გარეთ თუ არ გავედი, აბა  
როგორ მომცეს, პა?

— ტანისამოსი? თქვენი ტანისამოსი ნაკუწ-ნაკუწად იყო დაგლე-  
ჯილი, დიდებამ ახლები შეგიკერათ, იქ არი, ბარაკში.

ნატოს შეეცოდა დაღონებული ძია ალექსი, ტაბურეტი კედელ-  
თან მიდგა, კაუჭზე დაკიდულ ხალათს მისწვდა და ჩამოიღო.

— ეს ჩაიცვით, ძია კოსტასია.

— არ ეწყინება?

— ძია კოსტას მეორეცა აქვს ამისთანა.

ალექსის ჩაეცინა. ქრისტესავით განსაჯა პატარა გოგომ. მერე  
ნატოს გაეცინა — ვიწრო და გრძელ ქლამიდაში გამოწყობილი ძია  
ალექსი ძალიან სასაცილო იყო!

ნატოს მხარზე დაყრდნობილი ალექსი კარისკენ წავიდა. ვარეთ გამოისულს შავი წერტილები აულიცლიცდა თვალბჭინს. შეისვენა და მერე დაინახა: უსასრულოდ შორეულ ჰორიზონტამდე მიწა საოცარი ხატაურით იყო მოფენილი. ყაყაო, ტიტა, ზამბახი; ყაყაო, მანია, ზაფრანა; ყაყაო, ცისთვალა, მანიტა; ბექანდარა, გვირილა, სოსანი; და ყაყაო, ყაყაო... ჰყვოდნენ ნაზი და მყვირალა, ხასხასა და ჰაეროვანი, ნაცნობი და უცნობი ფერის, ელფერის, იერის ყვავილები. მზე აელვარებდა მათ, ნიავი ალელვებდა მათ, მიწაზე ფერთა აჯანყება იყო.

ალექსი გაუნძრევლად იდგა. მისი გონება ხარბად აღიქვამდა წყალივით მოწყურებულ სილამაზეს. მის სხეულს პურივით აძლობდა თვალით ათვისებული მშვენიერება. იდგა და მართლაც უებარი წამალივით ეღებოდა მზის სხივიც, ნიავიც, სურნელებაც.

— ნატო, რა ხდება, ხედავ, რა ხდება? რა საოცრებაა, ხედავ? — თქვა და წელგამლილი შევიდა ყვავილოვანში, მთლიანად შეეზიარა ფერთა ფანტასტიურ აღლუმს.

— ძია ალექსი-ო! შორს ნუ მიდისართ, დაბრუნდი-ით!.. — ალექსიმ შიში და შეშფოთება იგრძნო ნატოს ძახილში, გამობრუნდა და მხოლოდ მაშინ შეხედა ქოხს, რომლიდანაც გამოვიდა.

ყვავილთა თვალუწვდენელ სამეფოში კენტად იდგა ალიზის ქოხი. მაგრამ ქოხი იყო? ალბათ თავის დროს ნიავით მოტანილი ყვავილების მტვერი მოექიდა მის სახურავს, კედლებს, და ახლა ნაირფრად გადაშლილ ყვავილებს ზღაპრულ სასახლედ ექციათ იგი.

— ნატო, ვისია ეს სახლი, მე აქ რათა ვარ, თქვენთან ერთად რატომ არა ვარ?

— ეს არავისი სახლი არ არი, სახურავიც არა ჰქონდა, სუმთლად მინგრეულ-მონგრეული იყო. ძია მაგჟან ტასანბაევმა თქვა, ჩვენი ხალხი წინათ რო მეჯოგე და მომთაბარე იყო, ეს ქოხიც იმათვენი იყო, ხან ღამეს რჩებოდნენო, ხან ავდარში შეეფარებოდნენო. შენ რო გიპოვნეს, ბარაკამდე შორი არიო, და ძია კოსტამ ბრძანა, აქ დავაწვინოთო. ძია მაგჟანმა კიდე ბრძანა, მასალა წაიღეთ, სახურავიც დახურეთო და მანგალიც დადგიოთ.

— უყურე შენ!.. ნატო, ძია მაგჟანი ვინ არი? ღობიანი კაცი როა, და ძალზე წვრილი ხმა აქვს, ის ხომ არ არის?

— შენ საიდან იცი? — გაუკვირდა ნატოს.

— ავად რომ ვიყავი, მაშინ დამახსოვდა, შემოვიდა და იკითხა,

თქვენი მომავალიც მთავრად თუ ჯერ არაო? მახსოვს, ღიპიანი იყო.  
— რათ ამბობ, ღიპიანიო? იმ კაცმა თავისი მონადირე ძაღლი სწორ-  
რონა წაიყვანა შენ საძებნელად და კინალამ თითონაც დაიღუპა იმ  
უდაბნოში, ვიპოვნა, როცა შენ აღარცკი სუნთქავდი... — ნატოს ცრე-  
მლებით აევსო თავლები.

— მაპატიე, ნატო, აბა მე რა ვიცოდი? მე ვერ დამახსოვდა, რა  
ვიცოდი, ვინ იყო? მაპატიე... ეხლაც არ ვიცი, ვინ არი.

— წინაით თურმე მეჯოგე იყო, მერე ომში იყო და იქ ძია კოსტა  
იპოვნა, ეხლა ბაშბის მეურნეობის დირექტორია, შრომის ვმირია  
და პოლოლა გოგო ჩემოდენა ჰყავს, სალიმა ჰქვია. სალიმა თურმე  
ისე ავად იყო, დიდ-დიდ ექიმებს ეთქვათ, არაფერი ეშველებაო, და  
მერე ძია კოსტას მოუტრენია თავისი წამლებით. იმიტომაც ძია კო-  
სტა ძია მაგჟან ტასანბაევის ღმერთია, რასაც ძია კოსტა სთხოვს,  
ყველაფერს უსრულებს, თანაც შაითანს ეძახის. იცი, სალიმა რა კა-  
რგი ვოგოა?!

— ჰოო?... — ალექსიმ პეშვით მიწა აიღო, ხელისგულზე დაიფხვი-  
ერა, ვასინჯა, დაყნოსა. თიხიანი ნეშომპალა იყო, ყამირი!..

ნატომ ტაბურეტი გამოუტანა და თვითონ პეპლებს გაეკიდა.

შთაბეჭდილებით მოღლილი ალექსი ჩამოჯდა, თავი ბეჭებისკენ  
გადასწია, სახე ნიავს მიანდო და თავლები დახუჭა. ვერ შეატყო, რო-  
დის იცვალა გეზი მისმა ფიქრმა. იქნებ წელანვე, როცა პეშვით მიწა  
აიღო, ან უფრო ადრე, როცა ფერთა მღელვარე ზღვა დაინახა... თავ-  
ლები რომ გაახილა და ისევ იმ ყეავილოვან მდელს გახედა, სწორ  
მწკრივებად დამდგარი ვაზი მოეჩვენა...

ველარ მოითმინა, ქოხში შევიდა, სსვა ვერაფერი ნახა და ქარ-  
ცახი გამოიტანა. რამდენიმე ადგილს ორმო გათხარა, ბეჯითად გა-  
სინჯა მიწის ფენები და დაღლილი რომ ჩამოჯდა, ვაზის მწკრივები  
ფეხადგულ ლევიონებად შემოულაგდნენ ირგვლივ...

ფიქრებიდან ნატოს ხმამ გამოარკვია.

— უყურე, ძია ალექსი, ამისთანა პეპელა ვინახია? იცი, როგორ  
ვეწვალე, ძლივს დავიჭირე. ფიცარზე დავაკრავ და სანდრას ვაუგ-  
ზავნი, სკოლაში ექნებათ, ნორჩი ნატურალისტების მუზეუმში!

— პეპლების დასაჭერად პადეს ვაგიკეთებ და მუზეუმში გასაგ-  
ზავნად, ყუთსაც ვაგიკეთებ.

„როგორ ვაუხარდა! ნეტავი ცალფეხზე დატრიალდეს,“ — მწველ-  
მა ნატვრამ გული ატკინა ალექსის.



— და ევეთ სახლსაც ავიშენებ, გინდა?

— ნამდვილს?

„ნამდვილ კომპაინს, მაში-ი?“ — მეკრდის მარცხენა მხარეს ლახვარივით ეცა, რომელიღაც გარდასული ცხოვრებიდან შემოჭრილი ხმა. ჩუმად, სვენებ-სვენებით უთხრა გოგოს:

— ნამდვილს. აი ასეთს, როგორც ეს არის. მზე რომ ვაატობს, ზღაპრულ კომპს დაემსგავსება, და შენ ყვავილების დედოფალივით ოჯახები შიგ.

გახარებული ნატო ბზრიალასავით დატრიალდა ცალფეხზე. ალექსიმ თვალები დახუჭა. „არა, არ შეიძლება“, — შეაცრად უთხრა თავის თავს და მტკიცედ აღიკვეთა იმ გარდასული ცხოვრების სურათების ხილვა. ნელა წამოიღვა, ისევ ჩუმად უთხრა:

— შევიდეთ შინ, ნატო. შენა ხარ ჩემი ვერგილიუსი...

ნატოს ეგონა, „ვერგილიუსი“ ყაზახების ენაზე საალერსო სიტყვააო, და მხიარულად გადიკისკისა.

საღამოს სამუშაოდან დაბრუნებულ ილეტაქსას ირმისელებიც მოჰყენენ. ალექსი ლოგინში დახვდათ, მაგრამ საყვარელი თვალით რომ არა ჰქონოდათ ნახაზი, ვერ დაიჯერებდნენ, რომ ახლახან ის გადადებული ავადმყოფი იყო. რა თქმა უნდა, ალექსი ისეთივე გამხდარი და ფერმკრთალი იყო, მაგრამ ნიაზემა წყლულები მოუშუშა, მზემ საფეთქელთან ნაიარევი მიუჩქმალა, თვალებს ზაფრა გაღაცლოდა და ბუღეში ჩამსხდარნი მშვიდად სხივოსნობდნენ.

— გეტყობა მალე წამოხვალ ჩვენიან, — უთხრა ნატალიამ წასვლისას და გაუკვირდა — ალექსიმ პასუხი დაუგვიანა:

— არ ვიცი, ვნახთ. ლევანმა ტანისამოსი მომიტანოს...

ილეტაქსამ ირმისელები რომ გააცილა და ოთახში დაბრუნდა, მის ხალათში გამოწყობილი ალექსი ზეზე დახვდა.

— ძალიან-ძალიან მშვენიერი საექტაკლია! ნამდვილი ჰამლეტი ბძანდები და სახეზეც მსოფლიოს პრობლემა დაგიწერია!

— მსოფლიო პრობლემებს თავისი გადამწყვეტი ჰყავს, მე ერთი პატარა აზრი დამებადა, შენი დახმარება მჭირდება, მომისმენ?

— ვიქნები როგორც სფინქსი! — დაჰპირდა, ილეტაქსა და მუხლ-მორიხნით წამოჯდა ტახტზე, მაგრამ წუთის შემდეგ დაშუშულივით ანტა.

— შენ გიჟი ხარ! შენ კიბილკუმში გაგიჟდი! არა, კიბილკუმი არ არი შუაში, შენ გიჟი დაიბადე!

ყვირილით გული რომ იჯერა, ბოლთისცემა და ხელების ქნევა დაანელა, ალექსის წინ დადგა და დამრიგებლის კილოთი უთხრა:

— შენ დაგავიწყდა, კამარად, შენი ცხოვრების რადიუსი სოლოთ სამი კილომეტრი არი. დაგავიწყდა, შენ ორი ხელები გაქ, მეტი არაფერი. დაგავიწყდა, შენი ორი ხელები ბამბის პლანტაციას უნდა, დაგავიწყდა, თქვენი კომუნდანტი ძალიან-ძალიან ძალღი კაცი არი!

მან ფესი გადაიძრო თავიდან და სათვალე მოიხსნა. ჭკვიანი და აფსორილი ჩიტი ძალზე ჯავრობდა:

— ირმისელი ხალხი ძალიან-ძალიან შეცდომაში არი! შენ დინჯი კაცი არა ხარ, საქმეანი კაცი არა ხარ. მე ვფიქრობ, კარგი მევენახე არა ხარ! ისე ამბობ, როგორც ჩემოდანი გაალო და ყურძენი აილო. მე შენზე მეტად ვიცი, რა არი ვენახი!

— უნდა იცოდე. საბერძნეთში ვაზი ჩინებულად სარობს, მეტადრე საჩამიჩე ჯიში „კორინთული“.

— შენ საიდან იცი? — უცებ ჩაცხრა ილეტაქსა.

— სად რა ჯიშის ვაზი სარობს, მაგის მეტი რა ვიცი?!

— და მაშინ რატომ არ იცი, ვენახს მანქანა უნდა, მუშა უნდა, ფული უნდა, სუფსიდა! შენ გიჟი ხარ, შენი ფიქრიც ქიმერა არის, ბოდვა არის, ბოდვა!

— ეს ბოდვა სიკეთით რომ ახდეს, არ გინდა?

— მე ყელამდე სავსე ვახდი შენი ბოდვით! ოცი და ერთი დღე ბოდვა, ბოდვა, ბოდვა, მეტი არ მინდა, მადლობთ ვარ!

— ის ოცდაერთი დღე მე არ მითხოვნო, მე ერთ საათსა გთხოვ. „ერთ საათსაო“, — თქვა ალექსიმ, მაგრამ ქოხში ლამპის შუქი დღის ნათელმა შესცვალა, ისინი კი განაგრძობდნენ მუშაობას. იყო ჩხუბი, ყვირილი, კამათი. შიგადაშიგ სიმშვიდეც იყო. ილეტაქსას სამსრეთ ყაზახეთის სამხარეო მუზეუმის გამოცემული წიგნიც აღმოაჩნდა, წიგნს რუკა და სარწყავი ქსელის სქემა ჰქონდა დართული.

დილით ილეტაქსას წასაყვანად მანქანა რომ მოვიდა, კოსტამ სათვალე მოიხსნა და ჩისანი-ჩიტივით წარმოსთქვა:

— შენ საგიჟე ჰოსპიტალში იზოლაციაში დაჯდები!

მერე კარებიდან დაბრუნდა და დაუმატა:

— მთავარი მაგჟანი არის. თუ მაგჟან ტასანბაევმა თქვა — „არა“, მემრე იქნება მაგჟანის ჯორცხენამ ბიბლია ისწავლოს, სოლოთ არ იქნება მაგჟან თქვას — „პო“!

მართალი რომ ითქვას, ანტიკური პოეზია არცთუ ისე ხიბლავდა ალექსის, მაგრამ ილეთაქსას ხათრი და პატივისცემა აიძულებდა ჰომეროსის დაძლევის.

„ალბათ ჩემი გონება ვერ ჩასწვდომია ამის სიღრმეს, — გულდაწყვეტილი დაუშვებდა ხოლმე წიგნს, როცა სტრიქონებს შორის წერა-ქვები, თოხები, ნერგები აირეოდნენ. — ვინა თქვა, ოლიმპი მოსვენებისა და განცხრომის ადგილი იყო? სწორეთ იქიდან, იმ ღმერთებისგან წამოსულა შური, ღალატი, ვერაგობა, მრუშობა. ჰომეროსი რომ გაცოცხლდეს, გაოცდებოდა: ადამიანის გონება და ხელიცის, მიწის, ზღვის სიღრმეებს მისწვდომია და იმ ძველთა-ძველი დროიდან წამოყოლილ ბნელ ზრახვებს კი ვერ მოჰრევიათ...“

ამგვარ ფიქრებში იყო, როცა ქოხთან ჯორცხენა განერდა. უნაგირიდან კაცმა გადმოიწია ჩამოსასვლელად, მაგრამ მისმა სიმძიმემ უზანგის გაცვეთილი თასმა გაწყვიტა. კაცმა წონასწორობა ძლივს შეინარჩუნა და ჯორცხენას წვრილი, მაღალი ხმით შეუკურთხა.

ალექსიმ მაგჟან ტასანბაევი იცნო და მისვდა, რომ მისი მოსვლისათვის ილეთაქსას უნდა უმადლობოს.

ერთხანს შორიდან ათვალიერებდნენ ერთმანეთს რჩეულიშვილი და ტასანბაევი.

ვიწრო და ვრძელ, თაღს ქლამიდაში გამოკრული ალექსი ყვაავილოვანში იდგა, გადაშლილი წიგნით ხელში.

ტანმორჩილ მაგჟანს შავი კიტელისა და ჩექმებში ჩატანებული შარვლის ზემოთ წითელნაყშებიანი ფარფარა სალათი ეცვა და თავზე ჭრელი ოთხკუთხა ქუდი ეხურა. ჯორცხენის გავას მიყრდნობილმა, გადაჯვარედინებული ხელები გულისფიცრის ქვემოდან ზეგანივით ამოზრდილ ღიპზე დაასვენა.

ალექსი ქოხისკენ წამოვიდა. ტასანბაევმა ირბი, შორი-შორ დასმული, მძივივით წვრილი და ბრჭყვიალა თვალებით ახედ-დახედა, ქოსა სახეზე ღიმილმა გადაურბინა.

— გამოჯანსაღებას გილოცავ, ამხანაგო, — თქვა მან მისალმების შემდეგ.

— ემადლობთ, არც კი მჯერა, ავად თუ ვიყავი.

— იოი!.. — მოკლე და ფართო ცხვირის ნესტოები დაბერა, მომრგვალებული ტუჩებით უცნაური, მოკლე ბგერა გამოსცა ტასანბაევმა.

— შინ შემობრძანდით, — შესთავაზა ალექსიმ.

— არა. ბამბის ყურებამ მომკლა, მეც მინდა თვალს წყალი დაე-  
ლევინო, დავტყუე ყვავეილების სილამაზით, — ორღესულად თქვა მე-  
ბამბეობის საბჭოთა მეურნეობის დირექტორმა. ველისკენ წასულ  
ჯორცხენას თვალი გააყოლა და ჩამოჯდა, საცოდავად ააჭრიჭინა  
ტაბურეტი. ხალათის ჯიბიდან ჩიბუხი და ქისა ამოიღო.

— მოიცა, — უთხრა ალექსიმ და შინ შევიდა, თამბაქოს დამატი  
გამოუტანა. — ეს გასინჯე, ჩვენებურია.

— ქრთამია? — აჭიმა ტასანბაევმა მოკლე, გაფრენილი წარბები.  
თამბაქოს ფოთოლი დაფშენა, ჩიბუხი დატენა და ვრძელი ნაფაზი  
დაარტყა. სველა აუტყდა, თვალებზე ცრემლი მოადგა და მუცელზე  
შეკრულმა ღიღმა კილო ვაკლიჯა, ბზრიალით დავორდა მიწაზე.

— მავარია! — ძლივს მოითქვა სული.

— ქრთამი მავარი უნდა იყოს.

— იოი! — ისევ გამოსცა ის თავისებური ბგერა ტასანბაევმა და  
ველს მიაჩერდა. ხმა აღარ ამოუღია, პატარ-პატარა, ფრთხილი ნაფა-  
ზებით ჩაფერფლა თუთუნი, მერე ჩიბუხი გამოწმინდა, შეინახა და  
ისევ ყვავეილოვან მღელღოს მიაჩერდა.

თავშეკავებაში და მოთმინებაში ერთმანეთის გამოცდა კარგა  
ხანს გაგრძელდა. პოლოს ტასანბაევმა ტაბურეტი ააჭრიალა, ალექ-  
სის მოუტრიალდა.

— არ გამოვა! — მოკვეთა ცივად და გიშრის წვრილი ბურღებივით  
დაასო თვალები.

„ნეტა რა უთხრა, როგორ უთხრა კოსტამ, — ნირშეუცვლელად  
გაუსწორა თვალი ალექსიმ. — სიტყვა ძალიანიაო, მაგრამ მე ისეთი  
რა სიტყვა გამოვძებნო, ამ კაცმა რომ გამიგოს და დამიჯეროს.“

— არ გამოვა, ამხანაუო, — ისე ვაიმეორა ტასანბაევმა, თითქოს  
ამის სათქმელად მოვიდა, თქვა და საქმე დამთავრებულად ჩათვა-  
ლაო.

„არც სიტყვის ძებნა დამჭირდა, არც დიდი მჭევრმეტყველება“, —  
მწარედ ჩაიციინა გულში ალექსიმ და სახის შეუვალი გამომეტყველე-  
ბით თქვა:

— რას ვიზამ, მეც ბამბას მოვეუვლი.

— აი, ეგ სწორი გადაწყვეტილებაა! — ვითომ გაუხარდა ტასან-  
ბაევს, სინამდვილეში კი ალექსის გამომეტყველებამ და კილომ შეა-  
ცბუნა: ეს კაცი რას იფიქრებს, უარის სათქმელად ამ სიმორჩეზე რას

მოდიოდნენ. ასე მოკლედ ნათქვამ თანხმობასაც კი არ ექნებოდა ლა-  
ზარის. უარის თქმას დინჯი საუბრის ბოლოსაც მოვასწრებდი...

— შენ და ილექსისას ქალაქი ბლომად დაგიხარჯიათ. მე ქა-  
ლაღობა არ მინდა, მოდი იქ მარჯვენა, — თავი გადააქნია ველისკენ.

ალექსი ისე შეუძღვა ყვავილოვანში, თითქოს ვენახის ჭამკარში  
გაატარაო. ვინ იცის, რამდენი კილომეტრი მოიარეს ალექსის ნავა-  
რაუდევ ნაკვეთებზე. მევენახე დაწვრილებიო უამბობდა მეზამბეს  
ვენახის გაშენების თანმიმდევრულ პროცესებს. ორივეს ხეივანი სდი-  
ოდა. დაიქანცნენ კითხვა-პასუხით, ტკბილი საუბრით და კვიმატიანი  
ქარავნებით.

ბოლოს ტასანბაევმა უბიდან საათი ამოიღო. სამახსოვრო წარწე-  
რას ხელი გადაუსვა და სახურავი ახადა.

— იოი, მთელი დღე დამეკარგა! — გაჯავრდას თითქოს, სწრაფი  
ბუნძულით წავიდა ქობისკენ, ილაჯგაწყვეტილი დაეშვა ტაბურეტზე  
და თან მოტანილი მუცლიანი დოქი მიიყუდა. ბლომად დალია და მე-  
რე დოქი ალექსის გაუწოდა, თანაც ყვავილოვანში გალაღებულ ჯორ-  
ცხენაზე უჩვენა:

— ამისი დედის რქა. კარგი ჯიშისაა. ამან გაგაცოცხლა.

— ჰა? — ფერი ეცვალა ალექსის.

— ცოტა მქონდა მათარაში, აი მაშინ, უდაბნოში რომ გიპოვნეთ.

ალექსი ცდილობდა გულისრევა დაემორჩილებინა, ტასანბაევი  
მოკატუნებით უთანაგრძობდა:

— სამკურნალოდ რომ ჩამოდიან, პირველ დღეებში თითი სულ  
პირში აქვთ. მერე ენვევიან, ძალიან მოსწონთ და ბევრსაც სვამენ.  
შენც ბევრსა სვამდი. ასეთი დოქს ორ დღეში სცლიდი. დალიე,  
ახალთახალი კუმისია, სიცოცხლეა, დალიე!

ალექსი თავისი გაჩენის დღეს სწყევლიდა, მაგრამ ტასანბაევის  
დაუინებულ თხოვნას ასრულებდა, ცდილობდა კუმისი მშვიდობიანად  
ჩაეცილებინა ყელში. თან ილექსისაზე ბრაზობდა, იცნო თეთრი მო-  
ტკბო სითხე, უხვად რომ ასმევდა — წამალიაო.

— აი ასე, ყოჩაღ! — მოეწონა ტასანბაევს ცარიელი დოქი რომ  
დაიბრუნა. მერე ჩიბუხი მუხლებზე დაჰკრა და საქმიანად უთხრა: —  
მენანები, მაგრამ უნდა გითხრა: არ გამოვა.

ალექსიმ თავის გამხდარ ხელებს დახედა, აღარ ხედავდა ტასან-  
ბაევის განზე გაწეული ყვრიმალეებით გაფართოებულ სახეს, ეშმაკუ-  
რად აციმციმებულ თვალებს, მხოლოდ მისი წვრილი ხმა ესმოდა:

— შენ გუთანი ვინდა, გუთანს ტრაქტორი უნდა. არა მაქვს. შენ წყალი გინდა, არხი უნდა. არხი აქ არ არის. შენ ქარსაფარი გინდა, აქ ორი-სამი ხე დგას, აქ არსად ტყე არ არის. შენ მუშები გჭირდება, მუშები ბამბას არა პყოფნის. ჩვენს აბაი-ბაზრის რაიონში ვაზი არ არის, ჩვენებურებმა ვენახის მოვლა არ იციან. ძალიან ვნანობ, მაგრამ არაფერი არ გამოვა, გაიგე?

„გაიგე, — გულში უპასუხა ალექსიმი, თავი არ აუწევია. — რაღას მლლიდა ლაპარაკით ეს ღმერთბაღლი? გაიგე, ზედმეტ თავსამტკრევს ერიდები. მე ჩემს გულს ვერაფერი მოუუხერხე, აღვირი ვერ ამოვდე, სულ საითკენღაც მიიგლიჯება, ტიალი...“

— გაიგონე, ამხანავო, რა გითხარი?

— გავიგონე.

— მაშ, ჩუმად რაღა ხარ?

— რაღაა სალაპარაკო.

— შენი სიტყვა თქრო ხომ არ არის?! გეგონა, ერთი სთქვი და მორჩა, დიდი საქმე გავაკეთე?! — აღშფოთდა ტასანბაევი.

ალექსის რატომღაც იმედი მიეცა და თავი ასწია. ტასანბაევმა ქონიკაპი მოიფხანა და თქვა:

— კოლმეურნეობის თავმჯდომარე ხარ, ამბობენ, პატიოსანი კაცი ხარ, მითხარი, დაუკითხავად შეიძლება ასეთი საქმის გაკეთება?

— დაუკითხავად რათა? შენ ღირექტორი კაცი ხარ, უმაღლესი საბჭოს დეპუტატი ხარ, შრომის გმირი ხარ, უარს რად გეტყვიან? ეს ტრამალი უსაქმურადა გღია, ამის გამოყენებას ვინ აგვიკრძალავს?

— უსაქმური მიწები იქაც ბევრია, ჩვენი პლანტაციების ახლო. მტყვიან, ის აილე, ბევრი და კარგი ბამბა გვექნებაო.

— შენ ბამბა გიყვარს, მაგჟან. როცა კაცს თავისი საქმე უყვარს, ის იგრძნობს სხვასაც როგორ უყვარს თავისი საქმე.

— ვიგრძენი, მერე რა რომ ვიგრძენი? რა ექნა? რა შემიძლია?

— ჩვენები, ვინც დარბანის რაიონიდან არიან, ყველანი მტყენახეები არიან, თავისი საქმის ოსტატები არიან, ჩვენგან მებამბე არ გამოვა.

— რას ნიშნავს „მებამბე“? როცა ბამბას სჭირდება, ასტრონომიის პროფესორიც რომ ჩამივარდეს ხელში, ბამბაზე ვამუშავებ!

— მე წელან გითხარი, როცა ბამბას დასჭირდება, ჩვენ შენთან ვიქნებით-მეთქი, ჩემს სიტყვას არ ენდობი?

— შენს სიტყვას რატომ არ უნდა ვენდო, მაგრამ...

— დაიცა, საქმე მარტო მეზამბეობა კი არ არის, აი აქ უყურე! შეაწყვეტინა ალექსიმი. ქარცახის ტარით მიწაზე ყურძნის მტევანი მოხაზა. — ეს ფრანგული ჯიშის ყურძენია „კაბერნე“. აქედან მზადდება ბორდოს ღვინო, მსოფლიოში საუკეთესო ღვინოდ რომ ითვლება. ეს „კაბერნე“ აქ უკეთესად იხარებს, ვიდრე საფრანგეთში.

„კაბერნეს“ გვერდით ალექსიმ მეორე მტევანი დასატა.

— ესლა უყურე: ეს ქართული საღვინე ჯიშია „საფერავი“. ალბათ დაგიღვევია. აქ უფრო კარგი პირობები ექნება, ჩვენ გვაჯობებ.

ალექსიმ მესამე მტევანიც დასატა.

— ეს კი აქაური, შუა აზიური ჯიშია „ბიან შირეი“. რომ გეუბნები, ვაზს აქ უკეთესი პირობები ექნება-მეთქი, არ გეგონოს, ვაჭარბებდე. საქმე ის არის, რომ აქ არც ჭრაქია, არც ფილოქსერა-ვაზის დამღუპველი სენი. აქ ჰაერი სუფთაა, მზე ბევრია. ვაზი ისე იხარებს, რომ ესლა თუ ცნობილი მეზამბე ხარ, ვენახითაც გაითქვამს სახელს.

— რათ მინდა? სახელი — ხათაბალაა, მოუსვენრობაა.

— შენი მოუსვენრობა ხალხს არგებს.

— სალხი, ხალხი, ყველაფერი ხალხს, მე რაღა? ხუთი შვილი მყავს, ისე იზრდებიან, ვერა ვხედავ. ნადირობისთვის სული მელევა და წელიწადში ერთი დღეც ვერ მომიცლია სანადიროდ. არ გამოვა-მეთქი, გითხარი, არა!

— რა ეშმაკებად მოიცალე იმ დღეს, ჩემთვის დროს რად კარგავდი, რისთვის მომნახე უდაბნოში, რისთვის?

— იოი... — გაბმით თქვა ტასანბაევმა და ჩიბუხი გააწყო. — შენმა ხალხმა მთხოვა, ილეტაქსამ მთხოვა. კარგი კაცი აფსუსია, რად უნდა დაიღუბოს? ნუ მიწყრები, ჩემო კარგო, ბამბა მთხოვე, რამდენსაც გინდა, მოგცემ. სხვა არაფერი არა მაქვს, გაიგე.

— გუთნები და ტრაქტორები გაქვს, მე ვიცი.

— წყალი?

— სირ-დარიაში წყალი გამრა?

— შენ იცი, სირ-დარია სად არის?

— შენს სახლშია მოყვანილი. კიროვის სახელობის არხიდან მოცდის წყალი. კიროვი რომ ცოცხალი იყოს, დაინანებდა?

— წყალი არც მე მენანება, მაგრამ არხი?

— არხს ჩვენ გავიყვანთ-მეთქი, ჩვენ! თორმეტიოდე კილომეტრი არხის გაყვანა, რა დიდი ამბავია? მე შენ მუშახელს არა გთხოვ, არც ბამბისთვის საჭირო დროს დაუხარჯავთ.

— ჩვენ ვენახის მოვლა-მოშენებისა არა ვაგვეკება რა!

— შე დალოცვილო, წელან რომ გელაპარაკე, დაგავიწყდა? შენი ხალხი თავისუფალ ღროს გამოვზავნე, ჩვენ ვასწავლით. ახალგაზრდები საქართველოში გაგზავნე, კურსებზე გაგზავნე, ახალგაზრდებს უყვართ ვაზი, სიხარულით ისწავლიან მის მოვლა-მოშენებას. ჩვენ რომ წავალთ, ისინი დამოუკიდებლად აითვისებენ ამ ტრამალებს.

მაგჟანმა ცერად გამოსედა ალექსის.

— თქვენ სად აპირებთ წასვლას?

— შინ, სამშობლოში.

— იოი... თქვენ არსადაც არ წახვალთ, სამუდამოდ დარჩებით აქ!

— არა, მაგჟან, ნუ გეგონება, ქვეყანაზე სიმართლე დაიკარგოს. პო, ზოგჯერ ნაძირალა იმარჯვებს, მაგრამ შენც იცი, ეგ წარმავალი ამბავია. საბოლოოდ ჩვენი სიმართლე გაიმარჯვებს, მანამდე კი სტუმრად გვივულე.

— სტუმრად! სტუმრად! — გაჯავრდა მაგჟანი, — მე გეძახოდით სტუმრად? ჩამოხვედით აქ, და რაც თქვენ სახლში გქონდათ, აქაც ის მოგინდათ!

— შენ არ გვეძახოდი, მაგრამ არც ჩვენ მოვიმტვრევდით აქეთ თავ-პირს. ჩვენი შეყრა არც შენი ბრალაა, არც ჩვენი. შენი მეურნეობის ბარაკში ცხოვრებას, ჩვენ ჩვენი ცის ქვეშ ყოფნას ვირჩევდით!

— შენ არაფერი არ იცი! — ბურთივით ახტა მაგჟანი, — მითხრეს, ყანალი და მოღალატე ხალხი უნდა მიიღო, მე რა უნდა მექნა? სასალეში არც მე ვცხოვრობ, თქვენთვის რა მომეცა?

— ჩვენ დიდი მადლობელი ვართ შენი! ყიამათ ზამთარში გარეთ გამოყრილი ბაღლებისათვის ეგეც დიდი მადლი იყო, იმათ ისეთი მძიმე დანაშაული აქვთ ჩადენილი, რომ ალიზის ქოხის ღირსიც არ არიან!

— რა გინდა ჩემვან, რა? — შეჰყვირა აჭარხლებულმა ტასანბაევმა, ბრაზი უელვარებდა თვალ-მძივებს.

ბრაზი ახრჩობდა ალექსისაც. რა მოხდა, ბოლოს და ბოლოს? თავის უკიდვანო ქვეყანაში ყველგან ჩიხს უნდა წააწყდეს?

— მე არაფერიც არ მინდა! — თქვა აღშფოთებით, — მე შენ არც იმას გაბრალდებ, რომ ეს შენი მიწა უთვალავი ქართველის საფლავად იყო ქცეული ვიფიქრე, მოდი, იმ ქართველების სახელით აქ ვაზს ვახარებ, ყაზახებს მხოლოდ ძველები კი არა, ჩვენი ცოცხალი გულის ფეთქვაც დარჩებათ-მეთქი. ეს ვიფიქრე, არ გინდა და ნუ!



აღუქსი წამოდგა.

— ხვალ გამოვალ ბამბის პლანტაციაზე, დირექტორო, — უთხრა ყინულივით ცივი ხმით და მოშორდა ტასანბაევს, ბინდის იღუმალუბაში მთვლემარე ყვავილოვანს შეერია...

ილეტაქსას აღუქსი ლოგინში დახვდა. კედლისკენ პირშებრუნებული იწვა, მის შემოსვლაზე არც განძრეულა.

კოსტა ყველაფერს მიხვდა.

— აბა, რა გეგონა, კამარად? მე გითხარი, ტასანბაევი სახელიანი კაცი არი, დირექტორი არი, პალატის დეპუტატი არი, ბამბის გმირი არი, არ უნდა შენი ვენახი. გითხარი, მეღია არი, სატანა არი.

აღუქსიმ ხმა არ გასცა და კოსტასაც მალე დაეკარგა ლაპარაკის ხალისი. წაკითხვაც ვეღარ შესძლო. ბუტბუტით ჩააქრო ლამპა და დაწვა.

დილით ილეტაქსას წასაყვანი მანქანა ჩვეულებრივზე ადრე მოვიდა. საყვირიც ჩვეულებრივზე ხანგრძლივი, განგაშით ყურწამლები და გაბმული იყო.

— ჯერ დრო არ არი — გაბრაზდა ილეტაქსა. არ უყვარდა შინიდან უნაწილო გასვლა, ჩაიდანი შემოდგა მაყალზე და საუბზე გააწყო.

— ბამბის პლანტაციამდე ჩამიყვანეთ, — სთხოვა აღუქსიმ და სწრაფად წამოდგა, ჩაცმა დაიწყო.

კოსტას ლუკმა ყელში გაეჩხირა. „საგანგაშო“ საყვირმა კი არემარე აიკლო. სარკმელში ვიღაცამ შეშოიძახა. თრიეუნი გაცვივდნენ. ალიზის სახლების საშენებელი მასალით დატვირთული სამი მანქანა მოსულიყო.

— ოო, კამარად, მე გითხარი, მაგჟან ტასანბაევი მეღია არი, სატანა არი! — აყვირდა, აწრიალდა, ალაპარაკდა კოსტა ილეტაქსა, — შენ ფიქრობ, შენზე კარგი არ არი პლანეტაზე არცვინ, მე გითხარი, მაგჟანი, როგორც შენ, ისე გიჟი კაცი არი და შენ მაგჟანის კამპანიაში ერთად დაჯდებით საგიჟე პოსპიტალში..

კოსტა ყვიროდა, აღუქსის აღარ აცლიდა, შოფრებს ფეხდაფეხ დასდევდა, უჩვენებდა მომავალი დასახლების დაგეგმარების მიხედვით, სად რა და რამდენი მასალა გადმოეტვირთათ.

„...ოლეგ, გილოცავ ცხრა მაისს! ჩვენი გამარჯვების დღეა და შენ აქა ხარ, ჩემთან. რა უშავს, აქ რომ არ არის ფერდობი და ბებური მუხა, სამაგიეროდ აქ აი, ეს პატარა, ლამაზი აკაციანა, და აქედან უყურე, ხედავ, რა საქმეს შევეჭიდეთ ამ უცხო მხარეში?

ოღერთან შევსება რომ მივიღეთ, შენ მითხარი: „ეს ბიჭები ისე ჰგვანან ერთმანეთს, გეგონება, ყველანი ერთ დედას გაუნენიაო“. ჩვენ ვიცოდით, რა ამსგავსებდა ერთმანეთს იმ სულ სხვადასხვა ბიჭებს. ეხლაც ეგრეა, ოლეგ. არ შეიძლება ადამიანები უფრო მეტად განსხვავდებოდნენ ერთმანეთისაგან, როგორც ირმისელები განსხვავდებიან აქაურებისაგან, როგორც ბერძენი კოსტა ილეტაქსა განსხვავდება ყაზახ ტასანბაევისაგან, მაგრამ ესენიც ოღერთან მდგომი მშვიდობის ჯარისკაცებივით არიან, სიკეთეს ემსახურებიან, ალბათ იმიტომ ჰგვანან ერთმანეთს. ჩვენ ვცდილობთ დავიმეგობროთ მიწა, წყალი, მზე და ქარიც კი. იყავი ჩვენთან, ოლეგ, ძმაო, ჩვენთან იყავი და გვისურვე გამარჯვება...

ჩვენი ფილოსოფოსი კოსტა ილეტაქსა ავადმყოფების და დაზიანებული მანქანების მკურნალი და უებარი წამალია. ოქროს ხელი აქვს, ყველგან და ყველას სჭირდება, მთელ რაიონს უვლის და იმიტომ ჩვენი მზვერავი და მეკავშირეა, ფხიზლად ადევნებს თვალყურს, საით იმაგრებს პოზიციებს ჩვენი მოწინააღმდეგე. მაგჟან ტასანბაევი ჩვენი მესაფრეა და მოიერიშე რაზმის მეთაური. ის „დიდ მიწაზე“ იბრძვის. იმ „დიდ მიწაზე“ ჩვენი მთავარი მოწინააღმდეგე, ჭილყვაების მოდგმის კაცუნაა — კომენდანტი, შიგნით და გარეთ გარეცხილი, გაპრიალებული კაცუნა, საქმე-სიცოცხლედ ამ გადმოსახლებული ხალხის შევიწროება, დამცირება, მათი ნამუშევრის წაგლეჯა რომ გაუხდია. ის დარწმუნებულია, რომ გარდა „მხილებული დანაშაულისა“, ყოველი ჩვენგანი მომავალში უფრო დიდი ბოროტების ჩამდენია და ცდილობს არა გამოეპაროს რა. მაგჟან ტასანბაევი მას „ხოლერას!“ ეძახის, ილეტაქსა—„ვირუსულ მიკრობს“, მე კი მგონია, ის ჩვეულებრივი ჯიბოა, რაფიელაა, მედვედევაა, გულვარდი-შვილია. ისინი ყველგან ყოფილან ჩათესილი. მე ისიც მგონია, რომ ომის ცეცხლს მშვიდობით, უვნებლად, გულარხეინად გადარჩენილ ამათთანა ჭილყვაებს მეტი გამძლეობა და გამრავლების უნარი შეუძენიათ...

ოლეგ, ძმაო, არ გესმის ჩემი ხმა?.. მე არ ვიცი, და შენც ვერ მე-

ტყვი, კიდევ რამდენ მაისობას შევხვდებით მე და შენ აქ, ამ აკაცი-ასთან, მაგრამ მე ვთხოვ, ძალიანა ვთხოვ, შენ მუდამ, განუყრელად იყო ჩვენთან, შენ უეჭველად უნდა იყო ჩემთან, ჩემს გვერდით. ამას წინათ სადღაც დაგკარგე და მე კინალამ უღაბნოში დავრჩი... როცა შენ ჩემთანა ხარ, მე ვერც ჭყანტობი, ვერც უღაბნო, ვერც ვირუსები და ჭილყვაეები ვერ დამაკლებენ ვერაფერს. შენა გწამს, და მეც მიმტკიცებ რწმენას, რომ ირმისიდან შორს ვერ მოვკვდები, სხვაგან არსად არ მიმიღებს მიწა... და როცა კვლავ გიპოვნე, ოლეგ, ხომ ზედავ, უყურე, ტრამალებში ეს პატარა დასახლება დაიბადა. ბევრ-შევბმა მას „ყვავილოვანი“ დაარქვეს. ეს უბრალო დასახლება არ გვეგონოს, არც უბრალო, ალიზის ორმოცი ქოხი. ეს სიკეთის მონაპოვარია... ყოველ ქოხში ბუხარი ანთია, და ყოველ ბუხართან შენ ისეთივე სასურველი სტუმარი ხარ, როგორც იყავი ირმისში...

ოლეგ, მინდა ჩვენსავით გაგახარო: ნება დაგვრთეს წერილები გაგვეგზავნა შინ, ორ თვეში ერთხელ შეგიძლიათ გაგზავნოთო. წავიდა ჩვენი პირველი ფოსტა და ეხლა პასუხს ველით. ხალხმა იცის, რომ საქმით დაღლილს მოლოდინის ჩრჩილი ვერ ეკიდება და ისე მუშაობენ, გაგიკვირდება. ჩვენი ქალები დილა-სალამოს ისეთი სასოებით სწყევლიან ჩვენს ამწიოკებლებს, გეგონება, ლოცულობენო, და მე ხანდახან მინდა ვიყვირო: ამინ! ამინ!..“

ყაზახეთიდან მოსულმა პირველმა წერილებმა შეაზანზარეს და-რჩიანის რაიონი. ნანატრი სიკეთის მაცნედ მიიღეს ის პირველი წერილები. შორ მანძილს ვილა დაეძებდა, მაცნე – სიცოცხლის მაუწყებელი იყო!

მალე მიწერ-მოწერა და მერე ყაზახეთში ამანათების გზავნაც ისე გახშირდა, რომ ჩვეულ ამბად ჩაეკერა სოფლის ყოველდღიურობას. მიძღვთამძღვე სიცოცხლე ეძებდა და ნელ-ნელა ჰპოვებდა თავისათვის საჭირო კალაპოტს.

ირმისის და ნატაძრის გაერთიანებულ კოლმეურნეობა „ირმის-ჩევში“ ყველა სამუშაო დროზე და კარგად კეთდებოდა. მოსავალს სწონიდნენ, ზომავდნენ, ითვლიდნენ, სახელმწიფოს პირნათლად აბარებდნენ კუთვნილს, ხალხს შრომას უნაზღაურებდნენ, მოგვებით – საერთო სალაროს ამდიდრებდნენ.

ვაჟა კვერენჯაძე კარგი თავმჯდომარე იყო. ვაჟა ყველასათვის საყვარელი ვაჟა იყო, მაგრამ...

მაგრამ ირმისელები სულ სხვა რაღაცას იყვნენ ჩვეული. შემოსავლის ზრდას ისინი, რა თქმა უნდა, ახლაც ცდილობდნენ, მაგრამ აკლდათ „ის რაღაცა“, რაც ყველაფერ მატერიალურს — სიხარულის საბადოდ აქცევდა ხოლმე. ისინი ვერ ახსნიდნენ, გონჯაურამ რა წაიღო თან ისეთი, ურომლისოდაც დოვლათი მხოლოდ შრომადღეების ამსახველად დაურჩათ, გეგმების შესრულება — გამოსყიდული თამასუქივით გაუხდათ, და ტყუბებივით დამსგავსებული დღეები მხოლოდ სამუშაოთა სახეობითღა განსხვავდებოდნენ ერთმანეთისაგან.

„დაგვიბრუნდება სიკეთე, გამოიდარებს!..“ — ერთთავად უმეორებდა თავის თავს ხატულა. ცდილობდა დამშვიდებულიყო, რომ შესძლებოდა მუშაობა, ხალხთან შესვედრა, სანდრას არაბავშვური წყენის დანელება, მისი საყვედურიანი გამოხედვის ატანა.

ძნელად გამოიზამთრა ბიჭმა. იმ საახალწლო ნაძვის ხსენებაც აიკრძალა. სათამაშოები და მოსართავეები სკოლაში წაღებინა ამხანაგებს, თავისთვის მხოლოდ თეთრი დათუნია და მელა-კუდიგრძელია დაიტოვა. ახალ სახლისკენ არც იხედებოდა. სკოლაშიც აღარ უნდოდა წასვლა. ბედად, ახალი დირექტორიც კარგი და გულისხმიერი კაცი აღმოჩნდა. მოწაფეებს კარდაკარ დაუარა, ყველას საჭირო სიტყვა მოუძებნა და კარგად სწავლის სურვილი გაუორკეცა.

„დაგვიბრუნდება სიკეთე, გამოიდარებს!..“ — ცდილობდა ხატულა ეს რწმენა, ეს იმედი ამოეკითხა ყაზახეთიდან მოსულ წერილებშიც. ალექსი წერილების წერაზე ყოველთვის ძუნწი იყო და ახლა კიდევ უფრო გაძუნწებულა. ალბათ, იცის, რომ მის ამბავს სხვისი წერილებიდანაც გაიგებენ, — ყაზახეთიდან მოსულ წერილებს ერთი საერთო მისამართი აქვთ: „ირმისელებს“. ალბათ იცის, რომ უფროსები ბავშვების დღიურებიდანაც ამოიკითხავენ თავისიანების ამბავს. ეს პლატონ შიშინაშვილის და მისი მეუღლის მასწა-ლინას თაოსნობაა: ყაზახეთში წასული და ირმისში დარჩენილი ბავშვები ერთმანეთში დღიურებს სცვლიან.

პატარა ნატოს დღიურს ჯერ სანდრა დაიზეპირებს ხოლმე, მერე მას მთელი კლასი და მთელი სკოლა კითხულობს, იქიდან დოდანთუბანში გადადის. ბოლოს, ხელიდან ხელში ნატარი, დაჭმუჭნილი, თითებისა და ცრემლების უხვი ნაკვალევით ისევ სანდრას უბრუნდება.

წერილებიდან და დღიურებიდან ამოკრეფილი მარცვლები ირ-  
მისის დღეთა ავ-კარგთან იკინძებიან და სოფლიდან სოფელში ამ-  
ხად გადადიან, თითქოს ხალხი თანაზიარად წიგნსა სწერს დარიანის  
რაიონზე.

ირმისელებმა რომ შეიტყვეს, ყაზახეთში ვენახების გაშენება და-  
უპირებიათო, დიდი ბჭობა და თათბირი გამართეს, მერე აგრონომი  
დასვეს და უკარნახეს:

— დაწერე, ხატულა, სიტყვა-სიტყვით დაწერე, ასე გააგრძელები:  
„...ნერგებზე ფიქრი ნუ გექნებათ, ღროზე მოგაშველებთ-თქო. დაგ-  
ვირდნენ, თვითმფრინავით გაგიგზავნიტო. რაც კახეთში საუკე-  
თესო ნერგებია თითო-თითოთ ავარჩევთ და იმას გამოგიგზავნიტო-  
თქო, მაშ მამა კაი ხალხთან ხო არ უნდა შევრცხვეთ ქართული მევე-  
ნახეები-თქო, აბა, თქვენ იცით, ვინძლო გვასახელოთ-თქო...“ დასწე-  
რე? ესლა დასწერე: „... აქაურობის ფიქრი ნუ გექნებათ, უცხოს არა-  
ვის გავაჭაჭანებთ და არც არავის სახლ-კარს უპატრონოთ არ დავაგ-  
დებთ-თქო...“ ესლა კიდევ დასწერე: „...ჩვენო ლექსო, ჩვენო ალექსი,  
ჩვენო სისხლო და ღვიძლო, შენ ხო იცი, არც ერთ ლენცოფანაჭამ  
ჟამს ჩვენი მამა-პაპა ქედს არ უხრიდა, და თქვენც ყველას მხნეობა და  
ვაჟკაცობა გევალებათ-თქო...“ ესლა ყველასაგან სათითაოდ მოკი-  
თხვა ჩამოწერე, „ჩვენ ერთობლივ კარგადა ვართ-თქო და განუყრე-  
ლათ თქვენთანა ვართ-თქო!“ დასწერე? გაიხარე ჩვენო ხატო, დილა-  
ზევე გაგიგზავნე, შენ გახარებას!..

ხატულამ დარიანის ფოსტიდან გაგზავნა წერილები, ბავშვების  
დღიურები და ქუჩაში გამოვიდა.

— როგორა ხარ, ხატულა? — შეიჭრა მის ფიქრში ვილაცის ხმა.

მელითაური ეკითხებოდა, რამაზ მელითაური.

ხატულას წყენისაგან სახეზე აღმურმა აჰკრა.

— გამადლობთ, კარგად, — მიუგო და გზა განაგრძო.

გამწარდა მელითაური. ისევ იმ ტიალ კლდეს შეეჩხვა, მათ შო-  
რის რომ ჩამდგარიყო.

— სალაპარაკო მაქვს შენთან, — თქვა ჯიქურ.

— გამეცალე, მელითაურო, ხალხი გვხედავს, უხერხულია.

— მე წლობით ვუწევდი ამას ანგარიშს, ესლა მომისმინე, ორი  
სიტყვა მაქვს შენთან.

— მე რომ გავტრიალდე, უხერხულია, ნუ მომდევი.

— თუ არ მომისმენ, შინ მოვალ სალაპარაკოდ.

— დარიანელებს გჩვევიათ სხვის სახლში შევარდნა.

ახლა მელითაურს მოეკიდა სახეზე ცეცხლი.

— სცდები, მაგრამ ესლა ამის დრო არ არის, სათქმელი უნდა გითხრა და მიბრძანე, როცა გენებოს, საცა გენებოს, იქა განახავ.

მელითაურს შუბლი შეკრული ჰქონდა. თვალები ყომრალი ნისლის ნაფლეთებივით ჩასწოლოდნენ წამწამთშუა. დათმობას არ აპირებდა.

„ამ კაცს არ უნდა ეგონოს, რომ ვემდური, ან ვადანაშაულებ რამეში. პირიქით, რაც იყო, ის რომ არ ყოფილიყო, ალექსის ვერ შევხვდებოდი, და ქვეყანაზე სხვა ვერაფერი ვერ ამინაზლაურებდა ამ დანაკლისს!.. ეთქვა სათქმელი და გამოცლოდა, თორემ დარიანელ ავყია ენებს მეტი საბაბი არ დასჭირდებათ...“ — ფიქრობდა აჩქარებით მიმავალი ხატულა.

„გამხდარხარ, ხატო, უფრო მეტად დამსგავსებიხარ ციურს. მოგწვდები განა?! ნეტა მე ვიყო ეგ ნიავი, ბრინჯაოს ნარანდივით დაყრილ თმებს რომ გეფოფინება, უმტვერო თოვლივით შუბლს რომ გიგრილებს. ნუ გამირისხდები, ციურო. მე ხომ არ გიჯავრდები, შენზე ფიქრმა რომ დამადნო კაცი, რომ შენი თვალების სითბოს გარდა, სხვა წამალი ჩემთვის არ არი, შენ კი რისხვით მარიდებ თვალს...“ — სევდიანად ფიქრობდა ხატულას გვერდით მიმავალი რამაზი, და რადგან ხატულა პასუხს უგვიანებდა, თვითონვე უკარნახა:

— ზოოტექნიკოსების თათბირს დავნიშნავ და აგრონომებსაც მოვიწვევ. უსათუოდ მოდი, გაჭირვებიდან იხსნი თავსაც და მეც...

თქვა და გაეცალა.

თათბირი საქმიანი აღმოჩნდა. პურმა საძოვრებიც მიითვისა და მეცხოველეები გამოსავალს ეძებდნენ. აგრონომები კი რაიონის ხელმძღვანელებთან კინკლაობით ისე იყვნენ შებეზრებული, რომ პურის სათესად საკარმიდამოსაც ედავებოდნენ ხალხს. ცხარე კამათი იყო. მელითაური გულახდილ, გაბედულ სიტყვაში იწვევდა ხალხს და ბევრი რამ ითქვა ისეთი, რის თქმასაც სხვა თათბირებზე ფიქრადაც კი აიკრძალავდნენ.

ხატულა შორიდან უყურებდა მელითაურს და უკვირდა, რომ თუმის მიმართ არც ჯავრი, არც სიძულვილი არ აწუხებდა. არც პირისპირ შეხვედრის შიში და კრთომა ბორკავდა. თითქოს. არ ახსოვდა,

თითქოს არც ყოფილიყო თავქარიანი სიყმაწვილის ის გიჟური გატაცება. უკვირდა, რომ არავითარ კარგ ან ცუდ გრძნობას არ უღვიძებდა ამ ლამაზი და ვაჟკაცური კაცის დანახვა.

— რის თქმა გინდოდა? — ჰკითხა უმაღლვე, გააცილა თუ არა მელითაურმა თათბირის მონაწილენი.

— დაგდლიდა ეს ყაყანი, მაპატიე.

— რის თქმა გინდოდა? — ჰკითხა ისევ ხატულამ და უგრძნობელმა მისმა კილომ დააბნია მელითაური.

„რის თქმა გინდაო? განა ადვილია ჩემი სათქმელის თქმა? განა ეგ კითხვა და ეგ კილო მიადვილებს სათქმელის თქმას? მაგრამ უნდა უთხრას, მაშ როდისლა? სადლა ნახავს? ვერც ერთ უძილო ღამეს ვეღარ აიტანს. შუბლს შეახლის იმ ტიალ კლდეც, ან კლდეც შეამტვრევს ან თავის მოძულებულ თავს...“

— მინდა გითხრა, მოშორდი-მეთქი ბარის აურზაურიან ცხოვრებას. თუშეთში წაგიყვან, მშვიდად და მოსვენებით იქნები.

ხატულამ გაცინება სცადა, მაგრამ ვერ გაიცინა. თითქოს საყრდენს ეძებსო, კარის სახელურს ჩაეჭიდა.

— მაგას რად მეუბნები? — ჰკითხა ხმადაბლა.

მელითაურიც ძლივს იდგა ფეხზე. ისიც კარს ჩაეჭიდა.

— მეტი განუთება აღარ შემეძლო. მაკმარე ის დანაკარგი, რაც ჩემმა უჭკუობამ დამაკარგვინა.

— სხვა სათქმელი თუ არა გაქვს, წავალ, მილამდება.

— დამიგდე ყური, ხატო, სათქმელი ბევრი მაქვს, მაგრამ მოკლედ გეტყვი. მე ბიძაჩემი მზრდიდა და ერთ ღამეს წაიყვანეს. ჭაბუკი ვიყავ, მაგრამ ამ მარჯვენას უყოყმანოდ დავთმობდი, ოღონდ დაეჯერებინათ, რომ იმ კაცის ერთადერთი დანაშაული ამქვეყნად — ჩემი განებივრება იყო. ამერია გზა-კვალი... შენ რომ შეგხვდი, მაშინ მე უკვე სიკეთეს არსად ვეძებდი, არც მინდოდა, ვერიდებოდი. უფიქრელად, ოხრად, ტიალად გავატარე ჩემი ცხოვრება. ესლაც არაფერი მინდა, ოღონც შენ დამიჯერებდე, რომ მე ამ სიმარტოვეს ვეღარ ავიტან. სულ ხალხში ვტრიალებ და სულ მარტო ვარ. აი აქ, გულში ვარ მარტო, და ვეღარ ვუძლებ...

სიტყვებს არ ეძებდა, არც უკვირდებოდა. გამშრალი ტურებით, დადლილი თვალებით ნელა ლაპარაკობდა, თითქოს სიტყვებს კი არ ამბობდა, დაგუბებული სამსალა წვეთავდა მისი გულიდან.

ხატულა უმოძრაოდ იდგა. მის სახეზე არაფერი არ აღბეჭდილა.

„როდის გახდა ასეთი“? — უკვირდა გულში. მის არც ერთ სიტყვაში არ დაეჭვებულა. უცებზე დაიჯერა: კაცი, რომლის ნაკვალევზე მას ოდესღაც ია და ვარდი ეჩვენებოდა — უბედურია. მაგრამ ის გული, სატრფოს ია-ვარდად რომ ეფინებოდა, ენამზიანმა თუშმა იმ ალიონზე წასვლისას წაიღო თან და იალალზე მიმავალმა სადღაცა გადააგდო. ხატულა კი ბედმა სანდრა-პაპას ქოხში მიიყვანა...

ასოციაციებმა ხატულა უცებ დეკემბრის იმ წყეულ ღამეში გადაისროლა და ალექსის იმლამინდელი სახე დაანახა. მაშინ ხატულას ალბათ ელდა უშლიდა, ახლა უკეთ, ნათლად დაინახა ის სახე, და ახლა, ამ წუთს ჩასწვდა ალექსის მაშინდელ სულისკვეთებას. საკუთარი სიკვდილ-სიცოცხლის არჩევანი რომ ყოფილიყო, ალექსი სიკვდილს ირჩევდა, მაგრამ მათთვის — ხატულასთვის და სანდრასთვის მორჩილად დახარა თავი, თქვა: „ვისარგებლოდ ჰუმანურობით“, და საძულველი მომხდურების წინაშე თავისი მორჩილებით გასრესილი წავიდა, თავდახრილმა გადააბიჯა თავისი კარის ბჭეს... ახლად მიხვდა ხატულა, რომ შემთხვევამ კი არა, იმ მორჩილების სირცხვილმა, გათელილმა ღირსებამ, აუტანელმა წყენამ მიიყვანა ალექსი ქარიან უდაბნოში...

ყვირილი ძლივს შეიკავა და მელითაურმა ხელის შეშველება დააპირა, მაგრამ ოდნავ შესამჩნევმა მისმა მოძრაობამ ხატულა უცებ მოსწყვიტა საოცარ ხილვას. „მარტობას ველარ ვიტანო. როდის გამხდარა მელითაური ასეთი?“ — დაუბრუნდა პირვანდელ განაფიქრს და სახე ისევ არაფრისმთქმელი გაუხდა.

მელითაური მიხვდა, რომ შესცდა. ქალის გაფერმკრთალებულ სახეს ახლახან ალმა რომ აპკრა, გულისცემამ კაბის საყელო რომ აუთრთოლა, ფართოდ გახელილ თვალებში მუქი წერტილები რომ აირივნენ — ის ყველაფერი სხვაზე ფიქრი იყო...

— ჯერ ახალგაზრდა ხარ, ოჯახს მოეკიდე და მარტო აღარ იქნები, — უთხრა ხატულამ და იგრძნო თავისი ნათქვამის უნიათობა.

ნაოჭები ნაჭდევებივით დააჩნდა მელითაურის სახეს. თავი კარს მიაყრდნო. „მაშ რა გეგონა? რის იმედი გქონდა?“ — გაუელვა კითხვამ და უხმოდ ჩაეცინა. მერე მხრები აიწურა და თითქოს სიტყვები ყელს უჩხაპნიდნენ, ნაწყვეტ-ნაწყვეტად თქვა:

— იცი, რის თქმა ა-რ მინდოდა?

ავმა წინათგრძნობამ ბრჭყალები დაასო ხატულას. „ნურც იტყვიო“, სთხოვა კინალამ, მაგრამ წელში გასწორდა და სახე ისეთი



უმეტყველო გაუხდა, რომ თმების წაბლისფერსაც კი დაეკარგა სითბო.

— ბიძაჩემივით უცოდველია ალექსი რჩეულიშვილი, მაგრამ... — თითქოს ღონე მოიკრიბა მელითაურმა და ხმამაღლა დამარცვლა: — მაგრამ მე არ მინდა, ჩემი შვილი უმამოდ იზრდებოდეს, გესმის?

ხატულამ ფრჩხილები ჩაასო თავის ხელისგულებს, კარს მოშორდა, მახლობელ სკამზე ჩამოჯდა. არაბუნებრივად წელგამართული იჯდა. მხოლოდ კაბის საყელოს თრთოლვა ამხელდა ისევ აჩქარებულ მის გულისცემას. მელითაურს მიპყრობილ გაფართოებულ თვალებში, საოცრად გამჭვირვალე გუბებში ისევ უთავბოლოდ აირივნენ მუქი წერტილები.

— მე ნუ დამადანაშაულებ. არ მინდოდა მეთქვა. შენ მაიძულე მოგაგონო ის, რაც ადვილად დაგვიწყებია. შენ მათქმევინე.

ხატულა გაუნძრევლად იჯდა, სანამ გრძნობების სადავეს ჩაიჭერდა, მერე თქვა:

— ენამზიანს მოქარგული სიტყვები უფრო გშვენის, ვიდრე შხამის ნთხევა. ჩემი შვილი — ალექსის ძეა, რჩეულიშვილი.

— ბიჭი ჩემი ორეულია.

ხატულა არ განძრეულა.

— სანამ რჩეულიშვილი იყო, მე ბავშვის სიკეთეს ვწირავდი თავს, ვითმენდი მართლობას. შენს სიმშვიდეს ვწირავდი თავს. ესლა კი...

— ალექსი დაბრუნდება — ხმადაბლა შეაწყვეტინა ხატულამ, და უცებ სადავე დაუსხლტა, ზეზე წამოიჭრა, ხმაც აიმაღლა: — თუ არა და, თავში იხალეთ შენ და შენმა მფარველებმა ეს ვაზიც, ეს მიწაც! ზვენ, მე და ჩემი შვილი ალექსისთან წავალთ, გესმის?

— განა შენ იცი, ან მე ვიცი, ან იცის ვინმემ, რა მოელის ალექსის? ბიჭი უმამოდ არ უნდა იზრდებოდეს, როცა ვარსებობ მე, მისი მამა.

წინათგრძნობამ ახლა თითქოს ათასი ბრჭყალი დაასო ხატულას სხეულს, ტკივილისაგან თვალებში ბინდი შეეცილა შუქს. ის კაცი ახლა ხან უაზროდ დაბორიანებულ აჩრდილად ეჩვენებოდა, ხან ისევ მკვეთრად ესატებოდა კართან უმოძრაოდ მდგომი. და როცა დალაპარაკება შესძლო, თითქოს სხვისი ხმა მისწვდა მის ყურს:

— ქვის გული გქონია, მელითაურო, ადვილად შეეძლება ადამიანის ამომლა ცოცხალთა სიდიდან.

ახლა ხატულა სცდებოდა. მელითაურის გულში იმედის მკრთალი ნაპერწკალიც ჩაქრა, და მარტოობის წყევდიადში, სადღაც შორს, მიუწვდომელზე, მისი სიტყვებით დახანჯლული ხატულას სახე გაუკრთა. განა ამაზე ოცნებობდა წლობით?

— არა, ციურო, ცოცხალთა სიიდან მე ჩემი თავი ამოვმალე ადრევე. სწორედ იმიტომ, რომ ადამიანის ნებაზე ძალადობის მოძულე ვარ. შენ გეგონა, მე მართლმსაჯულებას მოვიშველიებდი? იძულებით გამოგტაცებდი დასტურს? არა. შენ და ჩემი შვილი მენატრებით. უფლებით კი არა, გულით. რომ იცოდე, რა ტანჯვაა...

თვალები მშრალი ჰქონდა. ტუჩებიც. ხმა უტიროდა ჩუმად, ძალიან ჩუმად.

— ნუ იფიქრებ, დრო გიპოვნე, უმწეო ვნახე, იმიტომ გითხარი ჩემი სათქმელი. ყველაფერში ჩემზე იღბლიანი ხარ. გჯერა, ალექსი დაბრუნდება. მე არაფერი არა მჯერა. არაფერი. არც ალექსის დაბრუნება. იმიტომ გაგიბედე. ნუ მიწყენ, ხატო, ნუ შემერისხავ...

ხატულა ნელა წავიდა კარისკენ.

— მე ვილოცებ, რომ რჩეულიშვილი დაბრუნდეს. იმ ჩვენი გაყრის დაწყებულ დღიდან შენ შენს შვილზე ზრუნვით იოკებდი გულს. მე ეგ სიხარული გამოვწირე ჩემ თავს. ჩემი ზრუნვა ეს ლოცვადა იქნება, ურწმუნო კაცის ლოცვა. ვილოცებ, რომ ჩემ შვილს მამა მალე დაუბრუნდეს...

დამძიმებული ქუთუთოები ჩამოეფარნენ ყომრალი ნისლივით ჩაწოლილ თვალებს. უსინათლო, უსიცოცხლო სახე თაბაშირის ნიღბივით გაუხდა, და ნიღბი სიკვდილის ნატვრას დაემსგავსა...

ხატულა სწრაფად გავიდა ოთახიდან.

## თ ა ვ ი მ ე ს ა მ ა

ყვავილოვანში კი დღიურის წერას განაგრძობს პატარა ნატო.

„ოთსშაბათი, 27 დეკემბერი.

ყოველდღე ყველაფერს რო ვწერამ, გამოდის, მე ძალზე ცუდი გოგო ვარ და ამას სანდრა კითხულობს და მთელი ჩვენი კლასიც და რას იფიქრებენ ჩემზე? დღეს პლატონ-მასწამ მითხრა, გაკვეთილი უკეთესად უნდა გესწავლაო და რა ჩემი ბრალია, კარგად რო არ ვიცოდი. სკოლიდან შინ რო მოვედი, ჯაფარაანთ ლიზამ მითხრა,

პატახან იასთან იყავიო და თითონ წავიდა, საცა დედაჩემიც და სხვა ქალებიც ბამბისათვის ტომრებსა ჰკერავენ, ჩემთან კიდე ოსიკო მოვიდა, გაკვეთილები უნდა მოგვემზადებინა და იამ კიდე ტირილი მორთო და ჩვენ გვეგონა, შიანო და კუმისი დავალევინეთ, მთელი სავსე ჭიქა ლამაზად გადაყლურწა და მერე ერთბაშათ სუმთლად უკან ამოუვიდა. მე და ოსიკოს ძალზე შეგვეშინდა და ყვირილი დავიწყეთ, ყველანი მოცვივდნენ და ლიზას კინაღამ გული შეულონდა და დედამ მითხრა, მოსაკლავი ხარო. დიდები ყველაფერს მე მამბრალებენ და მე ძალიან დარდიანათა ვარ, არც ახალი წელი მინდა, არც აქ ყოფნა მინდა, არც ეს თოვლი მინდა, რო საითაც გაიხედო, მარტო თოვლი და თოვლი და სხვა მეტი არაფერი, მე ირმისში მინდა. მემრე ძია ალექსიც მოვიდა და ყველაფერი როცა გაიგო, მე სხვების უწუმრა მითხრა, შენ რო ჩემი ვერგილიუსი ხარ, ტირილი არ შეიძლებაო. წინათ მე მეგონა, ვერგილიუსი აქაური სიტყვაა და მემრე ძია კოსტამ მიაგებო, რო ვერგილიუსი კაცსა ჰრქმევია, უწინდელ დროს უცხოვრია, სამოთხე როცა ყოფილა და იმ სამოთხეში მიმსვლელების გამცილებლათ უმსახურია. მე ძია ალექსის ვუთხარი, თუ ძია სტალინი კარგია, რატო ირმისელი ბავშვების წერილზე არ გვიპასუხა. მე არ ვიცი, იგეთი საწყენი რა ვთქვო, რო ძია ალექსიმ სახეზე ხელები აიფარა და იგრე იჯდა დიდ ხანს და მემრე მითხრა, ალბათ, წერილი არ მიუღიარო, იმიტო, რო ავსულები დგანან დარაჯათო და იმასთან კაი კაცებს და კაი წერილებს არ უშვებენო და იმას შენისთანა ვერგილიუსი არა ჰყავსო. მე კიდე უთხარი, რო მე პატარა ვარ და იმას შენისთანა ვერგილიუსი უნდა ან ძია კოსტასთანა ან ძია მაგჟან ტასანბაევისთანა მეთქი და ძია ალექსიმ გაიცინა და მითხრა, ძილის დროა და დაიძინეო...”

„ხუთშაბათი, 28 დეკემბერი.

დღეს, როცა სკოლაში მივიდიოდით, ქარმა ჩარდახი ააგლიჯა ჩვენ მანქანას და ბავშვები კინაღამ ქარმა წაგვიღო და ძია კოსტამ ცოტას გადარჩა არ გაგლიჯა შოფერი, რატო კარგა არ დავიმაგრე-ბიარო და მემრე თავისი ქამრით დამიჭირა და სხვებიც ერთმანეთს მიამაგრა და სკოლაშიც დავიგვიანეთ, მაგრამ არავინ არ გავგოჯავრდა, პლატონ-მასწა და მასწა-ლინა და ყველანიც მოვარდნენ თურ-შე ძალზე შეკშინებიყოთ რო დავიგვიანეთ და მაშინვე ცხელ-ცხელი ჩაი დავგალევინეს თაფლით და ფუნთუშებით, ჩემ კლასში როა სალიმა ტასანბაევა, იმან თავისი შალი მომხვია და მე მალე ჩავთბი

და ჩაიც ბევრი დავლიე. აქაური ჩაი არაუშავრა, გემრიელია, ხოლოთ რაღაცნაირი მწვანე ფერი აქვს. მალე ახალი წელი იქნება და მემრე სამი იანვარი იქნება და მე თერთმეტი წლისა გავხდები, შარშან, როცა ათისა გავხდო, ჩვენ ეშელონში ვიყავით და იგრე ძალიანა ციოდა, თუ ვინმეს მოსწყურდებოდა, ცულით უნდა მოეტენსა ვედრაში წყალი. ეხლა ჩვენ ყვავილოვანში, ძია ალექსიმ რო ააშენა, ყველას სახლში ბუხარი გვაქ და ქვეყნის წივა გვაქ და ისე თბილა, ისე, რო ჰა დიდედამ მითხრა, გეყოფა დაწერა, ნავთი დაილევო და დედამ კიდე თქვა, ჯანდაბას ნავთიო, ხვალე ელექტრონი გვექნებაო, დიდედამ კიდე უთხრა, რა იცი ან იქნება ან არაო, ეგება ამ წყეულმა ქარმა არ დაანებოს ხალხს მუშაობაო. ვინცის ჩვენი ირმისი ეხლა როგოა გაბდღრიალებული, ნეტა ცალი თვალით მაინც მანახვა, სუყველანი ალბათ ემზადებიან ახალი წლისთვინ, მაგრამ ჩემი კლასელები უჩვენოთ იგრე მხიარულად არ იქნებიან. მალე სანდრიკას დლიური მოვა და ყველაფერსაც გავიგებთ, ეწერება, ვისთან იყვნენ ნაძვის ხეზე...”

„ქარასკევი, 29 დეკემბერი.

ნიშნები დაგვირიგეს და მე ყველაფერში ხუთიანები მივიღე. ხოლოთ პლატონ-მასწამ მითხრა, წერის დროს სასვენ ნიშნებს თუ არ დაუკვირდები, ორიანს მიიღებო. ამას იქით ბეჯითად ვიქნები და ბევრ სასვენ ნიშნებს დავსვამ, და სანდრას დლიურსაც კარგად შევამოწმებ, ვნახო, იმას როგორა აქვს საქმე წერტილ-მძიმეებში. ოსიკომ არითმეტიკაში სამიანი მიიღო და იტირა, რა ჩემი ბრალია, მე ქართულად ვიცით და რუსულად მეშლებო და ჩემ დლიურს ირმისში აღარ გავგზავნიო, ბიჭები დამცინებენო. მემრე პლატონ-მასწამ უთხრა, არაუშავრა, მე გასწავლიო და შენც ხუთიანზე გეცოდინებაო. დიდედამ მითხრა, ძია ალექსი ეგრე ძალიან რო გიყვარს, აჩვენე შენი ნიშნები და გაახარეო. დიდედამ არ იცის, რომ შე ძია ალექსის ვერგილიუსი ვარ და ძია კოსტაც ძალიან მიყვარს იმიტომ, მეცოდება, რო იმას არც ვერგილიუსი ჰყავს, არც სანდრა, არც დეიდა ხატულა, არც სახლი აქვს ირმისში და არც დოდაანთ ქუჩა იცის, და იქნება მამაჩემიც ეგრე კარგი ყოფილიყო და მე იმისი გახარებაც მდომნიყო. მემრე ძია ალექსიმ ბავშვები თავისთან მიგვიყვანა და ირმისიდან გამოგზავნილი დიდი ყუთი გასხნა. ვაიმე, დედილო, შიგ ჩემოდენა ნაძვის ხე იყო, სათამაშოებიც და მოსართავიც. ნაძვის ხე ყველას ძალიან გაუხარდა, იმიტომ რომ აქ არცრო-

გოთი ხე არ არის და ძია ალექსიმ ქარისსაჭერად ძალიან შორიდან ჩამოიტანა პაწაწკინა ალვის ხეები და ყველანი მოჭრილი თითოვით უვლიან იმ ხეებს და საზამთროთ დაბამბული ტომრებიც კი ჩააცვეს. იმ ყუთში ცალკე ჩემთვის დიდი დედოფალა იყო და წერილში ეწერა ნატოს ეგზავნება დაბადების დღეზეო, დეიდა ხატულამ გვიყიდა ქალაქში და გულნაზი პქვიანო. უიმე დედილო, როგორ მიყვარს ჩემი კლასი და სანდრაც და დეიდა ხატულაც და ირმისიც, და დიდედა გამიჯავრდა, რა გატირებსო, მე რა ვქნა რო თავისთავათ მეტირება. შემრე ძია კოსტასთან ვიყავით, პარკები დავაწებეთ და ჩამინით, ჭერმის და ნესვის ჩირით გაეავსეთ ირმისელი ბავშვებისათვის. მე ძია კოსტას უკარნახებდი და აწერებდა სახელებსა და გვარებს, ძია კოსტა სუყველაფერს ხელათ იზეპირებს ხოლმე, ქართულსაც ძალიან მალე იზეპირებს, ირმისელი ბავშვების სახელებიც და ქუჩების სახელებიც სუ ზეპირად იცის...”

„შაბათი, 30 დეკემბერი.

მე სირბილი და ხტუნვა მინდა, ყველასაც სიცილი უნდა, იმიტომ, რო ელექტრონი მოვიდა, სუყველგან ქუჩაშიც და სახლებშიც ისე განათდა ისე რო პა აქ რო ძალიან გამუდმებით ქარია და ბოძები არ არის, ელექტრონი მიწაშია გაყვანილი და ზემოდან არც სუ არა ჩანს. გოგო-ბიჭები ჩვენსა ისე ძალიან ვხტუნობდით, რო ჭერში ჩამოკიდებული ერთი დიდი ნესვი ჩამოვარდა და პატიკოს ზედ თავზე დაეცა და ვეება კოპი დაუსვა, ზურიკომ თქვა, ეს ნესვი ყაჩაღი ყოფილათ და უნდა დაისაჯოსო და დავჭერით, ძალიან ტკბილი გამოდგა, კაი სუნიც პქონდა, ყველანი იძახდნენ ნეტა ირმისელებსაც მისცათ ამისთანაო. ზაფხულში ბამბის კრეფა როცაა, ბუჩქებში ერთბაშათ ნესვი ან ყარფუზი გამოჩნდება ხოლმე, წინწინ იმათი ძეგბნა არ შეიძლება, ბამბის კრეფის დროს რო სწყურდებათ მუშებს, მაშინ უნდა იპოვნონ და პირი გაისველონ. დიდები ახალწლისთვის რალაცეებს ამზადებენ და ჩუმჩუმათ ტირიან, მითომ ჩვენ არა ვხედავთ, იმათაც უნდათ ირმისი და იმიტომა ტირიან. ძია ალექსიმ ყვავილოვანი როცა ააშენა, ყველას უთხრა, და ესლაც ყველას უთხრა, ღორი არ გააჭაჭანოთ, აქაურებს ღორი არ უყვართ და ჩვენც ხათრით ნუ გვინდაო. დიდედამა თქვა, დაილოცოს აქაური ხალხი, აქ მაინც ვიყოთ უღორებოთო. ყველამ გაიცინა და ძია კოსტამ თქვა, მადამ ნატალი ფილოზოფი არიო და მე მეწყინა, რა თქვა ჩემ დიდედაზე, მაგრამ დედამ მითხრა, ეგ საწყენი სიტყვა არ არიო. ძია

კოსტა ყველას სახელებს უგონებს და დედაჩემსაც ბეატრიჩე დაარქვა. ჩვენი ნაძვი ოსიკონთან დაედგით, ოსიკოს პაპა — ივანია რომოკვდა, ესლა იქ მეტი ადგილია. ძია კოსტა, პლატონ-მასწა და მასწა-ლინა იქ არიან, რთავენ ნაძვს და ჩვენ გამოგვლალეს, მერე დაგვიძახებთო...”

„ხუთშაბათი, 4 იანვარი და ახალი 1953 წელი.

უიმი, უიმი, უიმი, დედილო, როგორ გამეპარა დღეები, რამდენი გამოვტოვე დღიურში და ესლა რომელიერთი დაწვერო, ყველაფერი ამერია-დამერია. მაშინ რო დაგვიძახეს, ნაძვის ხე ძალზე ლამაზად ენთო და ჩვენ იმის ტოტებს ხელს ვართმევდით, იმიტომ რომ ის ხე ირმისეულია. ჩვენთან ბამბის მეურნეობიდანაც ბევრი სტუმრები იყვნენ და ძია კოსტას დიდი ტომარა ეკიდა ზურგზე, ვითომ თოვლის პაპა იყო და ყველას საჩუქრებს ურიგებდა. მემრე ვილაცამ დაიძახა, ალექსი რაიქნაო, და მე ჩუმად გავიპარე. ძია ალექსი თავისთან მარტოკა იჯდა და მე რომ ამასწინაზე სანდრას დღიური დამეკარგა, ის დღიური ეჭირა, და მითხრა მაპატიე, არა გკითხე, იგრე ავიღეო. მე კიდე უთხარი, ეგ დღიური სულაც მიჩუქნია შენთვის, და ნაძვის ხეც ვისაც უნდა იმისი იყოს, რაკი მე შენი ვერგილიუსი ვარ, შენთან უნდა ვიყო მეთქი. ძია ალექსიმ რალაცნაირად გაიცინა, ამოდენა გოგო ხელში ამიყვანა და ორივენი ერთად წავედით ნაძვის ხეზე. ისე ვიმხიარულეთ, ისე, ისე, რო პა! სალიმაც იყო, დეიდა კულიაშიც და ძია მაგჟანიც, თავიანთებური ჩასაცმელი მაჩუქეს, ყვითელი აბრეშუმის შალვარი, ზემოთ ალისფერი ხალათი და ზედაც ჭრელი სარტყელი. როცა ჩავიცვი, ძია კოსტამ სურათი გადამიღო და მზად რო იქნება, ირმისში გავგზავნი, ჩვენ კლასში პქონდეთ ჩემ ჩასვლამდე. ჩემი კლასელები არ გამებუტებიან დღიურში რომ ბევრი გამოვტოვე, ოსიკო სწერამდა და მე აბა როდის დამეწერა, ისე ვიღლებოდი ისე, ისე რო სალამოს თვალეები თავისთავათ მიხეუჭებოდა. ორშაბათიდან ისევ ყოველდღე დაწვერამ ხოლმე და სასვენ ნიშნებსაც კარგად ვადევნებ თვალყურს...”

ნატოს კალმისტარი დაუვარდა ხელიდან. არც გაუგია, დიდედამ როდის გახადა და დააწვინა სიზმარში გაღიმებული სალიმას გვერდით.

თოვდა. ჰყინავდა. მოსალამოვებული იყო და ხალხი თავის და-  
თოვლილ სახლებში იყო შეყუჟული. მხოლოდ ბოლის წვრილი ზო-  
ლები ამხელდნენ იმ უკიდუგანო თოვლიან ტრამალებში სიცო-  
ცხლის არსებობას.

კოსტამ ალექსის კარზე დაარახუნა და ოთახში შეაბოტა.

მთლად შეჭირხლული იყო, უჩვეულოდ აწყობილ-აკვალთული.  
კართანვე გაიძრო კოჭებამდე გრძელი, ბეწვის ქურჭი, ირმის ტყა-  
ვის ჩექმები, ცეცხლს მიუჯდა და უჩვეულოდ მოკლედ, ორიოდ სი-  
ტყვით გაანდო ალექსის თავისი გულისნადები. მერე სათვალე მო-  
იხსნა და გაღვივებულ წივას მიაშტერდა. მოთმინებით უცდიდა პა-  
სუსს.

მაგრამ ალექსიც მდუმარედ შეჰყურებდა ცეცხლს. მან იცოდა,  
რომ ილეტაქსას გაცნობის დღიდანვე მოეწონა და მალეც შეუყვარდა  
ირმისელები; იცოდა, რომ ირმისელებმაც ასევე მალე და უყოყმა-  
სოდ შეითვისეს ეს წოპწოპა, შეუხედავი კაცი, საოცრად მიმზიდველი  
თავისი კეთილშობილებით. ურთიერთპატივისცემა უფრო გაღრმავ-  
და და განმტკიცდა მას შემდეგ, რაც ილეტაქსამ თავისი ბარგი-ბარ-  
სანა გადმოიტანა ყვავილოვანში და ერთ-ერთ ალიზის ქოხში და-  
სახლდა.

მისმა ვაჟკაცურმა თანავრძნობამ და დაუნელებელმა ყურადღე-  
ბამ მთლად თავისიანად გახადა, აუცილებელი გახადა იგი ყვავილო-  
ვანში დასახლებული ხალხისათვის, ისევე როგორც აუცილებელი  
გახადა კოსტასათვის მათთან მეგობრობის სითბო. მაგრამ ალექსი  
დიდი ხანია ვრძნობდა — ილეტაქსას დამოკიდებულება დოდაშვი-  
ლების ოჯახისადმი გასცდა უბრალო კეთილმეზობლურ განწყო-  
ბილებას. მისთვის მოულოდნელი არ იყო ის, რაც კოსტამ სულ  
ორიოდე სიტყვით გაანდო.

„თუ ოლას შვილებს მშობელი მამის ნახვა არ უწერიათ, შენ-  
ზე კეთილი მამობილი არ შეიძლება სხვა იყოს, — ფიქრობდა  
ალექსი, თითქოს ხმამაღლა ელაპარაკებოდა ილეტაქსას. — შენ  
ღირსი ხარ დიდი სიხარულისა. აგრე მგონია, ჩემს ადრინდელ  
ცხოვრებაში მინახიხარ გაჩხიკული, მყვირალა, გოგო-ბიჭებში  
აურზაურის ამტეხი, დაუდეგარი ბიჭი; მგონია შეგხვედრივარ ჭა-  
ბუქს, ჭკვიანი და აფხორილი ჩიტვიით რომ ჩაჰკირკიტებდი ადა-

მიანის ანატომიას და ჰომეროსს. უშიშარ, თავისუფლებისათვის მებრძოლ ჯარისკაცსაც შეგხვედრივარ თითქოს. სიხარულისა და ბედნიერების ღირსი ხარ, მაგრამ ელიზბარი? იქნებ მართლაც ცოცხალია, იქნებ სადმეა ელიზბარი, იქნება გამოჩნდეს...?"

— სუმთლათ ჩაიყლაპე ენა? — ვერ მოითმინა, ბუზღუნით გაუწყვიტა ფიქრი ილეტაქსამ.

— კოსტა, იცი, ნატალია რას ამბობს? „რაკი ჩემი შვილი ცოცხალი ყოფილა, ადრე თუ გვიან, უუჭველად დაბრუნდებო. სადაც უნდა იყოს, ის სამარცხვინოს არას ჩაიდენდაო. იცის, შინ დედა ელოდება, ცოლ-შვილი ელოდება, შინ ირმისი დარჩა, მამის საფლავი დარჩა, ის ისეთი ბიჭი არ არის, შინ აღარ მოესვლებოდესო“. ნატალიას იმედი აქვს დაბრუნდებაო, გესმის?

— მესმის, ის დედა არის, შენ როგორ არ გესმის, ეგ ზღაპარი არის. თუ ქმარი თორმეტი წელიწადი არ ეტყვის ცოლს, ცოცხალი ვარ, მაშინ ის მითია, თუნდა მართლა ცოცხალი იყოს!

— რა იცი, იქნება არა აქვს მოწერის საშუალება.

— მე სუმთლათ არ ოცნებობ იმის მოკდომაზე, იყოს ცოცხალი, მაგრამ თორმეტი წელიწადი? მორალური უფლება დაკარგა ეხლა თქვას, ეგ ქალი ჩემი ცოლი არის!

— ქალი — დედას, ნატალიას ჩააბარა, თავის ოჯახში ეგულე-ბა!

ალექსის ასე აღელვებული არასდროს უნახავს კოსტა. რუსული, ქართული, ბერძნული, ყაზახური სიტყვების ნიაღვარში ძნელი ხდებოდა მისი აზრის გაგება.

— ო-ო, მე ძალიან-ძალიან პატივცემ მაღამ ნატალის, ის დიდი ღირებულების ქალია, მაგრამ ის არ უნდა იყოს ახალგაზრდა ქალის მეციხე, ის ხოლოდ 32 წლისა არის! იმ ქალმა მაღამ ნატალის სამი დოდაშვილი აჩუქა, და მაღამ ნატალიმ თითონ უნდა თქვას, შენთვის ქმარი საჭირო არის, იქნება სამი შვილი კიდევ იყოს!

ალექსის ჩაეცინა. მარტო ეს რად ღირდა, ამ კაცს თავდავიწყებით რომ უყვარდა ბავშვები!

— მერე რა იქნება, ღმერთმა იცის, კოსტა, ჯერ კი ნურაფერს გაამხელ, დაიცა, ეგ ადვილად გადასაწყვეტი არ არის, მაგას დიდი ტკივილი მოჰყვება...

— ბევრი-ბევრი ტკივილი სოფოკლეს ტრაგედიაში არის, მე



ტრაგედია არ მინდა! ჩემი სურვილი ტკივილი არის? ცუდი არის?  
— ცუდი კი არა, ძნელია-მეთქი. ბავშვებს არც ოლა დას-  
თმობს, არც ნატალია.

ილეთაქსა ისე წამოიჭრა ზეზე, ცოტას მორჩა, თავი ჭერს არ  
შეახეთქა:

— რას ამობ, რათ დათმონ? არც მე დათმო! მე მინდა მადამ  
ნატალიაც, ბავშვებიც, ოლიკოც!

— მარტო შენი სურვილი ხომ არ არის საკმარისი, ადამიანო,  
იქნება დოდაშვილებმა არ მიგიღონ.

— რატო არ მიმიღონ, რატო? მე ნამდვილი მუშა კლასი ვარ!  
ვინმეს მოკდომა უნდა — მე ექიმი ვარ! მანქანა გაფუჭდა — მე  
შექანიკი ვარ! ბამბა უნდა — მე ბამბის მუშა ვარ! ვენახი უნდა —  
ვენახში იმუშავებ, შენ არა ხარ მეგობარი, შენ ამობ, არ მიგი-  
ღონ! რატო არ მიმიღონ?

— დამშვიდდი, კოსტა, ნუ აჩქარდები, დაიცადე-მეთქი.

— მაგჟან ტასანბაევი კარგად იცის: იოი! მეც ვიყვირო: იოი  
იოი! მე ეხლა წერილს დაუწერ შენ ხატულას, დაუწერ, შენი გუ-  
ლი ცივი ქვა არის! მე ასე ფიქრობ შენზე: ნამდვილი ქვა არის! ნა-  
ტურალური ქვა..

კოსტა ყვირილით გავარდა გარეთ, შინ გაიქცა და მაგიდას  
მიუჯდა, ხატულასთან წერილის წერა დაიწყო, მაგრამ იმ საღამოს  
ყვაკილოვანში წერალი ვერავენ დაამთავრა:

არემარე უცებ აიკლო შაშვის სტვენამ!

წამში გაცოცხლდა დასახლება. დიდი და პატარა გარეთ გა-  
მოეფინა იმ თოვლში და ყინვაში. განა ხშირია ასეთი გულადი  
შაშვი, ზამთარში მოფრინდეს და ამ დაღამებისას გაგიჟებული  
სტვენდეს?!

დიდი და პატარა გაფაციცებით ათვალეირებს გარემოს.

ოზბეთელაანთ დალის გარდა. დალიმ იცის: ქვეყანაზე არც  
ერთი შაშვი არ სტვენს ასე ლამაზად, და თუ ზღაპარი ოდესმე  
მართლდება, ახლა მალხაზს დაინახავს!

და დაინახა. მოდის მალხაზი. მხარზე ხურჯინი გადაუკიდია,  
ცხვრის ტყაპუჭი გაუღედია და ურჩი, შავი ქოჩორი კეფაზე მიგ-  
დებულ კრაველის ბოხოსს მიტმასნება.

ხედავს დალი და ადგილიდან ვერ იძვრის. ვერც ხმა ამოუღია.  
დგას და წამწამებს ახამხამებს.

დიდი და პატარა კი ყვირის:

— მალხაზი! მალხაზი! მალხაზო!..

ქუჩის სიგრძეზე გამოფენილი ხალხი უცებ ერთ დიდ კონად შეიკრა, ბიჭი შივ ჩაიხვია. დალი კი დგას და ბრაზობს:

„ვითომ რაო? ფასკუნჯი ხომ არ მოფრენილა? მათ თვალწინ არ იზრდებოდა ირმისში ეს ბიჭი? ზოგი დასცინოდა კიდევ, მანქანებზე გიჟდება და ტრაქტორის მიმბმელად კი მუშაობსო. ესლა ჟველას მოუნდა იმ ბიჭთან დალაპარაკება, მისი ხმის გაგონება, მის მხრებზე და ბეჭებზე ხელის დატყაპუნება!..“

ბრაზობს დალი, მაგრამ განა არ იცის? ირმისიდან გამოცხადებული მალხაზი ხალხს მართლაც ჰგონია, შაშვიაო, სიკეთისა და გაზაფხულის ჩიტი-მასწარებელი. მაგრამ ერთიც ვნახოთ და ამ საულელმა, გზააბნეულმა შაშვმა ბოლო მოიქნიოს, გაფრინდეს, გაქრეს... იტყვიან, დალი გაგიჟდა, ამ ყიამათ ზამთარში შაშვის სტვენა რამ მოაჩვენაო...

— მოგნახეთ... — ყველა კითხვაზე იმეორებს და იმეორებს მალხაზი. შორი გზა გალთა, ნებართვა მიიღო, ყვავილოვანს კითხვა-კითხვით მოაგნო და არა სჯერა, რომ უკაცრიელ, უკიდევანო, თოვლიან ტრამალებში ჩაქარგული გოგო იპოვნა. „მოგნახეთო“, — იმეორებს და კისერწაგრძელებული უყურებს გოგოს. დგას გოგო, ისევ ისეთი ყარაჩი, ისეთი წერილი, რომ სამაჯური წელზე მოსწვდება, დგას და ნამიანი ბალახივით მოღალანე თვალებით ანათებს იქაურობას.

„მოგნახეთო“, — ესმის უმოძრაოდ მდგომი დალის ამხტარ-და-მხტარ გულს.

ჯერ ან ერთს, ან მეორეს რა უცხოვრია ქვეყანაზე, რა იცინა როგორ უნდა გრძნობების მიჩქმალვა? ვერც მიჩქმალავდნენ, მაგრამ ირმისიდან ჩამოსული ბიჭის სტვენამ შესძრა ყვავილოვანი და იმ საერთო მღელვარებაში ვინ მიხვდებოდა, ეს ერთი გოგო რამ მიაჭედა ადგილს, ან ეს, საიდან სად ჩამოსული ბიჭი ასჯერ ვის უმეორებს, „მოგნახეთ“?

ვერც ალექსი მიხვდებოდა, ირმისში, ოზბეთელაანთ ღობესთან თვალი რომ არ მოეკრა ამ გოგოს და ბიჭის შეხვედრისათვის.

ალექსი კი მიხვდებოდა, მაგრამ კოსტა ილეთაქსა? ეს შეყვა-

რებული რაინდი საიდანღა მიხვდა, ალექსის გვერდით რომ გაზნდა და თვალემოწყურვით ჩასჩურჩულა:

„ეხლაც იფიქრობ, ელიზბარი ვერ ეტყოდა ცოლს, „დამიცადე, მე ცოცხალი ვარ?!“

სძინავს სანდრას და ბალიშქვეშიდან მოჩანს ყაზახეთიდან მალხაზის ჩამოტანილი დღიური. ხატულა კი ბუხართან ზის და ვინ იცის, მერამდენედ კითხულობს ილეთაქსას ჩანაწერებს. ჩანაწერებს „წინსიტყვა“ და „ბოლოსიტყვა“ აქვს დართული.

„წინსიტყვაში“ ილეთაქსა სწერს:

„ძვირფასო მეგობარო ქალბატონო ხატულა! მე გზავნი თქვენ და თქვენი სანდრას ბევრი-ბევრი სალამს და კეთილი მოსურვილებას და მადლობას საჩუქრების გამოთ. მეტად დიდი-დიდი მადლობა „საქართველოს მატერიალური კულტურის ისტორია“ და ლექსიკონების გამოთ. თქვენგან მე გავაკეთე პატარა საინტერესო ბიბლიოტეკა და შემოძლია ვიცოდე თქვენი შვენიერი ქვეყნის ისტორია. ძვირფასო მეგობარო-ქალბატონო ხატულა, თქვენი ისე იცით ჩვენი ყვავილოვანის ცხოვრება, ვითომ როგორც თავისი თვალებით ნახოთ, ესლა შევასრულებ თქვენი თხოვნას, მიიღოთ აქაური ალექსის ნამდვილი პორტრეტი. ამის გამოთ გიგზავნით ჩემი ბლოკნოტის ცოტა ფურცლებს, იქ არი ცოტა-ცოტა ჩემი ინტიმური ამბავიც, მაგრამ არ გავაკეთე კუპიური, მე მინდა ჩემი დაუს-წრე-ბელი (ეს ძნელი სიტყვა არი!) მეგობარი იყოს ჩემი ისტორიის კურსში. ბლოკნოტი ბერძნულ ენაზე ჩემი თავისთვინ არი დაწერილი და გავაკეთე თარგმანი. მე ჯერ არა ვარ ქართული ენის მაესტრო (მაგრამ უ-ეჭ-ველად ვიქნები) და ამის გამოთ პლატონ-მასწამ კორექტურა აკეთა, არ უშავს რომ ჩემი გულის მეგობარი პლატონ-მასწა და მასწა-ლინამ ნახოს ჩემი კორექტურა და მე ვიცო, თქვენიდან ნიშანი „2“ მექნება მაგრამ მე და პატარა ნაჩალი ჯიბრობთ და მალე „5“ მექნება. მოგისურვებთ თქვენ და პატარა ჯენტლმენ სანდრას ბევრი-ბევრი სიკეთეს. სუმუდამ თქვენი მონა და მეგობარი კოსტა ილეთაქსა.“

ილეთაქსას ბლოკნოტიდან:

„...თებერვლის იმ საშინელ ღამეს, როცა ტასანბაევმა წაიყვანა გამოცდილი მონადირეები და თავისი გენიალური ძაღლი „ნერონი“ და კიზილკუმში იპოვნა კაცი, მე გამაღვიძა და მითხრა: „კოსტა, რაკი ჩვენთან გადმოსახლებული ამდენი ხალხი ტირის და გვეხვეწება, გადაარჩინეთო, კარგი კაცია, არ შეიძლება რომ დაიღუპოსო, ჩანს მართლაც კარგი კაცია. მე მოგცემ, რაც დაგჭირდება, უშველე და მერე ვნახოთო!“ და კომენდანტს უთხრა: „მოესწრები მაგის დასჯას, დააცალე სიკვდილიო“.

იმ ღამეს მე ღმერთებმა შემრისხეს და ვულკანზე დამასახლეს, წამართვეს მუშაობისა და ანტიკურ სამყაროში ხეტიალის დრო. დღე და ღამე მე იმ კაცთან ვიჯექი და ვუვლიდი, იმიტომ რომ მისი ხალხი ამბობდა: „ეგ კაცი ჩვენთვის ძალიან-ძალიან საჭირო არისო“.

ამ კაცის ქვეყანა საქართველოა, და მის სოფელს „ირმისი“ ჰქვია. ირმისელებმა ძალიან-ძალიან საიდუმლოდ მითხრეს, რომ ეს კაცი მათთვის „გონჯაურა“ არისო, არ ვიცით, ვინ დაარქვა, რად დაარქვა, ან რას ნიშნავს ეგ სიტყვაო. ვერც ერთ ლექსიკონში მე ასეთი სიტყვა ვერ ვიპოვნე, და მას შემდეგ სულ ვფიქრობ, რა არის „გონჯაურა“...

„...იქნება „გონჯაურა“ — ახალ დასახლებას ნიშნავს?

ეს კაცი წამოდგა თუ არა, იმ დღესვე ისეთი გეგმები დააწყო, მეგონა, ყიზილყუმის უდაბნომ გააგოჟა. მერე ის მაგჟან ტასანბაევს შეხვდა. მე არ ვიცი, რა ილაპარაკეს, მაგჟანმა მარტო ის მითხრა, „აქამდე შენ ერთი შაითანი იყავი, ახლა ორნი ხართო!“. მაგჟანმა ირმისელებს ყველაფერში დიდი დახმარება აღმოუჩინა, საშენი მასალაც მისცა და ამ ხალხმა ძალიან-ძალიან ჩქარა ააშენა ორმოცი ალიზის ქოხი, და მანამდე უკაცრიელ ტრამალში გაჩნდა დასახლება, რომელსაც ბავშვებმა „ყვავილოვანი“ დაარქვეს. ერთი ქუჩაა, ერთმანეთის პირისპირ თც-ოცი სახლი დგას. მეც მომინდა ამ დასახლებაში ცხოვრება და აბაი-ბაზრის რაიკომის ძალიან-ძალიან კარგმა მდივანმა მომცა ამის ნება. ახლა მეც „ყვავილოვანი“ ვცხოვრობ. ამ ხალხს მეზობლობა უფრო მეტად სწამს, ვიდრე რომის პაპს სახარების უპირველესი პარაგრაფი, და ახლა ირმისელები ჩემი მეზობლები არიან.

მე ძალიან შემოყვარდა ირმისელები და მეტადრე პატარა ნატალი. ეს კაცი ავად რომ იყო, ნატალი ჩემი ასისტენტი იყო და მე დავინახე, რომ მის გულში ძალიან ბევრი სიკეთე და დიდი ნაღველია. მე მიყვარს მისი ბავშვური ენა და სიბრძნე. სიბრძნე ალბათ მემკვიდრეობით მიუღია თავისი დიდედა ნატალიასაგან. ის ნამდვილი ფილოზოფოსია და მე ძალიან პატივსაცემ მას. მე შემოყვარდა პატარა ნატალის ტყუპი ძმა — პაატა და ზურიკო. ისინი ცელქი და ცნობისმოყვარენი არიან, ყველგან ცხვირს ყოფენ, ისეთები არიან, როგორც მე ვიყავი მაგათ ტოლობას. და კიდევ მე შემოყვარდა ამ ბავშვების დედა. ის ყოველთვის მუქი ფერის ტანსაცმელშია, მაღალი თეთრი ყელი აქვს და შავი ნაწნავეები თავზე აქვს დახვეული, თითქოს ძალიან-ძალიან ძვირფასი გვირგვინი დაადგესო. როცა ის მოდის ყვავილოვანის ქუჩაზე, მე მგონია, რომ ის ბეატრიჩა... და მე მიხარია, რომ ყაზახეთის ტრამალში განხდა ეს დასახლება, და მე ვფიქრობ, რომ „გონჯაურა“ ნიშნავს ახალ-ახალ დასახლებას ყველგან, ჩვენს პლანეტაზე...

„...იქნება „გონჯაურა“ — წყალია?

ამ კაცმა თავისი ხალხით არხი გათხარა და დიდი სირ-დარია მოვიდა ყვავილოვანში. წყალი მოვიდა ახალდარგულ, შორიდან ჩამოტანილ ალვის ხეებთან, ქარსაფარი გაიზრდებაო. წყალი მოვიდა ორმოც სახლში და ბაღში, სადაც ჩემმა მეზობლებმა დარგეს ხენილი, ბოსტნეული და მწვანილეული. როცა ირმისელები ბამბის პლანტაციასზე მუშაობენ, დალი და ოსიკო ოზბეთელაშვილი, პატარა ნატალი და სხვა ბავშვებიც რწყავენ ბაღებს და სიხარულით ასრულებენ თავის მოვალეობას. დალიც და ოსიკოც ძალიან კარგი ბავშვები არიან, ხშირად დადიან თავისი ბაბუა ივანიკას საფლავეზე. ამ კაცმა ივანიკას საფლავეზე ბროწეული დარგა და ის მალე-მალე იზრდება, იმიტომ რომ ამ კაცმა ბროწეულთანაც მიიყვანა წყალი. და მე ახლა ვფიქრობ, რომ „გონჯაურა“ წყალია, ის სჭირდება ადამიანებსაც და ხეებსაც...

„...იქნება „გონჯაურა“ — მიწაა?

მე მაგჟან ტასანბაევს ვუთხარი: — შენ მოგვეცი ერთი დამტვრეული ტრაქტორი, ჩვენ კი ორი კარგი ტრაქტორი გვინდა.

მაგჟანი, როგორც ყოველთვის, ბურთივით ახტა-დახტა:

— საიდან მოგცე მე ორი კარგი ტრაქტორი? მე ტრაქტორების ქარხანა მაქვს, თუ რა?

— რატომ ყვირი, მაგჟან? კომუნისტები ამბობენ, „დეპუტატი ხალხის მსახურია“. შენ წადი მთავრობასთან და თქვი, „მე ხალხის სამსახურისთვის ორი კარგი ტრაქტორი მჭირდება!“

— იოი — ისევ დაიყვირა მაგჟანმა. — არ შეიძლება სულ იძახოთ: ეს მოგვეცი, ის მოგვეცი თქვენ, ორი შაითანის გულისთვის მე პარტიულ ბილეთს დავკარგავ!

— ნუ ყვირი, მაგჟან! — ისევ მშვიდად ვუთხარი მე, — რა არის პარტიული ბილეთი? ვალდებულება. ბევრი-ბევრი ვალდებულება. როცა შენ ეგ ბილეთი მიიღე, შენ აიღე ვალდებულება, გააკეთო ბევრი-ბევრი კარგი საქმე, და შენ ახლა ისეთ კარგ საქმეს აკეთებ, რომ მეორე ბილეთიც უნდა მოგცენ!

— იოი — ისე დაიყვირა მაგჟანმა, თითქოს მე თოფი დავუმიზნე.

— ნუ ყვირი — კიდევ ვუბნები მე, — აბა დაფიქრდი, შენ დანგრეული ტრაქტორით გახდი სოციალისტური შრომის გმირი? არა. კარგ ბრძოლას და კარგ შრომას კარგი იარაღი სჭირდება, არ იცი?

მაგჟანმა თმებში იტაცა ხელი (ხოლოთ მაგჟანს ძალიან ცოტა თმები აქვს) და გამექცა.

ვფიცავ ღმერთებს, კარგი ადამიანი კარგი საქმის გამარჯვებაა! ყვავილღვანში ორი ტრაქტორი მოვიდა, მაგრამ... ამ კარგი საქმისგან მე ტვინი მტკივა ძალიან... რა თქმა უნდა, ღვთიური სინკლიტი ოლიმპიდან აიყრებოდა, როცა ადამიანმა ტრაქტორი მოიგონა! დღეც და ღამეც ჩვენს დასახლებაში არ წყდება ტრახტრახ-ტარარახ! ლეონ რჩეულიშვილი მაღალი კლასის ტრაქტორისტია და მე მიხარია, რომ ლიზამ მას პატარა გოგონა აჩუქა. მას ირმისიდან გამოუგზავნეს სახელი „ია“, და მე ძალიან მომწონს ეგ სახელი, იმიტომ რომ ამ პატარა ქალბატონს პარმის იასავით ლურჯი-ლურჯი თვალები აქვს.

გუშინ ლეონ და მისი მეწყვილე, ყაზახი ისათაი დაილაღნენ, და ალექსიმ მითხრა:

— კოსტა, შენი „მერსედესები“, „ბიუკები“, „ფორდები“, „ოპელები“ — სისულელეა, მოდი. ტრაქტორზე შემეჯიბრე, ვნახო, ვინ უფრო ყოჩაღიაო.

მე დავეყექი ტრაქტორის საჭესთან და ვფიცავ: ღმერთებს, ძალიან-ძალიან მიხარია, რომ ვაჯობე ამ კაცს!

როცა ხვნა გათავდა და გუთანი წაიღეს, მე ვიფიქრე, ახლა კი დავისვენებდით, მაგრამ ამ კაცმა ტრაქტორებს კულტივატორები გამოაბა და ისევ დაიწყო: ტრახ-ტრახ-ტარარახ!.. მაგრამ კულტივატორებმაც რომ გააკეთეს თავისი საქმე, მე დავინახე, რომ დავარცხნილი, შავი, მბზინავი მიწა — ირმისელო ბეატრიჩეს გაშლილი თმებივით იყო...

ტრაქტორები რომ წავიდნენ, ამ კაცმა თქვა:

— დაისვენოს მიწამ, ჩვენ კი ბამბის საკრეფად წავალთ.

მე დავეყურებდი ლამაზ, არომატულ შავმიწას და ვფიქრობდი, ალბათ „გონჯაურა“ — მიწაა, რომელზეც ვენახები ხარობენ...

„...ერთხელ მე ვიჯექი თივის ზვინზე და ბეატრიჩეზე ვფიქრობდი. ამ დროს ის კაცი მოვიდა ოფლიანი, ტალახიანი, ერთ ხელში წერაქვი ეჭირა, მეორე ხელით თოხი გაედო მხარზე, და მე უცებ ვიფიქრე, რომ „გონჯაურა“ ნიშნავს პროზას, უბრალო, რეალისტურ პროზას, ის კი მოვიდა ჩემთან ახლო და მითხრა:

— კოსტა, გაიხედე, ხედავ, მთების ტეხილი ხაზი ცასა სწვდება! უყურე, ხედავ, ჩაუქრობელი ცეცხლივით ანთია თეთრი ტაძარი ალავერდი!

მე ვიცოდი, რომ ირგვლივ, შორეულ ჰორიზონტებამდე ტრამალების მეტი არაფერია, მაგრამ მას ისეთი სახე და თვალები ჰქონდა, რომ მე დავიჯერე, დავინახე ყველაფერი, რასაც ის მაჩვენებდა... მაშინ ვიფიქრე, რომ „გონჯაურა“ ძალიან-ძალიან მაღალი პოეზია ყოფილა. და მე მინდოდა მეთქვა მისთვის ძალიან-ძალიან თბილი სიტყვები, მაგრამ მან მოიხედა ჩემსკენ და მითხრა:

— კოსტა, თუ ძმა ხარ, მიეხმარე გოგო-ბიჭებს, ირმისში პეპლების გაგზავნა უნდათ!

და ღმერთებო, რა გგონიათ თქვენ? მე მაგჰანის ჯორცხენასავით დავკუნტრუშობდი ველზე, დავდევი პეპლებს, მერე ის პეპლები დავაკარით დაფებზე, დაფები ჩავალაგეთ ყუთში, მე ის ყუთები წავიდე აბაი-ბაზრის ფოსტაში, ფოსტის ქალბატონს შევეხვეწე, რომ ყუთებს დააწეროს „ფრთხილად“, იმიტომ, რომ ის ყუთები იგზავნება ირმისის სკოლაში, რომელშიც სწავლობს სანდრა, ალექსი რჩეულიშვილის ბიჭი.

ფოსტის ქალბატონმა ყველაფერი გამოიკეთა და მე წამოვედი ძალიან-ძალიან ჩაფიქრებული, იმიტომ რომ მე ისევ არ ვიცი, რა არის „გონჯაურა...“

„...ერთხელ იმ კაცმა მითხრა:

— კოსტა, პირველი სექტემბერი მოდის. ბავშვებმა როგორ უნდა იარონ სკოლაში?

მე საიდან ვიცი, როგორ ივლიან ბავშვები სკოლაში. სკოლა ბამბის მეურნეობაშია, ყვავილოვანიდან 12 კილომეტრზე. იმ სკოლაში მუშაობენ ჩემი მეგობრები „პლატონ-მასწა“ და „მასწა-ლინა“. პლატონი ცხოვრობდა პარიზში და ირმისი ენატრებოდა. „მასწა-ლინა“ პარიზელი ქალბატონია, მას ირმისელი კაცი შეუყვარდა. მერე შეუყვარდა ირმისი, ირმისელები, სკოლა და კლასები, რომელშიც ის ფრანგულ ენას და ხატვას ასწავლიდა. ქალბატონი „მასწა-ლინა“ ოპტიმისტია: მუშაობს ყაზახეთში, ბამბის მეურნეობის სკოლაში და ბედნიერია, რომ თავის პლატონთან ერთად არის. ვივა, მასწა-ლინა!..

მე შევედი მეურნეობის დირექტორის კაბინეტში და ჩვენ ასეთი დიალოგი გვექონდა:

— სადამო მშვიდობისა, მაგჟან, გისურვებ ბამბისთვის ხელსაყრელ ამინდს!

— რა გინდა, კოსტა, სიცოცხლეს რად მიშხამავ?

— ჩემი პროფესია მეურნალობაა და არა ხალხის მოშხამვა.

მაგჟანი ადგა და ძალიან ზრდილობიანად მითხრა:

— სამწუხაროდ, მე დრო არა მაქვს შენთან სასიამოვნო საუბრისათვის, ემტეესში მელოდებიან.

— სწორედ ეგ უნდა მეთქვა, ემტეესში სიურპრიზი გელოდება.

მაგჟანი უცებ უსურიის ვეფხვი გახდა.

— საკვებ ვარ შენი სიურპრიზებით, მეყო, დამანებე თავი!

მაგჟანს უნდოდა გაქცეულიყო, მაგრამ მე წინდაწინვე ჩავიჭირე მისი ხალათის კალთა.

— იოი... — საცოდავად თქვა მაგჟანმა, — რა გინდა, თქვი, ჩქარა, თქვი!

— შენგან სულ-სულ არაფერი არ მინდა, ხოლოთ დამიგდე ყური: ირმისელები პლანტაციებზე ძალიან კარგად მუშაობენ,



სომ? მერე ისინი არ ისვენებენ, მუშაობას განაგრძობენ ყვავილოვანში, სომ? მერეც არ ისვენებენ და მუშაობენ ემტეესის ეზოში — ეს შენ არ იცი. გადაგდებული, გადაყრილი ნაწილებიდან შენთვის ააწყეს „გაზიკი“, საღებავიც იყიდეს და ახალ-ახალი მანქანა მზად არის. და საბჭოთა ქვეყანაში არის შესანიშნავი კანონი — ყველა ბავშვმა უნდა ისწავლოს. ყვავილოვანში რომ ცხოვრობენ, იმ ბავშვებმა არ უნდა ისწავლონ, როგორა ფიქრობ?

— ისწავლონ, ჩვენ კარგი სკოლა გვაქვს.

— ჰოო? მე ვიცი, სკოლა კარგია და შენ კანონს არ დაარღვევ, მაგრამ მითხარი, როგორ უნდა იარონ ყვავილოვანიდან იმ შენ კარგ სკოლაში?

— შენ რა მოიფიქრე? — დაიკენესა მაგჟანმა.

— აი ეს ძალიან-ძალიან სწორი შეკითხვაა! პასუხიც სწორია: სკოლა-დასახლება, დასახლება-სკოლა, სატვირთო მანქანის ორი რეისი. მეც იმათთან ვივლი და შენთვის ეკონომიაც იქნება.

— არა მაქვს სატვირთო მანქანა „გაზიკი“ გაუკეთებიათ და იარონ!

— მეც და ისინიც — „გაზიკში“ ვერ ჩავეტევით, დირექტორისთვის გაკეთებულ პატარა, ლამაზ მანქანაში ვერ ჩავეტევით. ბავშვები ვერ ივლიან სკოლაში და შენი სალიმა იფიქრებს, რომ მეურნეობაში ბევრი სატვირთო მანქანებია, ოღონდ დირექტორს ბავშვები არ უყვარს და არ უნდა, რომ სალიმას ირმისეულმა ამხანაგებმა სკოლაში იარონ!

მაგჟანს გაგიჟებით უყვარს თავისი მეხუთე გოგო. სალიმას ხსენებაზე თვალები მილულა, მერე თმებში იტაცა სელი და კაბინეტიდან გავარდა.

პირველ სექტემბერს ყვავილოვანში სატვირთო მანქანა მოვიდა. თავზე ჩარდახი აქვს გაკეთებული და შიგნით — გრძელი სკამებია.

მთელი დასახლება აცილებს ბავშვებს სკოლაში. მეც მივდივარ მათთან ერთად. მხიარულად მივდივართ. გზაში ბავშვები მეკითხებიან:

— ძია კოსტა, მანქანა ვინ მოგვცა?

მე არ ვიცი. მაგჟანმა? კოსტა ილეთაქსამ? არა. „გონჯაურამ“. „...ახლა კი მე ვიცი, რა არის „გონჯაურა“.

შაბათ საღამოს დავბრუნდი შინ, ვოცნებობდი ძილზე და და-

სვენებაზე, მაგრამ ვიცოდი, რომ დილაზე ირმისელები მთავარ საქმეს უნდა შესდგომოდნენ, და ვერ დამეძინა. კარგად გათენებული არ იყო, გარეთ რომ გამოვედი.

დამუშავებული მიწა განაწილებულია ექვსი ბრიგადის შორის. ყოველ ბრიგადაში ირმისელებიც და ყაზახებიც არიან. მიწაზე დახაზულია მეტრიანი კვადრატები და ხაზების გადაკვეთაზე ამოთხრილია პატარ-პატარა ორმოები. ქალები დადიან კალათებით და ყოველ ორმოსთან სტოვებენ თითო ნერგს. კაცები ნერგს შვეულად სდებენ ორმოში, ძირში ნამიან მიწას მაგრად უტკეპნიან და შემოდან უფრო ფხვიერ მიწას აყრიან. ალექსი უვლის, უვლის, უვლის ორმოებს და მეც ფეხდაფეხ დაედევ. ის ყაზახებს ასწავლის ვაზის ჩაყრას და მეც ვსწავლობ ვენახის გაშენებას.

სამოცი ათასი ძირი საფერავი, კაბერნე და ბაიან-შირეი ჩაყარეს. ყვავილოვანში მაგჟანი მოვიდა. ხალხმა ქუჩაში დიდი ცეცხლი დაანთო. ქალბატონმა ნატალიმ ჭერმიით და შემწვარი ცხვრით ფლავი გააკეთა. ქალებმა მიწაზე დიდი-დიდი სუფრა გაშალეს. როცა ყველანი დასხდნენ, ალექსიმ ფიალა ასწია და თქვა:

— ქვეყანას კარგი ხალხი აშენებს და ეს ქვეყანა სავსეა კარგი, კეთილი ხალხით. სიცოცხლე, სიხარული და გამარჯვება ქვეყნად სიკეთის მთესველ ადამიანებს!

ყველამ სიხარულით დალია ეს სადღეგრძელო და მერე ალექსიმ განაგრძო:

— მაგჟან, შენ იქნება შენი მდგომარეობა გიშლის ხმამალა გვიწოდო „მეგობრები“, მაგრამ იცოდე, ჩვენ, ირმისელები — შენი და ყაზახი-მევენახეების ერთგული მეგობრები ვართ და ვიქნებით მარადჟამს. და იცოდე, თუ ამ ვაზმა არ გაიხარა, ჩვენი ქვეყანა დიდია, უფრო შორს, სადმე ყინულოვან კუნძულზე გადამაგდე...

მაგჟანმა სიტყვა გააწყვეტინა:

— ჩემო ძმავ და მეგობარო ალექსი, ამ ვაზმა თუ ვერ იხარა, ყველაზე ძალიან შენ იდარდებ, და თუ კაცს დარდი აქვს, იმისთვის ყველგან ყინულოვანი კუნძულია!

ო, ღმერთებო, პებერო, უსაქმურო ღმერთებო, დაცალეთ ოლიმპი, გზა მიეციეთ ჩემ მეგობრებს, გზა!..

მე ეს გავიფიქრე და ირმისელებმა სიმღერა დაიწყეს. ისინი მღეროდნენ და მე მეგონა, რომ მე ათონის სობოროში აღდგომის

ლიტურგიაზე ვარ და ორგანო ძლიერად ჟღერს: „ისმინე, ისმინე, კოსტა ილეტაქსა, „გონჯაურა“ არის ვენახი, ბევრი-ბევრი ვენახი!..“

აქ მთავრდებოდა ილეტაქსას ჩანაწერები. „ბოლოსიტყვაობა-ში“ ეწერა:

„ჩემო ძვირფასო მეგობარო-ქალბატონო ხატულა! რაც თქვენ იკითხეთ, ეს ფურცლები მე ძალიან წინათ დაგწერე, ახლა კი, მაპატიეთ, სუმთლათ არა ვფიქრობ ასე. ესლა მე ვიცი, რომ თქვენი მეუღლე არი ნამდვილი, ნატურალური, ცივი ქვა. ის ძალიან-ძალიან შვიდათ ამოხს: „დაიცა, კოსტა, დაიცა!“ ქვა არი და ამის გამოთ არ გაიგებს: თუ დოდაშვილები ირმისში წავა, მე როგორ უნდა დარჩე აქ მარტოკა? მე მოკდომის შიში სუმთლათ არა მაქს, მაგრამ როგო უნდა დაკარგო პატარა ნატალი და დიდიც ნატალი, ცელქი ტყუპა პატიკო-ზურიკო და ჩემი ბეატრიჩე? თუ ადამიანი მარტო დარჩეს, ეს მოკდომაზე მეტათ-მეტათ ცუდი არი. მე არ შევიძლებ მარტო დარჩე, მე ამის ძალიან-ძალიან შიში მაქს. ალექსის არ უნდა, კოსტას ქონდეს დიდი ოჯახი, არ გაიგო, რო ჩემი ბრალი სუმთლათ არ არი, თუ ბერძენი ადამიანი პლანეტის შორ წერტილში შეხვდა ადამიანს საქართველოდან იმისათვის, რო მოკდომამდე ერთად იყონ. ალექსიმ ეს არ გაიგო, იმის გამოთ, რომ არის ნამდვილი ცივი ქვა და მე ძალიან-ძალიან გთხოვთ, ჩემო დაუ-სწრე-ბელო მეგობარო ხატულა, უთხარით თქვენ მეუღლეს ჩემი აზრი.

მიიღეთ ბევრი-ბევრი კეთილი სურვილი თქვენთვის და პატარა სანდრასთვის, თქვენი მორჩილი მონა კ. ილეტაქსასაგან“.

ხატულამ ფურცლები გადადო და უცხოსავით შეათვალიერა ოთახი. ო, რა შორს იყო აქედან ის გარემო და ის ცხოვრება, რომელსაც ახლახან მთელი არსებით ეზიარა! მწვავე სინანულით გათანგული ბუხარში მოგიზგიზე ცეცხლს მიაჩერდა.

„რა შორიშორ და რა ახლო არიან ერთმანეთთან ბედი და უბედობა. ისინი ხვდებიან იქ, სადაც მათი შეხვედრა თითქოს წარმოუდგენელია. ელიზბარის ფრონტზე წასვლის დღიდან გაუცინარი, გულჩათხრობილი ოლიკო, დასჯილი და სასოწარკვეთილი იქ, იმ დასაკარგავში შეხვდა ქვეყნიერებამოვლილ საოცარ

კაცს!.. ალექსი, ნუთუ მართლა ვერ გრძნობ, როგორ ეშინია კოსტა ილეთაქსას სიმარტოვის? არა, ნუ გაიმეტებ მაგ შესანიშნავ ადამიანს სიმარტოვისთვის, შენ არ იცი, ეგ რა საშინელებაა? მე ვნახე სიმარტოვით დასჯილი ადამიანი და მართლაც, ეგ სიკვდილზე უარესი ყოფილა...”

ბუხარში მოგიზგიზე ცეცხლს უცებ რამაზ მელითაურის სახე აეფარა — თაბაშირის ნილაბივით უსიცოცხლო, სიკვდილის ნატერის მსგავსი. ოთახში თითქოს გამკრავი ქარი შემოიჭრა.

ხატულამ შალი მოიხურა და ცეცხლს შეშა მიუმარჯვა.

„კოსტა, ჩემო კარგო, მართლაც საოცარო „და-უს-წრებელო“ მეგობარო, გთხოვ, გეხვეწები, არ შეუშვა შენს გულში სიმარტოვე, არ შეუშვა, თუნდ შენს კერასთან არასდროს არ იჯდე შენთვის სასურველი ქალი. ღმერთმა დაგიფაროს სიმარტოვისაგან, ეგ ყველაზე მძიმე წყევლა ყოფილა... ალექსი კი არასდროს არ იგრძნობს მარტოობას. მშობლიურ კერას მოწყვეტილმა, უფლებაწართმეულმა, უდაბნოს მრისხანებას სასწაულით გადარჩენილმა მაინც შესძლო, უკაცრიელ ტრამალებში „ყვავილოვანი“ გააშენა, ხალხით დაასახლა, იმ ხალხს მისცა მიწა, წყალი, სინათლე, საყვარელი საქმე. კოსტა, შენ ეს ყველაფერი შენი თვალთ ნახე და ისე შესანიშნავად აღწერ ყველაფერს, თითქოს მართლაც მიხვდი, რა არის „გონჯაურა“, მაგრამ... მაგრამ შენ არ იცი მთავარი: თქვენისთანა კეთილ ადამიანებს რომც არ შეხვედროდა და ვერაფერი გაეკეთებინა, დილიდან დაღამებამდე მხოლოდ ბამბა ეკრიფა, დღე და ღამე მაგ საძაგელი კომენდანტის შემყურე ყოფილიყო, სულერთია, ალექსი მაინც არ იქნებოდა მარტო. მის გულში მაინც აშენდებოდა ყვავილოვანი, დასახლდებოდა ხალხით, იმ ხალხს ექნებოდა მიწა, წყალი, სინათლე, საყვარელი საქმე, გაიზრდებოდა ვენახი, ექნებოდა რთველი და მოწყურებულს მიაწვდიდა მზით დამტკბარ წვენს... იმიტომ რომ, მის სულში ცოცხლობს და მოქმედებს ოცნება, ოცნება იცოცხლებს და იმოქმედებს მის სულში, ვიდრე ის ცოცხლობს, სუნთქავს, ფიქრობს. ამიტომ ის არასდროს არ იქნება მარტო, და არ გაგიკვირდეს, კოსტა, მე ეს მავსებს სევდით... ალექსი!.. არ გესმის? მე მინდა, შენ მწვავედ იგრძნო მარტოობა, როცა მე არა ვარ შენთან, მინდა, რომ დამიძახო, და მე დავძლიო ყველა დაბრკოლება, შენთან გა-

ვჩნდე. მაგრამ... შენ მიბრძანებ აქ ვიყო და მე უხმოდ გემორჩილები...”

თვალებზე ცრემლმომდგარ ხატულას მოეჩვენა, რომ თეთრი ნიღაბი ცეცხლში არ იწვოდა. მცხუნვარედ მოელვარე ალი თეთრ სახეზე რაღაც შტრიხებით ამუქებდა სიკვდილის ნატვრას. ხატულა მოერია გამკენწლავ სიბრალულს და თვალი მოსწყვიტა ცეცხლს.

„როდემდე უნდა ვიჯდე ამ ბუსართან მარტო? რას ვყარაულობ? რამ ვააგიჟათ, რა მოხდა? რას შევლის ამდენი განცხადებების წერა? არსაიდან არც პასუხია, არც შედეგი, სულ ერთია დღეს არა, ხვალ მაინც ამოძირკვავენ ვაზს, ჩემი აქ ყოფნა რას უშველის? რატომ არ უნდა ვიყო მეც იქ, ყვავილოვანში? ჰო, მეც იქ უნდა ვიყო!“

ხატულა ადგა და ისეთი აჩქარებით შევიდა სანდრას ოთახში, თითქოს ბიჭი უნდა გააღვიძოს, ახლავე მოემზადოს წასასვლელათო. ბავშვის მშვიდმა სუნთქვამ საწოლთან შეაჩერა, ერთბაშად დაუმშვიდა აფრთხილებული გული. სძინავს სანდრას და ბალიშქვიშიდან მოჩანს ნათუკას დღიური. წინათ სანდრა ფარიკაობით იყო გატაცებული, ნათუკა — თოჯინებით. ახლა სანდრას მამა ენატრება, ნათუკას კი — ირმისი. ფარიკაობას და თოჯინებს დღიურის წერა ურჩევნიათ, უნდათ დაწვრილებით იცოდნენ ერთმანეთის ამბავი... სძინავს ბიჭს. რა საოცრად იმსგავსა ალექსის სასიათი და თვისებები. კერპი. ჯიუტი. და მეთოცნებე... მამა, ისე ენატრება, რომ ძილშიც არ უქრება ეს სასაცილო ნოჭი წარბებშუა, მაგრამ კრინტს დავძრავ თუ არა ყაზახეთში წასვლაზე, ყვირის: „რას ამბობ, დედი, შენ გინდა ჩვენ ერთად ვიყოთ, კარგად ვიყოთ, და ვაზი? რას იტყვის მამა? აქ რომ წამოსულხართ, იქ ვენახებს ვილა დაიცავსო?!“

— დამცველი... — გაეცინა ხატულას, დაისარა და ბიჭის გამიშვლებულ ქუსლს აკოცა. სანდრამ ძილში შუბლი შეჭმუხნა და ფეხი საბანქვეშ შემალა.

ხატულა ნელა გამოტრიალდა, ისევ ბუსართან დაჯდა.

თეთრი ნიღაბი ცეცხლში უცნაურად იცრიცებოდა. თითქოს ცოცხალი სახე იწვოდა. თითქოს ტკივილმა თვალები აახელინა, ტუჩები დაუკლაკნა, დააკვნესა...

ხატულამ თავისი კენესა გაიგონა. ქარცაში ჩაპკრა დანა-  
კვერჩხლებულ შეშებს და უაზროდ გააყოლა თვალი საკვამურისაკენ  
კონა-კონად აშლილ ნაპერწყლებს...

## თ ა ვ ი მ ე ო თ ხ ი

ზამთარი რომ მიიღევა, სოფლად დღეები ძვირფასი სამკაუ-  
ლებით დატვირთული ქარავანივით მიჰყვებიან ერთიმეორეს.  
ყოველთვის ასეა. მაგრამ იმ გაზაფხულის პირველი თვე — სტა-  
ლინის გარდაცვალების თვე იყო და დღეთა ქარავანს თითქოს  
გზა აერიათ.

— მზე დაგვიბნელდა!

— ცა ჩამოგვენგრა!

ბორგავდა ხალხი, ერთმანეთს აწყდებოდა ნაცნობ-უცნობი, გა-  
ზეთებს იტაცებდნენ, რადიომიმღებებს შესწებებოდნენ, სუნთქვა-  
შეკრული ისმენდნენ, კითხულობდნენ, გაფაციცებით ადევნებდნენ  
თვალყურს, რა ხდებოდა მოსკოვის სვეტიბიან დარბაზში, სადაც  
მიცვალებული ესვენა.

— მერე რა იქნება? — ჰაერში ხმაურობდა კითხვა.

მერე ცხრა მარტი იყო — მისი უკანასკნელი გზის დასასრული.  
მსოფლიო უსმენდა მოსკოვის რადიომაუწყებელს, სამგლოვიარო  
პროცესიას რომ მიუძღოდა და დეტალურად აღწერდა ჭეშმარი-  
ტად გაუგონარი და არნახული მსვლელობის ყოველ ნაბიჯს, ყო-  
ველ წამს.

უკლებლივ ყველა გაზეთი საბჭოთა კავშირში, უთვალავი გა-  
ზეთი მის ფარგლებს იქით დაწვრილებით ბეჭდავდა საბჭოთა სა-  
ინფორმაციო ბიუროს ცნობებს იმ დღის, იმ უკანასკნელი გზის  
შესახებ. და საბჭოეთის მემბტიანე — გაზეთი „პრავდა“ აკადემიუ-  
რი დიდებულებით, საისტორიოდ აღბეჭდავდა თავის ფურცლებ-  
ზე იმ დღის უმწუხარეს საათებს:

„...10 საათსა და 05 წუთზე, — იტყობინებოდა „პრავდა“, — ამ-  
ხანაგებმა მალენკოვმა, ბერიამ, მოლოტოვმა, ვოროშილოვმა, ხრუ-  
შჩოვმა, მიქოიანმა, ბულგანინმა, კაგანოვიჩმა ფრთხილად ასწიეს  
კუბო და ნელა გამოიტანეს სვეტიბიანი დარბაზიდან...

„...10 საათსა და 45 წუთზე სამგლოვიარო კორტეჟი წითელ მო-

ედანზე, მავზოლეუმთან მივიდა და მოედანზე დაიხარა უჭკნობი დიდებით მოსილი უთვალავი საბრძოლო დროშები...

„...10 საათსა და 52 წუთზე, — განაგრძობდა საბჭოთა ქვეყნის მატთან, — დამკრძალავი კომისიის თავმჯდომარემ ნიკიტა სერგის ძე ხრუშჩოვმა გახსნა „ლენინის თანამებრძოლის და მისი საქმის გენიალური გამგრძელებლის, საბჭოთა კავშირის მინისტრთა საბჭოს თავმჯდომარის და საბჭოთა კავშირის კომუნისტური პარტიის ცენტრალური კომიტეტის მდივნის, ყველა დროის და ყველა ხალხის უდიდესი მხედართმთავრის, საბჭოთა კავშირის გენერალისიმუსის, კომუნისტური პარტიისა და საბჭოთა ხალხის, მსოფლიო პროლეტარიატის ბრძენი ბელადის, მამის და მასწავლებლისადმი მიძღვნილი სამგლოვიარო მიტინგი...“

„...და ფიცით ჟღერდნენ, — განაგრძობდა მატთან, — ხელმძღვანელთა კლდესავით უტეხი სიტყვები, მლალადებულნი იმისა, რომ „კაცობრიობის უდიდესი გენიოსის, მშვიდობის დიდი მედროშის, მსოფლიოს მშრომელთა ყველაზე ახლობელი და საყვარელი ადამიანის ხსოვნა, სახელი და საქმე უკვდავია, რომ ის მარად იცოცხლებს ხალხის გულში და მარად იქნება კომუნიზმის მშენებელთა მედროშე...“

„...11 საათსა და 38 წუთზე ამხანაგებმა მალენკოვმა, ბერიაშ, მოლოტოვმა, ვოროშილოვმა, ხრუშჩოვმა, მიქოიანმა, ბულგანინმა, კაგანოვიჩმა კუბო შეიტანეს მავზოლეუმში, რომლის თავზე ამოკვეთილია ორი უსაზღვროდ ძვირფასი, უკვდავი სახელი:

წ ა ნ ი ნ ი

ს ბ ა ლ ი ნ ი

სამშობლო გამოეთხოვა ბელადს, მამას და მასწავლებელს...“

აი, გადაიგვირგვინეს სამგლოვიარო ზალპებმა და სალუტებმა ჩაჩუმდნენ გლოვის საყვირები. დადუმდნენ ჭირისუფლები.

და ყოველთვის ასეა:

იყო კაცი და აღარ არის.

ის აღარ არის, სხვა არის.

ზოგი წასულს მისტირის, ზოგი მის შემცვლელს ეგებება.

ზოგი მოზარეც არის და მოზიმიც.

ზოგი არც გლოვობს, არც ზეიმობს.

გაზაფხული კი აინუნშიც არ აგდებდა ადამიანთა დაუოკებელ ვენებებს. ის თავისას მოითხოვდა — სოფელს დროულად და სრუ-

ლად უნდა მიეძღვნა მისთვის ხარკი. და დღეთა ქარავანმა სძლია უეზობას. ცხოვრება ჩადგა კალაპოტში და აჩქარდნენ ირმისელები — პირნათლად უნდა მოიხადონ გაზაფხულთან თავისი ვალი, შრომობენ მზის ამოსვლიდან ჩასვლამდე.

მაგრამ ზოგი...

— მეღითაურო! — დასჭყივლა სარდიონ მაღალაშვილმა რამაზს, და ღვინით სავსე ჭიქა ჭიქას მიუჯახუნა. — დარდს ნუ ეჭმე-ვინები, შენ ნამეტანს გლოვობ, ჩემო ძმაო!

— სამელოვიარო მაქვს და ვგლოვობ, — ღრჯუდ ჩაილაპარაკა რამაზმა და ხელი აიქნია, შეეცადა თვალიდან მოეცილებინა ხატულას და სანდრას სახეები.

— ვინც სად არი, იქ გაუმარჯოს! — ჭიქა გამოცალა სარდიონმა, გამეტებით იკრა მჯიხი მკერდში, კართან მივიდა და დაუსტვინა:

— ჰეი, ბიჭო!

„ჰეი, ბიჭო“, — მორიგე მილიციელია, თრმოცდაათს მიტანებულ კაცი. იცის, რას ნიშნავს უფროსის დასტვენა, და მყისვე შემოაქვს კაბინეტში ორივე ხელის თითებშუა ჩაჭერილი სავსე ბოთლები. მარჯვედ შეცვალა დაცლილი ბოთლები და შემდეგი ბრძანების მოლოდინში, გაიჭიმა. იცის, რასაც უბრძანებს უფროსი — უკვე მერამდენედ გამოცალა განსვენებულის სულის მოსახსენიებელი და ვალმოხდილი გავიდა.

მაღალაშვილს რამაზის დათრობა განუზრახავს, ამიტომ თვითონ შიგადაშიგ იპარავს ღვინოს, მაგრამ მაინც ძალზე მთვრალია. რამაზი კი ზედმეტსაც სვამს, დათრობა უნდა, მაგრამ ღვინო არ ეკიდება, ვერ უმსუბუქებს ნაღველს, ვერ უვსებს მარტობას. შეზარდა მაღალაშვილის ქშენაც, უწმინდური ბლუჟუნიც, უთავბოლო წუწუნიც და წამოდგა.

— ე-ე, არ გაგიშვებ ესეც! დაცლაზეა, ეს ჩვენ დიდ სამშობლოს გაუმარჯოს! ჩვენი ქვეყნის ახალ მთავრობას გაუმარჯოს! ჩვენ მამაპაპეულ მიწას გაუმარჯოს! ჰა, რატომ არა სცლი? დალიე-მეთქი!

— შენ გიცდი, დალიე, არ მოიპარო!

— გიჟი ხო არა ხარ, რა უნდა მოვიპარო? ამისთანა სადღეგრძელოსთვის თუნდა სავსე ქვევრს დავცლი!

მაღალაშვილმა ღვინო გადაჰკრა და გაოგნებულმა მიიხედ-მოიხედა, ცდილობდა გაეხსენებინა, რისთვის მოიპატიჟა მეღითაუ-



რი, რისთვის ცდილობდა მის დათრობას, რაზე წუწუნებდა. თავს ძალა დაატანა და, როგორც იქნა, გაახსენდა. ძლივსძლიევობით ასწია ღამისმებელი სხეული, ბარბაციით მივიდა სეიფთან, პატარა, წაგრძელებული ქაღალდების დასტა გამოიღო და ენის ბორძიკით, სლოკინ-სლოკინით, თვალებგადმოკარკლული ისევ აწუწუნდა:

წელანაც გითხარი, ყურს არ მიგდებ, ეს ქაღალდები გამაგიჟებენ-მეთქი! ღამის ტლექი გამიჩნდეს, ამის რჯულიც არ იყოს, ყრია აქ, სო ხედავ, ჩაყვითლდა. ერთი მითხარი, რა თავში ვიხლი, რად მინდა? სეიფის ყოველ გახსნაზე, გული ყბას გააღებს სოლმე!..

მელითაურმა უცებვე იცნო ქაღალდები. ომის დროს ამისთანები ბევრი უნახავს ატირებულ ოჯახებში. მაღალაშვილს რად უნდოდა, მის სეიფში რატომ ყვითლდებოდნენ ფრონტიდან მოსული უწყებები?

რამაზი ისევ დაჯდა და ჭიქა შეუვსო სარდიონს.

— აბა, დავლითო, ესეც დაცლაზეა ეს ჩვენი გულის ვარდს, ჩვენ საყვარელ პროკოფინა ილარიონიჩს გაუმარჯოს, დალიე!

— დავლევ, რო ეგ შენი პროშკა მალე ჩაძაღლდეს! მაგისი ბრალია, მაგისი... ეს ქაღალდები... ეს ქაღალდები, იცი როდინდელია? ორმოცდა ორი წლიდანაა, მე რო რაიონის სამხედრო კომისარი ვიყავი, მაშინდელუბია...

გაფითრებული რამაზი სიტყვას არ აწყვეტილებდა, ღვინოს უმარჯვებდა.

— ჰო, იმის ჩაძაღლებისას დავლევ-მეთქი თუ გინდა მიუტანე ამბავი, ფეხებზე მკიდია. მე თუ ჩავეარდი, არც მაგას დადგება კაი დღე. ბევრიათ, სოფელში პანიკა ატყდებათ, ვეღარ იმუშავებენო, სახელმწიფოსთვისაც ზარალია ამდენი პენსიის გაცემათ, შეინახე და მერეო. მერე მე ამ ოხრადდასარჩენი სეიფის გასაღები დამეკარგა, მერე ათასი სადავიდარაბო საქმე არ დაიღია და ესენი დამავიწყდა!..

მელითაურს შეაჟრჟოლა. დასტას თვალს ვერ ამორებდა.

— ჰოდა, შენ თითონა თქვი, მერე რაღა დროსი იყო?! — წყენით გადმოაბრუნა მაღალაშვილმა სქელი, ჩალურჯებული ტუჩი.

— მაშ, ამათმა ახლობლებმა როგორ გაიგეს თავისიანების ამბავი? თუ... თუ არ იციან?

— ახლობლებმა? ყაზახეთში ელოდებიან ამბავს! ელოდონ ბებრის ყვავილობამდე! ეი, ეი, ჭიქების დამტვრევა დაიწყე? ჰი, სო 15. თ. დონჟაშვილი

დაგათვრე, საცა შენი დაიკვეხსო, ჩემიც იქა თქვი.. რაფოც, რა-  
ფიელა ბრეგაძეც, — უარესად აზლუქუნდა უცებ მაღალაშვილი, —  
ნეხვის გოდორიი სარმა უნდა გამომდოს, თავისი ქვისლისთვის უნდა  
ჩემი ადგილი. იმდღეს მეუბნება, რალაცა ქალღმერთი უნდა იყოს  
შენთანო. აი იმას, აი, აი — ორ თითშუა ცერი ჩაკეცა და ჰაერში  
შეატრიალა სარდიონმა.

რამაზი თვალდახუჭული მიეგდო სკამის საზურგეს. „ოჰ, რა ბო-  
როტები არიან ეს ნაძირალები! ვინ აძლევს, რად აძლევენ ამათ შე-  
უზღუდავ უფლებებს? სათარეშოდ რადა აქვთ გამხდარი დარიანის  
რაიონი? ამაზე ფიქრი ჭკუიდან შეგშლის. თავი მისკდება. ოჰ, რო-  
გორ მეზარება თვალის გახელა... ამის სიფათი მზარავს...“

— შენ არხეინად დაბრძანდები, — განაგრძობდა ზლუქუნს მა-  
ღალაშვილი, — ოჯახი შენ არ გაწუხებს, შეილი და ძირი. მე მკი-  
თხეი მთელი ოლქა მაწევს კისერზე, რამდენი უფროსი უნდა და-  
ვაპურო, მაშ რთგორა? ჰოდა, ადვილი გგონია?.. ის ბებრუხანა  
ფოსტალიონიც აღარ ჩაძაღლდა, საკუთარ ხელში ჩამაბარა ეს უწ-  
ყებები. ჩაძაღლებულიყო, იმის საფლავზე ავანთებდი ამ ქალღ-  
მერთს!

„დასწვავს, გააქრობს ამ ქალღმერთს და მერე ვინდა მოიცლის  
ძველი უწყებების საძებრად? აქამდეც გააქრობდა, მაგრამ იმ გულ-  
ღვარძლასაც სცოდნია, ბრეგაძესაც აუღია სუნი... მე მაინც რისთვის  
გამენდო ეს არამზადა?..“

— მერედა, ჩემგან რა გინდა? — თავს ძალა დაატანა, თვალები  
გაახილა და ჰკითხა უხეშად.

— შენ ქვეყანას უყვარხარ, რა ვიცი, შენში რა ნახეს, დიდი და  
პატარა რო გელოლიავენა?! — სიმთვრალით ცრემლმორეული, ენას  
ძლივს ატრიალებდა მაღალაშვილი, — ქვეყანა შენი მეგობარია,  
გავლენიანი კაცი ხარ, თბილისშიც ათასი ნაცნობ-მეგობარი გყავს.  
დამეხმარე. მოიფიქრე რამე, მოვუხერხოთ რამე ამ ოხერ ქალღ-  
მერთს. სამაგიერო სამსახურს მეც გაგიწევ, ძმობას გეფიცები! სული  
მთხოვო, არ დაგიჭერ. რაფო ისეა შემოჩენილი, რომ... იმ ჩასაძაღ-  
ლებელ პროკოშასაც რაფოსთან პირი აქვს შეკრული, დამლუპავენ,  
დამეხმარე...

— გეყო ყბედობა! უეჭველად დაგლუპავენ. ერთი გამოსავალი  
მომიფიქრა, სხვა ვერაფერი გიშველის, მოიტა ეგ დასტა, მომიცი  
და...

— მოგცე? შენ მოგცე? მერე? — დააჭყიტა თვალები სარდიონმა.

— სათითაოდ ფოსტის შტემპელს დავაკვრევინებ, ახალს, დღევანდელი თარიღით, ვითომ დარიანში ღღეს მოვიდა ეგ უწყებები. წავიდნენ და ებიონ, ვის სეიფში ყვითლდებოდნენ, გაიგე?

მალაშვილი იმდენ ხანს იჯდა თავზაქინდრული, რომ რამაზმა ვეღარ მოითმინა და შეანჯღრია. სარდიონმა მძიმედ ასწია თავი და ხრინწიანი ხმით ჰკითხა:

— შტემპელს ვინ დაგიკრავს? მატყუებ?

„ამას უყურეთ, შიშმა ტვინი აუმუშავა ამ პირუტყვს, მიხვდა?!“ — გაუკვირდა რამაზს. ჭიქები შეავსო.

— გატყუებ რომელია? ასწი, ამ საქმის გამარჯვებისა დავლითი პოლ, ეგრე, ყოჩაღ! ნუ გეშინიან, ბეჭედს მე თითონ, საკუთარი ხელით დავკრავ, სხვას თითს არ დავაკარებინებ.

— ეგ როგორა, პა? ვაითუ...

მელითაური წამოდგა და სკამს ფეხი დაჰკრა.

— კაცმა მკითხოს, თავს რაზე ვიწუხებ? მთვრალი ხარ, გახეთქილი, დაიძინე, მე ჩემი საქმეც მეყოფა, წავედი!

— დაიცა, სად მიხვალ, შე სახეძაღლო, შენა? — იყვირა სარდიონმა, — კარგიდა, ბეჭედი დაუსვი, მერე?

— რესპუბლიკის სამხედრო კომისარი ჩემი მეგობარი კაცია, უარს არ მეტყვის, ამ უწყებებს ის მოუვლის, მერე სდიონ შენმა რაფომ და გულვარდმა!

— იმ ხალხმა რო იჩივლოს, დავიდარაბა ატეხოს?

— ვის უჩივლებენ, ვის უნდა აუტეხონ დავიდარაბა? ოსტატურად მოჩხლართულ თქვენ მამაძაღლობაში სოლომონ-ბრძენიც ვერ გაერკვეოდა! დამეხსენ, კაცო, რას გადამეკიდე?! წავედი, კარგად მენახე!

— აჰა, აჰა, დაიჭი — ისევ იყვირა სარდიონმა, — შენ კარგი ბიჭი ხარ, არ გამიმეტებ, ყელს არ გამამჭრი... — დაილულლულა და უწყებების სხვის ხელში დანახვამ, თუ ღვინომ დაუკარგა აზროვნების უკანასკნელი ნიშნებიც, მთლად გამოლენჩებულმა, დორბლიანმა ჩაჰკიდა თავი.

მელითაურმა უწყებები უბის ჯიბეში შეინახა, გავიდა ოთახიდან, დინჯად ჩაუარა ფეხზე წამომხტარ „პეი ბიჭოს“ და ქუჩაში გავიდა.

მეორე დღით ის უკვე თბილისში იყო და რესპუბლიკის სამხედრო კომისართანაც შეაღწია.

პოლკოვნიკმა გულისყურით მოუსმინა მელითაურს და გუნებაში განსაჯა: უწყებების ამბავი რომ გასმაურებულიყო, კაი დღე არც მას დაადგებოდა. მართალია, ამ საზარელ დანაშაულში მას უშუალო ბრალი არ მიუძღოდა, მაგრამ მიზეზად ისიც იკმარებდა, მაღალაშვილზე მრავლად შემოსულ საჩივრებს უყურადღებოდ რომ სტოვებდა, მაღალაშვილს უჯერებდა, დარიანელები ერთიანად ინტრიგანები არიანო.

პოლკოვნიკმა ყველაფერი გაიაზრა, აწონ-დაწონა და ამოქმედა. მელითაურის თანდასწრებით შეადგინა წერილი, რომელშიც დიპლომატიურად ხსნიდა უწყებების ირგვლივ „სავალალო გაუგებრობას“.

კვლავ რაიმე „სავალალო გაუგებრობის“ ასაცილებლად, მელითაურმა თავისი გაიტანა: საიდუმლო პაკეტი წერილით და უწყებებით, ყველა საჭირო ფორმალობის შესრულების შემდეგ ხელზე მიიღო და თვითონ გაგზავნა ყაზახეთში.

დარიანში რომ ბრუნდებოდა, რამაზს მთელი გზა უკვირდა, აქამდე რომ არ შეუნიშნავს გაზაფხულის მოსვლა...

...ყვავილოვანში კი მზემ უკვე მოიკრიბა ძალა და გაზაფხული სიმწიფეში შეიყვანა.

ათვისებული შავმიწიდან ჯიქურ მოიწევდნენ თანაბრად ტანაყრილი ვაზის მწკრივები. აჯანყებული ფერებით აელვარებულ ტრამალებში ვენახი თაზისივით ასვენებდა თვალსა და გულს.

მომრავლებული ტოროლები სისხამ დილიდან დაღამებამდე სერავდნენ ჰაერს. აღმა აფრენილნი ხან ცისფერეთში იკარგებოდნენ, ხან დაღმა დაფრენილნი თავს აფარებდნენ ყვავილნარს, ვაზს, ხეხილებს, და თითქოს ყვავილნარიც, ვაზიც, ხეხილებიც მღეროდნენ, ხმას უწყობდნენ პაწაწინა შავ-ნაცარა მგალობლებს.

უსაზღვროებაში ჩაკარგული დასახლება, კოსტა ილეტაქსას თქმით, გენიალური იმპრესიონისტიის ქმნილებას დაემსგავსა. ერთმანეთის პირისპირ მდგომ ალიზის ქოხებს ყაყაჩოები უწვავდნენ სახურავს, და კედლებზე შანდლებივით ეკიდა ნაირფერი ტიტა.

აქაური მზე ირმისის მზეზე ადრე იწყებდა გაცხარებას და „ყაზახელი“ ირმისელები, ვინც კი არ იყო ბამბის პლანტაციის წასული, ერთობლივ გამოსულიყვნენ ვენახში. თავაწყვეტით წამოსული ვაზი დაუნელებელ ზრუნვას და ყურადღებას მოითხოვდა.

— ადამიანო, შენ არ გასვენებს გამზენი და ზენც აღარ დაკვა-  
ყენებ ხოლმე, თითო თავსახეთ საქმეს არ დაგვიღევ! — უსაყვედურა  
ალექსის წვრილშვილმა მოსე ბეგიაშვილმა.

მოსე ომში დაკარგული ძმის გამო იყო დედაბუდიანად ყაზახე-  
თში გადმოსახლებული. გამწარებული კაცი ერთთავად სწყევლიდა  
თავის თავს, ძმას რომ ვერ შეეღია, დროზე არ გამოეყო, და ახლა  
მისი რაღაცა დანაშაულის გამო ისჯებოდა. გულის ჯავრს ძმის  
ოჯახზე იყრიდა, თუმცა ალექსიმ ისინი ცალ-ცალკე დაასახლა და  
შრომისმოყვარე, მოკრძალებული რბალი არაფრით არ აწუხებდა  
ბუზღუნა, მუდამ კოპებშეკრულ, ბავშვებთანაც კი უღიმილო მარხს.

— რაღაცა სთქვი, მოსე, ვერ გაევიგონე, — წელში გასწორდა,  
ბარს დაეყრდნო ალექსი.

— ამ არამოსასვლელს რას აკვდები-მეთქი! — თქვა მოსემ, მუ-  
შაობა არ შეუწყვეტია, გულდაგულ უბარაუდა ვაზებს ძირს. — ვაზის  
გამო თავი წააგე და შენ შენსას არ იშლი!

— ჰოო... — ვერ ვიშლი...

— ბამბის მოსაყვანად მოგვრეკეს და ბამბა იმყოფინონ, ვაზი  
კი არა, შავი ქვა და ნაცარცხელი ჩვენ ამწიოკებლებს!

— ამინ, — გაეცინა ალექსის. — ისინი კი არიან მაგის ღირსი,  
მაგრამ ამ დალოცვილმა ყამირმა და ამ ყაზახებმა რა დაგიშავეს?

— ყველამაც დამიშავა, დიახ! სამართალი გამქრალა და სიმართ-  
ლის დამდგენი გაწყვეტილა მთელ დუნიაზე!

— მართალს ამბობს მოსე! — თქვა ყაზახეთში ლაპარაკს გადა-  
ჩვეულმა ციცერომ.

— მართალი ვარ, მა რა?! — ბარი ჩაჰკრა მიწას გაგულისებულმა  
მოსემ. — ჩვენი საჩივრების წამკითხავი ძე ქრისტიანი არ გამოჩნდა!

— ჩვენ კი მაინც იმედით გვიდგია სული... — ჩაილაპარაკა დაბა-  
ლმა, კოჭლმა აბრია ბეგიაშვილმა. მას საზღვარგარეთ ვიღაცა მოგ-  
ვარე გამოუტყვრა, წერილები მოაყარა, იმისი ღდინი ამოვარდა,  
იმის გამო დაისაჯა. აბა, რა სიკეთეს შეჰყრიდა იგეთი კაცი, ირმი-  
სიდან რო სადღაცა ჯანდაბაში გადაიხვეწებოდა და თავის ბალ-  
ღებს „უაკსა“ და „ფლორას“ დაარქმევდა?! ჩემი შვილები ჟაკი და  
ფლორა გულითად სალამს გიგზავნიანო, გეგონება, აბრია იმათ  
ნათლობაში დავლურს უვლიდაო... — ჰო, იმედით გვიდგია სუ-  
ლი, — გაიმეორა დაღონებულმა.

— ჩანს, პატიოსანი ხალხისთვის ჯერ ვერ მოუცლიათ, — ირო-

ნით და საყვედურით თქვა ტყვედნამყოფმა გიორგი ალიაშვილ-  
მა. — ეშმაკმა იცის, ვინ როდის რას გაარკვევს...

— გაგირკვევენ, მაშ, არა?! — უყვია მოსემ, — „აცე, ვირო, ნუ  
მოქკლები, გაზაფხულზე იონჯა მოვალ“. შენც დაჯე და ითვალე,  
რამდენი იონჯობა მოგისწრებს!

— შენც ჩემთან ერთად დაითვლიდი, მაგრამ „ბოროტსა სძლია  
კეთილმან, არსება მისი გრძელია...“ — მიუგო გიორგიმ. — მოთმი-  
ნებაა საჭირო, არ შეიძლება არ გამოჩნდეს ჩვენი გამკითხავი.

„გამკითხავიო?.. გამკითხავი... ნუთუ უსამართლოდ დასჯილთა  
უთვალავი წერილებიდან ერთმა მაინც ვერ გააღწია ჯებირს, ვერ  
მიაღწია იმ დალოცვილ გამკითხავს...“ — გაეფიქრა ალექსის მრ-  
ვალჯერ განაფიქრი და თვალები აეწვა.

მოსე ჩივილს განაგრძობდა. დანარჩენები უხმოდ მუშაობდნენ.

ყველაზე ახალგაზრდამ, გიორგის შვილმა ბიძინამ ასწია თა-  
ვი. საფეთქლებისკენ წარბებგაქცეული ბიჭი ფრონტზე მოხალისედ  
წავიდა. საბრძოლო მედლებით მკერდდამშვენიებული დაბრუნდა, მა-  
გრამ ტყვედნამყოფი მამის გამო, ისიც თჯახიანად იყო გასახლე-  
ბული ირმისიდან.

— მოსიკო ძია, — ყასიდი ლაქუცით მიმართა მან ბეჟიაშვილს, —  
გიხაროდეს, რომ ღმერთსაც და ეშმაკებსაც დავევიწყდით, ეგებ აქა-  
ური რთვლობა დაგვცალდეს! აქ დაყენებული ღვინის პირველი მო-  
ჭაშნიკე შენ იქნები, არ გაამება?

— მე შავი მიწის მეტი აღარა მიამება რა!

— იი! მაშ, ის ბალები უსიამოდ იჩეკებიან? — გადაიხარხარა  
ბიძინამ.

მოსეს ცოლი ფეხმძიმედ იყო მეხუთე ბავშვზე. ბიძინას სიტყვე-  
ბზე ზოგს ფხუკუნი წასცდა, ზოგმა ჩუმი სიცილით გაარიდა თავი  
მოსეს აფეთქებას.

— ენა ნუ წამოგიგდია, ლაწირაკო, დიდ-პატარა იცოდე, — მოუ-  
ლოდნელი თვინიერებით თქვა შეცბუნებულმა მოსემ.

— მოსე, თრიოდე დღით აბაი-ბაზარში არ წამოხვალ? — ჩაერია  
თენგო მათ სახიფათო-სასაცულო წალაპარაკებაში. — ტასანბაევმა  
განაწერი მოგვცა, მე და ლევანი მავთულზე მივალთ, შენც წამოსუ-  
ლიყავი.

— მავთული რა ჩემ ჭირად მინდა? ამ ენამოსაჭრელ ლაწირა-  
კებს თუ ჩამოქიდეებს კაცის — დაგვიანებით აყვირდა მოსე.

მაეთულების ჩამოსატანად აბაი-ბაზარში თენგო და ლევანი წა-  
ვიდნენ.

დღეები და მოვლენები სცვლიდნენ ერთმანეთს...

ს . . .

მწვანედ დაგვირისტებული აკაციის ტოტები სურნელოვანი თე-  
თრი მტევნებით დაწინწკლულიყვნენ. ნაწყენი შრიალებდა პატარა  
აკაცია: კაცმა, ალერსიანი სიტყვით და განუწყვეტელი ზრუნვით  
რომ გაანებივრა, დღეს ზედაც არ შეხედა. გარიჟრაჟზე მოვიდა,  
გულხელდაკრფილი დადგა და თავის უჩინარ მეგობარს ჩურჩულით  
გამოელაპარაკა:

„ამ ცხრა მაისსაც აქა ვხვდებით მე და შენ, ოლეგ, ყვავილო-  
ვანში... უსტალინოდ ვხვდებით ამ ცხრა მაისს... ვინ იფიქრებდა,  
რომ ის კაცი გამარჯვების მერვე წლისთავსაც კი ველარ შეესწრე-  
ბოდა... მე ჯერ ვერ შევჩვევივარ აზრს, რომ ის აღარ არის. აქამდე  
ვინახავდი იმედს, რომ კვლავ გავიგონებდით იმის ხმას, აი ისეთს,  
აუწერელს, როგორც გავიგონეთ 1941 წელს, „ძვირფასო თანამე-  
მამულენო...“ სულ ველოდი, რომ დაილაპარაკებდა, გაჰფანტავდა  
იმ ბურუსს, ახსნიდა ყველაფერს, რაც ჩვენ, ეგებ ჩვენი უმეცრებით  
დაგვრჩა გაუგებარი და საშინელებად მიგვაჩნია... მაგრამ ის წავი-  
და და სათქმელი უთქმელი დარჩა... მე და შენ კი მტკიცედ ვიცით  
ერთი რამ, ისე მტკიცედ ვიცით, რომ ვერავინ და ვერაფერი ვერ  
გადაგვარწმუნებს. ვიცით, რომ საბჭოთა სახელმწიფო მისმა გენიამ  
აძლიერა, რომ მისი სახელით ვიბრძოდით და ვიმარჯვებდით... გა-  
ხსოვს მე რომ ხანდახან წავიმღერებდი ხოლმე ჩვენ ხალხურ სიმ-  
ღერას „მუმლი მუხასა“? შენც გიყვარს ეს სიმღერა იმიტომ, რომ  
იმას უყვარდა. აი, ესლაც მესმის ის სიმღერა, ალბათ, იმიტომ გამ-  
კრა გულში ტკივილმა... მაგრამ გიჟივით ვიცინი... იცი, რა მაცი-  
ნებს? ეს ტკივილი მოულოდნელად, ყაჩაღივით რომ გამომივარდე-  
ბა ხოლმე, მე კი შეიარაღებული ვხვდები. ეს „იარაღი“ მუდამ თა-  
ნა მაქვს. თუ კოსტას წამალი ხელთ არა მაქვს, არ შეიძლება მაისი  
ჩემთვისაც მაისობდეს, არ შეიძლება სანდრას დღიურისა და ხა-  
ტულას წერილის წაკითხვა, არ შეიძლება იმ სიმღერის გახსენებაც..  
თუ მომავალ მაისობასაც აქ გვიწერია შეხვედრა, მაშინ სანდრა და  
ხატულაც აქ იქნებიან. ჩემ თხოვნას ძალა ეკარგება — აღარ დგებიან

ირმისში. წამოვიდნენ. ისინიც ყვავილოვანში დასახლდებიან. იქნებ მე მართლაც ზედმეტი ვარ ჩემს მშობელ მიწა-წყალზე? აქ ვიქნებით, რა უშავს? აქ ვერ ვიქნებით ბედნიერები?.. ჰა? როგორა კგონია?”

პასუხად სიჩუმე იყო... ნელა წამოვიდა შინისკენ. რა იცოდა, რომ მეორე დღესვე, ახალი ძალით აზვირთებული გრძნობები, ახალი კითხვები ისევ მოიყვანდნენ „თავის“ აკაციასთან?!

აბაი-ბაზრიდან გულხეთქებით დაბრუნებულ თენგოს და ლევანს, ბამბის პლანტაციაზე მომუშავე ირმისელებიც მოჰყვნიენ და აღვზნებული ყვირილით მოედგნენ ყვავილოვანს.

- ამნისტია, გამოსულა!
- ყველას უშვებენო!
- დღესვე შეგიძლიათ წასვლაო!
- მოვემზადლოთ! დღესვე წავიდეთ!
- ველირსეთ! მივდივართ!
- ამნისტია, ხალხო, გაიგეთ, ამნისტიაა!..

„ამნისტიაო?“ — ლახვარივით ეცა გულზე ალექსის. ბაღის დანა დაუმძიმდა ხელში. ნელა წამოვიდა ვენახიდან. შორს მოუარა ახმაურებულ-აზრიალებულ დასახლებას და თავის აკაციამდე მისულლი, არიკთან ჩამოჯდა. ჩუმი ბუბუნით მოგორავდა სირ-დარიის მოცისფრო, გაუმჭვირვალე წყალი.

„ამნისტია... შეწყალება... მიტევენა... პატიება... რის პატიება? რა დანაშაულისა?..“

სირ-დარიის ყრუ ბუბუნმა, აკაციის სურნელებამ, თუ სიტყვა „ამნისტიამ“ თავი აატკივა. სხვა უფრო დიდი ჭრილობები აღარც ახსოვდა, ეს ერთი ბეწვა ნაიარევი საფეთქელთან კი ისე დაიჭიმება, ისე აუკვენსდება, გეგონება, თავის ქალა ეხდებო... ისევ მოწყალება? არა, არა და არა! მაშინ იქ სანდრა იყო და ხატულა. იმათი ბედი წყდებოდა. არ შეეძლო ის მოწყალება არ მიეღო. ესლა აქ მარტოა. არ უნდა ეს მოწყალება, არ მიიღებს პატიებას, არა!..

ირმისში გატარებულ უკანასკნელ ღამეს განცდილმა სიმწარემ თვალეზბათხრილივით რომ მიიყვანა უდაბნოში, უცებ ახალი ძალით გაჟღინთა და გულს ისე მიაწვა, თითქოს მისი უკანასკნელი ფეთქვა ხანჯლის წვერზე აიტაცაო...

მთრთოლვარე ხელის ფათურით მოძებნა ჯიბეში ილეტაქსას



მიცემული პატარა შუშა და წამალი ენაზე დაიწვეთა. წუთიც და... ხანჯალს წვერი მოსტყდა. გულმა თითქოს ამოიოხნარა და განაგრძო ფეთქვა...

„დაილოცე, კოსტა, მისწრებაა შენი წამალი. შენ თითონაც ხარ მისწრება, უებარი წამალი. გონჯაურას კი ეგონა, სიცოცხლის უკანასკნელმა წამმა უწიაო. ჯერ რა დროსია? შორაა, შორს ის წამი. დაგავიწყდა რომ იქამდე თოთხმეტი დღე-ღამის სავალი გზაა? განა აივსო შენი ხარბი თვალი და გული სიცოცხლის მშვენიერებით? განა დაიღალა შენი გონება პასუხის მოლოდინში? განა არ გინდა გაიგო, რა მოჰყვება ამ უსამართლო სამართალს? დაგელია მოთმინება? დამშვიდდი, გაიხედ-გამოიხედე, უყურე რა სილამაზეა ირგვლივ!..“

აიხედა და დაინახა: აკაციასთან მოდის ხალხი, მოდის დიდი და პატარა, ყველა, ვინც კი იყო ყვავილოვანში. მოსე მოუძღვებათ...

— აქ სარაოდ გამოქცეულხარ? — შორიდანვე შეუყვია მან ალექსის. — უდარდელი კაცივით დამჯდარხარ არხეინად, მაგის დროა? არ უნდა ვილაპარაკოთ, არ უნდა მოვემზადოთ? შენ გიცდით. დღესვე ავიყაროთ თუ რა ვქნათ, რა გადავწყვიტოთ?

ალექსი დამჯდარი არასდროს დახედვია ხალხს, მაგრამ ხანჯლის წვერზე დატრიალებული წამი, უკანასკნელი რომ ეგონა, ახალი გარდასული იყო და ზურგი ვერ მთავილა აკაციის ღეროს, ჯერ ლაპარაკიც არ შეეძლო.

„ოო, უცებ როგორ გამოცვლილან, როგორი თვალებით შემომეყურებენი შენ თუნდა „პატიება“ დაარქვი, თუნდ „მოწყალე-ბა“, — ამნისტია ამათთვის — ირმისია. უძინარი ნატერის შესრულებაა. რა დააკავებთ? ან ვინ და რად უნდა დააკავოს? იქნება ეს არის ჩვენი „საქმის“ დაბოლოება, იქნება სხვა აღარაფერი იყოს და მართლაც სჯობდეს წასვლა? რა უფლება აქვს გონჯაურას, რომ ამნისტიაზე უარით, თავისი გიჟური ნაფიქრალით ამათაც მოუშალოს ნაოცნებარი გზა ირმისისაკენ? არა, ვერაფერს იტყვის. ვერაფერს ურჩევს. ჰო, მართალია, არ უნდა, რომ გულთან მისულმა ამ პატიოსანმა ადამიანებმა ბრმა მადლობით მიიღონ „პატიება“, მაგრამ უარის თქმას მაინც ვერ ურჩევს. ისე მოიქცნენ, როგორც გონება უკარნახებთ. მე რას მიყურებენ? ჩემი უარით მე იქნება კლდის პირზე ვდგები, ამათაც ხომ ვერ ავიყოლიებ? არ

შეიძლება. მე რათ უნდა ავიყოლიო? თავისი ბედი თითონ გადაწყვიტონ...”

ალექსის გაუნძრევლად დარჩენა ადგილზე და მისი სახის ფერმა, ღრმად შეკუჭული თვალებიდან გადმოსვლადრმა ნალველმა შეაკრთო წინ მდგომნი. მხოლოდ მოსე არ ეპუებოდა არაფერს:

— რამ დაგამუნჯა, თქვი, ამოიღე, ხმა! — შეაყვირა ისევ.

— არ ვიცი, რა გირჩიოთ, — თქვა ალექსიმ ჩუმად.

— შენა? შენ რას აპირებ? როდის აპირებ? — ახმაურდა ხალხი. და სიბოროტის წილ უსასრულო გაბოროტებამ უცებ მოუმაგრა გული, ძალა მისცა ალექსის.

— მე ამნისტიას არ მივიღებ! — მოკვეთა და წამოდგა.

— გავიჟდი? — შეაძახა გასახტებულმა მოსემ.

— ჰო, იქნება გავიჟდი, მაგრამ მეკითხებით, და რასაც ვფიქრობ, იმას გეუბნებით. ამნისტია ქურდს — ქურდობას აპატიებს, მკვლელს — კაცის მოკვლას, ყაჩაღს — ძარცვას, გამფლანგველს — ხალხის ქონების დანიავებას, და ჩვენ? ჩვენ რა უნდა გვეპატიოს?

— ჰოდა, რო არაფერი დაგვიშავებია, ჩვენზე უფრო უპრიანია ის ამნისტიაა თუ რაღაცა ოხრობა! — თქვა აბრიამ.

— თუ ამნისტიას მივიღებთ, მაშ, დანაშაულსაც ვკისრულობთ! — ისევ მოკვეთა ალექსიმ.

— მაშ, რას ვუცადოთ? — ისევ ახმაურდა ხალხი.

— არ ვიცი. ეგებ მართლაც აღარაფერს არ უნდა ვუცადოთ, მაგრამ მე დავეუცდი... თუ შემცდარი დავრჩი, ჩემს თავს დავსჯი, სხვას არავის.

— აბა ჩენი დიდგულობით რა გამოვა? — ჩაილაპარაკა ციცერომ.

— მე ეგრე მინებავს და თქვენ თავში ქვა გიხლიათო, გესმით ხალხო ამისი სიტყვა? — დაიყვირა გააფთრებულმა მოსემ.

— დაიცა, მოსე, ღმერთი გიშველის, რა ღროს ჯიჯღინია? — გაუწყრა მას ნატალია და წინ წამოდგა, ალექსის მიმართა: — თქვი, ბოლომდე გვითხარი რასაცა ჰფიქრობ, ეგებ ჩვენც დაგვიჯდეს ჭკვაში.

— ჩემი ფიქრით, ამნისტია არა ხსნის ადამიანს დამნაშავის დამლას. სიკვდილამდე ვიღაცის მოვალედ უნდა სთვლიდე თავს, მადლობელი უნდა იყო, დანაშაული შეპატიათ. სადაც საქმეზე შეგვეკითხებიან, ყველგან უნდა ვთქვათ და ჩავწერთო, ამნისტიამ

დამაბრუნაო. ყველგან და ყველაფერში უკან უნდა დაედგეთ. რა-  
ფიელა და ჯიბოსთანები განა მოისპნენ? სიტყვის თავში და ბოლო-  
ში წამოგძახებენ, ნაპატიებელიაო, აი ამ ბალებსაც წამოსძახებენ,  
გამწარებენ...

აკაციის მსუბუქი ფოთლებიც კი არ შრიალებდნენ. სიჩუმეს მხო-  
ლოდ სირ-დარის ნაკადის ყრუ ბუბუნი არღვევდა.

— თენგო, ლევან, თქვენ რა წყალი დაიგუბებთ პირში? — უსაყ-  
ვედურა მათ ბიძინამ, — რაო, ქალაქში კიდეც რა გაიგეთ?

— სხვა რა უნდა გაგვეთ? — უგუნებოდ უთხრა თენგომ მარტო  
ბიძინას კი არა, ყველას, — ამბავი ეგ არი, რაც იცით. ამნისტიაა  
და მიდიან...

— ჰოდა, აკი მეც ვიძახი, ავიყაროთ-მეთქი — აწრიალდა, ისევ  
აყვირდა მოსე. — ალექსი ტყუილად დროს გვაკარგვინებს!

— „ავიყაროთ“! რასა ბრძანებ? რატო არ იკითხავ, ვინ მიდი-  
სო, ან როგორ მიდისო, პა? — თენგომ ცხვირსახოცი გადაისვა გა-  
ოფლილ სახეზე და უფრო უგუნებოდ განაგრძო: — აქეთ მხარეს,  
ჩვენ რა ვიცოდით, სპილენძის საბადოები ყოფილა. რაც ჩვენ ქვე-  
ყანაში ქურდი, ყაჩაღი, კაცისმკვლელი, თავზე ხელადებული დაუ-  
ჭერიათ, იქა ყოფილან, შრომითი გამოსასწორებელ ბანაკში. ამ-  
ნისტია იმათ ყველაზე წინ გაუგიათ, ისინი პირველები მიცვენი-  
ლან ეშელონებთან...

ეშელონის გასხენებამ ყველა შეზარა.

— რაკი გვიშვებენ, რითაც გვინდა, ჩვენ იმით წავალთ, — დაუ-  
წია ხმას მოსემაც კი.

— მოგართმევენ! კიდეც შეგეკითხებიან, მოსე ბეჟიაშვილო,  
რბილ კუბეში ხო არ ინებებთ წაბრძანებასო! იმ ეშელონებზე ისე-  
თი ზედახოცვაა, ვისაც თავზე ხელი არ აუღია, ახლოც ვერ მიუდგე-  
ბა... სწორეთ ისეთები არიან მიძალბებული, ადგილის გულისათ-  
ვისაც კი დანას რომ ჩაჰკრავენ ადამიანს. რა ვიცი, ამის ოხრობაც  
არ იყოს, მაგათი გაშვება ვის რაში მოუპრიანა, ზოგისა დანა-  
ხვაც შეგზარდება, სიფათზე აწერია, დარდისა და ტანჯვის მეტს  
არავის რას მიუტანს... იმათ მარაქაში გარეველა გვაკლია...

— ლევან, შენ რა გაჩუმებული ხარ, ეს კაცი რეებს იგონებს,  
პა? — ახლა უმცროს რჩეულიშვილს წაახტა მოსე.

— იგონებს კი არა, რაც ჩვენ ვიხილეთ, იმას ენა ვერ აღწერს,  
მეორედ მოსვლა იმაზე მეტი რაღა იქნება? — თქვა ლევანმა.

— ეგებ თანდათან შეცოტავდნენ, — ჩაილაპარაკა გიორგამ.

— ამასობაში გზა რო ჩაგვიკეტონ, მემრე სადღა მიხვალთ? — ისეე გაანჩხლდა მოსე.

— სადღა მიხვალ და, აქ ეგდები — აფეთქდა უცებ თენგო.

ბევრმა, და თვითონ მოსემაც იგრძნო, რომ მართლაც მეტად მძიმე სანახაობას გამოეყვანა წონასწორობიდან ეს მშვიდი და თავაზიანი კაცი. თენგომ არ დაირიდა, საყელოში სწვდა მოსეს:

— მიბრძანდი და შენი თვალითა ნახე! იქ ჩვენებურებსაც შესვდები, გაისეირნე, ნახე იმათი ყოფაც: ჩვენ აქ ბატონებივით რომ გამოვიჭიმეთ, განა ყველანი ეგრე არიან? განა ყველას ტასანბაევის-თანა და კოსტასთანები ერგოთ წილათ? ძაღლუმაღურად ყრიან, მაგრამ იმ ეშელონებით წასვლაზე ფიქრსაც ვერ ჰბედავენ!

— პლატონმა და მისმა მეუღლემაც თქვეს, ჩვენ არდადეგებამდე მაინც ვერ წავალთ, სკოლას ვერ მივაგდებთ, ყაზახებთან უმაღური ვერ გამოვალთ, — დაუმატა ლევანმა.

— ჰო, ალექსი, — გაახსენდა თენგოს, — იცი, ვინა ვნახეთ? ნატაძრელი გაბო ნაცველიშვილი! ყვავილოვანში ჩამოსვლა უპირებია.

„უყურე შენა, — გაეფიქრა ალექსის, — იმისი ხმის გასაგონად, ყაზახეთში გადმოსახლება ყოფილა საჭირო...“

— ხალხო, რას გაიტრუნეთ, ამასობაში რომ გამოაცხადონ, ამნისტიას ყავლი გაუვიდათ? — კინაღამ ატირდა მოსე და ისეე ალექსის მიუხტა: — ეგრე რომ გამოაცხადონ, რაღა ვქნათ, ჰა?

— არ ვიცი, მოსე, ეგებ პირიქით გამოაცხადონ, „თუ პატიებაა, თქვენ გვაპატიეთ, ტყუილუბრალოდ დაიტანჯეთ“.

— გეყურებათ, ხალხო? ეს კაცი საჩვენოს მოსწყვეტია, მიწაზე აღარ ეტევა, პაერში დაფრინავს! — ქეროზე ხელი იტყიკა გამწარებულიმა მოსემ.

— თუ სხვა სამართალი აღარ გამოჩნდა, მე აქ ჩავკვდები, ვესმის, მოსე, აქ ჩავკვდები, შენი საქმისა კი შენ იცი... — დაღლილი ხმით უთხრა ალექსიმ და შინისაკენ წავიდა.

ყვავილოვანიდან არავინ აყრილა, მაგრამ იმ საოცარმა საყოველთაო აღგზნებამ და ნატერის შესრულების თითქოს ისეთი რეალური შესაძლებლობის დათმობამ, მოულოდნელი და არასასურველი რეაქცია გამოიწვია, ამნისტიით გაშვება რომ შეწყდა, თქვენი

საქმე სათითაოდ უნდა გავარჩიოთ, რეაქცია უფრო უცნაური და არასასიამოვნო გახდა.

ადამიანები ერთმანეთს მოერიდნენ. ბაბბის მეურნეობაში წამსვლელნი უთენია მიიკრიბებოდნენ დასახლებიდან და ლამეებსაც იქ ათევდნენ. თავისუფალ ღროს კი თავ-თავის კარ-მიდამოში იყვნენ შეკეტილი. ქუჩაზე ბავშვებიც კი აღარ ჩანდნენ, და ყვავილ-ვანმა თითქოს დაკარგა სიცოცხლის ნიშანწყალი.

ალექსის თავისიანების მიმართ დანაშაულის გრძნობა აღებრა და თანდათან გაუძლიერდა. თვითონაც მოერიდა მათთან შეხვედრას. მთელ დღეებს ვენახში ატარებდა, ყაზახებს ასწავლიდა მავთულის დაჭიმვას, ზედ ვაზის აკვრას, მორწყვას, ზედმეტი ყლორტებისა და ნამხრევების წაცლას. უხსნიდა ვაზის მოვლის პროცესებს და ამ პროცესების თანამიმდევრობის მნიშვნელობას. უხაროდა ყაზახები გულით რომ მოეჭიდნენ მათთვის უცნობ საქმეს, დაულაღვად, ხალისიანად მუშაობდნენ და სწრაფად ითვისებდნენ კახელ მევენახეთა ადათ-წესებს.

იშვიათ თავისუფალ საათს კი თავის აკაციასთან განმარტობას იჩრევდა, ოლეგთან ფიქრის გაზიარებას:

„შევცდი?.. ალბათ, მე ხშირად ვცდები, არ ვიქცევი, არ ვაკეთებ ისე, როგორც საჭიროა, მაგრამ შენ იცი, ოლეგ, სვინდისის დაუკითხავად მე არასდროს არაფერი მიკეთებია. ეხლა კი სწორედ ეს მაწვალებს. გული მეთანადრება — იქნება ამხელათ უნდა გამეჩუმებინა სვინდისი?.. ის დიდი სათქმელი რომ არ ითქვა, და დღემდე ისევ ბევრი რამ არ მესმის, იქნება იმიტომ ჩავდექი ამ ხალხის ცოდოში? ვაითუ, ჩვენი საქმის გარჩევა ძალიან დაგვიანდეს, ან სულაც არ იყოს, მაშინ მე რა გამამართლებს?.. შეევცდი?.. თუ საბუღამოდ აქ დარჩენა მოუწიათ, შეცდომის აღიარება გამამართლებს? უშველის რამეს? თვალეში როგორღა ვუყურო? სანამ იცოცხლებენ, გულში საყვედური ექნებათ, „შენ რომ მოგეწადინა, გავასწრებდით აქედანო...“ მიჯავრდებიან. მემდურიან. მიწყრებიან. ოო, ნეტა ჩემს გულშიც ჩამოახედათ, ნეტა იცოდნენ, რომ თანახმა ვარ ტყვია მკრან. გულში, ოლონდ ირმისში ერთხელაც გამატარა პირნათელ კაცად... მაგრამ, მგონი, ეხლაცა ვცდები! იციან, განა არ იციან? მე კი არ მემდურიან, ენაღვლებათ. იტანჯებიან. სხვის მიწაზე ყოფნა გაუსაძლისდათ, და მაგათი ტანჯვით მოშხამული რომ დავდივარ, ალბათ იმიტომ მეჩვენება, რომ მე მემდურიან... არ ვი-

ცი, მართლაც ეგრება თუ არა, მაგრამ მეც გამიჭირდა ამათი საყვე-  
დურიანი თვალების ატანა. ერთი პატარა იმედილა დამჩრჩა: დავიბა-  
რებ, ჩამოვლენ სანდრა და ხატულა. ისინიც რომ აქ დასახლდებიან,  
ეგება მაშინ შემირიგდნენ. ჰა, ოლეგ, შემირიგებენ, შენ როგორა  
გგონია?..“

დაუზოგველად აწყდებოდა თავის გულს ალექსი.

მზე კი თანდათან იგრძელებდა ციურ მანძილს.

და მთვარე თვალდათვალ სივდებოდა ჩაყრუებული ყვავილოვა-  
ნის ყურებით...

...და ასეთ ჩაყრუებულ ყვავილოვანში ერთ დღეს გაბო ნაცვლიშ-  
ვილი გამოცხადდა!

გამოცხადდა ცოლით, ორი ბავშვით და ბოხჩაში გამოკრული  
თავისი ავლადიდებით. „ირმისელების დასახლების ამბავი რომ  
შევიტყე, იმ დღიდან აღმინისტრაციის კარები ავატალახე, ვიდრე  
ყვავილოვანში წამოსვლის ნებართვას მივიღებდიო...“

ნაცვლიშვილი ისე იყო გამოცვლილი, რომ ირმისელები თვა-  
ლებს არ უჯერებდნენ — ნუთუ ეს ის გაბო იყო, მშობელ მიწაზე  
„უქნარას“ სახელი რომ დაიმსახურა? ნუთუ იმ „ბეჩავმა“ კაცმა  
შესძლო სხვა რაიონიდან ყვავილოვანში გადმოსახლების ნებარ-  
თვა მიეღო?

აქეთ-იქიდან კითხვები დააყარეს, მაგრამ ნაცვლიშვილმა მე-  
ტი არა თქვა რა, ცოლ-შვილი ქალებს დაუტოვა და თვითონ ალე-  
ქსის სანახავად წავიდა ვენახისაკენ.

— ალექსი, ჯერ სალაპარაკო მაქვს შენთან. ვილაპარაკოთ, და  
თუ ღირსად ჩამთვლი, მაშინ ჩამომართვი ხელი, — მისალმების  
ნაცვლად, უთხრა ალეკვებით.

— გავიაროთ, — შესთავაზა ალექსიმ.

ძნელი იქნებოდა თქმა, რომელი უფრო იყო ალეკვებული, ნა-  
ტაძრელების ბაღში გაყრის დღიდან თორმეტი წლის უნახავი მე-  
ზობლების შესვედრით.

კარგა ხანი დასჭირდათ დასამშვიდებლად, კარგა ხანს იარეს  
უხმოდ, და ბოლოს გაბომ დაილაპარაკა:

— იცი როგორ მიხარია, ყაზახეთში რომ ვართ?! ნუ გიკვირს,  
ციალასაც უხარია. შეიძლება ითქვას, ბედნიერები ვართო..

კაცი საოცარს ამბობდა, მაგრამ მართალს ამბობდა. და აღარ ჰგავდა უცნობელი შორეთიდან მომავალ, უზომოდ დაღლილ მგზავრს, როგორც ახსოვდა ალექსის ამ წლების მანძილზე. მშვიდი, დაწყნარებული სახე ჰქონდა და ვაჟაკური იერი ამშვენებდა.

— ნუ გიკვირს, ალექსი, მოკლედ გეტყვი და შენ ყველაფერს გამოგებ. მე და ციალამ ოცდაჩვიდმეტის აგვისტოში მოვაწერეთ ხელი, და სწორედ იმ ღამეს წაიყვანეს ციალას დედ-მამა. იმათ წასაყვანად რაფიელ ბრეგაძე იყო, მაშინ თბილისში მუწაობდა, ჰო, ის, შენი „ნაცნობი“ ბრეგაძე...

ისევე კარგა ხანს იარეს უხმოდ და ისევე გაბომ განაგრძო:

— ციალა ნატაძარში წამოვიყვანე. ის იყო ნატაძრელებმაც თავმჯდომარედ ამირჩიეს. ხალისით შევუდექი საქმეს, დარწმუნებული ვიყავი, იმედს გაუუმართლებდი ხალსს, მაგრამ არ დამცალდა. ბრეგაძე დარიანში გადმოიყვანეს. დამიბარა და მეუბნება: „იცოც, რა მოგელის, ცოლის მშობლების ამბავს რომ მალავო?“, რა უნდა მეთქვა? ცოლის მშობლებზე არავინ რას მეკითხებოდა და რაზე ვიყვირებდი იმათ ამბავს, მეშინოდა, ციალასაც მომტაცებდნენ. ენაჩავარდნილი ვიდექი. აღარც იმან მითხრა რამე, გამიშვა. ჰო, გამიშვა, მაგრამ დახვრეტა მანატრებინა. გაშვების საფასურად, სისხლს გვწოვდა მეც და ნატაძარსაც. იმიტომ არ მინდოდა კარგი თავმჯდომარე ვყოფილიყავი, არ მინდოდა ნატაძარი გამდიდრებულიყო. შინ დღეღამე კვანკალებდით, მე ციალას დარდი მკლავდა, ციალას — ჩემი. გაუთავებელი ჯვარცმა იყო. სადაც კი მივმართე ნატაძრიდან განთავისუფლების თხოვნით, ყველგან ჩამეჩხირა. დაბმული ძაღლივით ვყავდი და თითონაც ძაღლივით უდარაჯებდა ყოველ ჩემ ნაბიჯს. გულვარდი სათოფეზეც არ მიკარებდა, ჩანს, მიხვდა ბრეგაძის ავანტიურას და ჩემი გულისთვის გადაიკიდებდა? იმ დილას, ჩვენ რომ დავშორდით, თბილისში წასვლა გადავწყვიტე, ვიფიქრე, მოხდეს რაც მოსახდენია-მეთქი. შინაგან საქმეთა სამინისტროში ორშაბათისათვის დამინიშნეს მიღება, კვირას კი ომი დაიწყო. აბა, ალექსი, წარმოიდგინე, რა ზომამდე მიმიყვანა იმ არაკაცმა, თუ ომის დაწყებამ გამახარა?! მივდექ-მოვდექი, სად თხოვნით, სად ძალახელად და ნაცნობების დახმარებით გავიტანე ჩემი და ფრონტზე წავედი. ვფიქრობ-

დი, მომკლავენ, ციალა ჯარისკაცის ქვრივი დარჩება და მო-  
ასვენებენ-მეთქი. მაგრამ არ მომკლეს. გაგებული გექნება, ორ-  
მოცდასამში დაებრუნდი, დაჭრილი და დაჯილდოებული. ფეხზე  
პლივს ვიდექი, მაგრამ ცოლ-შვილს დავავლე ხელი და ქუთაისში  
გადავსახლდი. ციალას მაინც ეშინოდა — მოგვძებნის, არ მოგვას-  
ვენებსო, და მართლაც... 26 დეკემბრის ღამეს მოგვაკითხეს. მაშ,  
არ უნდა გაგვხარებოდა? ერთად გვეზავნიდნენ, მთელი ოჯახით.  
მუდმივ მოლოდინს, ეს არა სჯობდა? ამდენი წლის შიშისა და ტი-  
რილის შემდეგ, ციალამ იმ ღამეს პირველად გაიცინა, ნამდვილი,  
მხიარული სიცხილით. აი, ალექსი, ეს არი ჩემი ამბის თავი და ბო-  
ლო...

იმდენი იარეს, ფეხისგულები აეწვათ.

— საიდან დაიწყო ეგ თქვენი ამბავი, ციალას მშობლების ამბა-  
ვი? სათავე სად იყო, არ იცი? — მოგვიანებით ჰკითხა ალექსიმ.

— როგორ არ ვიცი! ჩემი სიმამრი ერთი პატიოსანზე პატიოსა-  
ნი კაცი იყო, მშენებლობაზე მუშაობდა. იმ დღეს სათვალთან ურ-  
ჩხული მისულიყო მშენებლობაზე. ამ უხსენებელს, სო იცი, ყოვ-  
ლისმცოდნედ მოაქვს თავი. აბდაუბლა შენიშვნებით შეუბზრებია  
ხალხი, მაგრამ ერთი ისეთი უვიცი რჩევა მიუცია მუშებისათვის,  
რომ საცოდავ ჩემ სიმამრს გაღიმებია. ეს იყო და ეს. ეს სისხლით  
გაუმიძლარი კაცი გაღიმებას ან გამოხედვას შეარჩენდა ვინმეს?  
იმავე ღამეს წაიყვანეს, „ხალხის მტერიაო“...

ისევე იარეს ხმამოუღებლად.

— ეს ამნისტია შენ არ გეხება? — ისევე ალექსიმ დაარღვია ღუ-  
შილი.

— არ ვიცი, არ მაინტერესებს. თავკაცი აღარ არის და ვინც  
დარჩნენ, თავის მხარდამჭერთ იმრავლებენ, იმადლობებენ. ამნის-  
ტია თავისთვის შეინახონ, ეგებ თითონ დასჭირდეთ... ჩვენ აქედან  
მაშინ წავალთ, როცა გამოუცხადებელ სასჯელს მოხდილად მიიჩ-  
ნევენ, არადა, აქ ვიქნებით. თუ მიგვიღებთ, ჩვენც ყვავილოვანში  
დავსახლდებით...

— გაიხარე აქ მოსვლისათვის! — ძმურად გადაეხვია ალექსი.

დაღამებული იყო, ყვავილოვანში რომ დაბრუნდნენ.

ამასობაში კი, ოზბეთელაანთ თხოვნით, ნაცვლიშვილები მათთან  
დაესახლებინათ.



ამნისტიით სარგებლობაზე ნაცვლიშვილების მტკიცე უარმა საგრძნობლად დაანელა ირმისელების დაძაბულობა.

თანატოლების შეშატებით გახარებულმა ბავშვებმა კვლავ აახმაურეს ყვავილოვანი.

თიბათვე განახევრებული იყო, ყვავილოვანში თბილისიდან გამოგზავნილი ვაჟა კვერენჯაძის დეპეშა რომ მოიტანეს.

წლის დროისათვის შეუსაბამოს იტყობინებოდა ვაჟა: „გილოცავთ პურის ჩაბარების გვემის შესრულებას ვაზი მთლიანად გადაურჩა დასეტყვას სათვალეები ზეგვმა დაიტანა მოუთმენლად გელით“ — ო.

დეპეშა ხელიდან ხელში გადადიოდა. კითხულობდნენ და აღელვებული იჩეჩდნენ მხრებს. რას უნდა ნიშნავდესო? ეგებ რუსულად რთა დაწერილი, რამე გვეშლებათ, ან ეგებ ნაცნობი ვინმე დაიღუპა და გვარი ფოსტაში შეეშალათ? თუ ასეა და ვაჟა რას მოგვილოცავდაო?.. ერთმანეთს ეკითხებოდნენ და ცდილობდნენ გულშივე ჩაეყრუებინათ რაღაც გაურკვეველი იმედით აღძრული წინათგრძნობა, თუ შემამინებელი რაღაც მიხვედრა. საგონებელში ჩავარდნენ.

ღმერთმა უშველთ, უდროო დროს მოგრიალეული ბამბის მეურნეობის მანქანიდან ტყაპატყუპით გადმოცვივდნენ ბიჭები, ზოგი გაზეთის ფრიალით ვენახებისკენ გავარდა, ზოგი ქალებთან მიიჭრა:

— სამახარობლო გვერგება! თქვენი წყევლა მიეწია! სათვალე-ბიანი ურჩხული მახეში გაბმულა! სამალარიჩო სუფრა გაშალეთ! — ყვიროდნენ ისინი, და თუმცა ქალები ახლა კი მიხვდნენ ვაჟას დეპეშის აზრს, თუმცა აუხდათ სასინარულო წინათგრძნობა, მაგრამ შიშისაგან ჯერ ვერ განთავისუფლებულიყვნენ, ხმაცრემლიანი იხვეწებოდნენ:.

— სსუ, ჩუმაღ, თქვენი ჭირიმეთ, ეგებ ტყუილია, ემანდ ამბავი არ მიუვიდეს, სუერთიანად არ ამოგვწყვიტოს!..

...და ამ აურზაურში, რაიონული ცენტრიდან გამოგზავნილი შიკრიკი მოტოციკლეტით მოადგა ყვავილოვანს, ამხანაგ აღექსი რჩეულიშვილს სასწრაფოდ იბარებენ სამხედრო კომისარიატში.

კომისარი დიდი თავაზით და მოკითხვით შეეგება ალექსის. პოლკოვნიკს აშკარად ეუხერხულებოდა სათქმელის თქმა, ასსნა-განმარტებაც ვერ დაელაგებინა და ბოლოს ხელი ჩაიქნია, მეგობრული თანაგრძნობით გაუწოდა თბილისიდან მიღებული „დაგვიანებული“ უწყებები.

— ფრონტზე გამირულად დაცემული ამ ვაჟკაცების ოჯახებს, როცა კი მოისურვებენ, შეუძლიათ შინ დაბრუნება... პირადად თქვენი საქმე... ერწმუნეთ ჩემს პატიოსან სიტყვას, თქვენი საქმეც სულ მალე გაირკვევა. თუ ნებას დამრთავთ, მე ყვავილოვანში გინახულებთი..

...ნელა ცხრებოდა ყვავილოვანში სიხარულის პირველი ტალღა და ომში დაღუპულებზე დაგვიანებული გლოვა.

თვალცრემლიანმა მოსემ ძმა მოიხსენია, რძალს ბოდიში მოუხადა ჯავრიან გულზე უხეშობისათვის და გიჟივით მიასტა ალექსის:

— ამაშიც შენ გამოსვედი მართალი, გენაცვალე სულში და გონებაში, ჩვენო იმედო, ჩვენო გონჯაურავ!

— დაეხსენ შე პირდაღლო, შენ ალექსისთან სალაპარაკო პირი არა გაქვს! — შეუტია მოსეს დაბალ-აბრიაბ.

— ჩემ საკრიტიკოდ შენ ჯერ სიგრძე უნდა მაიმატო! — მოუჭრა მოსემ და ხალხს მიუტრიალდა: — შევიშალე ჭკუიდან, მეგონა, იმ ოხრადდასარჩენი ამნისტიის მეტი, ჩვენი ხსნა არსაიდან იქნება-მეთქი! ეხლა ბოდიშს ვუხდი ამ კაცს, განა თქვენი ცალია, წყენა გულში დაიგუბოს, მაგან იცის, მე რა ჯავრი მაყბუდებდა!

— დროს ნულარ კარგავ, მოსე, — გაიცინა ალექსიმ, — მოემზადე წასასვლელად.

მოსემ ბეჯითად შეათვალა იერა სიხარულისაგან ჯერ ისეც გაბრუებული ხალხი და ყველას გასაგონად გამოაცხადა:

— მე, ქაჯან, პატახან აქედან ფეხს ვერ მოვიცვლი! პო, რას შემომყურებთ, რა გიკვირთ? ამ დალოცვილი ყამირიდან ჭირნახული იგრე მამბტვრევს, გეგონება, მიწიდან ქაჯები ერეკებიანო. პო-და, როგორა? ყველაფერი ოხრად დავაგლო?

— გუნებაში თუ ეგა გქონდა, აქაურობას რაღას აქოთებდი, შენ აგიქოთდა სამარე! — შეუტია ციცერომ.

— ოპ, მოხვედი ყბედობის გუნებაზე? ეგ სარეკელა ენა ღმერთს

შენთვის იმისთვის მოუცია, რო მტერი დააოსო, განა მოკეთებ? ეხლა რაკი ჩემი ნეიაა, როცა მინდა, როგორც მინდა, ისე წავალ, გაიგე? რას აეჩქარდე? ე ბალები ცარიელზე სად წავასხა? განა იქ გახურებული თონე მიცდის რა?

— მე ისეც ვიცოდი, პირველ ჭაშნიკს მოსე ძია არავის დაანებებდა — გაიცინა ბიძინა ალიაშვილმა.

— მაგ პატივს მე შენისთანა ბუმბერაზებს დაუთმობ! კაცო, გიორგა, ე შენ შვილს ჰაიპარად ცოლი შერთე და დიდ-პატარაობა ვერ ასწავლე?

— მაინც როდემდე აპირებ აქ დარჩენას, პა? — პასუხის ნაცვლად ღიმილით შეეკითხა გიორგა.

— სანამდე ყველა საქმეს თავს მოვაბამ. გზის ხარჯსაც ამოვიღებ, ხელის მოსანაცვლებელსაც, მაშაა, ეგრე არა სჯობია?

ჰოდა, რაკი მოსწრებაზე აღარ იყო, წამსვლელები დინჯად და საზრიანად შეუდგნენ მზადებას.

დოდაშვილებიც ემზადებოდნენ წასასვლელად. ოლა კი არსადა ჩანდა.

კოსტა ილეთაქსა გახდა, ფერი დაეკარგა კაცს!

ერთ საღამოს ნატალიამ ბავშვები შინიდან გაიგულა, კარი მაგრად მიხურა და ოლას მიუტრიალდა:

— ეხლა რას აპირებ ჩემო რძალო?

ოლას ტირილი აუვარდა.

— ქმარზე ერთი ცრემლი არ ჩამოგვარდნია და ეხლა ვისა გლოვობ ასე ცხარედ, პა?

ოლამ ცრემლი შეიმშრალა, მაგრამ ისინი თავისთავად წვეთავდნენ და წვეთავდნენ.

— ირმისხევი ნუ დაადინე აქაურობას, ღმერთი გიშველის! გეკითხებიან და სთქვი, ხმა ამოიღე.

— რა ვთქვა? როცა ელიზბარის ამბავი გვიანდებოდა და მეტირებოდა, თქვენ მიკრძალავდით, ცოცხალ კაცს არა ტირიანო, მე რე დარდი ჯავრით შემეცვალა, ცოცხალი თუა, რატო არ ვახსოვარ-მეთქი. ხანი რომ გავიდა, აღარც მეტირებოდა, აღარც მეტრაზებოდა. თორმეტი წელიწადი განა ცოტაა? ესეც ჩემი ქმრის უბედურებამ შემყარა, ამ ტიალ ადგილას რომ არ მოეხვედრილიყავით, ირმისში იგრეც მოვკვდებოდი...

— ვაიქისი მე შენზე პატარა ვიყავი, როცა დავქვრივდი, აქ კი

არა, ტრაპიზონშიც რომ გავესახლებინე, მეორედ გათხოვებაზე ფიქრს არც ვიკადრებდი. დასწყევლოს ღმერთმა ესლანდებლების თავქარიანობა, ყველაფერს სიყვარულს ეძახით! რა ჭირმა შეგავარა ეს ანჩისხატი, ეს საფრთხობელა, ეს ბეცი კაცი, რამ, პა?

— ანჩისხატია თუ რაც არის, მაგისი ქებით თავათ თქვენ გაგვიჭედეთ ყურები დიდსა და პატარას. განა არ ვიცი, ელიზბარის-თანა მეორე არ დადის ქვეყანაზე...

ნატალია ბეჯითად დააცქერდა რძალს და თვალებში სითბო მოერია.

— მე რო ვაქებდი, საქმეზე ვაქებდი მაშ არ უნდა მექო, გონჯაურა გადაგვირჩინა სიკვდილს, და რა მოსთვლის, რამდენი კაი-კაცობა გამოიჩინა, მაშ შენი შიშით, შენ არ მოგაწონო-მეთქი, მე-ძაგებინა?

— ჰოდა, თქვენც იცით, ყველაფერს სიკეთე და პატიოსნება აკეთებინებს, ბავშვებისთვისაც სულსა ჰლევს...

— ძალღი მიაკვდა სულში რათ? საით კუდი ილღიაო? ხო არა გგონია, დოდაშვილები უცხო კაცთან გაგატანო?

— მე არაფერიც არა მგონია. თხუთმეტი წელიწადი ჩვენ რძალ-დედამთილობაში ურიგო სიტყვა არა თქმულა. „დედას“ მარტო სიტყვით ან სხვის მოსაჩვენებლათ ხო არ გეძახოდით? ეხლაც, როგორც თქვენ იტყვით, ისე იქნება, — ახლად ატირდა ოლა.

— ვერ უყურებთ, ამ უნამუსომ, როგორ შემომიტრიალა?

შვილის ფრონტიზე დალუპვის შესახებ დაგვიანებულ ცნობას, თითქოს უნდა განეახლებინა ნატალიას დარდი, მაგრამ ნატალია — დოდანთ ქალი იყო, მრუდობას არც სხვას შეარჩენდა, არც თავის თავს, სისწორე კი ის იყო, რომ თავის დროს ფრონტიდან ბაიბურად მოსულ ამბავს ელიზბარის დალუპვის შესახებ, საკუთარი გულიც და ელიზბარის გახანგრძლივებული გარუმებაც უდასტურებდა. დეკემბრის იმ წყეულ ღამეს სახლში შემოვარდნილი ჯიბთ ჭიმია-შვილის ნათქვამმა, „შენი შვილი მოღალატეა, გერმანელებთან დარჩენილათ“, თითქოს იმედი გაუღვიძა, ცოცხალი ყოფილათ, მაგრამ ის რა იმედი იყო? გულს უნდოდა და მიიღო, გონებამ კი არ მიიკარა, არ დაიჯერა, შვილის პატიოსნებას ჩრდილი არ მიაყენა. და ეხლა, სიმართლე რომ დადგინდა, ოლას თქმისა არ იყოს, დროს თურმე თავისი გაეტანა, დარდს მახვილი დასჩლუნგებოდა...

ნატალიამ ამოიოხრა: დრო უსწორდება დარდსაც და სიხარულ-

საც. ეგრე ყოფილა წუთისოფელი. გინდა არ გინდა, დრო თავისას შკის, შენ არას გეკითხება რას... აბა, რა გითხრა, შევილო, დედა მოგიკვდეს, უდროოდ მზედაბნელებული... შენც და შენთან დალუპულელებსაც მუღმივი ნათელი დაგადგეთ, საზრუნავი კი — თქვენი სიცოცხლის ფასად ცოცხლად დარჩენილთა ბედია...

სადღაცა შორეული ძმათა საფლავეში მიძინებულ შვილზე თვალმომდგარი ცრემლი ნატალიამ გულშივე ჩაიბრუნა და შვილივით საყვარელ რძალს შეხედა. თავისთვის ამ სვედიან საათს, მის მომავალზე მძაფრი შემოთება იგრძნო. „რა ლამაზია ეს გულმკვდარი. სამი შვილის დედაა. ალქაჯ ბიჭებს სწორეთ ესლა სჭირდებათ ვაჟაკის ხელი. წესიერად უნდა მოხდეს, რაც მოსახდენია. ამ გოგოს დღემდე სუფთა და პატიოსანი სახელი ჰქონდა, ურიგოს არც ესლა ვათქმევინებ არავის“.

ასე გადაწყვიტა ნატალიამ, მაგრამ სითბოც და მზრუნველობაც ხმის სიმკაცრით შენიღბა:

— ჰო, ყველა ყველაა, მაგრამ ირმისელებს რა პასუხი გაცევ? ვათქმევინო, დოდაანთ ნატალიამ რძალი ყაზახეთში გაათხოვაო?

— ყაზახეთში რა მიინდა — აენთო ოლა. — ზედმეტი ერთი დილაც ნუ გამთენებია უცხო მხარეში. ჩემს მიწა-წყალს იმდენი პირშიავი და ქვემძრომი ასეგია, განა ეს ერთი პატიოსანი კაცი დაამძიმებს?

— ოჰ, ძალიან თავი შემაბრალე, არაფერი ვიცო, და კარგად დაგილაგებია!

— არა, ნატოს შერჩენამ, მე მაგაზე ფიქრისაც კი მეშინოდა. დედა, საწყენად ნუ მიიღებთ, და მე სხვა გამფიქრებია ხოლმე: მართალია, ელიზბარს არ დასცალდა, მაგრამ, რაც ამ კაცმა გაჭირების უამს ჩემ შვილებს ამაგი დასდო, რა ვიცი, მშობელი მამა შეტეს შესძლებდა-მეთქი?!

შუბლშეკრულმა ნატალიამ არაფერი თქვა.

— რა ვიცი, — ჩუმად განაგრძო ოლა: — ქვეყანაზე ყველაფერი უკუღმართად რად არის მოწყობილი, მაგისთანა კაცს მარტობაში რად უნდა ამოუვიდეს სული...

— კარგი ერთი, თავი ნუ მოგიკვდება! — წამოდგა ნატალია, — რამდენი ირაოდ დადის ქვეყანაზე, ყველას დარდი მე შემომყარე! ეგ რაღაცა ეშმაკის სახელი შეგარქვა „ბუატრიჩეო“, მაგით თუ მოგაჯადოვა, ტყუილად კი არ უთქვამთ, „დედაკაცი თმაგრძელი და ჭკუამოკლეო“!

მოგვიანებით, ბავშვები რომ დაწვნიენ, ნატალიამ სუფთა თავ-  
შალი მოიხვია, კაბის კალთას ჯაგრისი დაუსვა და დინჯად გადას-  
ჭრა ქუჩა, ილეტაქსას კარს მიუკაკუნა:

— კოსტა, შინა ბრძანდები?

ნატალიას ხმის გაგონებაზე ილეტაქსა ისე შეკრთა და დაიბნა,  
რომ მზად იყო დამალულიყო, მაგრამ ოთახში დასამალი არსად-  
იყო და ნატალიამაც კარი შეაღო.

— დილას პერანგები დაგიუთოვე და უთო აქ დამრჩა (უთო ნა-  
ტალიამ განზრახ დატოვა).

— ოო, ქალბატონო ნატალი, ძალიან-ძალიან მადლობთ პერან-  
გებისთვის, დიას, უთო აქ არის, დაბძანდით, გთხოვთ.

— დასაბრძანებლად არ მოვსულვარ. — ნატალიამ უთო აიღო და  
ჩაგონებით დაუმარცვლა მასპინძელს: — ჩვენ ყველანი მივდი-  
ვართ, მთელი ოჯახი, ყველანი.

— დიას, ქალბატონო ნატალი, ვიცი, ყველანი, — უბრალოდ  
დაუდასტურა ილეტაქსამ, თუმცა ნატალიას არ გამოეპარა მის შა-  
ვგერემან სახეს მოდებული სიწითლე.

— ჰოდა, შენ თუ მაგ შენ ფიქრზე დარჩები, მერე ჩამოხვალ.

— მე მოკდომამდე მაგ ფიქრზე დარჩები, ქალბატონო ნატალი.

— შენ ჯერ ქართულიც არ იცი ხეირიანად.

— მე უკვე ვიცი ხეირიანად, ხოლოთ გრამატიკა არის ძალიან  
მეტად ძნელი, მაგრამ ეგეც ხეირიანად იქნება. როდის მოვალ ირ-  
მისში, როდის იქნება თქვენი ნებართვა?

— როცა ჩვენი გასდები, ჩვენებური პასპორტი გექნება, შენ  
ჯერ უცხოელად ითვლები.

— არა, ქალბატონო ნატალი, ჩემი ქალღმერთები უკვე აღმა-ატა-  
დან მოსკოვში წავიდა, სულ-სულ მალე იქნება პასპორტი.

— ჰოდა, რომ მიიღებ, შეგვატყობინე. მე ეგ ქალი გზაზე კი არ  
მიპოვნია, შვილივით მყავს გამოზრდილი. რაც წესი და ლაზათია,  
ყველაფერი ისე უნდა იყოს.

— მე ძალიან თანახმა ვარ თქვენი მოაზრების, ქალბატონო ნა-  
ტალი, თუმცა ძალიან მინდა თქვენი ქალიშვილიც. შვილისშვილე-  
ბიც, თქვენც, ირმისიც...

კოსტამ სათვალე მოიხსნა და გაცნობის დღიდან ეს მეორედ და-  
იხარა ნატალიას ხელის საკოცნელად.

ამ გულცხელზე ნატალია სხვას უთოს. დაახლიდა თავში, ამას

კი... „უპ, ცუდი კაცი ხომ ცუდია, მაგრამ ეგეთი კარგიც — ხათბა-  
ლაა! ქვეყნის სათქმელი მოვამზადე და ერთიც ვერ შევკადრე“, —  
დაინანა გულში და ცივად უთხრა:

— ცხრამეტი წლისა არც შენა ბრძანდები, არც ჩემი ოლა, გა-  
ცილებიას დარბაისლად უნდა გეჭიროთ თავი, შენც ისე გაგვაცი-  
ლებ, როგორც სხვები.

— დიახ, ქალბატონო ნატალი, მე ამისთვის მომზადებული ვარ,  
ხოლოთ ჩემთვის ძალიან-ძალიან ძნელი იქნება პატარა, ჭკვიანი  
ნატალის გაცილება, — სევდიან ჩიტს დაემსგავსა კოსტა.

— არა უშავს რა, გაუძლებ.

— დიახ, გაუძლო უნდა, იმის გამოთ, რომ პატარა ნატალის  
ჩქარა-ჩქარა უნდა ირმისი. მე დილით მოვიტან აეროპლანის ბი-  
ლეთებს.

— ოზბეთელაანთვისაც სამი ბილეთი არ დაგავიწყდეს!

— დიახ, არ დამავიწყდება, ქალბატონო ნატალი, დალი და ოსი-  
კო კარგი შვილები არის, დედას ფევრონიას ძალიან მიეხმარე-  
ბიან...

„ეს გულმკვდარი, თებროს ეძახის ფევრონიას!..“ — ჩაეცი-  
ნა ნატალიას გუნებაში.

— და დალი და ოსიკო ძალიან-ძალიან კარგი შვილის შვილე-  
ბი არის, — ჩუმად განაგრძობდა კოსტა, — მე სულ-სულ მალე მო-  
რჩები პაპა ივანიკას მემორიალს...

— ეგ კეთილი საქმეა, კოსტა, მადლია, გაგახაროს და გაბედ-  
ნიეროს ღმერთმა, დაიძინე, ღამე მშვიდობისა!

ნატალიას ახლა კი ნამდვილად დაავიწყდა უთოს წაღება.

წამსვლელები რომ გააცილეს, ტასანბაევმა ჩაიხანაში შეიპა-  
ტიჟა ალექსი. ლაპარაკ-ლაპარაკში ოთხი ჭიქა ჩაი გამოცალა, მე-  
ხუთეს — ხელისგულები შემოუმრგვალა და თავისი თვალ-ბურღე-  
ბი დაასო ალექსის.

— რას იტყვი? — ჰკითხა ალექსიმ, იცოდა, მნიშვნელოვანი სა-  
თქმელის თქმას რომ დააპირებდა, მაგჯანი თანამოსაუბრეს აი ასე,  
ხანგრძლივად და გამომცდელად მიაჩერდებოდა ხოლმე.

მაგჯანმა ის ჩაიც დალია, ლამბაქზე დაყირავებული ჭიქა განზე

ვასწია, აუჩქარებლად დატენა ჩიბუხი, მტრედისფრად ააბოლა და მერე დაილაპარაკა:

— მთელი ამ ხნის განმავლობაში მე ბეჯითად ვაკვირდებოდი შენებურებს. კარგი ხალხია, ძალიან კარგი — მშრომელი, პატიოსანი, თავაზიანი, თავის მიწა-წყალზე შეყვარებული, ასე მგონია, სამოყვროდ, სამეგობროდ გაჩენილიო... და მე აქამდე ვერ გამიგია, რა დააშავეს, რაზე დაისაჯენ... ჩუმად ხარ. ჰო, ვიცი, შენთვის ძნელია, შენ არ გინდა ამაზე ლაპარაკი, მაგრამ მე მინდა ვიცოდე... იქნება შენც არ იცი?

იცის ალექსიმ, როგორ არ აცის, მაგრამ ამაზე ლაპარაკი არ უნდა, არ შეუძლია. რისთვის? ყოველ მოვლენაზე ყველას თავისი აზრი აქვს. რასაც მაგჟანი მეკითხება, ამაზე უთუოდ აქვს თავისი აზრი, იმიტომ წამოიწყოს ეს ლაპარაკი, მაგრამ რა საჭიროა? განა ამგვარი ლაპარაკი გაარკვევს ადამიანთა გაუგებარ განსჯას?..

და სდუმდა ალექსი.

— ამას წინაზე ალმა-ათაში რომ ვიყავი სესიაზე, — ჩაფიქრებით დაილაპარაკა ისევ მაგჟანმა, — ბევრ მეგობარს, ძმაცაც ველაპარაკე, თქვენი ამბავი არ მასვენებდა და იმათაც ვეკითხებოდი. ზოგმა ჩემსავით არაფერი იცოდა ამის შესახებ, ზოგს ბაიბურად ჰქონდა გაგონილი... ბოლოს შემთხვევა მომეცა და უმალღესი საბჭოს პრეზიდიუმის თავმჯდომარეს ველაპარაკე. აი, რა მითხრა: „1951 წლის დეკემბერში საქართველოდან ბევრი ოჯახი გაასახლესო. ისეთივე ბრძანება მიუღიათ სომხეთში და აზერბაიჯანშიც, მაგრამ, — ჰო, ასე მითხრა, — „იმათ ხელმძღვანელებმა ეგ ბრძანება არ შეასრულეს, გზა ნახეს და სტალინთან იჩივლესო,“ შენ ეს იცი? — დაჟინებით ჰკითხა მაგჟანმა.

— რა მნიშვნელობა აქვს? ვიცი, მერე რა? — თვალბრამქრალმა, უხალისოდ თქვა ალექსიმ, თქვა მხოლოდ იმისათვის, რომ მისი გაჩუმება არა სწყენოდა მაგჟანს.

— თქვენი რესპუბლიკის ხელმძღვანელმა რატომ არა ნახა ის გზა: იმასაც ხომ შეეძლო ეთქვა, ჩვენ არა გვყავს დასასჯელი ხალხიო?!

ისევ გაჩუმებული იჯდა ალექსი. ის სიტყვა-სიტყვით იხსენებდა თავის საუბარს ნიკო ხელაშვილთან იქ, ირმისში, 9 მაისის დღიას. ცხარე კამათი ჰქონდათ, მაგრამ კარგად ესმოდათ ერთმანეთის ტკივილი და ეს ბუნებრივი იყო — ორივე საკუთარი მსრებით



ზიდავდა მათ მხარეში შექმნილი ვითარების სიმძიმეს. მაგჟანს კი წარმოადგენა არა ჰქონდა იმაზე, რაც მათთან ხდებოდა. საიდან ეცოდინებოდა, რომ სისხლით გამტყვერალმა სათვალეებიანმა ურჩხულმა მოსკოვში რომ გადაინაცვლა, თავის ადგილზე თუმცა წესიერი კაცი დასვა, მაგრამ საქართველოს ფაქტიურ განმგებლად თვითონვე დარჩა. იმიტომ არ იცის მაგჟანმა, რომ სხვა რესპუბლიკის ხელმძღვანელს შეეძლო სტალინთან ჩივილით მისვლა, თავისი ხალხის დაცვა, ჩვენსას კი... ნიკომ თქვა: „კაცი შეიძლება ჰქვიანიც იყოს, განათლებულიც, პატიოსანიც, მაგრამ თუ ვაჟკაცობა აკლია, საქვეყნო საქმეზე თავს ვერ დასდებსო...“ მაშინ ის კამათი ვენახებს დამუქრებული ავბედით იყო გამოწვეული და რას წარმოიდგენდნენ, რომ კაცს, რომელსაც ვაჟკაცობა არ ჰყოფნიდა ვაზის დასაცავად, ადამიანების დაცვა დასჭირდებოდა?! და ვერც გამოდგა თავისი ხალხის დამცველად. უბრძანეს, და უსიტყვოდ გასწირა თავისი თანამემამულენი...

გაჩუმებული იჯდა ალექსი. როგორ აეხსნა მაგჟანისათვის, რომ ქარიან უდაბნოში დაბადებულ სიძულვილს ზიზღიც შეერია — ქართველთ ხასიათში მუდმივი ძნელბედობით გამოკვეთილი თვისება — სიმხდალისადმი ზიზღი. სხვას ეგებ ნაწილობრივ მაინც გაუზიარებდა თავის მწველ გრძნობას, მაგრამ მაგჟან ტასანბაევს?.. კაცს, რომელმაც არ დაირიდა, ძმური ხელი გამოუწოდა კანონგარეშე დაყენებულ ადამიანებს? როგორ აეხსნა სხვა ტომის კაცისათვის — თვისტომმა რატომ ვერ დაიცვა თავისი უდანაშაულო, მშრომელი, პატიოსანი ხალხი?..

და სიმხდალისადმი, სულმოკლეობისადმი ზიზღით ყელამდე აღვსილმა, კბილებში ძლივს გამოსცრა:

— რა ექნა, ბრძანება შეასრულა...

— ბრძანება შეასრულა... — გაბმით გაიმეორა მაგჟანმა, ჩაიხანის დაცარიელებულ დარბაზში გაიარ-გამოიარა, მერე ალექსისთან გაჩერდა, მხარზე ხელი დაადო: — უბრალო ცნობისმოყვარეობად ნუ ჩამითვლი, ალექსი, ძმაო ჩემო, მე შენი ხალხის სიყვარული მალაპარაკებს, გესმის? მითხარი, როგორა ჰფიქრობ, რად სჭირდებოდა სტალინს ეგ ბრძანება?

— საიდან დაასკვენი, რომ ეგ სტალინის ბრძანება იყო? — თითქოს შოლტი გადაუჭირესო ალექსის. — მაგის პასუხი შენ აღმა-ათაში მივიღია! შენ არა სთქვი, ვინც სტალინთან მისასვლელი გზა ნახა, იმან დაიცვა თავისი ხალხიო!

— დამშვიდდი და მითხარი, მაშ, რათა ხდება, რომ როცა ის აღარ არის, ამნისტიაც მაშინ გამოვიდა, დაჭერილ და გადასახლებულ ხალხსაც ესლა ანთავისუფლებენ? — უზომო ტყვილით ხმაში ჰკითხა ალექსის, თუ თავის თავს მაგჟანმა.

— დაგვიწყებია, მაგჟან, ამნისტია რომ გამოვიდა, შენ ძალიან ბრაზობდი — გამოუსწორებელ ბანდიტებს, ქურდებს, ნაძირალებს უშვებენო!

— მაგაზე ესლაც ვბრაზობ, მაგრამ ფაქტი მაინც ის არი, რომ მისი სიკვდილის შემდეგ დაიწყეს ხალხის გაშვება!

ეჰ, რახან ეგრეა, ალექსი იტყვის თავის სათქმელს!

— მაგჟან, მე ირმისში დაბრუნება თუ არ მიწერია, უარესს ვერავინ რას დამმართებს, გეტყვი, რასაც ვფიქრობ: ესლა რომ „გულკეთილობენ“, წინათ სად იყვნენ ეს ვაჭბატონები? თავისთვის მხარდამჭერთა ძებნაში სხვა ვერაფერი მოიფიქრეს და ჯერ, აჰა, თქვენ ამნისტიად, ბრალდანი და უბრალო ერთ ტაფაში მოაქციეს, შენ ჩემზე უკეთ იცი, ერთ-ორ წელიწადში რამდენი გამოუსწორებელი ავაზაკი დააბრუნეს აქაურ შრომა-გასწორების ბანაკში! ვიდრე ის კაცი ცოცხალი იყო, იმის ქებათ-ქებაში ეჯობებოდნენ ერთმანეთს, ესლა კი საკუთარი განდიდებისათვის, იმისი ადგილის დაკავებისათვის, ხომ ხედავ, არ დაინდეს ერთმანეთი, მთავარი მეტოქეების სათვალავიდან, მაღლობა ღმერთს, ურჩხული მაინც ამოაგდეს, სხვები დააქვეითეს, ზოგი კუთხეში შეჭყუნეს. ყველაფერი ცუდი რაც იყო — ესლა შეიძლება მკვდარს მიაწერო, ის ხმას ვერ ამოიღებს, ყველაფერი კარგი რაც იყო — შეიძლება ესლა შენ მიიწერო, მკვდარი ვერ შეგედავება. იციან, იმ მკვდარს ჩრდილი რომ არ მიაყენონ, თავისი თავის დამკვიდრება გაუჭირდებათ, ძალა და ჭკუა-გონება არ ეყოფათ, იმის სიმადლეს ვერ შესწვდებიანი! ჰო, ჰო, მაგჟან, მე აგრე ვარ დარწმუნებულნი! ყოველ წესიერ, პატიოსან კაცს უნდა ესმოდეს, უნდა ახსოვდეს, რომ რწმენა თუ დაარღვიე, შეიძლება ტაძარიც გაიბზაროს...

— ითი... — ჩუმად ჩაიძახა აღელვებულმა მაგჟანმა და თვალი ვერ მოსწყვიტა ალექსის დაღლილ, სევდიან სახეს.

ყაზახეთიდან რამდენიმე ოჯახი რომ დაბრუნდა ირმისში, ზაფხული განახევრებული იყო. „დაგვიანებული უწყებების“ ირგვლივ ათასნაირი ხმა დადიოდა.

სარდიონ მაღალაშვილი არა ჩანდა, იძახდნენ, მანქანის ავარიში დაღუპული რაფიელ ბრეგაძის შესანდობარსა სვამდა, თბილისში რომ გაიწვიესო.

რამაზ მელითაურსაც იშვიათად ხედავდა ვინმე. იმ დღეს კი მან ჩვეულებრივი სითამამით შეალო გულვარდიშვილის კაბინეტის კარი.

მდივანმა სალამზე არ უპასუხა, არც დაჯდომა შესთავაზა.

— უწყებებს შენ ვინ გაკითხებდა? მაღალაშვილი ვასწირე? — ჰკითხა კუშტად.

— შენ მაღალაშვილის ბედი გაწუხებს, თუ შენი საკუთარი? — შეაგება კითხვა მელითაურმა.

— შენ ძალიან გათავხედდი! — წამოჩტა გულვარდიშვილი სავარძლიდან.

— ნუ ჰყვირი, თავი მტკივა, — ხმადაბლა უთხრა მელითაურმა.

— როგორ მიბედავ? დაგავიწყდა, ვის ელაპარაკები?

— ნუ ჰყვირი-მეთქი, — ისევ ხმადაბლა და მკაცრად შეაწყვეტინა მელითაურმა და თვალი თვალში გაუყარა მდივანს.

გულვარდიშვილს მოეჩვენა, რომ ელვამ გაარღვია ყომრალი ნისლი. მოეჩვენა, რომ ვიღაცა სხვა, უცნობი კაცი ელაპარაკება, რომელსაც უფლება აქვს ელაპარაკოს და მოექცეს ისე, როგორც მოეპრიანება. და უცებ სიტყვაგამწყვდარი დაეშვა სავარძელში.

მელითაურმა შეიცადა, ვიდრე სავარძლის სახელურებზე დალაგდებოდნენ მოწითურო ბალნიანი ხელები, და მერე თვითონაც დაჯდა.

სახელურებს რომ ჩაეჭიდა, გულვარდიშვილს გულზე მოეშვა. გუნებაში ჩაეცინა კიდევაც თავის წამიერ სისუსტეზე. მაღლობა ღმერთს, მის სავარძელს არსაიდან რა ემუქრება. გუშინ ჩამოვიდა პროკოფი თბილისიდან. იქ, ცენტრალურ კომიტეტში ჩვეულებრივი პატივისცემით მიიღეს და გამოაცილეს. ვითომ რას თავხედობს ეს ვაჟბატონი? ეხლავე დაითხოვს კაბინეტიდან და აუკრძალავს აქ შემოსვლას!

— ყვირილსა და მუქარას მოეშვი, — მიუხვდა განაფიქრს მელითაური. მშვიდად უთხრა: — მე საჩხუბრად არ მოვსულვარ. ესლა შენთან და შენისთანებთან ჩხუბს ვაჟკაცობა აღარ ეთქმის...

— რათა, რა გგონია? — მთლად გამოეგო წუთით შემდგარ ეჭვს გულვარდიშვილი და თხელი წარბები დაცივით აჭიმა.

მელითაურმა კვლავ შეიცადა, ვიდრე პროკოფის დანაოჭებული კანი გახუნებული ნარმასავით აიკეცებოდა თხემამდე და ყურის ნიჟარამდე. „მართლაც არ იცის, რა მგონია. არასდროს არ იცის, ვინ რას ფიქრობს. თავის ქალა კუბოს მიუგავს. აზროვნების კუბოს. შიგერთადერთი ფიქრი ფუთფუთებს — „მე!“ სხვა ყველაფერი ამის ირგვლივ ტრიალებს...“ — ფიქრობდა მელითაური, ვიდრე მდივანი წარბებს ადგილზე დაუშვებდა. მელითაური ახლა მის შეყვითლებულ, მქრქალ კანზე დარჩენილ, დაშლილი ნაოჭების წერილად დახაზულ ნაკვალევს მიაჩერდა. თავის ტკივილისაგან იყო, თუ ზრწნის სუნი ეჩვენებოდა — გული ერეოდა.

არც მდივანი აშორებდა თვალს მელითაურს. იგრძნო: რაც უნდა ეთქვა, როგორც უნდა დაეტუქსა თუმი, სასაცილო თვითონ გახდებოდა. სჯობდა, ყველაფერი ხუმრობად და მეგობრულ წაქილიკებად მიეღო.

— მითხარი, როდისმე თუ მოგსვლია აზრად, ადამიანს ადამიანი რად ჰქვია? — ჰკითხა ამ დროს მელითაურმა.

— ო, ეგ მართლაც თავსამტვრევი და საინტერესო საკითხია! — გაიცინა გულვარდიშვილმა და ხანგრძლივი საუბრისათვის განეწყო.

რისთვის ჰკითხა? სულერთი არ არის, რას უპასუხებს პროკოფინა? აქ ჯდომა, მისი ყურება, მისი ხმის გაგონება არ შეუძლია. მოვიდა იმისათვის, რომ მის შეზღუდულ გონებაში ის ერთადერთი ფიქრი და საზრუნავი „მე“ აუმოქმედოს. და რადგან ამისი მიღწევა წარმოუდგენლად ადვილია, დროს დაკარგვაც არა ღირს.

— შენ გაინტერესებს ეგ თავსამტვრევი საკითხი? მე რომ წავალ, მაშინ არკვიე, ესლა მომისმინე, ხოლოთ ნუ აყვირდები, თავი მტკივა და გულიც მერევა. მოვედი, რომ გირჩიო. იცოდე, მაღალაშვილი შენ არ დაგინდობს, ხელს არ დაგაფარებს. მის სეიფში გაყვითლებული უწყებები თქვენი ბოროტების ერთი მარცვალია, რომელიც გამოიღებს ნაყოფს — ბოლოს მოუღებს შენს მდივნობას. დაიცა, ნუ ღელავ, მათქმევიწე, შენს სასიკეთოს გეუბნები! ვიდრე ჯერ კიდევ დრო გაქვს, ეცადე ზოგიერთი დანაშაული მაინც გამო-

ასწორ. ამას შენთვის დიდი მნიშვნელობა ექნება. კარგად დამიგდე ყური. ალექსი რჩეულიშვილის გასახლება საკუთრად შენი დანაშაულია. იზრუნე იმის დაბრუნებაზე. ეცადე, ყოველგვარი ღონე იხმარე, სწრაფად გამოასწორე ეს დანაშაული. სო იცი ის კაცი როგორ უყვარს ხალხს, ამას დიდ სიკეთედ ჩავითვლიან, დაგიფასებენ, ბევრ სხვა წყენას გააპტიებენ. ზევითაც დიდ დამსახურებად ჩავითვლიან, მოგიწონებენ. ვაჟკაცობას შეგიქებენ, გაიმარებ შენ მდგომარეობას, ეგებ უფრო წინ წაგწიონ, სომ ხედავ, ესლა ჰუმანიურობა დიდად ფასობს.

— რა ჰყოფილხარ, მელითაურო? შენ კი დამიფასე ზრუნვა და მხარდაჭერა? გზათა უკან დაყიალობდი, ჩემ რაიონში შეგიკედლე, კაცად გაქციე, საუკეთესო სამსახური მოგეცი და შენ კი...

— მიმიფურთხებია შენი მოცემული სამსახურისათვის. თბილისიდან პასუხი მივიღე, თავისუფალი ვარ. ზრუნვა დაგიფასე და შენთან იმიტომ მოვედი, მიიღე ჩემი რჩევა, ამ წუთიდანვე დაიწყე, იმ კაცის დაბრუნებაზე ჩალიჩი.

— გიჟი ხო არა ხარ, იმის დაბრუნებას მე ვინა მკითხავს?

— არა, გკითხავენ. შენი და რაფოსთანების მოჩხლართულ საბაგლობას არკევევენ, მაგრამ დაჩქარდი, შენც ჩაიდე წილი, მოახერხე ჩარევა. შენი ბედი, რომ რაფომ ადრე მოსატყუბი კისერი გვიან მაინც მოიტყუბა. დაუყოვნებლივ იმოქმედე. ვიდრე მდივანი ხარ, შენ სიტყვას ძალა და გასავალი ექნება. დღესვე გაგზავნე წერილი. შენ ფაქტების დამახინჯების და ტყუილების თსტატი ხარ, დაწერე, რომ იმ უწყებების აღმოსენაც შენი დავალებით მოხდა. დაწერე, რომ იმ ხალხის გასახლების ისეთი წინააღმდეგი იყავი, რომ ბრეგამემ კინაღამ პარტიული ბილეთი დაგატოვებინა, რომ მიუხედავად ამ საშიშროებისა, შენ მაინც შესძელი და ალექსი რჩეულიშვილის ცოლ-შვილი გადაარჩინე. დაწერე. შეგიძლიან დარიანის რაიონის მშრომელების სახელით მოითხოვო ბრეგამის მიერ დარღვეული სიმართლის აღდგენა. დროს ნუ დაკარგავ, შენთვის ყოველი საათი ძვირფასია, დაწერე, მე ხელს აღარ შეგიშლი...

მელითაურმა ხმაურით დასწია სკამი და წამოდგა.

— შენ გვიან დაიბადე, პატარა, ღვარძლიანო ფეოდალო, ტაკი-მასხარა პროკოფინავ! — უთხრა და გატრიალდა, აუჩქარებლად გავიდა კაბინეტიდან.

გონს მოსული გულვარდიშვილი ფანჯარას ეცა. დაინახა, მე-

ლითაურმა მოედანი გადაჭრა და თვალს მიეფარა. მისვდა, თუმშა დიდი ხნის წადილი შეისრულა — გაექცა ბარს...

მელითაურის ნასროლი ისარი ზუსტად მოხვდა მიზანს. საკუთარ ბედზე აფორიაქებული ფიქრები პროკოფის თავში ისე აირივნენ, დაედევნენ ერთმანეთს, როგორც რკალები ამღვრეული ჭაობის ზედაპირზე. „ამ ლაპარაკს მოწმე არ შესწრებია, აქედან ამბის გამტანი არავინ იყო“, — გაიმაგრა გული და ყველაფერი საწყენი, დამამცირებელი, შეურაცხმყოფელი, რაც ასლასან მოისმინა, თვალთაგან მიფარებულ თუმს გააყოლა. დარჩა მხოლოდ ფიქრი თავდაცვაზე.

ნელა მოშორდა ფანჯარას. მალალჭერიანი კაბინეტი, ლამაზი ახალთახალი ავეჯი, ბროლის ჭადი შეათვალიერა და შუქის ჩამრთველი გადაატრიალა. ჭადის რვა ნათურა აინთო. მეორედ გადაატრიალა და კიდევ რვა ნათურა აინთო, მესამედ — კიდევ რვა. თვალებმოჭუტულმა ერთ ხანს უყურა გაჩახჩახებულ ჭადს, მერე სწრაფად მივიდა სეიფთან, „საიდუმლო“ საქალაღდე გამოიღო, საწერ მაგიდას მიუჯდა და ზარის მილაკს თითი დააჭირა.

— სასწრაფო სამუშაო მაქვს, ჩემთან არავინ შემოუშვა, გესმის, ა-რა-ვინ! — მკაცრად უთხრა შემოსულ მდივან ქალს, და ქალმა კარი რომ გაიხურა, საქალაღდე გადაშალა. ქალაღდებს სინჯავდა და თან თავის თავს ელაპარაკებოდა:

— რამდენი სულელი ჰყავს ღმერთს! ღირსეულად მოპოვებულ ჩემს მდგომარეობას რა საფრთხე უნდა ემუქრებოდეს? „ფეოდალი“. ეს შურია და იდეურ-პოლიტიკური ჩამორჩენილობა. მე პარტიამ გამზარდა. მე ძირითადი პარტიული კადრი ვარ. დიასი განა ბევრსა აქვს ამდენი წლის პარტიული მუშაობის გამოცდილება? სხვა ვინ გაუძლებდა ამდენ ხანს ნერვიულ, დაძაბულ მუშაობას რაიონში? ალბათ მალე პარტიის ცენტრალურ აპარატში გადამიყვანენ. მე ამის უფლება მოვიპოვე ჩემი უმწიკველთ, თავდაღებული მუშაობით, იქ სწორედ ჩემისთანები არიან საჭირო. მე ვერავინ ვერავითარ ნაკლს ვერ მომიძებნის და ვერ წამომამახებს. პარტიისა და მთავრობის ღონისძიება გავაკრიტიკე როდისმე? ბრძანება არ შევასრულე როდისმე? უფროსებს პატივს არა ვცემდი თუ რა? ჩემ სანიმუშო დისციპლინას ყოველთვის აღნიშნავდნენ. ამის დასამტკიცებლად თუნდა აი, ეს დოკუმენტები...

მან საქალაღდეღან ძველად წარდგენილი მოხსენებითი ბარა-

თების ასლები ამოიღო, გადაათვალიერა და ყველას ერთად ასანთი მოუკიდა, დაიცადა ვიდრე ქაღალდები დაიწვებოდა, ფერფლი ჯერ წაკითხავ გაზეთში ბეჯითად შეახვია და პორტფელში ჩადო. თავი დაიმშვიდა:

„მე ვალდებული ვიყავი სათანადო რეაგირება გამეკეთებინა. მამ არ მიმეწერა სათანადო ინსტანციებში, რომ ჩემს რაიონში პურის დამზადებისა და სხვა საკითხების ირგვლივ რჩეულიშვილი გამოდიოდა მთავრობისა და ხელისუფლების წინააღმდეგ? მე იძულებული ვიყავი გამეგზავნა სათანადო სიგნალი...“ — დაიმშვიდა თავი და კალამი მოიმარჯვა, აჩქარდა მელითაურის ნაკარნახევი და საკუთარი აზრების ქაღალდზე გადატანას:

„...დაახ, ამხანაგი რჩეულიშვილი გმირულად გამოდიოდა მაშინდელი მცდარი კურსის წინააღმდეგ და მე დიდად ვაფასებდი მის პრინციპულობას, გულში მთლიანად ვიზიარებდი მის პოზიციას, მაგრამ როგორც პარტიულ ხელმძღვანელს, არ შემეძლო ამის აშკარად გამჟღავნება. განა ადვილი იყო, პირადი დამოკიდებულების და სიმპათიის მიუხედავად, სიგნალის გაგზავნა? მაგრამ რა მექნა, მე იძულებული ვიყავი. ასე იყო საჭირო... ის მერე, როცა რეალური სიტუაციის მიხედვით შეიცვალა ჩვენი პარტიისა და პოლიტიკის კურსი ამ საკითხში, მაშინ გავიგეთ, რომ პურის საკითხში დამახინჯებებთან გვექონდა საქმე. კინალამ კახეთში ვაზი მთლად ამოვიძიკვეთ, მაგრამ ჩვენ გააზრებულად მივდიოდით რისკზე, ვაით იყო თუ ვაგლახით, ზერების დიდი ნაწილი მაინც გადავარჩინეთ აოხრებას. რჩეულიშვილისადმი ჩემი სოლიდარობა და დამოკიდებულება იმ ფაქტითაც დასტურდება, რომ მიუხედავად რაფიელ ბრეგაძის დიდი წინააღმდეგობისა, მე მას პირდაპირ ხელიდან გამოვტაცე ამხანაგ რჩეულიშვილის ცოლ-შვილი, საუკეთესო სპეციალისტი შეეუნარჩუნე დარიანის რაიონს. რაც შეეხება დანარჩენ ოჯახებს, მე ისეთი წინააღმდეგი ვიყავი, ბოლშისაგან კინალამ ინფარქტი დამემართა, მაგრამ ბრეგაძესთან ვერაფერი გავაწყე, ეს ღონისძიება ბრეგაძის ხაზით ტარდებოდა, სიაც იმისი შედგენილი იყო. მე ისეთი წინააღმდეგი ვიყავი, რომ დამემუქრა, პარტიის ბილეთს დაგატოვებინებო. რაფიელ ბრეგაძის ბოროტმოქმედების გამოსწორება მე მაშინლა შევძელი, როცა ჩვენი რაიონის მილიციის უფროსის სარდიონ მალალაშვილის სეიფში უნარიანად მივაკვლიე ჩვენი ბიჭების ფრონტზე გმირულად დაცემის უწყებებს...“

უწყებებთან დაკავშირებით უცებ გაახსენდა „დარიანის რაიონის გაჯანსაღების“ მიზნით ბრეგაძესთან ერთად შედგენილი „პროექტი“, ციებ-ცხელებიანი სინქარით მოძებნა იგი საქალაქში, საკუთარ ხელმოწერას დააკვირდა და გულგახეთქილმა მოუკიდა ასანთი. მერე საქალაქიდან წერილი ამოაძრო.

ეს ბელორუსიის სოფელ იაბლონკაში დაწერილი წერილი იყო, თბილისის სამხედრო კომისარიატიდან გადმოგზავნილი დარიანში — ის წერილი იყო, გულვარდიშვილი ტრიბუნაზე რომ აფრიალებდა სავსე დარბაზის თვალწინ. ცოლ-ქმარი რომანიუკები და მათი შვილი სერიოგა იწერებოდნენ. მათ არ იცოდნენ, დაბრუნდა ფრონტიდან თუ არა მათი ნაცნობი ზემდეგი ალექსი რჩეულიშვილი, ამიტომ დაწვრილებით გვატყობინებდნენ მის შესახებ ყველაფერს, რაც იცოდნენ, და რაც მოგვიანებით შეეტყოთ დივიზიის კვალდაკვალ მისი ძებნის შედეგად. წერილში ეწერა, რომ ზემდეგი წარდგენილი იყო უმაღლეს ჯილდოზე, მაგრამ კონტრდაზვერვის უსინდისო მაიორ მედედევიტან მომხდარი გაუგებრობის გამო შეფერხდა საქმეთ, მაგრამ იაბლონკაში ზემდეგს მაინც სთვლიან გმირად, თუნდაც ეს არ იყოს ოფიციალურად აღიარებული. იწერებოდნენ, რომ ისინი მოუთმენლად ელიან პასუხს და არ კარგავენ იმედს, პირადად გადაუხადონ მადლობა ზემდეგსო...

გულვარდიშვილმა ამ წერილის დაწვაც დააპირა, მაგრამ უცებ გადაიფიქრა და ასანთი ჩააქრო. „გაგიუდა? კინაღამ ასეთი ძვირფასი დოკუმენტი მოსპო. დეპეშას გაგზავნის ბელორუსიაში, რომ ყოფილი ზემდეგი, ესლა კოლმეურნეობის თავმჯდომარე ალექსი რჩეულიშვილი მივლინებაშია და დაბრუნდება თუ არა, გიპასუხებთო. ამ წერილს და დეპეშის ასლს კი ჩემ მოხსენებით ბარათს დავურთავ და სპეცკომისიას შევატყობინებ, რომ წერილს ბრეგაძემ გაუკეთა კომენტარები და წერილიც უწყებებთან ერთად აღმოვაჩინე მაღალაშვილის სეიფში!“

თავისი მრავალგვერდიანი „მოხსენებითი ბარათი“ გულვარდიშვილმა ასე დაასრულა: „ყველა ზემოთაღნიშნული ფაქტების საფუძველზე, პარტიის დარიანის რაიონული კომიტეტი, რაიონის მმართველებთან ერთად გადაჭრით მოითხოვს უსამართლოდ დასჯილი მაღალიდგური შეგნების ამხანაგის, შრომის ბრწყინვალე ორგანიზატორის და შეუდარებელი სპეციალისტი-მევენახის ალექსი რჩეულიშვილის დაბრუნებას.“



თავისი მასზვილგონიერებით და შორსმიქვერტელობით კმაყოფილი გულვარდიშვილი ბარათის ვადათეთრებას შეუდგა. რას წარმოიდგენდა, რომ ამ დროს იგი საოცრად წააგავდა იმ მაიორ მედვედევს, რომელიმაც მისი თქმით, „ნაწილის მეთაურები იხსნა საუალალო შეცდომისაკენ“. და რას წარმოიდგენდა, რომ მოედნის მოპირდაპირე მხრიდან მელითაური უყურებდა მის ფანჯრებს.

„ჭალი აუნახნახებია, მამ, ღამეჯდარა საწერად. უ-უფ, პროკოფინავ, რად განდეს, როგორ განდეს შენ ეგ კაბინეტი? ან ეგეთი უვიცი და გამოთაყვანებული როგორ ახერხებდი წლების მანძილზე მაგ ადვილის შენარჩუნებას? პოდა, რაკი იმას, ვისაც ევალეზოდა შენი ავ-კარგანობის გარკვევა, აჯამდე ვერ გაარკვიეს, ესლა დარჩანელეები დაგიდგენენ ჭეშმარიტ ღირებულებას, ესენი მოგიძებნიან შესაფერ ადგილსამყოფელს...“ — რამაზმა გამეტებით მოისრისა ცხელი შუბლი, თვალი მოსწყვიტა ფანჯრებს და სწრაფად გაეცალა იქაურობას.

ორიოდე დღის შემდეგ გულვარდიშვილი „პობედით“ მიქროსკოპა ნათესავებისაკენ. გზა კირიანსუე ვადიოდა. პროკოფის ჭირიკიას ეჯავრებოდა იმ დანგრეულ-გალატაკებულ სოფელზე გავლა, იმიტომ ერჭარებოდა ნათესავებისათვის თბილისში ბინის მიღებას, ჯერჯერობით კი რა ჩაბა იყო, ამ გზაზე უნდა ევლო.

უკანასკნელ ღობემონგრეულ სახლს რომ გასცდნენ, კირიანელმა მოფერმა ხელმარცხნივ სერს გახედა, კვამლის ბოლქვები შენიშნა, ცერად გამოხედა გვერდით მჯდომ მდივანს, მოკლეულვ-შიანსი ტუჩი კბილით ჩაიჭირა და გაზს უმატა. მალე იძულებული გახდა მანქანა დაემუხრუჭებინა — წინ გზა ისეთი აყრილი დახვდათ, მანქანით კი არა, ფეხითაც ვერ გაივლიდა კაცი... მანქანიდან გადმოსულმა მოფერმა გზა შორამდე დაათვალიერა, ხელი უიმედოდ ჩაიქნია, საყვირი საგანგაშოდ აასმაურა და ხალხის დასაძახებლად ღობე-ღობე დაიარა.

აღრენილი მდივანი წინა სავარძლიდან უკან გადაჯდა, რაც შეეძლო ღრმად შეიკუჭა. „ისეთი უტიფარი ხალხია, გზაზეც გადაგიდგებიან და თავისი გაუთავებელი თხოვნა-წუწუნით სულს ამოვსლიანო“, — ხშირად შეუჩივლია თავისი შინაკაცებისათვის.

საყვირის ხმაზე ბლომად კაცები გამოვიდნენ გზაზე, თითქოს

სამუშაოს მიანებებს თავიო, ზოგს ბარი, თოხი ან ფოცხი შერჩენო-  
და სელში!

„ერთი შესვლით ეს კირიანი უკაცრიელი გეგონება და უყურე,  
რამდენნი ყოფილან“, — გაუკვირდა პროკოფის, არავის იცნობდა,  
საიღონ მიხვდებოდა, რომ კირიანელების გარდა, იქ ახლომახლო  
სოფლებიდანაც იყო ხალხი მოსული.

ხალხი თავაზიანი სალამ-ქალამით შემოესვია მანქანას.

გულვარდიშვილი იძულებული გახდა ფანჯრის მინა დაეწია და  
თავმდაბლობაც კი გამოეჩინა.

— გამარჯობათ, ამხანაგებო, როგორ გიკითხთ?

— შენი წყალობით რა გაგვიჭირდება?! — მიუგეს დინჯად.

— ამ გზას რა დაემართა?

— აიმ ავდრიანზე ნიღვარმა ჩამორეცხა და მერე ტრაქტორებს-  
მა მოუღეს ბოლო! გვცოდნიყო აქეთ აპირებდით, ღამეს დავათე-  
ნებდით, რაღაცას მოვუსერებდით! — უპასუხეს აქეთ-იქიდან.

— ვიდრე გზა გაიწმინდება, იქნება დასვენება ინებოთ, — შეს-  
თავაზა ერთმა დარბაისელმა გლეხმა.

— ძალიან მეჩქარებოდა...

— მაინც დაცდა მოგიხდებათ, ვიდრე გზა გაიწმინდება.

— დღეობა ხომ არა გაქვთ, ბევრნი შეკრებულხართ! — ღიმილით  
შენიშნა მდივანმა. „დღეს როგორღაც არა ჩანან წუწუნის გუნება-  
ზე“, — გაიფიქრა თან.

— დღეობაზე უკეთესი ამბავი გვაქვს, თუ პატივს დაგვცდებთ და  
წამობრძანდებით, საკუთარი თვალით ინახულებთ!

თავაზით, მშვიდად, გულიანად სთხოვდნენ და მეტი უარის  
თქმაც აღარ შეძლებოდა. მდივანი მანქანიდან გადმოვიდა და ხა-  
ლისიანად მობაასე ხალხით შემოხვეული, სოფლისკენ წავიდა.  
დარწმუნებული იყო, რომ თავისი გაჭირვების საჩვენებლად მიჰ-  
ყავდათ, მაგრამ არა ჯავრობდა. „ზოგი ჭირი მარგებელიაო, — ფიქ-  
რობდა გზადაგზა. — მაჩვენონ. თუ რამე მოხვეს, დახმარებას შევ-  
პირდები, ესლა სწორედ მისწრება იქნება გზის შეკეთებაც რომ  
შევპირდე... — მან ძალის პანამა მოიხადა, ზოგიერთი გლეხივით  
თავზე ბოლოებგამონასკული ცხვირსახოცი დაიფარა და გაზეთის  
მარათს რწევით განაგრძო აუჩქარებელი სვლა.

საუბარში გართულნი შეუმჩნეველად მიადგნენ ერთ პატარა,  
სუფთა და პირიან ნაგებობას.

- ხელმარჯვე მშენებლები გყოლიათ! შივ რა გაქვთ მოწყობილი? - ვითომ ძალიან დაინტერესდა, დარდიმანდულად იკითხა კულვარდიშვილმა.

- ჩამოდექით, კარებში რას ჩამდგარხართ? პირველქბი რომ მიიმტვრევთ თავიორს, არ გინახავთ თუ რა?! - გაუწყრნენ უფროსები შესასვლელში შეგგუფებულ ასალგაზრდებს.

ფართოდ გაღებულ კარს ყველანი ჩამოეცალნენ. ეოდრე შივ შესული გულვარდიშვილი სიბნელეს თვალს შეაჩვევდა, დანარჩენებმა შენობა უცებ დაცალეს და კარი დახურეს.

- დაბრძანდი, უფროსო, მანდ სკამიც არის, ლოგინიც, ლამპაც, დაბრძანდი და მოისვენე, - უთხრეს გარედან და კარი წარაზღეს.

ჯერ გაოგნებულმა, მერე კაასპიტებულმა კულვარდიშვილმა იყვირა და იწვილა, კარს მუშტები და წიხლები დააყირა.

- დამშვიდდი, გეთაყვა, ტყუილებრალოდ გელს სუ იბრუნებ. კარს ჩვენ არ გაგიღებთ, შენ კი ვერაფერს დააკლებ. წამოწექი, დაისვენე. პური და ხახვიც მოგიმარაგეთ, არ გვისაყვედურონ, კაცი შიმშილით მოგვიკალითო, თორემ შენ ჩვენი პურის ნამცეცის ღირსიც არა ხარ.

- გააღეთ ახლავე! მთავრობის შეურაცხყოფისათვის მთელ სოფელს აყვრიანს გააღეთ-მეთქი! გააღეთ, თორემ...

- გეყო ყვირილი, - მკაცრად შეაწყვეტიონეს გარედან, - შავდღეს შენ ისე შეგვაჩვიე, მუქარა აღარ გვაშინებს. დაბრძანდი და დაისვენე.

- რა გინდათ ჩემგან, რა? მითხარით, რა ეინდათ? - სისვა ფანდი სცადა კულვარდიშვილმა.

- რაც აქამდე მივიღეთ შენგან, ისიც გვეყოფა. ესლა ცოტა მონთმინე, შენი მანქანით ქალაქში კაცებს გავგზავნით, უფროსები ჩამობრძანდნენ და თითონა გნახონ, რა დღეში ხარ. მერე შენ იცი და იმათ. როგორც თქვენ შორიგდებით, ჩვენ ყაბულს ვიქნებით, ამაზე კაი სიტყვა რაღა იქნება?

- კოლმეურნეობის თავმჯდომარეს დამიძახეთ! ევ არის თქვენი სინდისი? თქვენი უგუნურობით ღუპავთ იმ კაცს!

- შენ იმის დარდი ნუ შეგაწუსებს, ჩვენ დავუმოწმებთ, რომ ის არაფერ შუაა, მესამე დღეა აღაზანზე ქეიფობს და ამ საქმის ბაიბურშიც არ არის. ესლა დაისვენე, ჩვენ ჩვენ საქმეს უნდა მივსკვლოთ!

ჩართეთ ლაპარაკის ხმა მიწყდა. ჩაპინუმი აღარ იხმოდა. გულ-  
ვარდიშილმა ირწმუნა, რომ პირიანად ნაგებ ბოსელს მართლაც  
ვერაფერს დააკლებდა და ტვინარეული, გატრუნული მიეგდო ტა-  
სტზე. „აი თურმე რა მოუფიქრებიათ? ეს როგორ დამემართა, ამ  
ყანალებს როგორ ვენდე? ნუთუ მართლა ჩამოიყვანენ ვინმეს? არა,  
შაგას ვერ გაბედავენ, განა არ იციან, რა დღე დაადგებათ? პასუ-  
სისმეგებელი პირის გაბიაბრუებას აპატიებენ? ნეტა შოფერმა გან-  
გაში არ ატესოს. შინაურულად უნდა გავათავოთ ეს საქმე. ხუმრო-  
ბად ჩავთვალოთ. მითხრან, რა სჭირდებათ, და ყველაფერს შევუს-  
რულებ... არა, არაფერს არ იფიქრებს, მართლაცდა, გული რად გა-  
დაიბრუნოს, გავიდეს აქედან და აჩვენებს სეირს ამ ველური თვით-  
ნებობისათვის...“

სალხმა ამასობაში მანქანასთან მიაცილა თბილისში გასაგზავ-  
ნად არჩეული კაცები. დანა პირს არ უხსნიდათ. განა თვითონ კი  
უხაროდათ? გასასარი რა ჰქონდათ, თუ, აუტანელმა მდგომარეო-  
ბამ ეს საოცრება ზაადენინათ?

შოფერი საჭეს მიუჯდა. ნაფრონტალი კაცი იყო, ცალი ჭაჭა ამო-  
ქრილი ჰქონდა. გულვარდიშილის გვერდით ჯდომა ჰაი-ჰაი, ბევ-  
რჯერ შეზიზღებია. „თავი ცოცხალი რალად უნდა, საქმე ისე გაი-  
ხადა, ღორივით ბოსელში შეაგდეს, — ფიქრობდა დამმარებული, —  
პასუხს მეც მთმკითხავენ, უნდა დაგეცვა მდივანით, მომკითხონ!  
რჩეულიშილმა თავი საციმბიროდ გაიხადა, მე კი შევშინდე? ცოლ-  
შილს სოფელი მიმიხედავს და ჩემი თავი ამ ხალხის ჭირის სანა-  
ცვლო იყოს!“

აბა, — უკანასკნელად დაიძახეს გამცილებლებლებმა, — მაგრა  
დადექით, ყველაფერზე ერთნაირად უპასუხეთ: „არაფერი ვიცით,  
წამობრძანდით და ადგილზე ნახეთ თქვენი თვალითა-თქო!“

სერზე შემდგარმა მელითაურმა თვალი გააყოლა ქალაქისაკენ  
მიმავალ მანქანას და შვებით ამოიოხრა. მერე დანაკვერჩხლებულ  
ფიჩხს მიწა წააყარა, უკანასკნელად გაიხედა ირმისისაკენ და „ტრე-  
დანას“ მოახტა.

კარგა ხნის ჭენებით დაღლილს, მთა-თუშეთიდან წამოსულ  
ცხვარს შემოსვდა. გახარებულმა მწყემსებმა ფარები დააყენეს და  
ღამის თევა იქვეს. ცეცხლის ირგვლივ შემომხსდარნი, გულისნადე-  
ბის ამოსაღებს ვერ ილევდნენ. რამაზი შიგადაშიგ ძველებურად

„აურევდა“ ხოლმე. დარიანელ რომელიმე „ჩინონიკს“ ისე სასაცილოდ წარმოუდგესდა, რომ მწყემსები საცილისაგან დაოსებულა გორაობდნენ.

გამთენიისას აიშალნენ და დიდხანს, ძალიან დიდხანს აცილებდნენ ერთმანეთს. ასე არასდროს ვასჭირვებიათ განშორება. მწყემსები ესვეწებოდნენ, წამოდი კასპიისპირეთშიო, ზამთარში უჩვენოდ მთაში რა გაგაძლებინებსო, მაგრამ ვერასგზით ვერ დაიყოლიეს.

— გაზაფხულზე რომ დაბრუნდებით, მთაში მე ვიქნები თქვენი მასპინძელიო! — სიცილით არწმუნებდა მწყემსებს.

როგორც იქნა, გაიყარნენ. „ტრედანა“ მოსახვევში გაუჩინდრდა.

სარქალმა, ცალთვალა ფირანამ თავი გააქნია და ისე ნაღვლიანად თქვა, გეგონება, გულმა უგრძნოო, გეგონება, ენამ უყვილაო:

— ნეტა ვიცოდე, ეს ჩვენი რამზა რას მოუტეხია? იმ თოვლიან მთაში რას მიდის? ემანდ არსად გადაიხეხოს დაა...

## თ ა ვ ი მ ე მ ე ს ი ა

ვაჟა კვერენჯაძეს — დარიანის რაიკომის ასალ მდივანს დარია-ნელების გაცნობაზე დრო არ ეკარგება. მათთან ენაც საერთო აქვს და თვითონაც არა ერთი სტრიქონი ჩაუწერია ამბავში, ირმისში რომ იწერება და სოფელ-სოფელ იკინძება. საკუთარი ოჯახივით ნაცნობ სოფლებს უვლის და თანდათან უფრო უკვირს, როგორ მოახერხა იმ „გულვარდმა“, ისე როგორ აიმხედრა ეს პატროსანი, მშრომელი, მრავლად ჭირისმთმენი ხალხი, რომ ის საოცარი, არგავონილი განაჩენი გამოატანინა?!

გულში უკვირს, პირად კი არც თვითონ, არც ხალხი აღარ ახსენებს დარიანის ცხოვრებიდან ამოძირკულ „ფეოდალს.“ ვაჟას სწაღია, ამბავში დაწყებული ახალი თავი ბოლომდე ლამაზად გაიტანოს, მაგრამ მის წადილსა და წადილის შესრულების შუა ჯერ ისევ დგას ბოროტების ჩრდილი.

ძილი უკრთის ვაჟას. ყურში ერთთავად ჩასწივის დარიანელების სათქმელი: „მობვედი შენ, ახალი ხელმძღვანელი. იქნებ ძალიანაც ივარგო, ჩვენ ყველაფერში ხელს დაგახმარებთ, მაგრამ ჩვენი გული კი განზე იქნება, სანამ შენ სიმართლის კვალს არ გაიტან ბოლომდე“.

იცის ვაჟამ. ადვილად მისაბრუნებელ-მოსაბრუნებელი ცული სასდო არ არის, მაგრამ დარიანელების გულის მობრუნებას თუ შესაძლებს, მომავლისაკენ საიმედო თანამგზავრები ეყოლება. მათი გულის მობრუნება კი ძნელია, მის ხელთ არ არის, და ძილი უფრთხის ვაჟას. „ყაყაი“ კი დამშვიდების ნაცვლად, ჭინჭარივით სუსხავს:

— ეს საქმე თუ არ მოაგვარე, შენი რწმენა საიდან ექნებათ? იტყვიან, ძველი და ახალი მდივანი რას გაურჩევია, თუ რჩეულიშვილი როგორც დაგვიკარგეს, ისევ ისე იქნება გადაკარგული!

— რაიკომის მდივანი შენ ყოვლისშემძლე ხომ არა გგონია? — დუღს ვაჟა, უბრაზდება ცოლს: — მე მხოლოდ იმის გამოსწორება შემიძლია, რაც ჩემზეა დამოკიდებული. პურიც ბევრი გვექნება. ცხვარსაც ვამრავლებთ. აბრეშუმიც ბევრი გვინდა. ეთერზეთოვანთა პლანტაციებსაც გავაფართოვებთ. სიმინდსაც მოვიყვანო, ოღონდ ყველამ უნდა იცოდეს, შეიგნოს, რომ ჩვენთვის მთავარი — ვენახებია, რომ კასეთის თვალის და დედოფალის — ვაზია ზვრები უნდა შევიმატოთ, ჯიშები უნდა ვაუმჯობესოთ, მაგისტვის არ დაიცვა ხატულამ დისერტაცია? ბევრი და კარგი მევენახე გვეჭირდება. ალექსი რჩეულიშვილი ყველაზე ძალიან მე მჭირდება, მაგრამ შე ყოვლისშემძლე არა ვარ, გაიგე, არა!

— მაგას, რაც შენა ბრძანე, დარიანელები უშენოდაც კარგად მოუვლიან, მაგით ვის მოხიბლავ? — არა ცხრება მაკა, — სიმართლეს თუ ვერ დაადგენ, ეს ხალხი ცოტას გიყურებს და მერე შენც გამოგიტანს შესაფერის განაჩენს!

— რას შემომინდო, ქალავ? გგონია, რაკი ცუდი ხელმძღვანელი გამოცვალეს, ყველაფერი ერთბაშად მოწესრიგდა? სიბოროტის მოხსნართული საქმე იმდენია, რომ ყველაფრის გასწორებას დრო უნდა, დრო! მოთმინებაა საჭირო, ყველაფერი ერთი შეტერვით არ გამოვა, მე არა ვარ-მეთქი ყოვლისშემძლე, ვერ გაიგე?

— უყვარდათ ვაჟა კვერენჯაძე, „კარგი ბიჭიო“, — მაინც იკბინება ჭინჭარი, — რაიკომის მდივნისთვის ეგ ალარა კმარა, ჩემო კარგო. ვინც ვერ გაიგებს, რით არის ხელმძღვანელი კარგი, ის ბოსელისკენ გზას იმოკლებს, დიას!

— არაფერიც არ გესმის! გეჩიჩინები და ვერ გაგაგებინე, დრო, ცოტა მოთმინებაა საჭირო! გეგონება, მე გულხელდაკრიფილი ვიყო ან არსეინად მძინავს! — გავარდა სახლიდან ვაჟა.

მაკა გულს იოხებს, თორემ განა არ იცის, ყველაზე უკეთ იცის,

როგორა ცდილობს ვაჟა, რომ დააჩქაროს ალექსის დაბრუნება. იცის, მოთმინებაა საჭირო, მაგრამ ხატულასთან შეხვედრა უძძიშა და უხატულობა კი ძალზე აკლია, გულსა სტკენს.

და მოლოდინით, იმედით, შრომით დადენთილი დღეები ვარბიან. ისე ვარბიან დარიანის დღეები, რომ შეუმჩნეველად ილიკა ის ზამთარიც, ხეში წვენი იღვინებს, მალღღება ზვირთი ირმისხვევში...

\* \* \*

...ყაზახეთის შორეულ დასახლებაში კი ირგვლივ დღეები გულსაღევად მიზოზინებენ. ზამთარს ბოლო არ უჩანს. ისევ პყინავს. ქვენა ქარი განუწყვეტილივ ზუზუნებს, უთვალავი თეთრი კალით აყრის და აყრის თოვლს ალიზის ქოხებს, თავბრუდამხვევად ატრიალებს თიხსავ მხარეს შემომდგარ, აუტანლად გადათეთრებულ ტრამალებს.

მოლოდინი აქ ხასიათის წრთობად იქცა.

ილეტაქსას ქოხში გათენებამდე ანთია შუქი. ბერძნული, ქართული, ყაზახური, რუსული წიგნები, სამედიცინო, ტექნიკური და მსატვრული ლიტერატურა, პომეროსი, ვერგილიუსი, სოფოკლე, დანტე ცდილობენ გაუთავებელი ღამეების შემოკლებას, მაგრამ რა უმადურია ადამიანი აზროვნების გიგანტებს ირმისეულ ბეატრიჩეზე ფიქრი ჩრდილავს, და წვა-დაგვით ნაშოვნ ფოლიანტებს სძლევენ მელნიოთ მოთხუნული, წერტილ-მძიმეებთან დაუმზრახებული პატარა ნატოს წერილები.

ოო, ძია კოსტას ძალიან-ძალიან ენატრება პატარა ნატალი. ილეტაქსას უკვე აქვს საბჭოთა პასპორტი და ქალბატონ ნატალის ნებართვაც ირმისში ჩამოსვლაზე, მაგრამ... კოსტა ილეტაქსა — ირმისში, ალექსი რჩეულიშვილი — ყაზახეთში?! ეს ნამდვილი პარადოქსია, და კოსტას არ უნდა პარადოქსები. რა დააძინებს მას ირმისში, თუ ყაზახეთში უძალიობა სტანჯავს მის მეგობარს?! მოთმინება, კამარად, მოთმინება! შენ ხელს არ გიშლიან ტყუპი ცნობისმოყვარე ბიჭები პატიკო-ზურიკო, იჯექი ოლიმპზე და ესაუბრე შენს ღმერთებს!

ილეტაქსას მეზობელ ქოხში თითქმის მუდამ ბნელა. თითქმის არაფერს აღარ ძალუძს დაამშვიდოს პროტესტით გადაღლილი კუ-

ჩამქრალ ბუხართან ზის ალექსი და საკვამურში ღმუის, ზუზუ-  
ნებს, სკლუკუნებს ქარი.

ჰო, რა თქმა უნდა, მოლოდინის ატანას პოეზიაც შევლის, ალი-  
ზის აგურების კეთებაც, ჟანგიანი ნაწილებისაგან მანქანების შეკო-  
წიწებაც, ახალშენი ვაზის მოვლაც, ყინვაგამძლე ჯიშის გამოყვანაც,  
ქარდამჭერი ჯუბირების აგებაც, ბამბის თოხნაც, კრეფაც, მაგრამ...

მაგრამ ვინ ასხნის, რად გაჩენილა ადამიანი აგრე, თავის მშობ-  
ლიურ მიწაზე ამოსული პაწაწინა სამყურა რად ურჩევნია უცხო მსა-  
რეში გაშლილ ყვავილნარს? რა ჯადო აქვს იმ უმწყო სამყურას,  
რომ კაცის გულს ჯაჭვივით დააბამს მშობლიურ მიწაზე და გაწყვე-  
ტილი ჯაჭვის ბოლოები გულისფიცარს ურტყამენ, ურტყამენ, ურ-  
ტყამენ, არცა ჰკლავენ კაცს, აღარც არჩენენ...

ჰო, კარგია, ეს უსაზღვრო ცაც და უსაზღვრო ტრამალებიც უსას-  
რულობას რომ გაზიარებენ. კარგია, ყაზახები გულით რომ მოეჭიდ-  
ნენ მევენახეობას, კარგია, მაგჟანის სალიმამ ნატუკას გამოგზავნი-  
ლი „დედა ენა“ რომ დაიზუბირა და ირმისში სტუმრობას აპირებს,  
ძალზე კარგია, შენს კალთაში რომ მიიძინებს ამ ტრამალებში და-  
ბადებული შენი ძმისწული, და რა მოსთვლის, რამდენი რამ აამებს  
კაცს უცხო მსარეშიც, მაგრამ...

თუ გაწყვეტილი ჯაჭვის რგოლი შორს დარჩა სადმე მთის ქარგა-  
ში, ან ნამეხარი მუხის ძირას, ან თეთრ ტაძართან, ან ხევისპირას, ან  
ნაბაღზე, ან მოსუც სანდრა-პაპას ნატერფალზე—იმ შორს ჩარჩენილ  
რგოლს ვერაფერი სცვლის და გაწყვეტილი ჯაჭვის ბოლოები ურო-  
სავით ურტყამენ გულისფიცარს...

„...ოლეგ, შემჯავრდა თავი, გოდებას რომ ველარ ვიკავებ. მაგ-  
რამ გაწვრილდა, გაწყვეტაზეა მოთმინების ძაფი. წრთობა აღარა  
მშველის და ამ ყიამათ ზამთარში გიხმე. ეგებ ეს იმის ბრალია, რომ  
ქარი მშიერი მგლების სროვასავით ღმუის და ღმუის; ეგებ იმისი,  
რომ თოვლმა „ყვავილოვანი“ დაკარგული სამარხის ყორღანს დაამ-  
სგავსა, და აქა-იქ აჩენილი ბოლი ცოცსლად დამარხულთა სუნთქვად  
მეჩვენება. ეგებ იმის ბრალიც არის, რომ თოვლიან ტრამალებში  
აღარ გათავდა თეთრი კუდიანების ფერსული... წარამარა მისდება  
შენი სიტყვების გამეორება: „მაგრად იყავი, ალექსი, ირმისის იქით  
შენ არსად მიწა არ მიგიღებსო!“ ვიმეორებ, და აღარც ეგა მშველის.  
მელევა ის ძალა, ირმისისათვის რომ მინასავდა, ძალა, რომელზეც  
შენ ამბობდი, „ყოფიერების სისარულით არის შობილიო“. მართა-



ლი იყავი, ოლეგ, უსიხარულოდ მე ერთი წუთიც არ მიცოცხლია, ის ჩემში იყო, ჩემთან განუყრელი იყო, ის მინახავდა, და იმიტომ ვერ მერეოდა ვერც ხიფათი, ვერც ტყვია, ვერც დარდი და უსამართლობა. ესლა კი... წამერთვა, დამეკარგა ის ძალა, და ველარ მიპოვნია, მისი პოვნის იმედიც მეკარგება, გესმის?..<sup>9</sup>

ვიდაცა დაეჭიდა გარეთა კარს, გახსნა და შიდა კარი შემოადო. ქარი შლეგიანივით მოაწყდა ოთახს, თოვლის ბელტები შემოყარა, მაგრამ სწრაფად მიხურულ კარსუკან დარჩენილი, ღმუილით გაქანდა საითკენლაც.

ლევანი იყო. ალექსი მოიღუშა.

— ბნელში რათა ზიხარ?

— ჩამბინებია.

— ცეცხლიც ჩამქრალა, ოთახი საყინულეა, ვერა გრძნობ?

— ჩამბინებია-მეთქი.

სარკმლის შუშებზე სქლად დადებული ჭირხლის ანარეკლი თეთრ ლაქენად ეყარა ისტაკზე დაგებულ ჭილოფზე.

ალექსი არ ჩქარობდა შუქის ანთებას. ლევანიც აუჩქარებლად ახვავებდა ბუხარში წივას და ბულულებს. ორივესათვის საჭირო იყო ის ჩაბნელებული და უჩუმარი წუთი.

ლევანმა გაადგოვა ჩაფერფლილი ცეცხლი და ალექსიმაც ჩართო შუქი. ძმის მოსვლა ახლა გაუკვირდა. ის ბამბის მეურნეობაში თუ არ იყო წასული, შინიდან არ გამოდიოდა, თითქოს თავისი ცოლ-შვილის მეტი არავინ ახსოვდა. ალექსის ისიც გაუკვირდა, რომ ლევანის დაწმენდილსა და დამშვიდებულ, ვაჟკაცურ სილამაზეს როგორღაც არ ეთანხმებოდა თვალების მოუხვენარი ციალი. ეგონა, ნასკამიას.

— ია როგორ არაი!?

— ჟინიანობს. ლიზა ამბობს, ძია ალექსი მოენატრაო.

— ბაღლებს სწვევიათ უცნაურობა.

ლაპარაკი გაწყდა.

— კეთილ საათს შემოვდგი ფეხი ირმისში... — დაილაპარაკა მერე ლევანმა. — დიდხანს არ მეჯერებოდა, იცი? დილით თვალის გახედა მეშინოდა, მეგონა, სიხმარივით გაქრებოდა ყველაფერი. შენ იცი, რა იყო ის „ყველაფერი“, მაგრამ არ იცი, რომ მთავარი შენი იყავი...

ალექსი თავდახრილი იჯდა. ლევანმა არ იცოდა, ძმა უსმენდა თუ არა, მაგრამ ასე ერჩია, სათქმელი უადვილდებოდა.

— შეიდი წლისა დაგშორდი. ჩვენი ძმობის შუა მძიმე წლები ჩადგენ. ზოგს ერთმანეთის სახელიც კი დაავიწყდებოდა, მე კი სულ მენატრებოდი. ბოლოს მაინც მოგაკითხე. გახსოვს, როგორი მოვედი შენთან?..

ლევანმა წივა აჩეჩა, ცეცხლს გზა მისცა და მერე განაგრძო:

— იცი, შენთან რამ მომიყვანა? რაც მე თითონ მახსოვდა შენზე, იმას მამაჩემისგან გაგონილი თითო-ოროლა სიტყვა, დედაჩემის ნა-ამბობი და ჩემი მოგონილიც მივუმატე და ჩემებურად წარმოგიდგინე. არ მახსოვს, როგორი წარმოგიდგინე. ალბათ ჩემს უზღაპრო ბავშვობას სჭირდებოდა და შენ გამიხსდი ზღაპარიც, გასართობიც, მესაიდუმლაც. ის გამოგონილი ძმა ჩემთან ერთად იზრდებოდა, მერე ყველგან დამყვებოდა, ყველგან, გესმის?

ალექსის მოეჩვენა, რომ ლევანს ხმა გაეებზარა. „ყველგანო, ალბათ უნდა ეთქვა: ტყვეობაშიცო“, — გაეფიქრა და თავის თავისა გაუკვირდა: ლევანის მოსვლაც, მისი ხმაც, ლაპარაკიც, თვალების შემადღონებელი ციალიც აბეზრებდა, მხოლოდ აბეზრებდა, მეტი არაფერი!

ლევანმა თითქოს შეატყო და აჩქარებით განაგრძო:

— ირმისში ჩამოსვლას იმიტომ ვაჭიანურებდი, რომ მეშინოდა — ყოველთვის კარგს ველოდი და ცუდი მხვდებოდა... ბოლოს ძალიან რომ ვაუმწარდი, მაშინ კი ვთქვი, ამისი რჯულიც არ იყოს, ამ მოგონილ ძმას რაღას ვუფრთხილდები, ბარემ ამ ბოღვასაც დაველწევი და რაც იქნება იქნება-მეთქი. მაშინ მოგნახე. და პირიქით მოხდა... რაც მთელი სიცოცხლე მაკლდა, ის დამხვდა, რაც მენატრებოდა, ერთიათასად მეტი ვიპოვნე. მართლა ასე იყო, იცი? მართლა. სასაცილოა?

— ზღაპარი სასაცილო უნდა იყოს.

— არა! არ მინდა სასაცილო იყოს, არ მინდა ირმისში ჩამოსვლა მანანებინო!

— მე რა ვქნა? რაც მაბადია, იმაზე მეტი საიდან ავილო? მეც ერთი უბრალო კაცი ვარ, ხან სხვაზე უკეთესი, ხან უარესი, ზოგჯერ სხვაზე ამტანი, ზოგჯერ ყველაზე სუსტი და სულმოკლე... — თავაუღებლად, უგრძობელი სმით წაილაპარაკა ალექსიმ.

— მე რაც შენში ღაცინახე, იმაში მეტნაკლებობის საწყაო ჯერ

არავის მოუგონია. მართლმე რომ დამენახე ისეთი, როგორც გნახე, ვიტყვოდი, ძმობის სასხლი თავისას იძახის-მეთქი, მაგრამ მე ისეთი გნახე, როგორსაც ქვეყანა გიცნობს... პატარა ბიჭმა მამას რომ უთხარი „ვერ წამოვალ“ — აი ისეთს. მაშ იმ დღიდან ხომ არ ატყუებდი ქვეყანას?

თვალები, ხმა და მთელი არსება გამონხატავდა ლევანის საოცარ ღელვას. თუმცა ის ისე იკავებდა თავს, თითქოს ხელში სასწორი ეჭირა და მცირე მოძრაობას, სუნთქვასაც კი შეეძლო მისი გამრუდება. შინაგანად ერთიანად დაძაბულმა, თღნავ გასაგონად თქვა:

— არ მინდა ირმისში ჩამოსვლა მანანებინო, არ მინდა მოტყუებული დავრჩე, გესმის?

კიდევ რაღაცა უნდოდა ეთქვა, მაგრამ ალექსი ისე წამოდგა, თითქოს ხმის ამოღება აუკრძალაო.

— ჰო, გატყუებდით! გვიან მიმხვდარხართ, რომ გატყუებდით! მე მაგ სულელური ტყუილით დავტანჯე ცოლიც და შვილიც, ამოდენა ხალხიც და შენც! ჭკუა არ მეყო, დროზე ვერ მომეფიქრა მეც მყოფნოდა ის ვაზი, რაც ლოზუნგებს გადაურჩებოდა, მეც დავჯერებულყავი იმ ცხვარს, რაც ავდარს გადაიტანდა. რა მესაქმებოდა მე იმ იაბლონკასთან? ჭკუა არ მეყო მემამებინა რაფიელა და მედნედევებისათვის, დავძმობილებულიყავი ჯიბოსთანა ქვემძრომებსა და ჭილყავებს, თითო ლუკმა მიმეგდო ყველა ძაღლი-მამაძაღლისათვის. ამ უტვინო ტყუილებისათვის დასჯამაც ვერ მომიყვანა ჭკუაზე. აქ, ყაზახეთშიც ტყუილით ჩავითრიეთ საქმეში, დავტანჯეთ ვაზის გაშენებით, გატყუებდით, მე არ მინდოდა ირმისში წასვლა და შეგაცდინეთ, რომ არ გესარგებლათ ამნისტიით. ჰო, დიახ, ბაღღობიდანვე ტყუილში იყო ჩემი სიხარული, ეგრეც ვიცხოვრე ირგვლივ ყველას მოტყუებით, და ეხლა რომ ვეღარ გატყუებთ, იმიტომ წაპმწარდა სიბარული, გაიგე?

ფრთამოტეხილი არწივის მრისხანე ყაშიყაში ესმოდა ლევანს. ნანატრ მხარეს დახრილ სასწორს უშვა ხელი და ღრმად ამოისუნთქა.

უცებ გონსმოსულმა ალექსიმ ძმის უცნაური გაღიმება შენიშნა და თითქოს წყალი გადაასხესო, სახე უცებ ცივი, და ხმაც ძალზე ყრუ გაუხდა.

— აბა მე რით გიშველო? ეგ რაღაცა ზღაპარი მოგიგონია, ბოლოც თითონ მოაბი, როგორც გინდა, ისეთი. და წადი, ცოლ-შვილს მიხედე, ზღაპრები იას უამბე.

— ვუამბობ, შენმა სიცოცხლემ! ვუამბობ გონჯაურაზე, ომის ცეცხლში რომ ვერ დაიწვა, უკაცურ კაცთა გულნამცეცობამ ვერ დაანელა, ძნელმისაწვდომზე გახიზნულ მის ოცნებას ფრთები ვერ მოსტეხა; ვუამბობ, როგორა ცდილობდა ბოროტება ჯვარზე გაეკრა ადამიანი, და ის ადამიანი კი, თავისი ტანჯვის, წამების, თუნდ სიცოცხლის ფასადაც — ბოროტებას აკრავდა იმ ჯვარზე...

\* \* \*

მარტოდ დარჩენილმა ალექსიმ დიდხანს იარა ოთახში. ნაბიჯიც არეული ჰქონდა, ფიქრიც.

— ძმა ჰქვია! სასაკლავოზე მითრეული მოზვერვივით ვირქინები და იმისთვის ეს ზღაპარია. სულელი. ზღაპრის სათქმელად რომ მოდიოდა, რა ეგონა? ვინმეს რამე შევჩივლე თუ რა? ჩემს ოთახში მე რასაც მინდა, იმას ვიფიქრებ, აღარც ამის უფლება მაქვს? ვინ ეკითხება, ჩემს ფიქრებს დაუდარაჯდით? სულელი. მე ჩემს გაჩენას ვწყევლი, ის კი „ირმისში ჩამოსვლა არ მანანებინოთ!“

უცებ მოტრიალდა, თექის ჩექმებში ჩადგა ფეხი, ჯუბაჩაზე ბრეზენტის ლაბადა შემოიცვა და ზედ ქამარი შემოიჭირა, ყურებიანი ქუდი ჩამოიფხატა, ხელჯაგები წამოიცვა და გარეთ გავარდა.

სიცილ-ხარხარით ეკვეთა ქარი, თოვლის ნემსები შეაყარა თვალელებში, ცსვირ-პირში, თოვლის ზვინი აუგორა ფეხქვეშ, კინალამ კალთები წააგლიჯა, მაგრამ ალექსიმ ქამარი გაიჭირა, ქუდი უფრო ჩამოიფხატა და წავიდა.

უკიდევანო თეთრ სიბრტყეზე მეჭეჭებივით ეყარა, რაც კი მიწის პირს იყო აცილებული.

„იქ ხეში წვენი იქნება ჩამდგარი. ირმისხევში ზვირთს ააქაფებ-და მთაში დამდნარი თოვლი...“

ნამქერში მიიკვლევედა გზას.

„მალე აქაც დათბება. იმიტომ იღრინება თებერვალი. სიასპიტე რას გიშველის, მაინც შეადნები უცებ გაცხარებულ მზეს... არ გეგონოს, მე მართლა ავწუწუნდი უთავშავო დიაცივით. უყურე, რა ლამაზ და თბილ ქურქშია შეფუთნული ჩვენი აკაცია. ყურადღებას ნუ მიაქცევ გახელებული კაცის ბოდვას. შეხედე, რა ლამაზად ათოვს ჩვენს ყვავილოვანს, როგორ აცეკვებს ქარაშოტი თეთრ ტრამალებს, მართლაც ჰგავს კუდიანების ფერხულს, სხვაგან სად ნახავ ასეთ სილამაზეს? სულელია ჩემი ძმა...“

აკაციიდან გამობრუნებული, ისევ ნამქერში მიიკვლევდა გზას.

„ნეტა რას ანჩხლობს ქარი, ტყუილად რას ესეთქება ამ კედლებს, ხომ არ ჰგონია, სადღეხვალისოდ არი ნაგები? ჭკუა ჭკუას რომ ემატება, საქმე ყოველთვის მოგებულია. ირმისელებმა ვერ მოვიფიქრეთ, ყაზახებმა თქვეს, „იზარდონ ალვის ხეებმა, მაგრამ ალიზის აგური უსასყიდლოდ გვაქვს, მოდით ვენახებს კედელი დაუყენოთ ქარის წინააღმდეგ“. ოჰ, რა სანახავი იქნება აქაურობა ოდნავ რომ გამოთბება მწვანე ვენახი და ირგვლივ ყვავილებიანი კედელი. ლითმა ბოგუჩაროვი იტყოდა „ზორბააო“ ჩემი სულელი ძმა კი ამბობს...“

შეუჩერებლად მიიკვლევდა გზას ნამქერში.

„ხედავ, ეს ჩვენი საცდელი ნაკვეთია. საცოდავი ნერგები. მეგონა იტყოდნენ, რა გულქვა ყოფილა ეს გონჯაურა, მიწის ზემოთ დაგვტოვა, არ იფიქრა, რომ შეგვცივა, გავიყინებითო. მაგრამ ზოგი კაცივით კი არ აწუწუნდნენ, ვაჟაკურად აიტანეს სიძნელე. ვიდრე თოვლი არ იყო და ხმელად ჰყინავდა, ვუბოლეთ და ვუბოლეთ ამ ჯიშდალოცვილებს, შერე თოვლი მოვიდა, საბნად დაედო. ესლა აღარა სცივათ. მალე მზეც გაუღიმებთ. აბა რა, თუ წრთობაა, წრთობა იყოს, ესენიც უნდა შეეჩვიონ აქაური ზამთრის ატანას! მე აქამდე არ ვიცოდი, ჩემ სულელ ძმას ზღაპრებიც რომ ჰყვარებია...“

გამობრუნდა. ნამქერში ძლივს პოულობდა თავის ნაკვალევს.

„ჩვენ ისევ გამარჯვების დღეს შევხვდებით ერთმანეთს, როცა ირგვლივ მაისობა იქნება. გახსოვს ჩვენი შეთანხმება? თუ ამ მაისობასაც აქა ვხვდებით, სანდრა და ხატულაც აქ იქნებიან. და მე მეყოფა ეს სიხარული, არა? იმ სულელ ლევანს კი რაღაცა ზღაპრები მოუგონია...“

ქარისაგან სახეამწვარი, ხელფხვდამზრალი, გამჭვალული და ერთიანად გათოშილი ბრუნდებოდა, ქარი უხიაკი მასპინძელივით ხან ზურგში უთხლაშუნებდა, ხან ლაქუცით უვლიდა გარს, ხან ავა-ზაკივით ესხმოდა თავს და კივილით ახტებოდა ზედ.

„საცაა სანდრა-ჰაჰას დარგული ნაძვი გამოჩნდება. საკვამურიდან შორეული ცეცხლის შთაშომავალი ნაპერწკლები აიშლებიან ჰაერში. ჩაიდანნი ადულდება, გონჯაურა ცხელ-ცხელ ჩაის დალევს და ენძელები გაიღიმებენ, და ვიღაცა ბიჭი დაიძახებს: მამი-ი!..“

თოვლით მოიხეხა სახე და შინ შევიდა.

„ჰოდა, კარგია ბუხარი რომ ჩამქრალა, რა დროს ჩაია? ლოგინში

გათბება, ორი საბნის ქვეშ. ეს ირმისიდან გამოგზავნილია, ეს კი ნატალიამ აქ შემოიკერა. აქ ბამბაც ბევრია და ჭრელი ჩითიც, ნატალიამ ყველას შეუკერა საბანი. ჩემს ლურჯთვალებს ძმისწულსაც ნატალიას შეკერილი საბანი ჰხურავს. კოსტა ილეთაქსასაც. კოსტას საბანი ყველაზე ჭრელია. სასიძოს ყველაზე ჭრელი ეკუთვნის, აბა რა? ზორბაა, არა? თავი დამანებე, ლიოშკა, დამანებე თავი, ზემდეგს სცივა და ეძინება, აცალე გათბეს და გამოიძინოს...“

...ალბათ კარგა ხანი გამოსდა, ალექსი გათბა, დაისვენა, გამოიძინა. ახლა რასაც ხედავს სიზმარს არა ჰგავს: ოთახში სინათლეა. ბუხარში ცეცხლი ანთია. მაგიდაზე სამოვარი თუხთუხებს. ქალი, უწინ რომ კოლმეურნეობის მოანგარიშე იყო და „სანდრას იავნანა“, და ხატულას „შინაბერა“, ესლა კი ლურჯთვალება იას დედაა — ჭიქებში ისეთ კარგ ჩაის ასხამს, რომ ალექსის სწვდება მისი სურნელება. ალექსის წელან ლიოშა ბოგურაროვი ელანდებოდა, ესლა კი მაგჟან ტასანბაევი ეჩვენება. ადამიანს შეიძლება მოეჩვენოს პატარა, ცეცხლისფერი სეხნია ბიჭი, მაგრამ არ შეიძლება მოჩვენება იყოს ღიპიანი, ჩიბუხს აბოლებდეს და წვრილი ხმით ვილაცას ეკამათებოდეს...

აჰ არა, ეს ყველაფერი ცხადად ხდება! ოთახი სავსეა ხალხით, და ის ხალხი ჩაის სვამს, იცინის, კამათობს...

— ჰა? — თოფნაკრავივით წამოიჭრა ტახტიდან ალექსი.

— ჰო!.. ჰო!.. — რაღაცა დაუდასტურა მაგჟანმა და პატარა ქალადი გაუწოდა.

სტრიქონებს აურზაური აუტყდათ, ალექსიმ ვერაფერი ვერ წაიკითხა, მაგრამ წაუკითხავადაც მიხვდა. წელანვე მიხვდა. სისხლისაგან თითქოს მთლად დაცლილი, გათეთრებული სახე ანთებული კელაპტრებივით გაუნათეს საფარის კიდეს მომდგარმა თვალებმა.

„ესლა მართლად ვიცი, „გონჯაურა“ ძალიან-ძალიან დიდი სიხარული არი!“ — გუნებაში მიულოცა თავის თავს კოსტა ილეთაქსამ.

„დაილოცოს ირმისში ჩემი მოსვლის საათი“, — გაეფიქრა ლევანს.

„რა ვიქნებოდი დღეს, იმ დილას ნატაძრის ბაღში რომ არ შემსწრებოდა ალექსი?!“ — ააღელვა გაბო გაელევებულმა ფიქრმა.

„ხატულა, რა ბედნიერები ვართ მე და შენ!“ — კინალამ იყვირა ჯაფარაანთ ლიზამ.

„ვიცოდი, ასე იქნებოდა!“ — წაიჩურჩულა თენგიზი.

„იოი...“ — გაბმით ჩაიძახა გულში მაგჟანმა და ჩიბუხი განზე გასწია, ბოლი უშლიდა ალექსის სახის ყურებას.

— რამ გაგაჩუმათ? — იკითხა ალექსიმ. სითეთრემ გადაუარა და ახლა ღიმილის ნათელი მოეფინა ნაიარევ, უდაბნოს ნაკვალევ, მზით დამწვარ და ყინვით ატრუსულ სახეს. — მაგჟან, ხომ არ გეწყინა ამ ქალაქის მიღება?

— მე უქალაქოდ გიცანი, — მიუგო გრძნობამორეულმა მაგჟანმა.

— ეგ კარგი ქალაქი მაინც საჭირო იყო, — თქვა თენგიზი.

— ეგ პატარა ქალაქი ჩვენი ყველას დღეობა არი — გამოაცხადე კოსტა ილეტაქსამ.

— ჩვენი დღეობა — ქალაქები კი არა, სიმაღლის გამარჯვებაა, სინდის-ნამუსის დღეობა, — თქვა ლევანმა.

— აი ეგ სწორეა! — დაუდასტურა მაგჟანმა, — ქალაქი მტერსაც და მოყვარესაც ერთნაირად იტანს. თქვენი კომენდანტი მთელი დღე ქალაქებს სწერს თქვენზეც, ჩემზეც, ყველაზე და თან ყვირის: გაუმარჯოს კომუნიზმს!

— ვინც ყვირის, ის არ მოვა ჩვენს დღეობაში — დაადგინა კოსტა ილეტაქსამ.

— მე შენ დღეობას მაშინ გაგიმართავ, როცა ახალი საავადმყოფო გაიხსნება, — უთხრა მას ტასანბაევმა.

— შენ გიჟი ბრძანდები, ამხანაგო მაგჟან! — აღშფოთდა კოსტა, მაგისტრინ კიდე ერთი თვე უნდა, მე ალექსის ველოდე, ირმისში ერთად წავიდეთ უნდა, მე თუ მოკვდი, საავადმყოფო არ გაიღება?

— იოი!.. — აღშფოთდა მაგჟანიც, — შენ დღეობაზე გეჩქარება და თუ ხალხის საქმე მოითხოვს, ერთ თვეც არ გინდა დაიცადო? შენ კამარადი კი არა, შაითანი ხარ, ვფიცავ ალაჰს!

— ჰოპლა! შენ ალაჰი და შაითანი ერთად დასვი? — შესძახა კოსტამ, — მე ვფიქრობ, ეგ უკვე არი დიდი-დიდი დღეობა!

ყველას სიცილი აუტყდა, მაგჟანმა კი რატომღაც უსერხულობა იგრძნო.

— იცინით? თქვენ იცინით და მე... — გაბმით თქვა მან.

— მიგიხვდი, — ნიშნის მოგებით უთხრა თენგომ, — ჩვენ ალექსი-ზე ნაკლები მევენახეები გგონივართ?

— არა, მე ეგ არა მგონია, მაგრამ... თქვენ ალექსის უცდიდით, ესლა ყველანი წახვალთ, ჩვენ კი ახალი ვენახების გაშენება დავაპირეთ, — ისე ამოიოხრა მაგჟანმა, რომ კვლავ სიცილი ატყდა.

— პოდა, მე მიგიხვდი საგონებელს! შერედა, ვინ მოგასსენა, ყველანი წავალთ? — უთხრა თენგომ. — აღებულ ვალდებულებას შესრულება არ უნდა? მე პირობა დავდე აქაურ ახალგაზრდებს რთველიც ჩავატარებინო, ღვინის დაყენებაც ვასწავლო. რათა გგონია, ჩემ სიტყვას უპატრონოდ დავაგდებ?

— თენგოს ეტყობა დაავიწყდა, ეგ ვალდებულება მე და მაგან ერთად ვიკისრეთ, — თქვა ლევანმა.

— მე კი ადრევე ვაპირებდი წასვლას, მაგრამ რა ვქნა, ამ ბიჭებს ვერ გავეყრები, ერთად წავალთ! — გაიცინა გაბო ნაცვლიშვილმა.

მიხვდა ალექსი, მეგობრები მას უადვილებდნენ წასვლას. უადვილებდნენ გულით და სულით და ღიმილით. მადლობა? მადლობის გამოხატვა არ შეეძლო. სიყვარულმა ატკინა გული. და ჩუმად თქვა:

— მაგჟან, განა მე კი შორს მივდივარ? ჩემი მეორე სამშობლო და კერა ამას იქით აქ მეგულება, შენტან...

— იოი! — სასაცილოდ გაასაცხავა ხელები ტასანბაევმა, — მე თავიდანვე დავინახე, ირმისელები ყველანი მაგარი შაითანები ხართ! ესლა ჩემთან წავიდეთ. ალექსის ძალიან უყვარს კუმისი და ახალთასალი კუმისით გაგიმასპინძლებით, წავედით! ღიზა-ხანუმ, წამობრძანდით!..

## და ბოლო თავი

ირმისხვეთან ბინდი წამოეწია.

მანქანა მიატოვა და მსუბუქი ხელბარგით წამოვიდა სოფლისკენ. როგორც ოდესღაც, რომელიღაც გარდასულ ცხოვრებაში, ნაომარი რომ ბრუნდებოდა. აუჩქარებლად შედიოდა თავის სამყაროში, ნელ-ნელა ეჩვეოდა დაბრუნებას.

ფიქრობდა რამეს?

არა.

შუახიდზე შეისვენა. „მაგალობელი შაშვივით ბიჭი-მალხაზის



მამის ვაკეთებულა ეს ლამაზი ჩუქურთმა", — კი არ გაიფიქრა, თითებმა შეიგრძნეს ხელოსნის მარჯვენის სითბო, ხიდის მოაჯირს რომ შეენახა.

„მართლაც აქაფებულა ირმისხევი“, — არც ეს გააფიქრებია, მისი ღიმილი შეეგება მთიდან ბევრჯერ ერთად ნამგზავრ, ნაცნობ ზვირთს.

„აი ნარიყალიც“. — ისევ არ იყო ფიქრი, თვალმა შენიშნა — ყორეს ერთი ქვაც არ დაჰკლებია. ატირებულა ვაზი, დაზრდილან ხეხილები...“

ბინდი ჩამუქდა.

გალმა-გამოღმა შუქის წერტილები აკიაფდნენ. ფიქრზე უმალ თვალი რბის სახლიდან სახლზე, იცის ახლა სად გაიკრთომებს მუქ-მფინარი ციციანათელა.

რა მკვეთრად დაიღანდა ფერდობიც და მუხაც! ყურს ხვდება ძველი წისქვილის სარეკელას რაკარუკი. ახალი საბჯენები უყენია დაფერდებულ კედლებს. და უცინის თავით ფეხამდე ფქვილით შეთეთრებული ტიტკო: „ეჰეი, გონჯაურავ, შენ შეგინახა ხალხმა ეს წისქვილი, იმას უყვარსო!“

სსუ, არაეინ გაიგონოს მისი გულის ძახილი, არაეინ დაინახოს. ჯერ ლაპარაკი არ შეუძლია. ჯერ გულს არ მოუძებნია თავისი ადგილი. აი, ამ ტირიფთან დაისვენებს. ქოლგის წკირებივით ჩამოზრდია დახრილი ტოტები. ამ ტირიფთან იყრიან თავს ირმისხევიდან ამოსული გოგო-ბიჭები. ცხელ ქვიშაზე გორაობა უყვარს სანდრას... და ხსენებაზე, ცისქვეშეთი უცებ გაჭედა ძახილმა:

— მამი-ი!..

— მამი-ი!..

„პირგამტეხი ყოფილა ის შოფერი“, — მოასწრო, მიხვდა ალექსი და მკერდთან იგრძნო სანდრას აფართხალებული გული. უსირცხვილოდ მოვარდნილმა ცრემლმა დაუნამა ბიჭს ქარვისა და წაბლის ფერით შეზავებული ქოჩორი...

მერე კი, თვალებს აფარებული ბადე დაიხია, და დაინახა: მოდის ირმისი ირმისხევთან. მოდის ირმისი მრავალხმიანი ძახილით:

— მშვიდობა შენს დაბრუნებას, ალექსი ალექსი ალექსი!..

ახალი სახლი კარგია. ლამაზი, მზიანი, აივნიდან მოჩანს შორეული მთების ქარგა, გათენება, ალაზნის ველი, თეთრი ალავერდი.

ახალი სახლი ძალიან კარგია. ლამაზი, მაღალჭერიანი, ხალვათი. აქეთ ფანჯრიდან მოჩანს კენტად ნაზარდი, ტოტებგაფარჩხული ნაძვი და სანდრა-პაპისეული ქოხი.

ახალი სახლი ძალიან-ძალიან კარგია. მაღალჭერიანი, წითელკრამიტისანი. ეზოდან მოჩანს მშვიდობის ქუჩა და დოდანთ უბანი.

და ახალ სახლში არ ილევა წამსვლელ-მომსვლელი, მეზობელი, მეგობარი, თანასოფლელი, სხვასოფლელი, კაცი, ქალი, დიდი, პატარა, ნაცნობი და უცნობიც კი.

სანდრას არაეინ ეუბნება, სკოლაში რატომ არ დადიხარო, დროზე რატომ არ იძინებო. გაზრდილა ბიჭი, მაგრამ ისევ ისეთი მგრძნობიარეა, ძნელად მშვიდდება. მისმა გონებამ ჯერ ვერ ირწმუნა, რომ მამას აღარაეინ წაართმევს, მამა ახლა კი განუყრელად იქნება მასთან. მისი თვალები ვერ გამძღარან მამის ცქერით. მაგრამ სანდრას ვინ აცლის, დილიდან დაღამებამდე ქვეყანა ირევა მათ სახლში.

ხატულასაც არაეინ უსაყვედურებს, სამუშაოზე რატომ არ დადიხარ, არსად სჩანხარო. იციან, შინ არის. მაგრამ ალექსისთან ყოფნას არც მას აცლიან, დილიდან დაღამემდე არ ილევა მომსვლელ-წამსვლელი.

აი, რახანია შუალამე გადავიდა. ალექსი აცილებს მეგობრებს.

— ხვალ ათისთვის გიცდი რაიკომში, — თხოვნით უმეორებს ვაჟა წასვლისას.

— ხვალ კი არა, დღეს, — იღიმება სახეგაბადრული ხელაშვილი.

— ჰო, დღეს! — უხარია ალექსის. აი, დახედავს ბიჭს, მერე ცოტას წაიძინებს და ათ საათისთვის მივა რაიკომში...

გულგაღვლილს დასძინებია სანდრას. რამ გაუჩინა წარბებშუა ეს ნაოჭი? სასაცილოა, როგორ საქმიან იერს აძლევს ეს პაწაწინა ნაოჭი, და სასაცილოა, რა ცხარედ იცავს ნათქვამს ეს ბიჭი, ცხარედ და საზრიანად. დამოუკიდებლობას იჩენს, ვაჟკაცობს ჩემი ჩიორა...

ფეხაკრეფით გამოტრიალდა, საძილე ოთახში შევიდა. ეგონა, ხატულასაც დაეძინაო, და ფრთხილად გადასწია საბანი, ჩუმად შეწვა ლოგინში.

ხატულა თვალდახუჭული წევს და მის უსაზღვრო, უკიდევანო სინარულს ნიღაბის მსგავსი, უსიცოცხლო სახე ჩრდილავს.

— ხატო, რა იყო? — კარგა ხნის მერე პკითხა ალექსიმ.

— რაზე შეკითხები?

— დაიკვნესე...

კედლის საათი სინუმეში ხმამაღლა ითვლის ჯამის მაჯისცემას.

— გაწუხებს რაღაცა, — თქვა ალექსიმ, სათვალავი რომ დაეკარგა.

ხატულამ არ უპასუხა.

ალექსის შესცივდა.

ღია ფანჯარაში ღამე იყურებოდა.

სინუმე და ოთახში შემოჭრილი ღამე უშლიდა ალექსის. ნელა წამოდგა, წყალი დალია. უცაბედად ჭიქა ლამბაქს დაახალა. მიაყურა. სანდრას ოთახიდან ჩამიჩრუმი არ ისმოდა. არც ხატულა განძრეულა.

ალექსიმ დარაბა დახურა და ისევ დაწვა. მოეჩვენა, რომ ხატულა შორს არი, ძალიან შორს. ახლა დახურული დარაბა უშლიდა. სულს უხუთავდა.

— მთელი სიცოცხლე სხვის შეცდომებს დაათრევ ზურგიტ... — დაილაპარაკა ხატულამ, თითქოს ადრე დაწყებული ლაპარაკი განაგრძო. ეს არ იყო ბუნებრივი, და ალექსი იცდიდა.

— მთელი სიცოცხლე სხვის უნამუსობაზე აგებ პასუხს... — თქვა ხატულამ.

რაღაცა მოახლოვდა.

— ზოგი საკუთარი შეცდომის საზღაურსაც ვერ უძლებს...

„ვინ“? — ვერ მოსწყვიტა ენას, უხმოდ იკითხა ალექსიმ.

— შენ ძალიან დააშავე... — თქვა ხატულამ.

„რა, რა?“ — ისევ უხმო იყო ალექსის კითხვა.

— დამჩრვიე გულახდილობას... მაზიარე უსაზომო სიკეთეს, ჭერ-შიმყოფის თანაგრძნობას, პატიებას... — თქვა ხატულამ.

„პატიება — ამნისტიაა. ამნისტია — დაწერილი კანონის დარღვევის პატიებაა. დაუწერელი კანონის დამრღვევი არ ისჯება, მისი პატიებაც გამორიცხულია“, — გაუკრთა გონებაში ალექსის.

— უკურნებელი სენით შეპყრობილი ვნახე ის კაცი და შემეცოდა... ვუთანაგრძნე, ვაპატიე...

„ვინ კაცი? ვის რა აპატიე?“ — უხმოდ აყვირდნენ კითხვები, დაუჭიმეს კუნთები, ძარღვები, სახსრები, კანი.

— ყველაფერზე მძიმე სენი შეჰყროდა — სიმარტოვე. სიმარტოვე თურმე ადამიანის სახეს ნიღაბივით ხდის, და ნიღაბი სიკვდილის ნატვრას გამოხატავს... და შემეცოდა. ვაპატიე...

— შენ უნდოდი? — ამოაძრო კითხვა ბაღღამით გატენილ ყელს.

— მე არც კი, შვილი...

— შვილი?

— და ვერ გაუძლო საზღაურს. სიკვდილის ნატვრა შეისრულა, იქ, შორს, მთებში... მკვდარიც ვერ იპოვნეს და... მეცოდება.

ალექსის თვალებმა სატულას სახესთან გაიკრთომეს, მერე მოშორებით გაიკრთომეს, მერე საწოლის ფერხთით დამდგარ სილუეტს ჩაეკერნენ. და ხატულამ გაიგონა:

— ჰაერზე გავივლი, ხატო. შენ ბუნებით რომ არ ჰყოფილიყავი მართალი და პატიოსანი, სხვა ვერაეინ გაზიარებდა კეთილ თვისებებს. იყავ ასეთივე ბოლონდე. ყველაზე მეტად ჩემს ცხოვრებაში ჩვენი ურთიერთობის სასაცელი დაბოლოება შემზარავდა. ცოტას გავივლი ჰაერზე...

თვალებმა ერთხელაც გაიკრთომეს შორს, კართან და კარი ჭრიალით გაიღო...

...უთენიის სუსხი მოლილისფრო ტალღებად მიეძალა ოთახიდან გამოსულს. მან ისე ღრმად ჩაისუნთქა გრილი ჰაერი, რომ შავი სატინის ხალათი სალტესავით შემოეკრა მის განიერ გულ-მკერდს. თავი თალიანი აივნის სვეტს მიაყრდნო და დასალიერს გახედა. იქ ჯერ ისევ ღამე იყო, მაგრამ ის ხედავდა ერთმანეთზე მიჯრით მილაგებული მთების ქარგას. უკუნეთშიც დაინახავდა — ისეთი ნაცნობი იყო ის ქარგა. მთების გამოღმა, ხელისგულივით გაშლილ ველზე ალავერდი ილანდებოდა, და მისი სითეთრით შემკრთალი ბინდი უღიმღამოდ ეურჩებოდა გათენებას, ფერწასული ედებოდა ველისპირა ღობეყორეს, სახლებს, ხეებს, ბუჩქებს.

სადღაცა მჭახედ იყივლა მამალმა.

სადღაცა ძაღლმა წამოიყეფა.

ალვის ხეზე ყვავმა წამოიჩხავლა.

საკვამურები უსაქმურად ისხდნენ სახურავებზე — ადამიანებს ეძინათ ჯერ.

ჰო, ყველაფერი ისე იყო, როგორც უნდა ყოფილიყო — თვალმი-

საწვდომი სამყარო მშვიდობიან ღამეს ითევდა. და ალექსიმ ნელა ჩაიარა კიბე. მიწაზე დავარდნილ გამხმარ ფოთოლს შეასწრო თვალი, დასწვდა და აიღო — ის ხომ ჭადრის ტოტზე უდარდელად მოშრიალე უნახავს... გზა განაგრძო. წყაროს გალვიძებოდა. გასიფრიფანებული ყინულის ნაბზარებში ამოხეთქილი წვრილი ნაკადები ბროლის ციგურებზე შემდგარი ეშმაკუნებივით მისრიალებდნენ ქვიდან-ქვაზე, ქვიდან-ქვაზე და მოსახვევში უჩინარდებოდნენ. წყაროს უბეებში შერჩენილი თოვლის ჩამუქებულ ქუფთებზე ენძელეები ტრიალებდნენ, ენძელეების..

მან ქვიშით მოიხეხა დიდრონი, ძარღვიანი ხელები, პეშვით შეისხა სახეზე წყალი, სველი ხელი გადაისვა საფეთქლებთან შეთეთრებულ თმაზე, საკინძქეშესნილ მკერდზე და წელში გასწორდა. შეიცადა სანამ სიო შეუშრობდა აწითლებულ-ახორკლილ კანს და მერე ისევ განაგრძო გზა. მალე გვერდი უქცია თემშარას, ფერდობს აჰყვა. მანძილი დაიმოკლა და დროც დაზოგა. იცოდა, სხვა არავინ და არაფერი, მხოლოდ დრო იყო სიკვდილ-სიცოცხლის მომრიგებელი და სიკვდილისთვის კი ენანებოდა სიცოცხლის ყოველი წამი...

ფერდობის ქიმზე წამომდგარ ნამეხარ მუხას რომ მიაღწია, დადგა და პირი იბრუნა.

გარიჟრაჟი ოქროს ხაზებით დატიხრული ფერადი მინანქრის ხატივით ეკიდა სივრცეში და თეთრი კელაპტარივით იწვოდა ალავერდი.

ის უძირო და უკიდევანო, ის ხელთუქმნელი და მიუწვდომელი ხატი აღიარებას მოითხოვდა, და ეს კაცი ალბათ წარმართი იყო, ალბათ შორად-შორეულ წინაპრებმა დაანათლეს თავისი რელიგია — გარესამყაროს აღქმის საწყისიდანვე ბავშვი — ბავშვურად, ჭაბუკი — ჭაბუკურად, კაცი — კაცურად უჩინრად და უთქმელად აღიარებდა ამ რელიგიას...

და ახლაც... ბუდის კიდეს მომდგარი მისი შუქიანი თვალები, უბრალო რუხი ქვიდან გამოთლილივით მისი სახე — მწუხარე ზოლებით მოხაზული და უხეში ნაჭრილობევით საფეთქელთან; მთელი სხეული მისი — დიდი, ვაჟკაცური და ნატანჯი; სული მისი — ძლიერი და ნაზი, ბრძენი, კეთილი და თავისუფალი, და მთლიანად ის — უძრავად მდგომი და მოწყვეტილი არსებითობას, შეუკავებელი სწრაფვით მიილტვოდა იქით, სადაც დიად იღუმალეებაში იბადებოდა ახალი დღე...

„მხოლოდ ხელთუქმნელ მშვენიერებას შეუძლია აზიაროს მოკვდავი მარადისობას...“ — გაუკრთა ფიქრი და უცებვე გაწყდა:

— მა-მით!.. — ააკანკალა პაერი შორეულმა ძახილმა.

ტივთასავით ეცხელა ალექსის ეს ძახილი. არ უნდა გაეპასუხოს, არა, თორემ ეს იქნება ამტანობის ის წვეთი, რომლის იქით აღარაფერია...

ლოდზე ჩამოჯდა და ტუჩები ჩარაზა.

— მა-მით! — მოჰყვა ბიჭიც მოახლოებულ ძახილს, სირბილისაგან სულს ძლივს იბრუნებდა.

— უჩემოდ რად წამოხვედი, პა? რატომ არ გამადვიძე? მე უშენოდ აქ ერთხელაც არ ამოვსულვარ, აქაც და ყველგანაც, ყოველთვის შენთან მინდა ყოფნა, შენთან, ეს როგორ არ გესმის?

სანდრაც ლოდზე ჩამოჯდა, მამის გვერდით. აკეცილი მუხლები მკლავებით შემოისალტა, შორეული მთების ტეხილ ხაზს თვალი გაადევნა და ხმადაბლა თქვა:

— მინდა მეც გონჯაურა დამიძახონ, რამდენი ათასჯერ უნდა გითხრა?.. — და მცირე დუმილის შემდეგ, ურღვევი სიმტკიცით, როგორც ოდესღაც ალექსიმ უთხრა თავის მამას, „არ წამოვალ“, ისე გაუმეორა: — მინდა მეც გონჯაურა ვიყო! ნუ ხარ ჩუმად, მითხარი რამე.

ის გაჩუმებული იყო იმიტომ, რომ სიხარულისაგან გულატკიებულს ხმის ამოღება ეძნელებოდა, თვალმოუშორებლად მისჩერებოდა დასალიერს და ხედავდა:

მზემ მთებისგაღმდიან სხივების ლეგიონები ამოისროლა და აალებულ სივრცეში სანდრასტოლა გოგო-ბიჭებად ქცეული ლეგიონები მოისწრაფოდნენ ნამეხარ მუხისკენ, მოჰქონდათ ახალი, სხივფენილი სამყარო, და მოუძლოდა მათ ოს — ერთ-ერთი გარდასული ცხოვრების ქარტეხილში, უკვალოდ შთაშინთქავ ჭანჭრობისპირას მის გულის ძახილზე რომ გამოეცხადა ღვთიშობელ დედასავით — ხელში ბავშვით... და ეს საოცარი ხილვა თითქოს უდასტურებდა განვლილი ცხოვრების უზენაეს გამართლებას...

— მამი, შენ ხო გჯერა ჩემი? დამიჯერე, მე ვიქნები გონჯაურა! მითხარი რამე, რათა ხარ ჩუმად, რათ?

გაჩუმებული იყო ალექსი. იმიტომ, რომ ილეთაქსას წამალმა ვეღარ მოუზომა ასატანი სიხარული.

**ს ა რ ა ბ რ ი**

<b>ნაწილი პირველი</b>	<b>3</b>
<b>ნაწილი მეორე</b>	<b>97</b>
<b>ნაწილი მესამე</b>	<b>167</b>

# ДОНЖАШВИЛИ ТИНА ГЕОРГИЕВНА

ГОНДЖАУРА

Роман

(На грузинском языке)

Издательство «Мерани»

пр. Руставели, 42

Тбилиси

1988

გამომცემლობის რედაქტორი ნ. ლომაძე  
მხატვარი ა. თოდრაია  
მხატვრული რედაქტორი ჟ. ზენაიშვილი  
ტექნიკური რედაქტორი დ. რაზმაძე  
კორექტორები: რ. გოცირიძე, ნ. ლომაძე  
გამომწვევი ნ. ხაეთასი

ს. ბ.—3994

ჩაბარდა წარმოებას 12.01. 88 წ. ხელმოწერილია დასაბეჭდად 28.07.88 წ.  
ზე 06807 ფორმატი 60X84<sup>1</sup>/<sub>16</sub>. საბეჭდი ქაღალდი № 1. გარნიტურა ჩეუუ-  
ლებრივი. ბეჭდვა მაღალი. პირობითი ნაბეჭდი ფურცელი 16,28. სააღრი-  
ცხვო-საგამომცემლო ფურცელი 14,35. პირობითი საღებავგატარება 16,28.  
ტირაჟი 20.000. ეგზ. შეკვეთა № 201.  
ფასი 1 მან. 10 კაპ.

გამომცემლობა „მერანი“, თბილისი, რუსთაველის 42.  
საქართველოს სსრ გამომცემლობათა, პოლიგრაფიისა და წიგნით ვაჭრობის  
საქმეთა სახელმწიფო კომიტეტის თბილისის ი. ჰეკელიძის სახ. წიგნის  
ფაბრიკა, მეგობრობის გამზირი № 7.  
Тбилисская книжная фабрика им. И. Чавчавадзе Государственно-  
го комитета Грузинской ССР, по делам издательства полиграфии и  
книжной торговли, пр. Дружбы № 7.